



Digitized by the Internet Archive
in 2019 with funding from
Getty Research Institute

<https://archive.org/details/vetuslatiumprofa08corr>

VETUS LATIUM PROFANUM TOMUS OCTAVUS

IN QUO AGITUR

DE TUSCULANIS ET ALGIDENSIBUS

AUCTORE

JOSEPHO ROCCO VULPIO

SOC. JESU SACERDOTE.



ROMÆ. CIOIOCCXLII.

Excudebant BERNABÒ, & LAZZARINUS.

SUPERIORUM PERMISSU.

EMINENTISS. AC REVERENDISS.

P R I N C I P I

FRANCISCO
BURGHESIO

S. R. E. CARDINALI AMPLISSIMO

JOSEPHUS ROCCUS VULPIUS SOCIETATIS JESU
Felicitatem .



USCULANORUM, atque Algiden-
sium, qui fuere Tusculanis con-
termini, vetera Monumenta editurus, FRAN-
CISCE BURGHEISIE Cardinalis Amplissime, Tuo
illa nonnisi Nomini inscripta emittere, quare

apud me constituerim, jure optimo latere neminem existimaverim. Quis enim Burghesiam Gentem, atque adeo Familiam Tuam Generosissimam, Tusculanæ hodiernæ magnificentiæ, amœnitatis, deliciarum, partem potissimam esse, ignoraverit? Splendidissimas, inquam, Villas a Majoribus Tuis excitatas, easdemque excultissimas, quæ rusticantem Romam in Tusculano usque adeo sui admiratione defigunt, & suspensam detinent; ut pedem obtutumque ab illis avellere, diuturnam ipsam post earum contemplationem, non nisi ægerrime patiatur. Certe si nostræ hujusce ætatis aliquid in hoc genere cum Antiquorum magnificentia, molibus, amœnitate, lautitia, copia, opibus, deliciis denique omnibus, certare videatur; Burgesium id Tusculanum erit procul dubio. Sive enim vastarum villarum ingentes moles & substructiones inspexeris; sive earum ipsarum copiosissimos apparatus; sive Hortos cultis-
simos,

simos, in quibus Pomonæ ac Floræ certamen; seu immensas, ex alia in aliam villam, arboribus hinc atque hinc tonsilibus, ac pro muro veluti constitutis, ambulationes, & gestationes, protectaque a solibus itinera, vel ipso oculo dimetiri conatus fueris; seu topiarios in viridariis mira artis excellentia compositos lusus aspexeris; sive denique ornithonas, leporaria, cicurum, ac ferarum etiam bestiarum septa attenderis; Lucullanarum in hoc ipso Tusculano Deliciarum instar multum in Burghesiis Villis inveneris. Nam ad amplitudinem quod attinet, quæ in Lucullanis pene incredibilis memoratur; Burghesia ipsa Prætoria Lucullæis ut concesserint; attamen Burghesiana prædia, atque adeo oppida, quæ Tusculanis villis continuantur, exculta hæc eadem pene villarum in modum, Veterum sane Prætoriorum Lucullanorum, quantumvis amplissimorum, spatia prætergrediuntur. Montes, dico

*Porcium & Compatrum, Gentis Tuæ, Cardinalis amplissime, in ditio-
ne positos in Tuscu-
lano; quorum in agris felix illud est Cereris
revera, Bacchi, atque Pomonæ certamen, quod
Plinius Campaniæ tantopere est gratulatus.
Est igitur, cur mea hæc Veterum Tusculano-
rum monumenta Tuo Nomini consecrarem,
caussa & ratio, apta illa quidem ac peroppor-
tuna; quod eorum splendorem, ac intermor-
tuam, & tantum non consepultam omnino, tot
jam sæcula, eorumdem memoriam, atque ima-
ginem, Gens Tua generosissima novo cultu su-
scitaverit, restituerit, ac pene etiam fuerit
æmulata. Quantumcumque enim mihi Anti-
quorum Operum superstes fama divitias inge-
rat, jactet, ostendet suas; Burghesia nihilomi-
nus Tusculana Prætoria, (ut de suburbanis
vestris Pinciis, de Nomentanis, de Laurentinis,
aliisque quamplurimis in Latio, Sabinis, Pe-
lignis, atque alibi constitutis, nunc sileam)*

Pontificiam omnia, & Regiam in omnibus Majestatem, & munificentiam præferre, nemo unus inficias iverit. Accedit ad hæc, Princeps Eminentissime, quod ego in eam Sacram Familiam, singulari Supremi Numinis beneficentia, ab ineunte usque ætate, fuerim cooptatus, quæ Paulo Quinto Burghesio Romano Pontifici Optimo Maximo Gentili Tuo plurimum debere semper professus fuerit. Societatem Jesu, inquam, auctam a Benevolenti Pastore Summo pluribus per Italiam Collegiis & Domiciliis, Ejus auctoritate ac suasionibus beneficentissimos per Fundatores erectis. Privilegiis quoque & Immunitatibus. utpote quam difficilibus temporibus, proprio quoque dispendio ac detrimento non minimo, addictissimam semper sibi, ac Sacrosanctæ Romanæ Sedi, ut par erat, spinosas inter exortas supremis cum Principibus controversias, fidem atque obsequentem pene unice expertus fuerat.

Quam-

*Quamvis enim antiqua hæc , ingrato cuiquam
atque obliuioſo, & nimis vetuſta videri poſſint;
quæ poſt ſæculum , & eo amplius , elapſum ,
commemorentur , atque pro illis , Paulli Poſte-
ris ſeræ gratulationes ac gratiæ habeantur ,
& referantur ; non erunt idcirco unquam talia
ſapientibus exiſtimanda . Præcipue cum , pe-
rennia ea beneficia , quæ nobis Optimus Ponti-
fex contulit , in hanc ipſam ætatem perdurent ;
ut proinde & antiqua eadem & recentiſſima ,
utpote præſentia , merito cenſenda ſint . Cum
itaque Veteris Latii Hiſtoriæ Libros Ampliſſi-
mis omnes S.R.E. Cardinalibus inſcribere con-
ſueverim ; Tuſculanos Tuos , qui hic illuſtran-
tur , in clientelam Tibi Do , Dico , Addico ,
etiam atque etiam commendo . Quorum Pa-
trocinium ab ſumma Humanitate Tua , & in
Bonas Literas , Artes , ac Diſciplinās , pro-
penſione ſingulari , ſuſcipiendum fore , confido .
Tu enim , Cardinalis Ampliſſime , in ſplendi-*

da usque adeo fortuna & ridenti quam maxime natus & educatus, avito nihilominus splendore minime tumens aut gestiens, quem quasi alienum reputabas, propriis virtutum meritis, post Pontificii Palatii, & Cubiculi honorificentissimas Præfecturas, inter Purpuratos S. R. E. Patres & Cardinales, florenti adhuc ætate, es evectus: inque sublimi adeo dignitate constitutus, majorem tamen illa Te cunctis præbes; humanissima comitate ac popularitate Tuacharus omnibus, & omnium plausibus ubique exceptus. Læta igitur fronte Libellos hosce meos in Tuum confugientes sinum exceperis; sisque, quod imploro, studiorum meorum GRANDE DECUS COLUMENQUE. quotiesque a gravissimis Christianæ Reipublicæ procurandis negotiis intentum assidue animum necessaria cessatione parumper avertis, eosdem Commentarios in manus sumere, & lectitare ne dedigneris; optime conscius, Venerabilis Antiquitatis studium

Et cognitionem , nedum non abhorrere a viro Principe , verum etiam , quanto quisque celsiori ac sublimiori loco Et gradu fuerit elatus , illi cum primis jure optimo convenire . Quod si , hoc de vetusta vel remotissimarum a nobis regionum historia verum fuerit asseverare ; quanto justius idem de nostris hisce , in quibus nati sumus , atque versamur , veteribus monumentis cognoscendis dicendum sit Et existimandum , nemo non videt . Nescire enim quid antequam natus sis , factum fuerit , hoc est semper puerum esse ; de Tullii præclarissimo testimonio ; vel hospitem semper in sua patria agere ; quod antiquorum pariter in re nostra adagium fuit .

Ceterum , quamquam hæc Veteris Latii Historiæ Pars , neque a rerum , quas narratione complectitur , dignitate , neque ab auctoris , qui easdem collegit . atque contexuit , tenuitate , jucunda Et grata Tibi accideret , Cardina-

lis Amplissime (quod tamen futurum non dubitamus, Humanitate Tua nobis abunde perspecta freti) in clientelam tamen Tuam istam, ipsam Historiam cum Scriptore suo a Te suscipiendam perbenigne, certo confidimus; quod ea Petro Marcellino Corradino Cardinale Amplissimo, Burghesiæque Gentis amicissimo, Operis universi Institutore & Inventore Primario sese tueatur atque commendet. Is enim studiorum meorum Mecænas, idemque Veteris Latii monumentorum Patronus, quemadmodum alias aliis, Collegis Tuis præstantissimis, Operis nostri partes, congruis sane titulis, ut inscriberem, ita hanc Tibi de Tusculanis Tuis, ut consecra-rem, auctor mihi esse locupletissimus voluit.

Diligit enim Vir sapientissimus Tusculanos suos quam qui maxime, tum aliis de causis pluribus antiquioribus; tum vero maxime omnium, quod eorumdem aliquot abhinc annis Sacer Antistes fuerit creatus. Vetera proinde

Tusculanorum ipsorum Monumenta, quæ ad eorum gloriam & amplitudinem patefaciendam conferant plurimum, a me suo jussu in unum collecta, & apto narrationis ordine disposita, in honorificentissimo Patrocinio Tuo collocari, summinopere approbat ac lætatur. Præcipue cum profana hæc monumenta ad sacram de Locis iisdem Historiam scribendam, viam sternere, plane constet.

Fave igitur, Humanissime Princeps, ac perlege .namque

*Invenies isthic loca sæpe domestica vobis,
Et quorum pars magna Domus Burghesia nunc est.
Non enim sine liquida aliqua voluptate futurum puto, Præscorum Romanorum, in his ipsis Tusculanis vestris deliciis quondam rusticiantium, vestigia relegere. Quemadmodum enim de Trojanis decenni obsidione in speciem solutis Græcorum Castrorum vestigia relegendibus inquit Maro:*

Panduntur portæ ; juvat ire ; & Dorica Castra ,
Desertosque videre locos , litusque relictum .
Hic Dolopum manus ; hic sævus tendebat Achilles.
Classibus hic locus . hic acies certare solebant .

*Sic & de nobis Antiquorum in Tusculanis istis
Vestris vestigia inquirentibus , & potiori qui-
dem ratione , quippe omni prorsus periculo pro-
cul , perquam apte dici possit , quoties ab Urbe
isthuc proficiscimur :*

Panduntur portæ ; juvat ire , & Tuscula rura ,
Desertosque videre locos , camposque relictos .
Hic juga Telegoni Circeja stirpe creati
Surgebant fabricata manu , munitaque quondam .
Hic stetit intonsi tam frugi villa Catonis .
Deliciis hæc Luculli quondam omnia plena .
Huc novus Arpinas congefferat ornamenta
Signorum ; huc Libros , silvas , saltusque Lycæi
Finibus e Graiis transvexerat : hic latitabat ;
Publica Civili dum Res ferveret æstu ;
Se involvens virtute sua ; vulgoque remotus ,
Maxima , ceu fidis arcana sodalibus , olim

Credebat Libris ; neque si male gesserat usquam
Decurrens alio ; neque si bene . quo fit , ut omnis
Votiva pateat veluti descripta tabella
Vita senis .

Sic liceat tota passim regione vagari ;
Vix ullum antiquo cum sit sine nomine saxum .

*Sed jam non ultra abutar patientia Tua , &
benignitate , Cardinalis Amplissime . Unum
itaque exorans : numero me adscribe Tuorum ,
finem facio : Fausta Tibi interea omnia dexte-
ro semper a Numine , Tuisque apprecatus ex
animo , Sacraeque Decus Purpuræ exosculatus .*

*Romæ ex Gregoriano Sancti Athanasii Magni Collegio Kalendis Ja-
nuariis a Christo Nato CIOIDCCXXX.*

LECTORI BENEVOLO

Josephus Roccus Vulpus Societatis Jesu Sal.



IN Tusculanum, five potius in Tusculana Rura amoenissima, te mecum conferre, ne pigeat, Lector Benevole. neque enim longum tibi ab Aricinis, post Albanos, proxime perlustratis, iter est conficiendum; & confecti precium abunde capturus es celeberrimorum Veterum Tusculanorum monumentorum cognitionem. Profecto qui Tusculanas, perennes semper ac vividas Delicias delibent, plurimi sunt. imo fere omnes, quotquot Romanæ Urbis Sanctitatem, vetustatem, magnificentiam, opes, dignitatem, præsentem admiraturi, ad illam contendunt; totidem ferme Tusculanas, saltem cursim, *Καὶ ἐφ' ἡμέραν*, Delicias, tam Suburbanas, invisere non prætermittunt. Vix tamen pauci, quos æquus amavit Jupiter, atque ardens evexit ad æthera virtus, subsistere aliquantisper sustinent, & immorari, in Veterum Tusculanorum monumentorum aliqua investigatione. Vel enim venerabilis Antiquitatis recolendæ nullo tanguntur amore; vel introspiciendæ ejusdem paullo attentius, tempus non suppetit, ad alia semper atque alia loca invisenda & percurrenda definitis modicis conclusis spatiis approperantibus; vel denique sumtuum faciendorum in mora, in equis, in antiquariis, ceteroque apparatu, ad vetera cognoscenda minutius, copia non subest. His igitur incommodis omnibus hinc seclusis, tempestatum quoque injuriis, quæ hujusmodi lustrationum comites semper, aliquatenus saltem, fidissimæ sunt ac pernecessariæ; Tusculanorum hic minutatim, atque accurate vestigata, detecta, excussa, digesta, disposita, illustrata vetera monimenta pacatissime poteris perlustrare. Et, si forte percurrisse semel non satis fuerit, & immorari juvaverit usque & usque; integerrimum id tibi erit: quæ commoda Librorum sunt. Neque tantum perlegere Tusculanorum Historiam; verum & eorundem Moles vetustas magnificentissimas, nondum omnino ac funditus dissipatas; quas hic æreis Tabulis repræsentari curavimus, præsens veluti oculis usurpare poteris. Conferre quoque veterum in Tusculano villarum magnificentiam, cum præsentium amœnitate; atque, utræ utris præferendæ veniant, forte decidere. Plurimis quidem

Georgi c. 4. v.
127. & pro-
xim.

Georg. 2.
v. 412.

Georg. 4. v.
132. & seqq.

dem ac fere innumeris antiquitus Prætoriiis, Prædiis, Ruribus, Villis, Fundis, Tusculanus Ager, maxime qua Romam spectat, fuit confertissimus, Strabone teste. Inclaruere tamen merito præ cunctis ceteris, Luculli, Ciceronis, & Catonis; tum de Minorum suorum clarissimis nominibus, & celeberrima fama; tum molibus, vastitate, supellectile, divitiis atque deliciis. Et Lucullanum quidem magnificentia, Ciceronianum eruditione, Catonianum frugalitate potissimum excelluerunt. Per hæc quoque tempora, quamquam villis cultissimis plurimis Ager idem sit frequentissimus; ordines tamen ducere, nemo negaverit, tres illas speciosissimas, *Burgbesiam*, *Pamphiliam*, & *Ludovisiam*. quarum *Burghesia* Luculli magnificentiam, *Pamphilia* Ciceronis elegantiam, *Ludovisia* Catonis commoda adumbrare, videri possint. Catonianæ tamen Tusculanæ villæ frugalitatem & domesticam utilitatem, & copiam, nullam ex Tusculanis præsentibus imitatum, crediderim, aptius, quam *Piscatoriam*, ab *Petro* cognomento *Piscatore* Patricio Romano sic vocitatum. Cujus viri mihi & Societati Nostræ Universæ amicissimi memoriæ ac virtuti testimonium hic opportunum omisisse, fas & jura vetant. Quoties enim, dum Tusculi immorarer, vidi illum, veluti Virgilianum senem Corycium, Oebaliæ sub turribus altis, cultissimos hortos colentem? Ille Poetæ ejusdem præcepti memor: *Laudato ingentia rura, exiguum colito*, totus in Suburbano suo Tusculano haud ita vasto excolendo erat. & quamvis Alexandri VIII. Pontificis Maximi magnus Oeconomus olim fuisset; Tusculi tamen, multis jam ab hinc annis, aula, strepituque Romæ valere jussis, maximam vitæ partem debebat. hic

*Regum æquabat opes animis: seraque revertens
Nocte domum, dapibus mensas onerabat inemtis.
Primus vere rosam, atque autumnos carpere poma.
Et cum tristis hyems etiam nunc frigore saxa
Rumperet, & glacie cursus frænaret aquarum;
Ille comam mollis jam tum tondebat acanthi,
Æstatem increpitans seram, zephirosque morantes.
Ergo apibus factis idem, atque examine multo
Primus abundare, & spumantia cogere pressis
Mella favis: illi tiliæ atque uberrima pinus:
Quotque in flore novo pomis se fertilis arbor
Induerat; totidem autumnos matura tenebat.
Ille etiam seras in versum distulit ulmos,*

*Eduramque pirum, & spinos jam pruna ferentes,
Jamque ministrantem platanum potantibus umbras.*

Piscatoris enim nostri villa, quemadmodum Tusculanæ reliquæ solent esse,

*Non otiosis ordinata myrtetis,
Viduaque platano tonsilique buxeto,
Ingrata lati spatia detinet campi;
Sed rure vero barbaroque lætatur.
Hic farta premitur angulo ceres omni,
Et multa fragrat testa senibus autumnis.
Hic, post Novembres, imminente jam bruma,
Seras putator horridus refert uvas.
Vagatur omnis turba sordidæ cortis,
Argutus anser, gemmeique pavones.
Rhodias superbi feminas premunt galli.
Sonantque turres plausibus columbarum.
Gemit hinc palumbus, inde cereus turtur.
Avidi sequuntur villicæ sinum porci.
Cingunt serenum lactei focum vernæ,
Et larga festos lucet ad lares silva.
Hic tendit avidis rete subdolum turdis
Aut impeditam cassibus refert vulpem.
Exercet hilares facilis hortus urbanos.
Nec venit inanis rusticus salutator.
Fert ille ceris cana cum suis mella,
Metamque lactis, Tusculumve porcellum.
Somniculosos ille porrigit glires,
Alius coactos non amare capones;
Et dona matrum vimineo ferunt texto
Grandes proborum virgines colonorum.*

*Ex Martial.
ep. 58. lib. 3.*

Duplici itaque villa Piscatorium Fundum Tusculanum, in nova Tusculana via situm, sinistro adscendentibus latere, undecimo ab Urbe lapide, e regione Villæ Ducis Sorani, loco, qui Servii Galbæ Villam olim ex parte, tenuisse creditur, duplici inquam villa, gaudentem videre est. Æstiva altera, altera hiberna. mundities utrobique, & supellex apta. picturæ etiam perpulchræ parietes vestiunt; quod tamen frugale putes. Fundus totus non ille quidem amplissimus, sed tamen amplus; utilis omnis, & fructuosus. namque & Hortis, & Vineis, & Pomariis, Pratis quoque modicis, & Arvis distinguitur. nec

defunt filvulæ . Culta omnia . Si florum copiam vestibulum ante ipsum inspexeris , hic ver assiduum ; si pomorum , autumnus perpetuus . nam, præterquamquod vix non rumpuntur pondere rami ; passim sua quæque sub arbore poma , mirabili insitione novata , ac variata . Irrigui autem & in declivia constituti horti oleribus in dies copiosissimi . Porro ipse dominus hilari semper vultu occurrere nobis limen ad ipsum consueverat , qualis Horatianus ille *Beatus , qui procul negotiis , & omni solutus fenore , forumque vitans & superba civium potentiorum limina* . aut Claudianius ut alter senex , *Felix , qui propriis ævum transëgit in arvis , Indocilis rerum , vicina nescius urbis* . Sulcos quidem & vineta crepantem mera audivisses ; verum antiquæ probitatis virum , uxorio jamdiu imperio absolutum , sed tamen patrem atque avum . Hunc veluti majorem Catonem alterum de Re Rustica præcepta tradentem in Tusculano adibant quotquot agricolendi tangeret cura . Ipse autem quoties magnificentissimarum Tusculanarum villarum imensas fere moles cerneret ; sterilesque daphnonas & platanonas deambulare ; & summa impensa extructas piscinas , perforatis montibus , contemplaretur ; Horatianam exprobrationem ex animo adhibebat :

Epod. carm. 2.

Epigr. de Sen. Veron.

Od. 15. lib. 2.

*Jam pauca aratro jugera regiæ
Moles relinquent : undique latius
Extentæ visentur Lucrino
Stagna lacu : platanusque cælebs
Evincet ulmos . tum violaria , &
Myrtus , & omnis copia narium
Spargent olivæ odoræ
Fertilibus domino priori .*

Quoties autem & ipsas Romanorum splendidissimas villas deliciis affluentes in Tusculano , vacuas tamen fere semper videret , & solitarias & clausas , utpote dominis Romæ pallentibus in officiis Urbanis ; exclamabat :

*Quot Tusculanos imputat dies annus
Negociosis rebus Urbis hærenti ?
O fanitores villicique felices !*

Ex Martial ep. 30. lib. 10.

Dominis parantur ista ; serviunt vobis .

Denique , ut erat comis , villaque , ut dixi , utebatur , in limite novæ Tusculanæ viæ constituta ; vestibulum ante ipsum sedere identidem consueverat sub vesperum , composito jam die ; atque adeuntes Tusculum adversos excipere . a quibus omnibus veluti quoddam

Agri-

Agricolationis Præses ac Præfens Numen, salutabatur, & compellabatur amicissime. Ille vero ex iis plurimos, impedimentis onustos miseratus, & rhedis, & carrucis, in quibus tota ferme Urbana domus & penus imposita erat ad rusticandum, & transvasare coacta; ridere secum, atque in sinum despuere, hominum minimam providentiam, ac vix non insaniam; atque horum aliquem sic leniter compellare:

Pol! tu sub Urbe possides famem mundam.

Et turre ab alta prospicis meras lauros,

Furem Priapo non timente, securus.

Et vinitorem farre pascis Urbano.

Pictamque portas ociosus ad villam

Olus, ova, pullos, poma, caseum, mustum.

Rus hoc vocari debet? an domus longe?

*Ex Martial. ep.
38. l. 3.*

Decessit tandem in senectute bona & optima plenus dierum & veræ vitæ. quasi tamen non decesserit, vivit adhuc in Georgio filio honestissimo, non tam exculti prædii, quam virtutum, & frugalitatis in primis, optimi patris herede. Ceterum, si quis vetustas inter Tusculanarum villarum opes ac delicias, & præsentium copiam, velit comparisonem instituere; is operam minime lusus erit. quamvis enim laudamus veteres, nostris tamen utimur annis. Lucullanum in Tusculano fuerit magnificentissimum, vastissimum, ditissimum, delicatissimum; numquid Burghesianum pariter Tusculanum humile tibi videbitur, angustum, modicum, barbarum? Triplici illud villa distinguitur; *Mondraconia* excelsissima & amplissima; *Tabernia* opulentissima; *Villa Veteri* commodissima. Immensum fere spacium ambulacra & gestationes, daphnonas inter & platanonas, circum-eunt. quis fontium; quis statuarum, quis preciosæ suppellectilis omnis precium ipsum, copiam, numerum, raritatem, satis aestimaverit? Ciceronis Tusculanum fuerit ornatissimum; numquid non elegantissima subest modo Villa Pamphilia, ab Petro Aldobrandino Cardinali sub Clemente VIII. patruo Pontifice Maximo adificata in ascensu ac dorso Tusculani montis, tot ingeniosissimis aquæ ab Algido deductæ lusibus admirabilis? in qua merito inscriptum legimus ad Musarum & Apollinis hydraulica organa, fistulasque:

Huc ego migravi Musis comitatus Apollo.

Hic Delphi, hic Helicon; hic mihi Delos erit.

Opus fane Pontificia Majestate dignissimum, quemadmodum & Burghesianum a Scipione Burghesio Cardinali sub avunculi Paulli V.

R. P. auspiciis erectum . Geminis hifce Deliciarum ac Divitiarum compendiis Ludovisia fefe villa conjungit , quam modo Romana Comitum Familia nobiliffima poffidet . In hac admirabilis plane planities in monte æquata , & aquarum vis maxima hofpitum admirationem provocat . Has , tamquam Prima Capita , fequuntur nihilo , vel paullo certe minores Villæ , *Rufina* Falconeriorum , nuper ab Alexandro Cardinali non una ratione amplificata , & ornata ; *Ruffinella* Sacchettorum , nuperrime vero Collegii Romani Societatis Jefu , prope Antiqui Tufculi fedem ; *Aquaviva* feu *Montalta* Odefcalchiorum ; *Arrigonia* Rocciorum ; *Belpodium* , olim Vifcontia , nunc Pallavicinorum ; ac demum Boncompagnia Sorani Ducis . Et has fe-cutæ , ipfæ quoque perelegantes , Piccolominea Testarum , Cavalleria , Cavalletta , multis in Colle olim *Corne* , fita , Gabriellia , Cincia , Silvia , Vainia , Accorambonia , Minuccia , Contia , Campitellia , Pifcatoria , ubi olim Servii Galbæ . villulæ etiam Barigionia , Pafferina , Amadeja , Gavotta , atque aliæ perplures , in quas Vere Autumnoque fefe Roma transfert pene univerfa . Neque vetus Ciceronis Tufculanum incultum manfit ; verum Arce ibidem conflruéta , quæ dicitur *Crypta Ferrata* , frequentatur adhuc & celebratur . Sacra nempe Deiparæ Æde , atque Imagine prodigiis clara , Sanctorum Nili & Bartholomæi exuviis , picturis quoque elegantibus , & nuperimis Bafilianorum excitatis ampliatisque ædibus ; qui Græcanico Ritui , juxta tamen Romanæ Sedis adprobationem , facra peragunt , nobile eft & confpicuum , latiffimis circum undique viis umbrofa hinc atque hinc arbore confitis ; aquis quoque ærarias officinas & frumentarias molas juvantibus copiofiffime .

Quamquam autem internecino hofitium fuorum odio Vetus Tufculum & opes & gloriam , & cives , ipfamque fuam fedem , funditus excifam atque erutam , amiferit , tot jam fæcula : novi tamen Tufculi , nunc *Frafcati* facies vifu digniffima apparet . non enim amplius ibi fubitariorum ex frondentibus ramis tuguriorum , unde ruficum nonnen , veftigia ulla internofcuntur ; fed , modicæ licet , elegantes tamen domunculæ ubique ; lati & recti vici ; fpatiofæ areæ plures ; Domus Magistratum , five Publica , multum honefta ; Arx munda . Portæ urbis ornata , mœnia ex parte conflruéta . Sacræ ædes plures ; quibus adjuncta Sacerdotum & Religioforum hominum Collegia decem ; fcilicet Sacerdotum fæcularium , quos *Canonicos* dicunt , ad Divi Petri , ubi Tufculani Sedes Antiftitis ; Societatis Jefu ad Templum elegantiffimum eidem Sanctiffimo Nomini confecratum ;

Thea-

Theatinorum, ad *Caput Crucis*; Franciscanorum, Strictioris Observantiæ, quos vocant, ad Divi Bonaventuræ; Cappuccinorum; Scholarum Piarum; Sacrarum Virginum ad Beatæ Domitillæ; Camaldulensium, & Carmelitarum Reformatorum in Montibus Tusculanis. præter Fratrias opulentas e Tusculanis Civibus congregatas; quarum potissimæ ad Divi Petri, & Beati Rocchi, sive Sanctæ Mariæ in Vivario Luculli. Cum autem in Tusculanis Villis ingentia picturæ miracula, parietibus undique circumvestitis & cameris, sit admirari; Sacræ quoque in Tusculana Urbe ædes iisdem non sunt destitutæ. Quas inter, Opera Andreae a Puteo Societatis Jesu, in Templo ejusdem Societatis, juxta Tusculanum Collegium, nullus hospitem invisere ac suspicere prætermiserit.

Neque ultima præsentis Tusculanæ Urbis gloria fuerit, adeo e ruinis Veteris Tusculi exsurrexisse, atque emerxisse illam scilicet, ut proprio Sacro Antistite decorari, & ex Ordine quidem splendidissimo ac supremo S. R. E. Cardinalium, meruerit. Quam Sedem, quemadmodum ex antiquioribus semper Purpuratis Patribus unus tenet; ita Sanctissimi & sapientissimi clarissimique Pastores hætenus tenuere. Quos inter, nostra, ac Patrum memoria, Cardinales Otthobonus, mox Alexander VIII. R. P. Urfinus, deinde Benedictus XIII. pariter Pontifex Maximus, & Clemens XII. Corsinus, Supremus, dum hæc scriberemus, feliciter Christi Vicarius. item commemoratione dignissimi Cardinales, Tanarius, Otthobonus junior, & Petrus Marcellinus Corradinus Mecænas meus, qui Tusculanis modo Antistes sanctissime præest. quique stabilem quodammodo primus omnium Sedem Tusculanorum Antistitem habere merito dici possit. quod a Benedicto XIII. Tusculanam Arcem fruendam vita comite acceperit; cum hætenus Decessores vagi, nunc ibi, nunc illic, non exiguo adeuntium clientium incommodo hospitari, præ fixæ sedis inopia, debuerint.

Ex his itaque omnibus præsentis Tusculi dotibus, Tusculanique agri villis, deliciis quoque & amœnitate soli, ingenio cœli, & aeris temperie, vini bonitate & copia, frugum ubertate, incolarum & colonorum frequentia, Urbi propinquitate, quæ major est, quam Veteris Tusculi fuerit; ceterisque omnibus naturæ atque artis bonis, quæ numerare per singula longum nimis foret, (singula tamen adeuntes, & perpetuo rusticantes minime latent, aut possunt fallere) si quis Tusculanam Regionem præsentis tempore vetustis suis opibus ac deliciis, (utcumque æquare eas nequeat) minimum ta-

men

men jure invidere debere, pronunciaverit; is demum & sapiet, & mecum faciet, & æquissimo, profecto, Jove, judicabit.

Jam vero, non est, cur pluribus ingeram tibi, atque inculcem, Lector Benevole, quantum studii, temporis, atque operæ in eruendis, & pervestigandis, repræsentandisque hic diligenter, ac prout extant, Vetus Tusculanis his Monumentis, contulerim, atque impenderim. Cum & ex dictis hætenus, multoque magis, ex dicendis in ipsa Historia, constet satis superque, me, non cursim, aut obiter, ea fuisse scrutatum; sed pacate admodum, ac per ocium; non annuis modo autumnalibus rusticationibus, sapius Tusculi habitis; verum etiam biennio solido, quo ibidem ad humanioribus literis informandos Tusculani Seminarii, quod nunc maxime celebratur & floret, Alumnos & Convictores ab Tusculano Antistite Societatis Nostræ institutioni, curæ, ac disciplinæ traditos, subsistere jussus fui. Per id namque tempus quotidianus ferme Tusculanarum Antiquitatum inspector, & curiosus pervestigator eminus cominusque, latebras omnes inquirere non prætermisi.

Porro Tusculanis Algidenfes conterminos adjunximus. Et de Algidi sede varias opiniones discussimus; quemadmodum etiam de Antiqui Tusculi. Hujus tamen situs certior multo quam Algidi designari posse videtur. De ipso Algido nihilominus probabiliores aptioresque sententias, & conjecturas in medium attulisse, non prætermisimus. Tu ad Prænestinos me properantem & Gabinos; ad Tiburtinos demum & reliquos Latii Veteris Populos excisos sine vestigiis, descriptione complectendos, ubi Latii Nostri Terminus & Meta Ultima, favore tuo, tuaque humanitate, juva, Lector Benevole, quemadmodum præstitisti hætenus descriptis emissisque in publicum Libris. Ita enim ad Opus, non minimi sane laboris exiguique temporis, tandem aliquando, Dextro Numine, conficiendum, absolvendumque, ingentes animos feceris. Vale.

Antiqua Locorum, quæ in his Libris describuntur, Nomina cum recentibus collata.

Algidum, & Algidon Algidonis *regiuncula fuit Latinorum ultra Tusculanos Colles, in ipso limite Viæ Latinæ, Latium vetus ab Æquis, Volscis, & Hernicis, determinans. Algidum oppidum caput ejus erat, parvum quidem, sed loci natura munitissimum, utpote inter Montium claustra, faucesque, medium constitutum. Sedes ibidem Æquorum & Volscorum diuturnis contra Romanos bellis fuit. Circa, Mons Algidus Dianæ templo & vetustis lucis celebris. antiquum nomen ab algore seu frigore, quo laborat maxime regio, deductum videtur. Locis modo nomina Osteria, sive ex Gallico, Cava dell' Aglio, & Selva dell' Aglio, seu degli Algeri ultra dirutum oppidum La Molara circa Viam Latinam, Montes inter Tusculanos, Albanos, & Veliternos. Oppidani olim Algidini, Algidenfes, & Algidienses. Oppidum jamdiu in ruinis, ferme sine vestigiis, jacet. Distabat Roma, juxta Procopium, stadia cxx.*

Aqua Algidenfis, Algidina, Algidosa & Argentiana *ab Algido deducta, stagnumque efficiens modicum, inter claustra & fauces Tusculanorum, ac Veliternorum Montium, vulgo Lago della Cava dell' Aglio. inter Aquas ad Urbem perductas numeratur a Publ. Victore tertiadecima. Deducta iterum fuit a Petro Aldobrandino Cardinali ad Tusculanæ suæ Villæ delicias, sub Clemente VIII. R. Pontifice. dispergiturque eadem etiam ad alias villas, ipsumque recens oppidum Frascati. Fabretto dicitur Angelosa. Ejus iter a nobis hic describitur.*

Ad Decimum Locus in Via Latina sub Tusculo; *milliaria decem ab Urbe distans. respondiſſe creditur loco, aliis nunc Borghetto, aliis Osteria del Fico, aliis La Molara.*

Aqua Crabra *quasi scabra, sive aspera, ex Lacu Albano in septemtriones erumpit; Marinumque sive Marianum Oppidum alluens, fluvioli deinde instar, Romam petit, Via Tusculana. Hinc dicitur La Marana quasi Mariana. Celebratur Ciceroni, eo quod Tusculanum ejus olim irrigaverit. Eadem dicta est Damnata, quod Agrippa, in aliis perducendis ad Urbem, Crabram exclusit, suoque judicio damnaverit; sive quia Scabra, & aspera erat; sive quia, ut melius Frontinus ipse, Tusculanis possessoribus relinquendam credebat.*

Aqua

Aqua Tepula in Agro Tusculano scatens, a M. Agrippa inter alias collecta, & Romam perducta cum Julia simul. Deducta fuerat primo usque in Capitolium a Censoribus Cepione & Longino, ut apud Frontinum. Dispersam fuisse, crediderim, amissis ductibus. certe nomen jamdiu amisisse videtur; quod, ex veteri, diceremus Acqua Tiepiduccia.

Bola, Corbio, Ecetra, Hortana, Vitellia, Prisci Latii Vetusta Oppida, sive potius Antiquo Latio contermina in finibus Æquorum & Hernicorum, inter Loca nunc, Monte Fortino, Valmontone, Ostaria di mezza Selva, &c. juxta Veterem Viam Latinam, aut circa ipsam.

Collis Corne in Agro Tusculano fuit, Dianæ Templo & Luco celebris; ibi arbores eximiæ magnitudinis, vetustatis, & venustatis, excreverant; quas inter, præcipua illa a Passieno adamata & exculta, ad furorem usque & insaniam. Creditur aliis extitisse eo loco; quo nunc in Tusculano, prope Viam Latinam, est Villa Cavalletti; aliis, ubi dicitur Tenuta della Cornafella; ubi prædiolum Collegio primum Tusculano Societatis Jesu a Nicolao Calcaneco donatum. quamquam hic locus aliis non Cornafella, sed Cornufella nominatur; & Cornuficiorum villa fuisse creditur.

Columen antiquus Prisci Latii Pagus, seu Vicus, non ita procul a Via Latina, juxta Lavicanam; Livio semel nominatur. quem aliqui, ex nominis affinitate, stetisse putant eo loco, qui nunc dicitur La Colonna. quamquam hic pluribus, Veteris Labici sedem occupare credatur.

Furiorum Villa & Sepulcra olim in Via Tusculana, in ipso ad urbem Tusculum ascensu. Detecta sunt, quinquaginta ab hinc annis, & eo amplius, intra Camaldulensium Septa, vulgo Camaldoli di Frascati, cum Sarcophagis, & urnis & inscriptionibus, quæ hic una cum Furiae Gentis nobilissimæ viris aliquot illustribus, referuntur.

Labici & Labicum, & Lavici & Lavicum Antiquum Prisci Latii oppidum in Romana Historia celebratum, non ita procul a Via Latina. Terminus fuit unius ex Consularibus Viæ, cui nomen fecit, Via Lavicana. De qua infra. Stetisse creditur aliis, sed porro male, ubi hodie oppidum Valmontone Pamphiliorum, juxta Viam Latinam; quod ipsum satis taliter opinantium errorem detegit. quare aliis melius sedisse putatur Labicum haud ita procul ab extante modo oppidulo La Colonna, in Agro Tusculano: designantque etiam, si superis placet, Colliculum cum rudibus

non.

nondum dissipatis omnino, quo Labici Veteris vestigia esse vix dubitant . Populi dicti sunt Labicani & Lavicani .

Mons Porcius sive Porcii, Locus, ubi olim Porcia Gentis Tusculanae, & exinde Romanae nobilissimae, ac praecipue M. Porcii Catonis Villae fuerunt in Tusculano; ab Tusculo passus pl. m. termille in Septemtriones. nunc retinet antiquum vocabulum, & dicitur Monte Porzio . Amoenissimo sedet loco, in Burghestorum Romanorum Regulorum Ditione; a quibus eleganter Pagus est adificatus . in pretio sunt ejus vina, quorum ager circa, est copiosissimus .

Prata Porcii Catonis Campi sunt vastissimi in Tusculani Agri planicie, sub Monte Porcio; ab Catone olim domino denominati . nunc quoque vel arborum, vel pascuorum in usum, vetustum nomen servant Prata Porzi .

Pupinia Locus olim, & Pagus, cum Agro circa, admodum sterili, verum a Romanis exculto de industria; sexto circiter ab Urbe lapide, in Agro Tusculano . hic Tribus Pupinia fuit . Complexum existimant Antiquarii loca circa Praedium Burghestorum, quod dicitur Torre Nova, Romam inter & Montem Porcium; ex aquo fere spatio constitutum . Ameno hodie cultu viget hic ager, & ubere quoque glebae commendatur; veteri Pupinia sterilitate, si tamen hic Pupinia fuit, antiquata .

Regillus Lacus juxta Viam Latinam, seu potius Lavicanam, pluribus creditur esse ille, qui sub oppido La Colonna exinde nomen mutuavit Lago della Colonna . alius est ab Gabino in Via Praenestina, qui & Burranus & Sanctae Praxedis est appellatus, & vulgo Lago di Castiglione, seu Pantano de Griffi, & recentius di Borghese . de quo in Praenestinis . Ad Regillum Lacum pugna celeberrima contigit, Romanos inter & Latini Nominis Populos universos, in qua Latini devicti sunt; eorum Duce Octavio Mamilio Tusculano ejectos Tarquinius in Regnum reducere frustra conante . Fuit juxta Lacum etiam oppidum Regillum; aliud tamen a Regillo Oppido in Sabinis, unde Claudia Gens, Romae postea nobilissima .

Roboraria Locus olim in Via Latina sub Tusculo, circa decimum tertium ab Urbe lapidem, frequens roboribus satis; ex quibus Silva & septum ad bestias ferasque claudendas, & educandas, in usum spectaculorum . respondere aliis creditur loco nunc Borghetto; aliis l'Ostaria del Fico; aliis La Molara quod ex ruinis Veteris Tusculi, ejusque de molibus excitatum, in ruinis tamen & ipsum jamd'u jacet, in Via Latina, dextro latere, sub Albanis Montibus, e re-

gione Tusculi ; remanente ruderibus vocabulo La Molara ; & proximo Diversorio l'Oltaria della Molara . Romanam Gentem prænobilem Della Molara hinc originem deduxisse ferunt , atque huic oppido dominatam .

Tusculum urbs Prisci Latii vetustissima in summo jugo Montis , qui Tusculanus ab ipsa dictus est , sita . cum arce munitissima , in rupe excisa . ab Telegono Ulyssis & Circes filio condita com nuntissime traditur ; vel a thure , vel a sacrificando , quod Græcis est Θύειν , vel a tufis glebis , vel a Tufcis deinde Colonis , &c. , sic nominata . Distabat Roma passus duodecim mille , vel quindecim , prout alii aliter computaverunt . Et antiquis , & recentioribus sæculis fuit clarissima rerum gestarum Gloria . Villis quoque tum Civium suorum tum Romanorum amænissima atque ex cultissima . Excisa fuit funditus , vix paucis remanentibus vestigiis in ipso monte . qui priscum nondum nomen amisit Il Tuscolo . Ex ejus reliquiis oppida extructa memorant Rocca Priora , Monte Compatro , La Molara jam dirutum ; & omnium maxime Frascati , ubi Suburbanæ Romanorum Deliciæ ; quod urbs exinde evasit , Sacro , ex Cardinalium Antiquiorum Ordine desumpto , Antistite decorata .

Tusculanum M. Tullii Ciceronis , villa domino suo cum paucis dilecta & ex culta , in dextero Viæ Latinæ latere , duodecim plus minus , milliaria Roma distans ; unanimiter , & prudentissime quidem , sedisse creditur , ubi modo Septum Grotta Ferrata sive La Badia di Grotta Ferrata , seu La Madonna di Grotta Ferrata ; ubi Deiparæ vetusta Sacra Ædes , & Divi Basilii Magni Affeclarum Collegium ab Sanctis Nilo juniori & Bartholomæo constitutum . In hac villa scripsit Tullius sapientissimas illas Orationes , sive Quæstiones quinque , quas congrue Tusculanas nominavit . Aliam Villulam habuisse Ciceronem ipsum , putant nonnulli , Antiquo Tusculo summæniānam , loco ubi adhuc , supra Sacchetorum tam Villam nunc Collegii Romani Societatis Jesu , exedra non obscura supersunt vestigia ; cuique vulgo nomen Scuola di Cicerone .

Via Latina , ex Consularibus præcipua , initium duxit a Porta Capenæ ex Strabone & Festo . Albanos a Tusculanis montibus , lato limite , & spatiosa valle determinat ; Anagninam , sive Compitum Anagninum , sub Anagnia , tendit ; mox in Campaniam , &c. ornatisissima quondam Romanorum villis & monumentis fuit . hodie quoque dicitur Via Latina .

Via Labicana , seu Lavicana , ex antiquis pariter & Consularibus , a Por-

Porta Nævia , nunc Maggiore initium duxisse pluribus creditur , & Prænestinam inter ac Tusculanam , sive Latinam , directam , Labicos terminum habuisse . quod oppidum multi non ita procul ab recenti pago La Colonna , situm fuisse olim , existimarunt . In hac Via , fuisse Pupiniam , nunc Torre Nova , & Regillum Lacum , modo Della Colonna ; & ante hæc , quarto ab Urbe Lapide , Christianorum celebre sepulcretum Ad duas Lauros appellatum , ubi & Divæ Helenæ Mausoleum , & Sanctorum Marcellini & Petri M.M. Sacra Ædes , in Christianis Fastis & Tabulis extitisse memorantur , modo Torre Pignattara , plurimi tradiderunt . nobis Strada di Monte Porzio , e della Colonna .

Via Tusculanā eadem fuisse videtur cum Latina , ex parte ; ad Bivium usque , prope Luculli Balnea , vulgo i Centroni sive le Grotte di Lucullo , in Agro Tusculano , ad Villam Lucii Murenæ , nunc Cinciorum Romanorum , vulgo Casale di Morena de' Cenci . ibi enim dividebantur ; Latina quidem dexterum servante latus ; at Tusculana sinistrum ; donec ad ipsum Vetus Tusculum ascenderet ; ubi nondum penitus lapidum , quibus instrata fuit , periere reliquæ . recens vero Via Tusculana , vulgo Strada Moderna di Frascati , sinisterior adhuc his est ; initium ducens a Porta , sive Asinaria sive Celimontana , nunc di S. Giovanni ; rivum Aquæ Crabræ vulgo la Marana sinistrum linquens ac radens ; & Mausoleum Imperatoris Severi Alexandri ac Mammæ Matris , modo Monte del Grano ; in oppidum ipsum Frascati producta est .


Villa L. & M. Licinii Lucullorum sive Lucullanum in Tusculano , vastissima fuit , & supra quam credi potest , magnificentissima ; domibus , aulis , bibliothecis , xystis , statuis , & preciosissima supellectile , ac deliciis , piscinis , balneis , orithonibus , leporariis , septis , sive bestiariis , ergastulis , lucis quoque ac silvis , & hortis pene innumeris splendidissima . occupasse creditur molibus , quarum non obscura adhuc extant rudera , loca , nunc Frascati , Villa Ludovisi , li Centroni , seu Grotte di Lucullo , Villa Rocci , & late , etiam , prope Marinum oppidum , agros . L. Luculli sepulcrum illud fuisse memorant , quod prope Portam Tusculanæ præsentis urbis primariam , dextero introeuntibus latere , summænianum adhuc cernitur ; ab circum ædificatarum domorum parietibus pene oppressum atque occultatum . ibi enim L. Luculli nomine inscriptum lapidem repertum , dicunt .

Villa Murænarum , sive L. Licinii Murenæ Tusculani ac Romani Con-

fulis Clarissimi . constructam autumant in ea Tusculani Agri parte , quæ modo , ex veteri vocabulo , dicitur Casale Morena ; ubi Cinciorum nobilissimorum Romanorum nunc Prædia . Pars ex vastissimo Lucullano segregata fuisse videtur . cum , & Murenæ , & Luculli ex Licinia Gente , familiæ extiterint . & locus vulgo i Centroni , seu le Grotte di Lucullo , conterminus fere huic Murenarum Villæ prodatur . in dextero Viæ Latinæ latere probe surrexerit .

Villa Pompeii Magni in Agro Tusculano Labicano , vulgo Villa Magna . forte ejus vestigia apparent sub recenti oppido La Colonna haud ita procul a Villa Pallotta . Alia fuit Villa Magna , forte ejusdem Magni Pompeii , in Hernicis juxta Viam Latinam , haud ita procul Anagnia ; cui adhuc nomen vetustum adhæret .

Villa Servii Galbæ Romanorum Imperatoris Septimi , in Tusculano ; ubi sacellum Fortunæ . juxta Viam Tusculanam novam sedisse putatur , undecimo circiter ab Urbe Lapide ; ubi Villa Vespignana nuper ; modo Sacerdotum Luccensium Matris Dei Romæ PP. di Campitelli , & Villa Piscatoria cultissima visitur . de' Signori Pescatori nobili Romani .



INDEX CAPITUM.

LIBER DECIMUSQUARTUS.

DE TUSCULANIS.

CAP.	I.	D E Tusculi Urbis Situ, Conditore, & Nomine. pag. 1	
CAP.	II.	De Tusculanorum rebus gestis, & Antiqui Tusculi excidio.	40
CAP.	III.	De Villis Tusculanis, ac præcipuè de Tusculano Marci Tullii Ciceronis, ejusque amicorum.	83
CAP.	IV.	De Tusculanis L. Luculli & Sergii Galbæ Villis.	109
CAP.	V.	De reliquis Tusculanis Villis & Veterum Monumentis.	135
CAP.	VI.	De Tusculanorum Diis, ac Templis.	168
CAP.	VII.	De Agro Tusculano.	178
CAP.	VIII.	De Monte Porcio, & Porcia Gente in Tusculano.	194
CAP.	IX.	De reliquis Tusculanis Familiis ac Viris Romæ olim illustribus.	217

LIBER DECIMUSQUINTUS.

DE ALGIDENSIBUS.

CAP.	I.	De Regione, Sede, & Nomine Algidi Montis, & Oppidi.	241
CAP.	II.	De Bellis & Præliis ad Algidum decertatis.	250
CAP.	III.	De Agro Algidensi, & Via Latina in eo.	259
CAP.	IV.	De Dianæ Algidinæ Templo.	279
CAP.	V.	De Labicis, & Via Labicana, in finibus Algidensium.	286
CAP.	VI.	De Corbione, Bola, Hortana, Ecetra, & Vitellia quondam circa Algidum Oppidis.	309

FRANCISCUS RETZ

Præpositus Generalis Societatis JESU.

CUm Librum, cui titulus : *Vetus Latium Profanum . Tomus Octavus . In quo agitur De Tusculanis & Algidenfibus . Auctore Josepho Rocco Vulpio Societatis Jesu Sacerdote , &c.* aliquot ejusdem Societatis nostræ Theologi recognoverint , & in lucem edi posse probaverint ; facultatem facimus , ut typis mandetur , si iis , ad quos pertinet , ita videbitur . Cujus rei gratia has literas manu nostra subscriptas , & sigillo nostro munitas dedimus . Romæ 29. Decembris 1737.

FRANCISCUS RETZ.

Locus ✠ Sigilli .

IMPRIMATUR,

Si videbitur Reverendissimo Patri Sacri Palatii
Apostolici Magistro.

F. M. De Rubeis Archiepiscopus Tarfi Vicesgerens.

APPROBATIONES.

I.

Absoluto Tomo Septimo *Veteris Latii Profani* a Rñño P. Josepho Rocco Vulpio Societatis Jesu, Episcoporum Examinatore, & ab usque anno 1736. typis Patavinis edito, eruditæ Antiquitatis studiosi anxie flagitabant prosecutionem Operis, & complementum. Quum tandem nobis comparet Octavus Tomus, qui est de *Tusculanis*, & *Algidenfibus*, pari ac reliqui priores elegantia conscriptus, & plurima eruditione, & rerum ubertate refertus. Hunc mihi legendum, atque adprobandum Rñus P. Aloysius Nicolaus Ridolfi S. P. A. Magister tradidit; eumque cupide legi, & libentissime adprobavi, & dignum, qui typis mandetur, maxime cenfeo.

Ex Collegio Clementino hac die 11. Martii 1741.

*D. Jo. Franc. Baldinus Cler. Reg. Congreg. Somaſchæ
Sacrarum Congregationum Rituum atque Indicis Consultor.*

II.

Veteris Latii Profani Tomum Octavum, qui Tusculanas & Algidenses Antiquitates complectitur auctore Josepho Rocco Vulpio Societatis Jesu Sacerdote Rm̃i P. Sacri Palatii Apostolici Magistri jussu diligenter attentoque animo legi. Nihil illo nitidius, nihil elegantius: acrem etiam in obscurissimis rebus illustrandis Doctissimi Viri curam & diligentiam Rei Antiquariæ cultores merito laudaverint. Nec, quod in ejusmodi argumento facile conjeceram, quidquam in eo offendi, non modo a Catholica Fide alienum bonisque moribus, sed quod illuc ne pertineat quidem. Romæ Nonis Maji MDCCCXLI.

Michael Angelus Giacomellus S̃m̃i Dñi Nostri Cappel. Secr.

IMPRIMATUR.

Fr. Aloysius Nicolaus Ridolfi Ordinis Prædicatorum Sacri Palatii Apostolici Magister.



VETUS LATIUM
PROFANUM

LIBER DECIMUSQUARTUS

DE TUSCULANIS.

AUCTORE

JOSEPHO ROCCO VULPIO

SOC. JESU SACERDOTE.

CAPUT I.

De Tusculi Urbis Situ, Conditore, & Nomine.



ALBANOS, gentem olim universi Latii dominam, Tusculani finibus suis excepere. Siquidem ad radices Albani montis, qua Septentriones prospicit, Vallis fuit Albana, Latinam

Viam tangens, & Algidenfes campos & filvas, ab Algido monte & oppido sic nominatas; quæ, in sinistro Latinæ Viæ latere, Tusculanum agrum habuere conterminum. Hic sub montibus Tuscu-

A

la-

lanis fuit; in quorum supremo & præcipuo, Tusculum urbs nobilis, & deliciarum fama semper celebris, rerum quoque gestarum gloria inclita, quondam fedit. De illa Latini Græcique Scriptores, Historici pariter ac Poetæ, ceterique passim meminere. Ex quibus (quandoquidem, pluribus jam sæculis, in ruinis jacet, quæ fere omnes etiam vix non periere) diligenter nobis situs, quo præcipuè fuit urbs Tusculum collocata, vestigandus hic est. Itaque constanter dicimus, confidenterque asserimus, testium, testimoniorumque nube ad hoc freti confirmatique, Tusculum eo loco antiquitus constitutum fuisse, ubi nunc quoque in summitate Tusculani montis, supra Sacchettorum villam, nunc Collegii Romani Societatis Jesu, atque Pamphiliam, vetustum ipsum nomen *il Tuscolo*, perpetuaque accolarum oppidi *Frascati*, & Romanorum quoque traditio, opinioque consentit, consensitque semper, Tusculum extitisse. Neque, ad id demonstrandum, pluribus esset opus, nemine per multa sæcula huic veritati contradicente; nisi recentiores pauci Scriptores, nuper, de hoc scrupulum aliquem eruditis injicere, dubiumque creare, levissimis quibusdam conjecturis adducti, voluissent. Eo forte capti cacoethe, quod per hæc tempora plurimum invaluit, de omnibus dubitandi, resque vetustas, etiam certissimas, in controversiam tamen adducendi. in quo demum sapere & virum literatum esse, *clarissimique* appellationem

nem promeritum, permultis stare videtur. Hos lubentissime amplexus nuperus Tusculanarum antiquitatum Scriptor, diligens ceteroquin & eruditus, Barnabas Mattejus Tusculanus; quod in patriæ suæ, præsentis urbis *Frascati*, quæ de ruinis veteris Tusculi, & conditores, & nomen, delicias quoque & celebritatem est mutuata, majorem laudem concedere posse existimavit; locum antiquæ urbis Tusculi eo præcipue situ, quo urbs eadem *Frascati* sedet, vel certe proximo, haud ita sublimiori loco fuisse, probare conatus est. Irrito tamen, si quid judico, labore & conatu. Quæ, ne magnificentius a me dicta quam verius videantur; age jam, probatissimis vetustissimisque ex auctoribus, veteris urbis Tusculi situm demonstramus. Itaque, Strabo, libro quinto, qui de Italiæ descriptione est, de Latinis urbibus locutus Εἰς ὧν ἐστὶν ἡ Ἰταλία, ἐν ὧν ἐστὶν δὲ εἰς τὴν πόλιν ἐν Ρώμῃ Τίβεράπε, καὶ Πραίνεσος, καὶ Τῶσκλον, scilicet: *in conspectu sunt iis, qui Romæ sunt, Tiburque, & Præneste, & Tusculum.* paulloque post, Tibure atque Præneste descriptis, ad Tusculi urbis situm describendum sic pergit: Ρῆ δὲ διὰ τῆς Οὐέρεσις ποταμὸς. πρὸς ἑω δὲ τῆς Ρώμης αἱ λεχθεῖσαι πόλεις. Εἰς δὲ τῆς κατ' αὐτὰς ὀρεινῆς ἄλλῃ ῥάχιδι ἐστὶ, μεταξὺ αὐλῶνα καταλείπουσα, τὸν κατ' Ἀλγιδόν, ὑψηλὴν μέχρι τοῦ Ἀλβανοῦ ὄρους. Επὶ ταύτης δὲ τὸ τοῦσκλον ἵδρυται, πόλις οὐ φαύλως κατασκευασμένη. Κεκόσμηται δὲ ταῖς κύκλῳ φυταῖς, καὶ οἰκοδομίαις, καὶ μάλιστα ταῖς ὑποπιπτούσαις ἐπὶ τὸ κατὰ τὴν Ρώμην μέρος. Τὸ γὰρ τοῦσκλον ἐνταῦθα ἐστὶ λόφος ὄψευς, καὶ ἐνυδρὸς, κορυφούμενος ἡρέμα πολλαχῆ, καὶ δεχόμενος βασιλείων κατασκευὰς ὁπριπεσάτας. συνεχῇ δὲ ἐστὶ καὶ πρὸς τὸν Ἀλβανὸν ὄρει ὁποπύ-

πρὸντα τὴν αὐτὴν ἀρετὴν ἔχοντα, καὶ κατασκευὴν. nempe : sic
 ad verbum fidelissime : *Fluit autem per medium re-*
gionis (Prænestinæ ac Tiburtinæ) Veres is fluvius . Ad
ortum autem Romæ sunt dictæ urbes . Interius autem ,
infra ipsas , montana alia spina dorsi est , post se vallem
relinquens , quæ est ad Algidum , sublimis usque ad Al-
banum montem . Super hac montana spina dorsi Tuscu-
lum sedet , urbs non male constructa . ornata est autem
circumplantationibus , & ædificiis , & maxime illis , quæ
vergunt ad partem , Romam versus . Tusculus enim
ibi est collis fertilis , & irriguus , adsurgens placide mul-
tis ex partibus , & complectens regiarum apparatus de-
centissimos . Continuata autem sunt & ea loca , quæ Al-
bano monti subjacent , eandemque soli naturam haben-
tia , & (ædificiorum) apparatus . Ita Strabonis lo-
cus Latine versus ad literam . qui interpretatus ,
apud Cluverium , paullo ornatus , sic legitur . Per
eam regionem Veres is amnis fertur . Dictæ autem urbes
ab Roma ad ortum versus sitæ sunt , Intra montium ju-
gum , ad quod eæ sunt conditæ , aliud est dorsum subli-
me , convallem relinquens , quæ est ad Algidum ; ad Al-
banum usque montem adsurgens . Hoc in dorso Tusculum
est positum ; urbs minime contemnendo adparatu . nam
circumquaque exornata est plantis atque ædificiis , maxi-
me qua parte Romam prospicit . ibi namque Tusculum
habet collem , terræ bonitate & aquarum copia præcla-
rum , qui multis partibus sensim attollitur ; regia ædifi-
cia pulcherrime extructa sustinens . Huic continenter adja-
cent loca sub Albano monte ; & natura & ornamentis
 ædi-

Ital. antiq. l. 3.
pag. mibi 441.

ædificiorum eisdem prædita. Ex quo tam præclaro Strabonis testimonio situm urbis Tusculi pulchre designatum habemus; illumque in summo montis, qui nunc quoque Tusculanus habetur, fuisse, cognoscimus. Siquidem *in montana spina dorsi* (hoc enim proprie est *ῥάχης*) perhibetur Tusculum constructum fuisse. Spina enim dorsi, summitas est ejusdem in animali, puta, jumentis, equis, aliisque quadrupedibus; unde vocis similitudo ad montis cacumen in longum productum significandum deducta est. Rursum, ait Strabo, ædificia urbis Tusculanæ, & villarum, quæ circa ipsam erant, continuata fuisse cum iis, quæ sub Albano monte, erant, ad vallem circa Algidum; quod loco, nunc quoque *Tuscolo* nominato, apertissime congruit. ex eo enim cacumine, mollissimo clivo, ad ipsa loca, ubi olim Algidum oppidum, Via Latina, Vallis Albana, sub ipso Albano monte, constituta, descendimus. Neque his opponitur, addidisse hic Strabonem quod collis Tusculus sive Tusculanus erat irriguus; cum locus *Il Tuscolo* nunc quoque vocatus, aridus sit omnino; neque irriguus olim esse potuisse, facile appareat, cum ceteris circa sit eminentior. Qui enim hoc opponit, testimonium Strabonis vel non legit, vel plane non intellexit. nam Strabo, non Tusculum urbem in colle irriguo fuisse, scripsit; sed Tusculum, sive Tusculanum collem, sub urbe Tusculo extantem, qua parte Roma prospicitur, irriguum ac fertilem,

vil-

villarumque regiis ædificiis ornatum asseruit . vocavitque *collem Tusculum* , quemadmodum & Scriptores alii *Tusculam terram* , *Tuscula rura* , & *Tusculam umbram* , aliaque ad Tusculum urbem pertinentia , nominavere ; pro eo ut dicerent *Tusculana* . De quibus infra opportune . Igitur ex Strabone , situm fuit Tusculum *in montana spina dorsi* montium Tusculanorum ; sub qua collis fuit Tusculus , fertilis , irriguus , & ædificiis ornatus , Romam versus . En locum *Il Tuscolo* nunc quoque constanter appellatum graphice admodum descriptum , sub quo sedere videmus Tusculanum collem , in quo præsens urbs *Frascati* ; & amoenissimæ , irriguæque villæ Romanorum coluntur . Quod altero ejusdem Strabonis testimonio confirmatur . idem enim , Latinam Viam describens (Græca consulto omitimus) *incipit Via Latina* , inquit , *ab Appia , ad sinistram , ab ea prope Romam deflebens : transiensque super Tusculanum montem , inter Tusculum urbem & montem Albanum , tendit ad Algidum oppidulum* . Hæc Via modo , omnium , etiam adversariorum consensu , Via est latissima , quæ circa locum , vulgo *Osteria della Molar* , Albanum inter & Tusculanum montem sternitur , & frequentatur . Ex hujus , itaque , sinistro latere , in spina dorsi montis Tusculani urbs *Tusculum* olim fuit . Ergo in loco , ubi nunc quoque nomen *Il Tuscolo* . cum e contrario , oppidum recens *Frascati* diversum valde ab hac Via absit , & ab Albano monte longe recedat . His consona Latini Scri-

Scriptores protulere . Horatius Tusculum vocavit *supernum* ; 1. scilicet , supra montem situm . *Nec ut superni villa candens Tusculi Circeæ tangat mœnia.* hoc apte urbi in spina dorsi montis constitutæ convenit ; minus apte , si loco , ubi nunc *Frascati* , vetus Tusculum sedisset : vix enim in clivo , planis erectiori arvis , attollitur præsentis urbis situs . Quodque Horatius , pro *superno* Tusculo , in *summitate montis* , intellexerit constitutum , id ex alio ejusdem Poetæ testimonio clarius etiam , immo evidentissime ostenditur . ait enim ad Mecænatem :

Nec semper udum Tibur , & Æsulæ 2.

2. Lib. 8. Od.
29.

Declive contempleris arvum , &

Telegoni juga parricidæ .

En ut clarissime , Tusculum , ab Telegono conditum in jugo montis *Telegoni juga* vocavit . *Jugum* autem , cacumen , & ipsa summitas montis est Latinis ; ut omnibus constat . Ac ne forte credas , per poeticam licentiam , Horatium abusum vocabulo fuisse ; audi veterem ejus Interpretem in hunc locum : *Tusculum Civitas est in jugo montis constituta . hanc significat nomine Conditoris . A Telegono enim Circes filio fundata est . qui per ignorantiam patrem suum Ulysses interemit .* Quid apertius planiusve dici potuit , ad situm Urbis Tusculi designandum ab auctore , qui Romæ , in conspectu Tusculi adhuc extantis scribebat , qualis fuit vetus hic Horatii interpret ? Ovidius quoque his suffragatur . Tertio enim Fastorum , de mensium numero ,
apud

re debent; in loco, *il Tuscolo* nominato, vestigia veteris urbis Tusculanæ, quamvis quinque jam ab hinc sæculis & eo amplius, solo æquatae, atque ab hostibus funditus, inexplebili odio, excisæ, non obscura tamen apparent adhuc; multoque magis, centum circiter abhinc annis apparebant, Kircherii ætate. Cum, ad recentis oppidi *Frascati* domos, Tusculanasque Romanorum villas magnificentissimas extruendas, in dies ea rudera diminuta, atque adeo vix penitus non absumta fuisse, plane sciamus, ipsique propriis oculis usurpemus. Et tamen moeniorum circuitum, ex vestigiis eorum conquistum, potuit Kircherus in summo Tusculani montis designare; & Amphitheatri exteriorum murum, aliorumque Tusculanæ urbis publicorum privatorumque ædificiorum rudera ostendere. Longitudinem, itaque, urbis 7. usque ad præruptum & inaccessible montis dorsum, ducentorum viginti passuum dimensus est; variam latitudinem. ubi enim maxima fuit, quingentos pedes; ducentos, ubi minima, extendebatur. amphitheatri vero dimidium, palmos centum viginti. Præter hæc, quæ nos quoque, ab ipsa pene adolescentia, singulis autumnis lustravimus toties; alia quamplurima, carices inter, dumos atque vepreta, a quibus obruta passim vetustissimorum ædificiorum rudera suffocabantur, alia quoque dirutæ urbis argumenta certissima deprensa sunt. Præcipue vero decem circiter abhinc annis, Sacræ Christianorum Ædis Principis,

vul-

7. *Vet. Lat.* 9.
Nov. part. 2.
pag. 55. cap. 1.

vulgo *la Cattedrale* detecta sunt fundamenta ; in iis-
que marmorum pretiosa fragmenta ; columellæ
item marmoreæ ad altare sapiendum , nobis modo
li balaustri . marmorea fulcra ad cereos sustentan-
dos ; aliaque sacrarum ædium apud nos adhibita
ornamenta . pavimenta quoque , in quibus mar-
moreæ Cruces opere tessellato compositæ . Deni-
que Christianorum sepulcra , in quibus eorundem
ossa permulta , aliaque Ædis Christianorum sacris
deputatæ argumenta plura certissima , quæ ipse
vidi , attrectavi , ac diligenter inspexi , & confide-
ravi . At hæc Ædes , tanto ornatu , nonnisi in urbe
antiqua Tusculana fuit . Eo igitur loco , ubi detecta
tot rudera & monumenta , fuit vetus Tusculum .

Quid si , & ipse situs , ubi nunc oppidum *Fra-*
scati , diligenter inspectus atque discussus , ipse se
prodat , nullatenus veteris Tusculi sedem fuisse ;
palmamque hujus gloriæ loco nunc quoque vocato
il Tuscolo ipse concedat , atque ultro adjudicet ? Et
tamen rem ipsam pulcre tenemus . Quid enim de
oppidi *Frascati* origine externi domesticique Scri-
ptores perhibent ? hæc scilicet . Diruto atque exci-
so veteri Tusculo ab Romanis una cum Tiburtinis,
anno a Virginis Partu millesimo centesimo nona-
gesimo primo ; ædificiisque ejus , ab ipsis funda-
mentis subrutis , & incensis ; crudelissimam post
plurimorum civium necem , ac stragem , paucos ,
eosque fere ex plebe , qui cladem effugerant , ad
locum villarum Lucullanarum descendisse ; ibique

quod nullis hic ædificiis esset instructus, nisi forte muris aliquot adhuc extantibus Piscinarum Luculli, profugos illos tuguria & tesqua de frondibus ac ramis arborum, subitario ac tumultuario opere construxisse, quibus aliquatenus tempestatum incommoda propulsarent. Quæ, vernacula Italorum lingua, quod vocarentur, vocenturque *Frascati* (siquidem rami frondentes arborum *Frasche* dicuntur) inde novo oppidulo nomen factum *Frascati*, non vero *Frescati* a frigore, nobis *il Fresco*: quod extra Italiam nati Scriptores putaverunt, atque scripserunt; Italica nomina pessime, de more pronuntiantes, ac derivantes. Quod autem recens oppidum *Frascati* circa Luculli villam atque adeo piscinas, coeptum fuerit ædificari; luculentum, ex nomine Sacræ Ædis Principis, immo tunc unicæ, quam profugi Tusculani construxerunt, testimonium habemus. Hæc enim antiquo ac primo suo nomine *Sanctæ Mariæ in Vivario* vocata est; ut ex vetustis ejus codicibus satis apparet, quæ nunc, ob imaginem Sancti Rocchi, prodigio in ea detectam, vulgo *La Chiesa di S. Rocco* appellari consuevit. In *Vivario* autem est dicta, ex eo quod muri, latera ejusdem conficientes, reliquiæ essent unius ex Vivariis, ad servandos pisces, vel quadrupedes etiam, in Luculli Tusculana celeberrima villa constructis. Profecto, circa hanc ædem, postquam ex patriæ clade respirare aliquatenus ex profugis Tusculanis exorti filii cœpere, tuguria ex ramis arborum
con-

confecta, in pauperrimas coementitias domunculas ædificatas commutavere. quas humillimas ac tenuissimas, tenebricosas quoque ac sese invicem angustiiis vicorum opprimentes nunc videmus circa idem templum. quas tamen duorum sæculorum antiquitatem non excedere, satis scimus. Cum, ipso sub Paulo Quinto Romano Pontifice, Antistitem Tusculanum ad oppidum *Frascati* jam translatum a Paulo Tertio, sub tabernaculo, ob ædificiorum inopiam, ditionis suæ possessionem inire solitum fuisse, noverimus. Certe ipsam S. Mariæ & Divi Rocchi ædem intrantibus, depressus situs, & humidus supra modum, Vivarium, in quo sita est, statim suggerit. Sed & ædes sanctissimo Jesu Nomini sacra, quæ olim Divæ Magdalenæ facellum, a Lucretia Roborea, ex Urbini Ducibus, a fundamentis, vicinis cum domibus excitata, nunc autem per Olympiæ Aldobrandinæ atque Pamphiliæ liberalitatem, elegantissime renovata, atque ornata, ac Societatis nostræ Patribus attributa, in ejusdem Luculli villæ fundamentis erecta, fuit. aquarumque formæ, dum locus effoderetur, detectæ sunt ingentes: & aquarum venæ saluberri-mæ, domi, a Divo Francisco Borgia Societatis Generali Præposito Tertio repertæ, quæ nunc quoque, tum domesticis, tum etiam civibus universis, si quando publici fontes contineantur, maximo usui sunt. His adde, quæ Mattejus ipse memorat, aliarum villarum reperta vestigia, per
eum

eum tractum, in quo recens oppidum *Frascati* constitutum est. Hæc namque extra urbis antiquæ Tusculanæ situm, locum eundem fuisse, plane declarant. Quamvis enim Mattejus, contra suam de Tusculi antiqui situ sententiam, hæc pugnare, apertissime noscens, potuisse, dicat eas villas intra Veteris Tusculi ambitum comprehendi; exemploque Romæ, latissimum murorum spatium, intra quod, & Horti, & Naumachiæ & Thermæ, aliaque ad delicias ædificia vastissima concludebantur, se tueri conetur; probabilia tamen de Tusculo minime excogitavit. Ait enim disertis verbis Strabo; villas Tusculanas Romanorum *circa* veterem urbem Tusculi constitutas fuisse; scilicet *in suburbiis, post mœnia*. Rursum, ex Sulpicii nummo, in quo Tusculi veteris figura cernitur, eam urbem in jugo montis positam nec vastæ admodum magnitudinis fuisse, cognoscimus, murisque circum ac turribus munitam undique; unde villarum vastissima spatia mœnibus exiguæ urbis comprehendi minime potuere. Urbis Romæ vero exemplum, quod affert Mattejus, nihilum magnitudini antiqui Tusculi suffragatur. Nam & ea ædificia, quæ Mattejus dicit, olim intra Romana mœnia conclusa fuisse, Cæsarum ætate non fuere antiquiora; cum prius etiam Urbs Roma arctioribus multo spatiis concluderetur. & eorum multa, suburbana quidem & summoeniana, extra muros tamen fuerunt. Jam vero Tusculum oppidum Roma Cæsarum opibus flo-

florente , non solum non crevit ; verum potius est imminutum ; Reginae urbium , cum reliquis vicinis oppidis , augmento serviens : si de ipso oppido Tusculi , moenibus cincto , sermo sit . Haud magni autem circuitus illud fuisse , tum de Strabone , tum de Silio cognosci potest . Strabo enim dixit , Tusculum fuisse *urbem haud contemnendo apparatu , sive non male ædificatam in dorso montis summo* . Silius vero de Annibale 8.

8. Lib. 12.

*Linquens Telegoni pulsatos ariete muros ,
Haud dignam inter tanta moram .*

Innuens uterque , exiguum potius oppidum ipsum Tusculum fuisse , quam vastum . Quare si , loco , ubi nunc oppidum *Frascati* , villa fuit Lucii Luculli vastissima & celeberrima , aliæque persimiles , quemadmodum hæcenus ostensum est ; & hæc certo certius extra veterem Tusculi urbem fuere ; quippe quæ spatium , multo amplius ipsa urbe Tusculo , ædificiis complectebantur ; planissime etiam adversariis , cuilibetque , reluctanti licet , ac renitenti , fatendum est ; alio igitur loco ab eo , in quo nunc *Frascati* , vetus Tusculum consedisse . Cumque testimoniorum nubes asseveret , eum locum , jugum esse Tusculani montis , quod ab immemorabili ævo appellatur *il Tuscolo* ; nullus , nisi obstinatissimus cognitæ jam veritatis impugnator , eam antiqui Tusculi sedem fuisse , pernegare deinceps poterit . Et sane paucissimi , iique recentes admodum , nec locorum , de quibus agimus , satis periti , in dubium

idem

9. Lat. par. 2.
pag. 55. cap. 1.

idem vocaverunt, aut etiam negaverunt. Nam ad ætatem usque Athanasii Kircherii, de vero antiqui Tusculi situ nulla dubitatio, aut controversia exorta fuerat. quod ille disertis verbis memoravit. inquit enim: *De situ hujus 9. urbis nullam prorsus controversiam apud authores reperio; cum in nullo alio loco constiterit, quam in ultimo, supremoque Tusculani montis jugo, prout rudera ingentia, quæ passim illuc tendentibus obvia fiunt, luculenter demonstrant. Vix tamen hæc scripserat Kircherius, cum Lucas Holstenius, Philippi Cluverii antiquam Italiam notis illustrans, prodiit; inspectoque Tusculani montis jugo, ejusque ruderibus consideratis, rem primus ac veritatem de antiquissima apud omnes creditæ possessione deturbare conatus est. scripsit enim, Antiquæ urbis Tusculi sedem paullo ultra oppidum Frascati fuisse: Non autem (Holstenii verba) in summo montis jugo, ubi rudera, & vestigia maximorum ædificiorum conspiciuntur, ubi vulgo vetus Tusculum fuisse creditur; quam opinionem Cluverius etiam amplectitur: sed si locum ipsum propius inspexisset, aliter sane judicasset. Nam ego diligenti perlustratione comperi, villam privatam eo loco fuisse, non oppidum. Tum situs ipse repugnat; nam locus ille, quamvis & Romam, & Albanam vallem prospiciat; magis tamen in hanc partem vergit, ubi ingentium fornicum substructiones visuntur. Romam versus extat Theatrum; sed & illud privatum potius, quam publicum, ut ex magnitudine apparet. Tum vero distantia & intervallum repugnat; nam distantia illa,*

la, non duodecim, sed quindecim, ut minimum, aut sexdecim mille passus absunt ab urbe Roma. Tum Strabonis descriptioni situs ille repugnat; quippe cui ex proximo cacumen montis saxosum, & aspectu horridum imminet; neque vero copia aquarum huic loco convenit: sed ipsi oppido Frascati: unde facile apparet, hunc levem esse errorem, non veram & probabilem sententiam. Hactenus Holstenius, novæ hujus, de vetusti Tusculi situ, opinionis antesignanus. Cujus rationum momenta antequam expendo, & dissolvo; illud est animadvertendum; fateri Holstenium, in jugo Tusculani montis rudera & vestigia maximorum ædificiorum conspici. quod aliqui ex ejus sectatoribus, confidenter nimis, negarunt. rursus, fateri, ibi, vulgo creditum, extitisse Tusculum; denique Cluverium eam sententiam, quod in summo jugo Tusculum fuerit, amplexum fuisse. Quod Barnabas Mattejus perperam negavit; inter Holstenianæ sententiæ fautores Cluverium detorquere conatus. His animadversis; Holstenii objecta perpendamus; & dissolvamus perfacile, ex hucusque veterum Scriptorum testimoniis allatis. Atque ad id quidem, quod ait Holstenius, Nam ego diligenti lustratione comperi, villam privatam eo loco fuisse, non oppidum; cum nullam hujus suæ lustrationis & judicii, de villa privata magis quam de oppido, causam, sive rationem afferat; satis foret reponere, me, post ipsum persæpe diligenti lustratione comperisse, oppidum eo loco fuisse, non villam privatam. Uterque enim oculati testes fuimus.

C

vero

vero Italus, atque adeo Italicarum rerum, locorum, ac nominum, naturaliter, & sine jactantia paullo peritior. Insuper annuus fere loci inspector, autumnalibus Feriis. Nolo tamen meam cum Holstenii, viri clarissimi, auctoritatem æquare. Verum illi gravissimam Raphaelis Fabretti, viri, si quis alius, eruditæ antiquitatis scrutatoris diligentissimi, solertissimique indagatoris, auctoritatem oppono. Qui, Holstenii verbis perlectis, eaque nihil moratus, oculatum suum testimonium veritati sic tulit: 10. *Munitio veteris Tusculi vestigium*

10. In Gronov.

haud leve apparet in rupe, pluribus in locis; sed præcipue qua parte septentriones respicit, manufacto opere ad perpendicularum cæsa, & summi illius verticis complanatione; quæ tantæ molitiones in solo saxoso, & omnem culturam respuente, non privatam aliquam, sed publicam tuto, atque opportuno loco, urbis condendæ curam præseferunt. 11. Paucisque interjectis, subjicit: *Via etiam*

11. Vide Fabrettum.

Tusculana a Latina deflectens supernum nostrum Tusculum, supra Cænobium Camaldulensium, ubi Furiorum sepulcrum recens inventum fuit, indubie petit, ejusque situm proinde indicat. En ut Fabrettus, humanius suæ opinioni de oppido, non de villa privata, rationum momenta addidit; quæ suæ Holstenius omiserat. Hic tamen adjecit: *Tum situs ipse repugnat; nam locus ille, quamvis & Romam, & vallem Albanam prospiciat; magis tamen in hanc partem vergit, ubi ingentium fornicum substructiones visuntur.* Quibus in verbis, nota primum, fateri Holstenium,

locum , ubi dicimus , vetus Tusculum sedisse , vere in prospectu Romæ esse ; rursus ingentium fornicum substructiones ibidem visi . Quid tum , si magis in Albanam vallem vergit , clarioraque veterum ædificiorum ibi apparent vestigia ? Num hoc Strabo, vel antiquorum Scriptorum aliquis , veteri Tusculo abjudicavit ? Profer . ait Strabo , Tusculum vetus in conspectu Romæ fuisse ; jugum , de quo quærimus in conspectu Romæ esse , fateris ; ibique aliqua vestigia veterum ædificiorum , immo vero Theatri apparere , non inficiaris . Hinc igitur , loco , sedem Tusculi fuisse , merito negare non potes . At , inquis , *quamvis Romam versus extet theatrum ; & illud privatum potius , quam publicum ex magnitudine apparet .* Jam igitur Theatrum , ædificium sane privatorum domibus magis conspicuum , Romam versus extare non diffiteris ; magnitudinem tamen carpis , utpote exiguam , urbisque publicum Theatrum dedecentem . Quod probabile fortasse foret , si Latinorum municipiorum ædificia de Romanorum ædificiorum magnitudine dimetiri deberemus . At metiri se quemque suo modulo ac pede , verum est . Municipiorum circa Romam , quamquam illustrium , publica ædificia , multo artiores intra fines quam Romana , contineri consuevissent , & ex antiquis auctoribus scimus , & ipsi oculati testes , in lustrandis Latii urbibus , plane cognovimus . Quid , quod ipsa Romana ædificia , templa , theatra , thermæ , aliaque ante Julium

Cæsarem, angusta admodum extiterunt? Quod Alexander Donatus noster, in eruditissimo Opere *De Veteri ac Recenti Roma*, testimoniis quamplurimis jam ostendit. Non itaque, fuit parvum Tusculanum theatrum, neque ejus gyrus urbem dedecuit; si montanum jugum, ubi fuit constructum consideres; si municipiorum mores frugales, neque deliciis dissolutos memineris; si murorum Tusculanæ urbis munitissimæ in breve contractum circuitum perpendas; si, denique, theatri ipsius, quod exiguum nimis tibi videtur, dimidium, sive *diametron* ut ajunt, palmorum centum viginti extitisse, ex Kircherii diligenti mensura, recolas. Quibus adde; altitudinem ejusdem nos ignorare; quæ abunde, in sublime protensa, latitudinis angustias pensare potuit. Pergit Holstenius. *Tum vero distantia, & intervallum repugnat; nam distantia illa non duodecim, sed quindecim ut minimum, vel sexdecim mille passus absunt ab urbe Roma*. Esto, rudera veteris Tusculi ab urbe Roma abesse, ex Holsteniana computatione, millia passuum vel sexdecim; attamen hoc intervallum & hæc distantia non modo sedi veteris Tusculi non repugnat; quin immo eidem aptissime congruit. Quod sic ostendo. scias enim oportet, præsens oppidum *Frascati* ideo duodecim mille passus, deprensus esse, distare Roma; quia flexuosa maxime via, & a Porta Coelimontana, deducta, a nobis aditur. Ceterum, recto tramite, via, vel a Latina Porta, vel a Nævia incipiente, haud multo

multo plus octavo milliari ab Roma distare , compertum esse . Hicque calculus nuper non semel est institutus & habitus ab Agrimenforibus per decempedas ; cum de breviori itinere , viaque commodiore , utpote recta , quæ est omnium brevissima , aperiunda , ad rusticantium Romanorum usus , deliberatum fuit . Jam vero , si Holstenio , quatuor mille passus amplius recenti oppido *Frascati* , distare Roma rudera , quæ asseruntur Antiqui Tusculi , comperta sunt ; ait enim , ea vel sexdecim milliariis Roma distare) cum nunc Tusculum novum , *Frascati* , via , qua aditur , duodecim milliaria distet , jam rudera ipsa recto itinere duodecim ad summum , milliaria distabunt Roma . Quid autem Dionysius ac Josephus de veteris Tusculi ab Urbe distantia testificati fuerint , attulimus supra . centum , nempe , illud stadia distasse , quæ duodecim milliaria cum dimidio conficiunt . quod dimidium , flexus aliquos Viæ antiquæ Latinæ , qua vetus Tusculum adibatur præcipue , consumpsisse , nemo jure negare poterit . Ergo , ex Holstenio demum ipso , constat , distantiam rudерum in jugo Tusculano , non modo non repugnare , quin immo apertissime veteris Tusculi , traditæ ab Scriptoribus , ab Urbe distantia congruere . At, inquit, *Strabonis descriptioni situs ille repugnat ; quippe cui ex proximo cacumen montis saxosum & aspectu horridum imminet ; neque vero copia aquarum huic loco convenit ; sed ipsi oppido Frascati . Immo nullus magis antiqui*
Tu-

Tusculi signanter locum nobis ostendit , atque descripsit, ut hoc jugum id loci esse nosceremus, quam Strabo . Ait enim , vetus Tusculum sedisse intra dorsum sublime montium ; in ipsa spina montana dorfi ; post vallem , quæ est ad Algidum , venientibus Præneste ; imminens Viæ Latinæ ; vallem Albanam respiciens hinc , inde Romam . hæc omnia adamussim cum loco *il Tuscolo* congruere millies perspexi ; perspiciuntque quotidie adeuntes . Tantum vero abest , ut vicinitas saxosi & aspectu horridi cacuminis officiat huic veritati ; ut etiam illam magis confirmet . Unde enim cacumen istud horridum apparet ? ex eo nimirum , quod manibus hominum cæsa rupes fuerit ad perpendicularum , qualiter Fabrettus optime consideravit ; & cacumen ipsum saxosum, molitionibus complanatum, quod, nudum omnino atque asperum , sedem arcis Tusculanæ munitissimæ atque editissimæ , opportunissime præbuit . De qua Dionysius inquit : 12. *Fabius contra Æquos properavit Tusculum; qui discesserant, jam urbe direpta , & paucis in arce relictis , quod esset munitissima ; scilicet maxime a loci natura , ut antiquæ arces fere omnes. Illud vero , quod ait Strabo, Tusculum circumquaque exornatum fuisse plantis , atque ædificiis , maxime qua parte Romam prospicit , de suburbiis Tusculi recte intelligendum est . Siquidem spina montana dorfi , in qua urbs proprie ab eodem dicitur constituta , plantationum & ædificiorum in circuitu capax non fuit . Quemadmodum igitur plan-*

plantationes istæ extra urbis muros certo fuere ; ita & ædificia , maxime qua parte Roma fuit in conspectu . Ceterum , Strabo , numquam , vetus Tusculum , urbem ipsam dico , aquarum copia irrigatum fuisse , dixit ; quod male Holstenius , aliique perpauca credidere . Strabo enim , postquam situm urbis Tusculi in summitate montis descripsit , subdidit , qua parte Romam prospicit , Tusculus est collis , fertilis & irriguus . Aliud itaque est *urbs Tusculum* , aliud *Tusculus collis* . De hoc , quod irriguus esset , non de urbe Tusculo , Strabo affirmavit ; quod etiam constat evidentissime : nam aliter , inepte his verbis ipsius descriptionem habuisset . Primo , itaque , sapienter situm ipsius Tusculanæ urbis in summo dorso montis designavit ; deinde agri bonitatem , ac præcipue Tusculi collis seu Tusculani , sub urbe Tusculo , qua parte Romam prospicit , adsurgentis , delicias . Optime igitur omnia congruunt . Nec locus *il Tuscolo* irriguus esse debuit ; cum sedes Tusculi veteris nec fuerit , nec fuisse dicatur unquam a Strabone irrigua ; collis autem Tusculus fuit *irriguus* , atque adeo nunc est ; siquidem oppidum præfens *Frascati* , aquarum copia abundans , in eodem Tusculo colle situm , non diffitemur . Itaque dissolutis jam Holstenianis omnibus in contrarium argumentis , meritissime confirmamus , diligenti perlustratione , nos comperisse , in summo Tusculani montis jugo , ubi rudera & vestigia maximorum ædificiorum conspiciuntur ,

tur, ubi vulgo vetus Tusculum fuisse creditur, non privatam villam, sed ipsam urbem Tusculum certo certius constitutam fuisse. Unde evidenter satis constat, hunc non levem aut popularem esse errorem; sed verissimam, ac nube densissima testimoniorum gravissimorum stabilitam sententiam esse. Profecto Gronovius (quem *Grunnovium* a Fabretto false appellatum, ipse quoque Mattejus innocenter *Grunnovium* nominat) Gronovius, in-

13. Ap. Barnab. Mattei in libr. Memor. dell' Antico Tuscol. p. 13.

quam 13. Baudrandus, Offmanus, Monfauconius, & Hieronymus Ferruccius, quos Mattejus, Holstenii sententiæ sectatores affert, obiter tantum, nullaque rei discussione habita, veritati sunt ad-versati. In quibus proinde impugnandis, cum nil ultra Holsteniana objecta, protulerint, non immorabimur. Hoc quidem rursus animadvertendum; male Mattejum inter hujus sententiæ fautores numerasse Cluverium, quasi sedem veteris Tusculi ad oppidum *Frascati* constituerit, his verbis: *Ergo circa ipsum oppidum Frascatium fuit Tusculum.* 14. Intellexit enim Cluverius, oppidum *Frascati*, ex iis quæ extant, omnium maxime proximum veteri Tusculo fuisse; non tamen in ruinis ipsis veteris Tusculi excitatum. Quod insequentibus verbis diserte explicavit. subdit enim. *Sane extant hodieque super Frascatium in eodem clivo ingentes murorum reliquiae: quæ situ atque intervallo XII. ab Roma millium, Tusculum hic fuisse, ut omnes docti arbitrantur viri, aperte indicant.* En ut Cluverius cum omnibus doctis

14. Ital. antiq. l. 3. pag. mihi 942.

etis viris consentit sapienter ; utque diligenter locum dispexit , & rudera consideravit , aperte veteris Tusculi sedem indicantia , quod Holstenius , illum omisisse , accusabat . Duodecim quoque mille passus ea rudera , non sexdecim , ut Holstenius , Roma distare , Cluverius confirmavit .

Sed , quoniam , per hæc tempora , Critici hanc veritatem in dubium , aut dubii saltem suspicionem , vocare non cessant ; Barnabæ Matteii Tusculani Commentarium , Italorum vernaculo sermone scriptum , adeoque magis tritum , appellantes ; juvat hic exponere , quæ ab amicis , mecum , locum , *Il Tuscolo* frequenter per autumnii Férias adeuntibus , objectari sæpius audiui ; quæque ipse ad singula reposui ; eo demum exitu , ut omnes , eum locum vere antiqui Tusculi sedem comperiri , unanimi consensu faterentur . Itaque , dum ambulatum eo , animi causa , pergeremus simul ; lassus quidam ex illis , præ difficili montis ascensu , Et hoc , inquit , est *mollissimum* illud iter , quo , ad antiquam urbem Tusculi ascendebatur ? Bona verba , inquam ; clivus ille mollissimus ex ea parte , qua vallem Albanam Tusculum prospiciebat , fuisse , tradunt Auctores . Illac , descendendo transeuntes , clivum videbimus , ejusque mollissimo descensu fruemur . Hac spe fretus , vix hic acquieverat ; & ecce alter , ambagibus semitarum nonnihil offensus (si quidem inter vinearum sæpes , angustissimum callem nobis relinquentes , eundemque

frequenter dumis transversis implicatum , eundem erat) fieri ne potest , stomachosius paullo exclamavit , ut celebris adeo urbs Tusculum per hos anfractus adiretur ? Ubi Via illa Tusculana , filice strata ? nullum ejus hic apparet vestigium . Ast ego ; memineris , o bone , Propertii carminum : 15.

15. Lib. 4. El.
11.

*Et Veii veteres & Volscum regna fuistis ,
Et vestro posita est aurea sella foro .*

*Nunc intra muros pastoris buccina lenti
Cantat ; & in vestris ossibus arva metunt .*

Scilicet , tantum ævi longinqua valet mutare vetustas ! Neque tamen his causam veritatis satis me patrocinatedum credens , anxie , num vestigium aliquod veteris viæ appareret , filicernius quærebam . Cum ecce tibi ex itineris sociis alius , quem odoriferarum herbarum amor a nobis diversum aliquatenus egerat , en (monuit) viæ antiquæ non obscurum aut modicum sane vestigium . & hæc dicens , filices baculo percutiebat ; nosque se ad sequendum , laxiore itinere usuros , hortabatur . Sequimur . Viæ antiquæ stratæ filice , ad locum Tusculi deferentis , tractum ingentem læti conspiciamus , & calcamus . Inde ad Camaldulensium , quos vocant , religioforum virorum Claustra simul divertimus ; num ibi quoque argumenta in utramque sententiæ partem , locus , aut incolæ sufficerent , vestigaturi . Siquidem omnes in ea investigatione toti eramus . Adimus . excipimur humanissime a
piis

piis viris : quos inter , senior & antiquus loci inquilinus , de quamplurimis vetustis monumentis ad Tusculanam urbem spectantibus , in ea vicinia detectis identidem , nos edocuit ; de Furiorum Tusculanorum sepulcris ; de Formis ad aquas cogendas & conservandas , intra montis cuniculos excavatis ; de aliis viæ lapide stratae fragmentis repertis . ostenditque nobis , inter cetera , fragmentum marmoris , in quo *Dictatoris Tusculani* mentio fiebat , erutum , paullo ante , in summi jugi planicie . Hæc nos læti ut audivimus , breviterque inspeximus ; gratiis ostensori actis , alacres rursus in viam nos dedimus , ad Tusculum ascendentes . Tunc quidam : *omnia* , inquit , *bene* ; illud tamen , quod tam celebris urbis , vel nulla , vel exiguiissima sane vestigia in summo jugo appareant , invictum mihi quidem , ut , ibi Tusculum fuisse , non credam , semper erit argumentum . Quamvis enim noverim , dirutam a Romanis & Tiburtinis , incensam quoque urbem fuisse ; tamen , num ipsa ædificiorum fundamenta alio fuere translata ? Alio , (inquit senior Præfectus fabrum nobis occurrens , carris ac jumentis cœmentorum pondere onustis , ac Tusculo descendentibus dux) alio , multis jam sæculis , ad hanc usque diem , alio , veteris Tusculi rudera translata sunt . Quemadmodum enim nos hæc residua nunc ad Falconeriæ nobilissimæ villæ novas additas molitiones complendas traducimus ; ita factum a majoribus nostris in ceterarum villa-

rum extruendis ædificiis . Et e ruderibus Tusculi , maximam partem , constant villæ præsentis in Tusculano ; Sachetta , Falconeria , Burghesiæ tres, nempe *Mondragone* , *villa Taverna* , *villa Vecchia* , Pamphilia , Piccolominea , Montalta , Roccia , Ludovisia , Viscontia , aliæque . De ruderibus pariter veteris Tusculi ædificata sunt Claustra Sancti Silvestri supra montem Tusculanum ; Camaldulensium , propius Tusculum ; & ipsa oppida , *Molaria* dirutum ; *Frascatium* ; & omnium novissime *Mons Portius* . Ita ut mirum sit , extare adhuc lapidem in summo jugo , post continuas , tot sæculis habitas , ruderum alio translationes . His auditis , immo etiam visis ; nostrum nemo ausus est jam contra hiscere ; raritatemque vestigiorum in summo jugo amplius demirari , aut suspectam habere . Tantum , cum ad locum pervenissemus ; quidam baculo pertentare cœpit solum , obruentibusque vepribus liberare , num latentia ædificiorum detegerentur fundamenta , facturus periculum ; cum duri filicis gravisque ferri sonus exauditur ; nonnullique operarii sudore diffuentes nobis cernuntur , qui repetitis ictibus , in excavatis alte fossis , veterum ædificiorum depressa cœmenta , altissime prius terræ demersa , diruebant ac divellebant . totumque illud jugum atque descensum quaqua versum illis sparsum , quæ tamen nisi summo labore , & sudore adhibito detegi nequeant , & avelli , nobis testati sunt . Videbatur jam in vado res esse ; nec ullus ultra

tra scrupulus de loci veritate ac Tusculi ibidem sede, excitari potuisse; sed e nostris unus, totus moduli bipedalis, ad Occidentalem plagam conversus; heus, inquit, amici, Romam non video; & tamen in loco, Tusculanæ urbis sede, unde Roma prospicitur, Strabone teste, nunc fumus. Ast ego (procerus quidam excepit) Romam video. En Quirinalis & Coelii collis ædificia; en sublimis apex ad Divi Petri. Tu quoque sis cape, fodes, hunc tumulum, & Romam videbis. Cepit ille, viditque. Quid quod, subdidi ego opportune, ædificia in hac summi montis sede collocata altius erigebantur multo, quam nos; unde liberior fuit, multo, Romæ prospectus? Quid quod, arbores ac vepreta, cetera denique impedimenta huic jugo nunc proxima, post dirutum Tusculum succrevire; quæ Tusculanorum antiquorum civium providentia, dum floruit Tusculum, arcebantur? Ceterum si vel ipsa Lucani ætate ^{16. *Gabios Vejosque, Co-*} ^{*ramque pulvere vix tectæ poterant monstrare ruinæ;*} Pliniique, adhuc posterioris, ævo, ^{17. *quingenta tria in Latio clara oppida perierant sine vestigiis;*} quid mirum, paucula, tot post direptiones, excisæ, atque incensæ hostiliter urbis Tusculi, apparere vestigia? Assensere omnes; ibique vere Tusculi sedem fuisse, credere se, ad unum, congruentibus tot in veritatem testimoniis, sancte dixere. Utque veterum Poetarum cultores familiares erant; alius quidem: hic igitur supernum illud fuit Tusculum,

de

^{16.} *Pharsal.*
^{l. 8.}

^{17.} *Lib. 3. c. 5.*

de quo Horatius : *Non ut superni villa candens Tusculi
Circæa tangat mœnia* . alius ; hic jugum parricidæ
Telegoni , de quo idem vates : *Nec semper udum
Tibur , & Æsulæ declive contempleris arvum , aut Tele-
goni juga parricidæ* . tertius : *hic celsa mœnia Telego-
ni steterè* , de quibus Ovidius : *Factaque Telegoni
mœnia celsa manu* . quartus : en Ἀκροτέριον , en Δύσκολον
jugum Tusculi , altum , acutum , asperum , atque
difficile . Descendentibusque nobis de monte , en ,
inquam , *mollissimum clivum* in Viam Latinam ; en
ipsa Latina Via ; en vallis Albana , sub cognomine
monte . Quid plura desideramus ? Hic vere Tuscu-
lum fuit , *hic fuit procul dubio* : omnes .

De situ igitur veteris Tusculi hætenus . De
Conditore deinceps . Ad Telegonum plerique om-
nes , Ulyssis filium , originem Tusculi referunt .
Siquidem Pompejus Festus : *Mamiliorum* , inquit ,
*familia progenita fuit a Mamilia , Telegoni filia : quam
Tusculi procreaverat , quando id oppidum ipse condidisset* .
Ovidius vero in Fastis , de mensium ordine
apud Latinos veteres locutus , 18.

18. Lib. 3.

*Inter Aricinos Albanaque tempora constat ,
Factaque Telegoni mœnia celsa manu* .

Et rursus de antiquitate Tusculanæ Tiburtinæ-
que urbium multo ante Conditam Romam :

19. Lib. 4.

Et jam Telegoni , jam mœnia Tiburis udi 19.

20. Epod. Od.

Stabant ; Argolicæ quæ posuere manus .

1.

Horatius ad Mecœnatem : 20.

Nec

Nec ut superni villa candens Tusculi

Circaea tangat mœnia .

Ad quem locum vetus interpres : *Tusculi superni ; hoc est in monte siti . Tusculum autem oppidum conditum fuit a Telegono filio Ulyssis & Circes .*

Et iterum Horatius ad Mecœnatem 21.

Nec semper udum Tibur, & Æsulæ

Declive contempleris arvom , aut

Telegoni juga parricidæ .

Ubi pariter interpres antiquus: *Tusculum civitas est, in jugo montis constituta ; hanc significat , nomine Conditoris . A Telegono enim , Circes filio fundata est ; qui , per ignorantiam , patrem suum Ulysssem interemit .*

Propertius idem confirmans , ad Cynthiam , oracula suburbana adeuntem , feminea curiositate ductam 22.

Nam , quid Prænestis dubias , o Cynthia , sortes ;

Quid petis Æaei mœnia Telegoni ?

Silius , ubi de Annibale , Via Latina exercitum a Capua sub Romana mœnia ducente : 23.

Famque adeo est campos ingressus , & arva Labici :

Linquens Telegoni pulsatos ariete muros .

Haud dignam inter tanta moram . nec amœna retentant

Algida , nec juxta Junonis tecta Gabinae .

Et idem Poeta prius in recensendo Romanorum exercitu , de Catone Tusculano sic dixerat .

At Cato tum prima sparsus lanugine malas

(Quod peperere decus Circaeo Tuscula dorso

Mœnia , Laertæ quondam regnata nepoti)

21. Lib. 3. Od.
29.

22. Lib. El.

23. Lib. 12.

24. Lib. 1.
Carm. 3.

Stattus denique in Silvis : 24.

*Cedant Telegoni , cedant Laurentia Turni
Fugera .*

25. Lib. 1.

Quod & ex Historicis , Livius atque Dionysius confirmasse videntur . Ait enim Livius de Superbo Tarquinio , cognationem cum Octavio Mamilio Tusculano jungente : 25. *Octavio Mamilio Tusculano (is longe princeps Latini nominis erat , si famæ credimus , ab Ulyssæ deaque Circe oriundus) ei Mamilio filiam nuptum dat . Et Dionysius , idem pluribus , ut*

26. Lib. 4.

solet , memorans : Tarquinius , inquit , reputans 26. se- cum , vi , non jure , partam potentiam , opus habere , non solum domestico , verum etiam externo præsidio ; nobilissimum Latinorum & potentissimum sibi junxit necessitudine , data ei in matrimonium filia . is vocabatur Octavius Mamilius : genusque referebat ad Telegonum , Ulyssæ & Circes filium . habitabat autem Tusculi . Vetustam hanc , de gentis suæ origine , famam libentissime amplexus Cajus Mamilius Limetanus , agrorum dividundorum Triumvir , nummum percussit , in cujus anteriori parte Mercurius cum petaso & caduceo ; in posteriori vero Ulysses insculptus cernitur cum baculo & pallio , pileoque , quod a Nicomacho traditur accepisse ; cum cane quoque sibi occurrente . de quibus Homerus . 27. Circa illum

27. *Ursin. Vail-
lant. in num.
famil. Rom.*

litteræ C. MAMILIUS . LIMEÂN . hoc est . Cajus Mamilius Limetanus . Dictus autem sic est Mamilius a statuendis agrorum divisorum limitibus . Jam vero de Telegono talis apud Hyginum legitur fabula . 28.

28. *Μυθολογικ.
c. 127.*

Te-

Telegonus Ulyssis & Circes filius, missus a matre ut genitorem quæreret, tempestate in Ithacam est delatus: ibique, fame coactus, agros depopulari cæpit: cum quo Ulysses & Telemachus ignari arma contulerunt. Ulysses a Telegono filio est interfectus: quod ei responsum fuerat, ut a filio caveret mortem. quem, postquam cognovit, qui esset; jussu Minervæ cum Telemacho & Penelope in patriam redierunt; & in insulam Ææam, ad Circen, Ulysses mortuum deportarunt: ibique sepulturæ tradiderunt. Ejusdem Minervæ monitu Telegonus Penelopen, Telemachus Circen duxerunt uxores. Circe & Telemacho natus est Latinus, qui ex suo nomine Latinæ Linguae (forte genti) nomen imposuit. Ex Penelope & Telegono natus est Italus; qui Italiam ex suo denominavit. Quamquam autem, juxta fabulosi sæculi historiam, hæc, captæ post tempora Trojæ, contigisse debuerunt; alii, nihilominus, Telegonum Tusculi Conditorem multo antiquiorem fecere. Unumque de primis Pelasgis, qui primam Italiæ regionem Sabinam incoluerunt, Latinique dicti sunt, Telegonum ipsum memoraverunt. Quem & Agyllæ sive urbis Agyllinæ, quæ & Caere & Cære veteres, nunc Cerveteri Conditorem quidam, apud Servium, crediderunt, agentem 29. Hanc Agyllam quidam a Pelasgis conditam dicunt; alii a Telegono, alii a Tyrrheno Telephi filio. Ex quibus colligit Cluverius, Telegonum ex Pelasgorum gente fuisse, & a primis Latinis, idest Aboriginibus atque Pelasgis, tribus ferme sæculis ante bellum Trojanum; pulsus ex his

29. In lib. 8.
Æneid.

30. *Faßt.* 4.

locis Siculis , conditum fuisse Tusculum . In quam sententiam & Ovidius cecinisse videtur in Fastis , ubi , quæ Græcorum Coloniae quas urbes in Italia condiderint , narrat : 30.

Et jam Telegoni , jam mœnia Tiburis udi

Stabant . Argolicæ quæ posuere manus .

Ceterum opinio de Telegono Ulyssis & Circes filio , quod ipse scilicet his ortus parentibus , post Trojæ ruinam , Tusculum condidisset , apud ipsos Tusculanos maxime invaluit . quam , utpote in re antiquissima , priscorum testimoniis magis munitam hic sequi malumus . Siquidem & Mamili Tusculti ab Ulysse & Laerte ejus patre , per Telegonum certe , originem se traxisse gloriabantur ; ut ex allatis Livii Dionysiique testimoniis , & nummo C. Mamili Limetani , in quo Ulysses representatum cernimus , plane constat . Rursus etiam Tusculi *Juppiter Dolichenus* cultus antiquitus peculiariter est . quemadmodum ex dedicatione Tusculana hoc titulo ei facta , quam infra suo loco recitabimus , liquet . Fuit autem Juppiter Dolichenus idem atque *Dulichius* , is nempe qui in Dulychio Ulyssis insula & oppido colebatur . cujus cultum ad se , Tusculani , translatum ab Telegono Ulyssis , credebant , atque gloriabantur . Itaque , juxta hanc sententiam , quam Romani quoque Scriptores veteres passim amplexi sunt , Telegonus Ulyssis & Circes filius annos vix quindecim natus , post patrem , per errorem , incognitumque , a se

occisum , in Italiam rursum cum navigasset , Tusculum in summo montis , qui nunc Tusculanus habetur , jugo , condidit ; vigesimo circiter anno post incensam Trojam , ætatis vero suæ circiter sexto decimo . Cujus etiam tempora , mirum est ab aliquibus minute admodum designari supputarique potuisse . 31. Ajunt enim , quarto post bellum Trojanum anno , natum Telegonum in Circæjo Promontorio , Ulysse & Circe parentibus ; anno quintodecimo ætatis , ut ajebam , in Ithacam delatum , imprudenter ibi patrem occidisse ; post ejus mortem , octodecim in ea insula cum fratre Telemacho regnasse mensibus . deinde in Italiam eos simul renavigasse , Ulyssis ossibus ad Circæjum , atque adeo Circen , delatis ; quæ in eo promontorio sunt tumulata . Circe vero paullo post e vivis sublata ; in ejus locum regnasse , & cum ea primo Telegonum annos sex & sexaginta ; in quorum primis Tusculum condidisse ; anno nono regni Ascanii Ænææ filii apud Lavinium ; decimo octavo ab eodem Lavinio condito ; duodecim autem ante conditam Albam . ac demum Mamilia filia , ex qua uxore incertum , suscepta , diem obiisse Tusculi , annos natum septuaginta septem cum dimidio . Floruisse vero Telegonum , quadringentis circiter annis ante Romulum , Eusebius , & Divus Hieronymus auctores sunt . Cultum vero , deorum ritu , eundem a Tusculanis , sacrificiis aris & templis , festisque diebus in annos singulos constitutis , interpretes

31. Petav. Rat.
temp. vol. 2.
l. 12.

Dionysii, Livii, Horatii, Ovidii & Silii, ad loca jam recitata, perhibent. Et hæc quidem de ætate ac gestis Telegoni, Tusculi Conditoris attulisse, sufficiat. Qui vero de his plura adhuc nosse cupiat, Barnabæ Matteii Commentarium, de Tusculi monumentis, adeat; ubi fabulosam hanc historiam, ejusque variantes sententias fuscè expositas inveniet.

Jam vero de origine nominis Tusculi non una pariter Scriptorum opinio fuit. Alii enim aliunde derivaverunt. In primis, itaque, ab Græcis auctoribus *Tusclum*, & *Tysclum* aliquando appellatum est. 32. Ita Strabo in ejus descriptione, & Plutarchus in Cicerone *Τῆσκλον* dixere. Dionysius vero & Stephanus Byzantinus, simplici vocali scripsere *Τύσκλον*. Verum hæc contractio vocis, quam *κράσιν* ipsi Græci dicunt, iisdem, in similibus vocibus fuit familiaris; ut in vocibus *Asculo*, *Castulo*, *Catullo*, *Lentulo*, ab iis *Ἀσκλον*, *Κάσλων*, *Κάτλος*, *Λέντλος*, *Asclum*, *Castlon*, *Catlos*, *Lentlos*, scriptis & pronunciatis, apparet. Quod vocum earumdem significationem minime variat. Breviator Stephani, tamen, Tusculum urbem, eandem & *Tusculanum* appellatam, memoravit: *Τύσκλος πόλις Ἰταλίας. λέγεται καὶ Τυσκληανὸν. τὸ ἐθνικὸν Τυσκληανός.* scilicet: *Tysclus*, urbs *Italiæ*, dicitur & *Tysclanum*. gentilitium *Tysclanus*. In quo hic auctor, quemadmodum in aliis plurimis, egregie falsus est. Siquidem *Tusculanum* nomen fuit, non quidem urbis *Tusculi*, verum inanimata-

32. Ap. Cluver. Ital. antiqu. l. 3. p. mibi 341.

marum rerum ad eam urbem pertinentium ; ut *Tusculanum* vinum , lignum , prædium , aliaque . Sed maxime ea voce prædia sive rura cum villis significari consuevere . in quibus , illud Ciceronis , ob domini famam , omnium celeberrimum fuit . Tusculi nomen derivant aliqui a *tusis glebis* ; verum , male oppido , hæc derivatio a Mattejo explicatur . ait enim idcirco hinc vocem *Tusculum* derivari ; quod Tusculani frequentissime arbores ad sacrificia comburenda cædentes , agrorum suorum glebas *tunderent* . auditum admissi risum teneatis amici ? quasi non & alii quique populi in agris colendis quacumque ratione , imo proprius etiam , in arando , fodiendo , sarriendo , aliisque rusticis operibus ; glebas non tunderent . Et tamen hæc derivatio , omnium aliarum , quas affert , Mattejo maxime placuit . Alii , itaque , melius a *thure* sive *ture* , quo frequentissime Tusculani uterentur in sacrificiis , nomen Tusculi derivatum existimant . Huic opinioni illud obstare videtur ; quod Tusculani thuris usum in sacrificiis , ad annum usque quadringentesimum post Albam conditam , cum Latinis ceteris ignorasse perhibentur ; donec a Tuscis eum usum didicerunt , Arnobio teste . Nisi tamen dixeris , Tusculanos in sacrificiis , jam ab ipso eorum urbis exordio , genus gummi adhibuisse simile thuri ; quod ipsi pariter ante Thuscorum thus repertum , eodem vocabulo nominassent . Alii Tusculum quasi *discolum* *δυσκολον* h. e.

utrin-

utrinque difficile, asperum, autumant, dictum fuisse; de situ, in quo urbs hæc fuit collocata, mutato nomine. Quod, etsi Cluverio, Festi Pompeji Grammaticum visum est nugamentum; mihi tamen a vero quam minime abhorrire videtur. Sola enim hæc nominis derivatio & Græca est, & peculiariter situm urbis Tusculi significat. Græcam autem originem nominis urbis a Græco auctore fundatæ, magis quam Latinam aut Etruscam esse debuisse, congruentissimum rationi est. Cetera enim quæcumque nomina proferuntur, a quibus Tusculi vocabulum dicitur derivatum, omnia communia sunt cum Tuscis; a quibus tamen, veterum Scriptorum nullus, quem quidem legerim, Tusculum vel conditum vel auctum fuisse, aut celebratum, unquam memoriæ prodidit. Fuit autem Tusculum maxime *δύσκολον difficile ascensu*, ob montis cacumen, & rupem asperam, ad quam situm fuit. Quamquam ab ea parte, qua in Viam Latinam descendebatur, clivum haberet mollissimum; & ex alia, quæ Romam spectabat, Tusculum collem haberet sensim assurgentem, villisque magnificis instructum. Ceterum, a sacrificiis quidem Tusculi nomen derivatum, ajunt plerique. Siquidem Græcis sacrificium *θύος* dicitur, & *καίω* *incendo, uro*. Unde *Tuscus* Græce *θυοσκόος Thyoscou*. A quo diminutum *Tusculus*. Quam nominis originem, utpote Tusculanis cum Tuscis semper communem, objectæ modo difficultati vides expositam. Ego

ve-

vero, si novæ adhuc interpretationi locus superesset, Tusculum sive Tusculum dictam hanc urbem crederem, ob coeli mitissimum ingenium, quo fruebatur; aeris salubritatem eximiam; soli fertilitatem uberrimam; prospectus, & villarum, quibus coronabatur, delicias; quasi omnia circa illam fragrarent ac suavissime redolerent, veluti granum thuris. quod a Plauto eleganter *Thusculum* est appellatum iis versibus: 33. *nunc thusculum* *emi & hæc coronas floreas; hæc imponentur in foco nostro Lari*. Memineris autem ab Latinis vocem *thus* & cum adspiratione, & sine illa *tus* promiscue scriptam & pronunciata fuisse; quod & in ipso Tusculi urbis nomine usurpaverunt. Ceterum ipsa vox *Tusculum*, diminuta sic, eam urbem haud magni spatii, murorumve ambitus fuisse, videtur innuere; diminutiva enim nomina diminutis & parvis rebus a primis nominum inventoribus, qui congrua consueverunt nomina adaptare, scimus imposita. Unde novum, neque contemnendum argumentum, villas Tusculanas intra Tusculi veteris muros non fuisse, desumi potest. Cives hujus urbis *Tusculani Tusculanenses*, & *Tusculi* appellati. Habes autem apud Tullium *Tusculanenses dies*, apud Tibullum *Tellurem Tusculam*, apud Statium *Tusculam umbram*, apud Martialem *Colles Tusculos*. Quorum testimonia suis quæque locis opportune disposita, & recitata, hoc libro invenies. Nam singulare illud est, quod apud Aristidem

33. *Andul. act.*
2. *scen. 8. v. 15.*

Mi-

34. Mattei p.
130.

Milefium legi perhibetur ^{34.} de Valeria *Tusculana-
ria*. Nondum enim apud idoneum Latinitatis au-
ctorem hoc vocabulum valui reperire.

C A P U T I I.

*De Tusculanorum rebus gestis, & antiqui
Tusculi excidio.*



A T I N I nominis urbem fuisse Tuscu-
lum, satis constat. Telegonum Con-
ditorem in ea primitus regnasse, di-
ximus. Quo sublato, minoribus ejus
etiam, num paruerit, incertum est.
Albanorum quidem deinceps regni partem evasis-
se, scimus, dum stetit Alba potens albæ suis omine
nata. Quod inter Latinos fuerit Tusculum, Li-
vius, Dionysius, & Plinius in antiqui Latii popu-
lis atque urbibus recensendis sæpius significarunt.
Quod autem Albanis paruerit, ab iisque fuerit Co-
lonia deducta, sic auctor originis Gentis Romanæ
testatur. *Igitur, regnante Latino Silvio, Colonia dedu-
ctæ sunt Præneste, Tibur, Gabii, Tusculum, cetera.*
Jus vero deducendæ Colonix non nisi victrici urbi
in victum & sibi jam subditum oppidum fuit. Qua-
re, paruisse Tusculum Albanis regibus, novimus;
ibique Respublica per Albanos Magistratus, puta
Dictatores, aut Consules, Prætoresve administrata
est. Quo tempore Tusculani convenere cum Lati-
nis

Tusculi veteris Situs et Constitutio



nis ceteris ad Latinas Ferias in Monte Albano, Latinorumque Concilia, ad Caput Ferentinæ, sub radices Albani montis, de universa Latinorum Republica simul deliberaturi, & consultaturi; Magistratus etiam novos ad pronunciandos, & creandos de more. Eundem quoque in mensibus numerandis ordinem, quem Albani, Tusculani pariter servavere; quod Ovidius tradidit iis versibus non semel jam recitatis, & tamen hic maxime opportunis; 1.

1. Fast. l. 3.

*Inter Aricinos Albanaque tempora constat,
Factaque Telegoni mœnia celsa manu.*

Postquam autem Albanorum regnum, una cum urbe principe Alba, cecidit; Tusculani cum Latinis reliquis in Romanorum societatem potius quam potestatem, nec tamen ultro, venerunt. Unde ab Tullo Hostilio Romano rege bello appetiti Latini, vi tandem coacti manus dedere; Romanisque licet subditi, *Sociorum* tamen honesto nomine appellati sunt. Tusculani, proinde, suæ Gentis fortem secuti, in Populi Romani fide manserunt; ita tamen ut *Municipium* Tusculum diceretur; suisque legibus viveret; suos Magistratus, Dictatores, & Consules crearet. ac Romanorum imperium in nullo alio ferme sentiret, quam in auxiliaribus copiis eorumdem exercitum instruendo, ad continuos Æquorum, Hernicorum, atque Volscorum, retundendos motus. Novi equidem, *Consulis* titulum ab Antiquariis nonnullis etiam magni nominis,

Romanæ Urbis proprium unice existimatum. Contrarium tamen certum est. Cum & apud Plinium libro septimo Lucium Fulvium *Consulem Tusculanorum*, & ex *Consule Tusculanorum* factum Romanorum Consulem legamus; & Livius pariter *Consulem Tusculanorum* nominaverit; & Campani five Capuani suos Duumviros *Consules* appellaverint, ut etiam Aufidenates; quemadmodum est apud Fabrettum, Inscriptionum pag. 722. num. 439. in lapide Æmiliæ C. F. Callistæ. Et Pisani quoque, ut refert idem Fabrettus pag. 724. num. 440. in lapide Felicis Herculeonis, qui Pisanorum Consul inscribitur. Ac tandem ex lapide Norisiano in Cœnotaph. Pisano pag. 41., quod ipse Fabrettus innuit. Porro ad annum usque ducentesium quinquagesimum tertium, nulla Tusculanorum apud Livium atque Dionysium peculiaris est mentio. Eo autem anno, Posthumio Cominio, T. Largio Coss. Tusculani, Duce Octavio Mamilio eorum principe, adversus Romanos una cum aliis Latini Nominis Populis, ad triginta, conjuraverunt. Præcipua conjurationis causa, invisa vicina nimium Romanorum potentia, in dies magis incrementis augefcens. Huic altera Mamilii privata accesserat; Tarquinii Superbi foci sui regno expulsi dedecus vindicandum. Itaque, coactis apud Ferentinum Latinorum Concilii Præsidibus, belli suasores in pacis studiosos multis verbis invecti. præcipue Tarquinius, & gener ejus Mamilius, atque Aricinorum procures, effecerunt,

runt, ut omnes Latini Nominis Populi commune bellum contra Populum Romanum susciperent. & ne quis Populus societatem proderet, neve sine communi consensu pacem privatim faceret, jurejurando inter sese devincti sunt; additis diris execrationibus in eos, qui a foedere discederent; decretoque ut pro hostibus a ceteris haberentur^{2.} In hoc foedus dederunt nomina Ardeatæ, Aricini, Bovillani, Bubetani, Corani, Cornetani, Gabini, Laurentini, Lanuvini, Lavinienfes, Labicani, Nomentani, Norbani, Prænestini, Pedani, Querquetulani, Satricani, Scaptienfes, Setini, Tellini, Tiburtini, *Tusculani*, Trebiani, Veliterni. Ex his omnibus Populis, delectu juniorum habito, tantum copiarum contractum, quantum Octavio Mamilio, & Sex. Tarquinio Superbi filio visum est; penes quos summum erat imperium. Legati interea ultro citroque frustra missi. Bello mox satis apparato, cum Romani primo Dictatorem creassent; is fuit T. Largius ipse, & Sp. Cassius Magister equitum, & Spurius Largius Dictatoris frater trifariam exercitum in Latinos eduxerunt. At Latinorum Imperatores Sextus & Mamilius intra Tusculum continendo copias, parabant se, quasi Romam versus moturi; diu tamen tempus terebant; sive quod expectarent eos Populos, qui nondum aderant; sive quod non litarent in sacrificiis. Interim pars quædam a reliquo exercitu divulsa Romanum agrum populabatur. Largius, re cognita, immittit

^{2.} Dionys. l. 8.
Liv. l. 2.

in eos Cloelium ; qui nec opinis superveniens, paucos aliquot repugnantes interficit ; vivos capit reliquos . Hos Dictator curatos ex vulneribus, & ceteris humanitatis officiis devinctos, universos Tusculum remisit sine precio . His Legatos Romanorum nobilissimos adjunxit, per quos impetratum est, ut, dimisso Latinorum exercitu, induciæ in annum fierent .

Aul. Posthumio, T. Virginio Coss. Latinorum proceribus per munera Mamili & Tarquinii corruptis, reliquis frustra reclamantibus, bellum renovatum est . creatusque Romæ Dictator ex Consulibus alter Posthumius, qui Magistrum Equitum T. Æbutium Helvam nominavit . Cognito autem, quod Latinis etiam Antiates Volsci se conjunxissent; Posthumius celeriter occurrit hostibus, priusquam in unum convenirent omnes eorum copiæ : properatoque per noctem itinere, cum exercitu venit prope castra Latinorum, ad Lacum Regillum in agro Tusculano . Hunc quidam perhibent modo *Sanctæ Praxedis* nominari; melius tamen plures *il Lago della Colonna*. ipse castra metatus est in tumulo alto & arduo imminente hostibus, loco multo quam illi opportuniore . At Latinorum Duces Octavius Tusculanus & Sex. Tarquinius, qui tum forte seorsum castra habebant, in unum locum ea contulerunt; deliberationibus multis & variis intenti . Quibus T. Virginus Consul supervenit, repente, viam noctu emensus una cum exercitu; seor-

seorsimque a Dictatore , in alterius montis dorso aspero, & natura munito castra posuit . ut utrinque Latinis clauderetur in posticum exitus ; a dextris Dictatore assidente , a sinistris Consule . Ceterum leves sæpius pugnæ, seu potius velitationes habitæ, ancipiti exitu . Stabant autem in utraque acie , in Romana quidem viginti tria millia peditum , mille equites : in Latina , peditum quadraginta , equitum tria millia . In hac Sex. Tarquinius præerat sinistro cornui ; dextero Octavius Mamilius . mediam aciem tuebatur alter Superbi filius Titus Tarquinius . In Romano autem exercitu dextrum cornu T. Æbutius magister equitum contra Sextum Tarquinium regebat . sinistrum T. Virginius Consul ex adverso Octavii Mamilii . mediam aciem explebat Dictator Posthumius . Prius tamen quam manus confererent , ducum quisque suos plurimis verbis ad rem strenue gerendam hortati sunt . Mox ut concursum utrinque est ; mediæ acies pugnam æquarunt . T. Æbutius & Octavius Mamilius inter se oppositi egregie pugnando ex provocatione invicem singulariter concurrentes , graviter , non tamen lethaliter , alter alterum vulnerarunt . Magister equitum Mamilium , in pectus hasta per thoracem adacta . Mamilius contra , illius transfixo brachio dextero ; amboque ex equis deturbati sunt . Mamilius tamen brevi ex vulnere utcumque restitutus , validam manum suorum , in M. Valerium , e ducibus clarissimum, adducens,

il-

illum interfecit . Ancipiti deinde marte diu pugnatum ; donec Legatus Herminius suos , ex fuga receptos & confirmatos , vertit in Mamilium . congressusque cum Tusculano , statura & robore omnium ætatis suæ præstantissimo , & illum interfecit ; & ipse , dum cadaver tanti ducis spoliât , gladio in latus ab strenuo Tusculanorum uno ictus periit . Sextus Tarquinius denique ab universo pene exercitu hostium circumventus , & circumclusus , multa prius strage edita , non inultus interiit . Occisis ducibus , reliqua Latinorum turba omnis in fugam versa est ; castra a Romanis capta . præda luculenta militi concessa . Maximaque ea clades Latinorum fuit , qualis antea nunquam . cujus diuturnus maxime sensus fuit reliquus . Siquidem e quadraginta millibus peditum , tribus equitum , superstites vix decies mille domum rediere incolumes . Jactatum , in eo prælio Castoras Romanis auxilio apparuisse . Ob id , illis templum in Romano foro dedicatum ; quod ædem nunc Sanctorum Cosmæ & Damiani in Foro recenti Boario esse , multi meminerunt . Victoria & triumphus a Romanis quanta maxima pompa celebrata sunt . Hoc modo ad Regillum Lacum ab Latinis , & vero maxime Tusculanis , in suo agro , & suo sub duce , fortiter , quamvis infeliciter , pugnatum est .

Porro V.C. CCLXXXIX. L. Æbutio , P. Servilio Prisco Coss. cum foeda lues Romæ usque adeo grassaretur , ut , optimatium præcipue , potissima
pars

pars absumpta fuerit; quos inter, e Consulibus alter L. Æbutius; Volsci, atque Æqui opportunum id rati tempus, quo Romanos semimortuos opprimerent; ad Urbem, infesto exercitu, perrexere. Quod, ubi Patribus nuntiatum est; tantus illos timor invasit, ut plerique, lue quamvis pessime affecti, lecticis tamen in Curiam, prætrepida concursatione, delati sint. Atque ipse Servilius Consul, licet exigua spe trahens animam, Senatu tamen coacto, quædam ad illud propulsandum hostium incommodum, opportuna factu proposuit. Quæ dum curantur; Æqui Volscique infesto jam agmine per agrum Romanum procedentes, squalentiaque, & morbo omnia dire vastata cernentes; mutato repente consilio ad integras florentesque Tusculanorum opes diripiendas conversi sunt. Caussæ satis justæ id sibi esse rati, quod Tusculani focii Romanorum essent; in eorumque amicitia fideliter viverent. Quare, signa repente convellunt; & Tusculanum agrum opimum copiis petunt; itineribus per Labicanos agros in Tusculanos colles mutatis: foedeque rapinis vastant, repugnante nemine. Interim enim Tusculani cum Latinis ceteris atque Hernicis, pudore etiam, non misericordia solum, moti, si nec obstitissent communibus hostibus, infesto agmine Romanam Urbem petentibus; nec opem ullam obsessis fociis ferrent; conjuncto exercitu, Romam pergebant. Ubi cum hostes non invenissent; secuti famam & vestigia,

3. Liv. l. 3.
Dionys. l. 9.

gia, obvii fiunt descendentes a Tusculano in Albanam vallem. Ibi, quamquam Tusculani non jam sociorum Romanorum injurias, sed suismetipsas ulturi essent; ac pro aris jam & focis pugnare viderentur; non tamen hostes magna clade affecerunt. sed pari ferme exitu hinc atque inde, prælium direptum est. Volsci tamen Æquique tum quidem novis direptionibus per Tusculanos agros abstinerunt; nec male valentes Romanos ultra invadere ausi sunt. 3. Itaque Tusculani, partim suorum agrorum ubertate, partim militum suorum virtute, hostiles ea vice impetus ab Romanis agris & mœnibus averterunt. Profecto ex hac narratione, Livii Dionysique de penu producta, situs antiquæ urbis Tusculi, quod scilicet in summo iugo fuerit montis, quem nunc dicimus *Il Tuscolo*, haud obscure colligitur. Siquidem Æqui Volscique, per Labicanos agros, in Tusculanos venere colles. Labicani autem agri sunt circa oppidum nunc *La Colonna*. quod etiam pluribus, ex antiqui Labici ruinis conditum, existimatur. Porro, nonne hæc est Via eadem, quæ Albanum inter & Tusculanum collem nunc quoque sternitur? Rursum, a Tusculano Æqui Volscique in Albanam vallem descendisse hic memorantur. Atque idem plane hodie est descensus, ex loco *Il Tuscolo* in Albanam vallem, circa locum, vulgo *l'Ostaria della Molara*, ipsumque oppidum dirutum *la Molara*. Per autumnum vero insequentis anni, L. Lucretio Tri-

cipi-

cipitino , T. Veturio seu Vetufio Gemino Confu-
libus . Lucretium , dum in Hernicis fedet , Volſco-
rum prædonum agmen fefellit , ſupra montes Præ-
neſtinos ductum . inde dimiſſum in campos , vaſta-
vere agros Præneſtinum , Gabinumque . ex Gabino
in Tuſculanos flexere colles . Atque has quidem
hoſtiles incurſiones & populationes Tuſculani an-
nuas fere toleraverunt ; dum Romanorum in fide
firmi perſiſtunt . Quod & fidei ipſorum argumen-
tum ingens , & agrorum quoque eorum ubertatis ,
quæ hoſtiles manus toties alliceret , ſingulare fuit
teſtimonium .

Anno autem V. C. CCLXXXII. C. Claudio
Ap. F. Sabino , P. Valerio Poplicola Coſs. dum
Roma tribunitiis turbulentiffimis motibus agita-
retur ; id accidit , in quo Tuſculani bellicam ſuam
virtutem maxime illuſtraverunt . 4. Appius Her-
donius Sabinus , vir domi nobilis & opulentus , rem
Romanam occupare eſt aggreſſus . Communicato
igitur cum amicis conſilio , breviter ex clientelis
atque ſervitiis , hominum quatuor millia confecit :
quos armis inſtructos , per Tiberim ſcaphis im-
poſitos , Romam devexit . Eas copias nocte intempe-
ſta , ad ripam appulit Capitolio proximam , nec
toto diſtanti ſtadio ; ubi , expoſitis , & per Por-
tam Cæmentinam , ſive Carmentalem , oraculo
patentem , introductis , Capitolium arcemque con-
tiguam occupavit . Eo animo , ut exules reciperet ;
ſervos vocaret ad pilea ; obæratæ remiſſionem pol-
lice-

4. Liv. l. 3.
Dionys. l. 10.

liceretur ; inopes Cives , & ob id potentioribus iniquos , oblata novandarum rerum occasione , commodorum participes faceret . Ingentem ad hæc audenda spem animumque turbulentus Civitatis status præstabat . Ceterum spe falsus est ; nemine ex iis , quos allexerat , adeunte . Occupata enim arce , diffugientibusque iis , qui primo impetu non sunt confossi ; universa Urbs ad arma derepente fuit concitata . Deque erectioribus areis , de tectis etiam atque moenianis , multa in Capitolium tumultuarie missilia & tela jactata . Eadem nocte & Tusculum de arce capta , Capitolioque occupato , & alio turbatæ Urbis statu nuntii venerunt . L. Mamilius , vir impiger , tum Tusculi Dictator erat . is confestim , convocato Senatu , atque introductis nuntiis , magnopere censet , ne expectent , dum ab Roma Legati auxilium petentes veniant : periculum discrimenque ac sociales deos , fidemque foederum id poscere . demerendi beneficio tam potentem , tam propinquam Civitatem , numquam parem occasionem deos ipsos daturus . Placuit itaque Tusculano Senatui ferri auxilium . Nec mora ; delectus confestim edicitur ; frequens Tusculana juvenus conscribitur ; arma dantur . Romam prima luce venientes , procul speciem hostium præbuere . Æqui aut Volsci venire visi sunt . Deinde , ubi vanus terror abiit ; accepti in Urbem , agmine in Forum descendunt . Eademque ferme hora , lux , & qui essent in occupato Capitolio hostes , & qui-

nam

nam in Foro auxiliares adventassent focii, detexit. P. Valerius Consul, relicto ad Portarum præsidia collega, suam aciem instruxit; solis Tusculanis in ejus discriminis & gloriæ partem acceptis; eorumque tantum, de fociiis, egregia usus est opera, in Capitolio recuperando. Oppugnabatur autem arx undique. nam alii e propinquis ædibus vasa bitumine piceque referta atque incensa in eam jaculabantur; alii, congestis sub rupem farmentorum fasciculis, mox accendebant ipsam congeriem, flammam secundo vento adjuvante. Fortissimorum militum globus per adversum clivum, & viam manu factam, in arcem tendebant. Hi, quamvis præstarent numero; in angustiis, explicare sese non poterant; telis non irritis in confertos cadentibus. Itaque nec numerus proderat; nec durata bellis virtus per ardua nitentibus; nec cominus, sed missilibus, pugnantibus, invalidis & inferiore loco ictibus. Contra, e sublimi jacta ictum adjuvabant ipso pondere. Non defatigabantur tamen oppugnatores; sed perdurabant in continuatis die nocteque laboribus. Strenue, itaque, Romana ac Tusculana Legio se gerere. Certare Tusculani focii Romanique milites, utri recuperatæ arcis suum decus facerent. dux uterque suos adhortari continenter. trepidare demum hostes; nec ulli satis rei, præterquam loco, fidere. Trepidantibus inferunt signa Romani, fociique Tusculani, novo impetu. Jamque in vestibulum perru-

perant templi ; cum P. Valerius Consul , inter primores pugnam ciens , interficitur . L. tamen Mamilius Tusculanus Dictator adeo suos Romanosque simul animavit ; ut prius miles uterque vinceret , quam se Romanus sine proprio duce pugnarentiret . Multi exulum cæde sua foedavere templum ; multi vivi capti . Arce ita expugnata , Herdonius vir robustus & manu promptus , edita prius magna circa se strage , obrutus telis periit . Eorum , qui ipsum stipabant , militum major pars se ipsi jugulaverunt ; aut per rupes præcipitaverunt . Ita Capitolium tertia die , qua occupatum fuerat , de invadentium prædonum manibus , Tusculana virtute comite , ab Romanis recuperatum . De captivis , ut quisque liber aut servus esset , suæ fortunæ a quoque sumtum supplicium est . Tusculanis vero ingentes publice gratiæ actæ . Qui cum suo Dictatore Mamilio , haud paucis licet desideratis , qui fortiter in certamine pugnantes obierant , æterna Urbis Principis servatæ gloria & fama onusti Tusculum redierunt . Tanta certe in ea expeditione Tusculanorum virtus emicuit , ut L. Quintius Cincinnatus posterioris deinde anni Consul , Romæ pro concione asseverare non dubitaverit ; Tusculi ante , quam Romæ , pro liberando Capitolio arma sumpta fuisse . in dubioque remanisse , utrum L. Mamilius Tusculanus dux , an P. Valerius & Claudius Consules Romanam arcem liberassent . idemque Cincinnatus publice fassus fuerit , nisi Tusculani
sua

sua sponte , in tempore , arma sumfissent ; Romanos capiendos atque penitus delendos fuisse . Et tamen Tusculani iidem , multis post sæculis a Romanis tam crudeliter habiti sunt ; ut dirutis & incensis Tusculi urbis moenibus atque ædificiis ceteris omnibus , ex eorundem fragmentis idem Capitolium , olim Tusculana virtute de fervorum manibus recuperatum , exornare Romani iidem non dubitaverint . Quod infra opportune narrabitur .

Vix autem hæc in Capitolio recuperando strenue gesserant Tusculani ; s. cum , vertente anno , qui fuit V. C. ducentefimus nonagesimus tertius , Q. Fabio Vibulano tertium , L. Cornelio Maluginensi Coss. suam ipsi arcem , licet editissimam & munitissimam amiserunt . Romanorum tamen , tam recenti insignique beneficio sibi obligatorum , virtute , brevi recuperavere . Siquidem , dum ad Antium alter Consul cum exercitu moraretur ; Æqui , robore juventutis præmisso , Tusculanam arcem , nocturnis faventibus tenebris , capiunt ex improviso . reliquo exercitu , haud procul Tusculi moenibus confidentes , quo magis hostium copias distinerent . Foedæ rei nuntios Tusculani statim Romam dimittunt ; qui celerrime ab Roma in Castra ad Antium perlati , haud secus Romanum exercitum commoverunt , quam si rursus Capitolium ipsum ab Æquis occupatum , nuntiatum foret . Adeo & recens Tusculanorum meritum erat ; & similitudo ipsa periculi datum auxilium reposcere

5. Liv. l. 3.
Dionys. l. 10.

re videbatur. Fabius, itaque, omiſſis omnibus, præda, quam exercitus receperat, intra muros Antii conveſta; modicoque ibidem, adverſus Volſcorum motus, relicto præſidio; citatum agmen continuo Tuſculum rapit. Cumque maximis itineribus pergendum foret extemplo; nihil præter arma, & quod cocti ad manum fuit cibi, ferre militi licuit. Commeatum ab Roma deinde Conſul Cornelius ſubvexit. Cum tamen ea eſſet Tuſculanæ arcis natura, ut invia fere ab omni parte & ſublimis atque ardua, eos qui ſe occupaveſſent, quam tutiſſimos redderet; ac, niſi per inſidias occuparetur, vi fere inexpugnabilis eſſet; (ut Tuſculi jugum ac prærupta rupes in eo, nunc quoque oſtendunt) hinc factum; ut aliquot menſium ſpatium in ea ab hoſtibus liberanda Romani coacti fuerint inſumere. Quo tempore acriter Tuſculi bellatum eſt: parte enim exercitus Conſul Æquorum caſtra oppugnabat; partem Tuſculanis ad recuperandam arcem tradiderat. Vi tamen numquam ea ſubiri potuit. Fames denique obſeſſum inde hoſtem detraxit. Quo, poſtquam ventum eſt ad extremum; inermes, nudique omnes ſub jugum ab Tuſculanis miſſi ſunt. Hos ignominioſa fuga domum ſe recipientes Romanus Conſul, in Algido conſecutus, ad unum omnes occidit. Viſtor ad Columen (id loco nomen eſt, ait Livius) exercitu relicto caſtra locavit. Ita redditum ab Romanis beneficium Tuſculanis fuit, vicesque permutatæ; & Arx Tuſculan-

lana, munitissima situ loci, in Civium suorum potestatem redacta. Quæ interim nostra hæc Commentaria lecturi perpendant porro; & situm veteris Tusculi in jugo montis constitutum fuisse, novo clarissimo documento plane perspicient. Neque enim, si, eo loco, quem nunc quoque *Tusculum* nominamus, arx fuit Tusculana, quod & Mattejus ipse non diffitetur; urbs deinde Tusculum quatuor millibus passuum infra, sub montis radices, ubi nunc *Frascati*, quod ait Holstenius, esse potuit. Ex hæctenus enarratis id certe jam constat. Quomodo enim tanto intervallo de propriis moenibus Tusculani Æquos Tusculanam arcem occupantes obsidione cingere, eosque ad deditionem præ fame adigere potuissent? Fuit igitur arx munitissima Tusculana in summo Tusculani montis cacumine, eo loco, quo nunc quoque horrendum excisum saxum apparet. Circaque illam Tusculum urbs fuit, situ plane illo, quem nunc quoque *il Tuscolo* nominamus. Illud etiam obiter hic notandum; locum, qui Livio *Ad Columnen* dicitur, facile in eum, quem modo dicimus *La Colonna*, congruere potuisse. Ad quam conjecturam firmandam nominis similitudo non minimum sane pondus habuerit.

Ceterum, anno insequenti, nempe V. C. CCLXXXIV. Consulibus L. Minucio, C. Nautio secundum 6. Æqui verbis societatem recentem simulantibus, factis vero se gerentes hostiliter; Latinos, & in his maxime Tusculanos, Populum Latinorum

6. Liv. Dionys. *ibid.*

fa-

facile principem, quasi nullo conjuncti foedere sibi essent, bello laceffivere. Ejus expeditionis dux fuit Gracchus Cloelius vir industrius, qui delatum ad se gentis imperium, proxime regiam potestatem evexerat. Progreffus enim cum exercitu usque Tusculum, ex quo capto atque direpto, superiore anno Romani, ut narratum est, Æquos expulerant; multum Mancipiorum abegit & pecorum; segetesque jam tum maturas corrupit. Ad eum cum Legati a Senatu Romano venissent; causam quæsituri, cur Æqui infestarent socios, post recens foedus, nulla præterea injuria provocati. instarentque Legati pariter, ut ab Graccho audirentur, repetituri captivos, & ceteras res Tusculanis ademptas; jussurique ut exercitum abduceret; ille simulans, se gravissimis negotiis aliter occupatum, & impeditum; illos admittere atque audire nolens diu distulit. Tandem ubi eos admittere visum est; mandatis Senatus ab Legatis expositis; Demiror, inquit, vos, Romani, cum ipsi omnes pro hostibus habeatis, etiam a quibus læsi nusquam estis, sed tantum imperandi libidine; non permittere, deinde Æquis, ut ab inimicis suis Tusculanis veterum injuriarum exigant pœnas. cum tamen in Romano cum Æquis foedere, cautum Tusculanis non sit. Ergo, si res Tusculanorum reposcitis; non a me, sed ad hac fago repetite. Atque hæc irridens, proxima quæ forte stabat, fagum arborem digito ostendit. Profecto hac moti contumelia Roma-

mani, quamquam ad ultionem properarent, non tamen exercitum statim eduxerunt. Verum per feciales, & novos Legatos, Deorum adjuratione & obtestatione peractis, agere prius voluere. Post hæc, arma sumta. Sed Gracchus Cloelius Æquorum dux Romanum exercitum intra convallem, simulata prius fuga, ita conclusit, ut exitibus ab hoste undique occupatis, ad deditionem jam jam cogeretur, inopia saltem annonæ, Adfuit tamen in tempore creatus Romæ Dictator L. Quintius Cincinnatus, celeberrimus ille Dictator ab aratro; quem gente Quintia Tusculana creatum memorant. Hic, Tusculanorum quoque auxilio, pro suis ipsorum rebus recuperandis strenue præliantium sub duce L. Mamilio, eorum principe, non modo statim suorum exercitum ex insidiis angustiisque liberavit; verum hostilem quoque gravissima clade affecit; resque Tusculanorum ipsis fociis recuperavit. Cum enim acriter dimicatum esset utrinque; ad summam, Æqui versa jam vice, commeatibus simul & auxiliis exclusi, nec continuatos assultus hostium ferentes, pacem a Quintio supplices, per Legatos, petunt. Ille, daturum se his conditionibus, reponit. Ceteros Æquos, armis ademtis, sub jugum se transmissurum; Gracchum vero belli ducem, cum aliis defectionis auctoribus, ut hostem, pro meritis, tractaturum: jussitque ut eos victos sibi dederent. Quibus annuentibus, illud insuper, mulctæ nomine, imposuit; ut, quo-

niam ipsi non lacessiti Tusculum urbem sociam atque amicitissimam Populi Romani tam foede diripuerant ; vicissim Corbionem sibi diripiendum præberent . (Fuisse Corbionem , quidam autumant , non longe a loco , ubi nunc Castrum vulgo *Monte Fortino* , alii *Rocca Priora*) Cum his responsis Legati dimissi , paullo post reversi sunt , Gracchum vinctum adducentes , cum ceteris defectionis auctoribus . ipsi cum copiis Æquorum inermes castris suis egressi , & per Romana traducti ; postremo sub jugum missi sunt . Fiebat autem jugum tribus hastis ; ex quibus duæ in terram figebantur , transversum supra illas tertia alligata . Corbionem quoque , juxta foedera , tradiderunt . hoc uno impetrato , ut ingenuis , antequam oppidum diriperetur , liceret excedere . Pro quibus acceptis , Tusculani captivi , sine alio pretio Tusculum dimissi sunt . Prædam Quintius in suos , & T. Quintii Quæstoris milites , divisit ; Minucii Consulis exercitu in partem nusquam vocato ; quod contentus esse deberet , dicens , ipsum hostibus prædam non fuisse . His rebus gestis , & Magistratum deponere coacto Minucio , quod , hostium insidiis circumveniri se , siveisset ; Dictatura , quam in sex menses acceperat , intra decimum sextum diem a fascibus sumtis , se abdicavit . nihil ab Senatu aut prædæ aut agrorum , oblatum abunde , accipiens ; seseque , vir quamaxime frugi , exemplumque continentiae atque modestiae singulare , ad prædiolum suum arandum

atque excolendum, trans Tiberim, loco ubi deinde fuere navalia, tunc *Prata Quintia* appellato, lætissimus, ac triumphante magis exultans, recepit. Prius tamen eodem die, quo pugnatum fuerat, L. Mamilio Tusculanorum Principi, ob singularia beneficia Populo Romano præstita, approbantibus cunctis, Romana Civitas data est.

Non fuit nihilominus ea pax diuturna 7. anno enim V. C. CCLXXXVI. T. Romulio, C. Veturio Coss. perfidi Æqui Tusculanum agrum populatibus invaserunt. Id Romam continuo cum esset nuntiatum; fecit pudorem recens ejus Populi meritum morandi auxilii. Itaque ambo Consules cum exercitu missi, hostem in sua sede in Algido inveniunt. Ibi pugnatum. supra septem millia hostium cæsa: alii fugati: præda parta ingens. Eam, propter inopiam Ærarii, Consules vendiderunt. Invidia tamen res ad exercitum fuit. Ea denique Tribunis materiam criminandi ad plebem Consules præbuit. Quibus die dicta; Romulius x. millibus æris, Veturius xv. damnati sunt.

7. Liv. lib. 3.
Dionys. l. 12.

8. Anno autem V. C. CCCII. quo secundum Decemviri Consulari potestate Romæ creati sunt, Romani cum ipsis Decemviris ab Æquis in Algido, ingenti clade affecti, & Castris exuti, vulnerati majorem partem, omnibus quoque utensilibus spoliati milites, Tusculum se, fide, misericordiaque victuri hospitum, contulerunt. Nec Tusculani amicos sociosque fefellere. Romam tanti erant

8. Liv. l. 3.

terrores allati , ut posito jam Decemvirali odio , quo plebs maxime flagraverat ; Patres vigilias in Urbe habendas censerent ; omnes , qui per ætatem arma ferre possent , custodire mœnia , ac pro portis stationes agere juberent : arma Tusculum ad supplementum decernerent ; Decemvirosque ab arce Tusculi digressos , in Castris militem habere . Profecto Decemviri idcirco exercitum contra

9. *Disny. l. II.* Æquos 9. prius eduxerant , quod hi Tusculanum agrum invadentes sibi finitimum , multum ejus populantes , in Algido , de more , castra metabantur ; Tusculanique Legatos Romam pro vetere amicitia auxilium postulatum miserant . Anno cccx. L. Papirio Mugillano, L. Sempronio Atratino Cofs. cum Volsci re male gesta apud Ardeam , cum singulis tantum vestimentis, ex jugo, sub quod missi fuerant a Romanis , ignominie cladisque pleni , haud procul urbe Tusculo confedissent ; 10. veterem Tusculanorum odio inermes oppressi , dederunt pœnas ; vix nuntiis cædis relictis . Sed jam Tusculanus ager continui ferme ac in annos singulos instaurati belli ab Æquis & Volscis contra Romanos , aut viceversa, theatrum opportunissimum videbatur . Cum enim Æquis Volscisque , non raro etiam Hernicis , mos esset in Algidenfibus Campis spatiosissimis castra metari ; Romani adversus illos in Tusculano consistere consueverant . Itaque , V. C. trecentesimo vigesimotertio , 11. acriore ab Æquis & Volscis bello instaurato ; cum hi bifariam in Algido

10. *Liv. l. 4.*

11. *Liv. l. 4.*

castra , parvo inter se spatio distantia , metati essent ; T. Quintius L. F. Cincinnatus Poenus , & C. Julius Mento , ejus anni Consules , ipsi quoque duplicem exercitum in Tusculanos agros educendum curarunt . Cum tamen domesticis Tribunorum plebis turbis ea expeditio præpediretur ; Dictatorem placuit Romæ creari . Is A. Posthumius Tubertus fuit a Quintio Cons. creatus , cum is ipsius Consulis focer esset . Ab eo L. Julius Equitum Magister est dictus . Ita Dictator & Quintius Consul ipsi quoque mille ferme passus ab hoste , Dictator Tusculo , Consul Lanuvio propiorem locum castris ceperunt . Belli exitus summo apparatu suscepti , Romanorum victoria fuit , cæsis Æquis Volscisque ; quamvis nunquam fatis domitis . Quare , ^{12. Id. Ibid.} trecentesimo trigesimo septimo , ad Tribunos militum Consulari potestate creatos L. Sergium Fidenatem , M. Papirium Mugillanum , C. Servilium Q. F. Priscum Legati ab Tusculo venerunt nuntiantes , Lavicanos arma cepisse , & cum Æquorum exercitu depopulatos agrum Tusculanum , castra in Algido posuisse . Ceterum Tusculanis negotium datum fuerat , adverterent animos , ne quid novi tumultus Lavicis oriretur . Bellum itaque indictum est Lavicanis . Æqui tamen ingenti Romanos clade affecere . multique in ruina majore quam fuga oppressi , obtruncatique : castraque eo die ægre retenta . Postero , circumfusus jam , magna ex parte hostibus , per averfam portam

tam fuga turpi deferuntur. Duces Legatique, & quod circa signa roboris de exercitu fuit, Tusculum petiere. Speculatores inde Romam missi propere, nuntiavere, Tusculi Duces exercitumque esse; hostem castra loco non movisse. Ibi Dictatore creato P. Servilio Prisco, novoque delectu habito; accitis, qui Tusculi erant; duo millia passuum ab hoste locum castris Romanus exercitus cepit. Belli finis Æquorum strages fuit; oppidumque Lavici corona circumdatum, scalis captum atque direptum. Verum V.C. CCCLXI. in Æquis varie bel-

13. *Liv. l. 5.* latum: 13. adeo ut in incerto fuerit & apud ipsos exercitus, & Romæ, vicissent, victi ne essent. Certe Romani pars exercitus, nequicquam reclamante Duce ac retinente, Tusculum palati fugerunt. Tusculani nuntios statim Romam, qui, vanos ceteroquin, de occiso exercitu rumores tulerunt. Ab Posthumio tamen uno ex Tribunis militum Consulari potestate creatis cæde non falsa hostium mox habita, laureatæ literæ de victoria,

14. *Lib. 6.* paullo post subsecutæ, 14. tristis ab Tusculo nuntii pavorem omnem sustulerunt. An. CCCLXIII. Prænestini, cum a Romanis defecissent, Tusculanos agros & vicinorum incursionibus populati sunt; arguentibusque eos Tusculanis, & Gabinis, & Labicanis, apud Senatum, ita placide ab eo responsum est, ut minus credi de criminibus, quia nolent ea vera esse, appareret.

15. *Liv. lib. 6.*

Jam vero insequenti anno 15. cum inter Vol-
fco-

scorum captivos, quos M. Camillus una cum Prænestinis auxiliaribus devicerat, quidam etiam de Tusculanis reperti fuissent; ab aliis hi segregati sunt. percunctantibusque Tribunis militum, fassi, se publico Tusculani Senatus consilio militasse. Quod verum ne, an ad invidiam in suos concitandam, & ab sese avertendam, fictum fuerit, incertum est. Certe nullus in urbe Tusculana belli apparatus extiterat. Camillus tamen metu tam vicini belli commotus vehementer, eos captivos Romanam se ducturum, ait, ne Patres ignari sint, Tusculanos ab societate descivisse. Introductis in Senatum captivis, cum Patres censuissent, bello persequendos Tusculanos esse; Camillo id bellum mandatum est. Hic L. Furium alium ex Tribunis militum, quamvis sibi infensum atque æmulum, Collegam adjunxit. Non fuit tamen cum Tusculanis bellum. pace constanti vim Romanam arcuerunt, quam armis non poterant. Siquidem intrantibus Tusculanos fines Romanis infesto exercitu, non demigratum ex propinquis itineri locis ab ullo ex Tusculanis agrestibus, ne improvise quidem pavore; non cultus agrorum intermissus. Quin ad ipsam usque urbem Tusculum Romanum agmen cum processisset; patentibus portis urbis togati Tusculani primores obviam frequentes imperatoribus processere. Commeatus exercitui comiter in Castra Romana ex urbe & ex agris, Tusculani jussu Senatus, devehitur. Camillus, castris
an-

ante portas positis(Livii verba)eadem ne forma pacis, quæ in agris ostentaretur, etiam intra mœnia esset, scire cupiens; ingressus Tusculum, ubi patentes januas, & tabernis apertis proposita omnia in medio vidit; intentosque opifices suo quemque operi, & ludos literarum strepere discantium vocibus: ac repletas semitas, inter vulgus aliud, puerorum & mulierum huc atque illuc euntium, qua quemque suorum usuum causæ ferrent: nihil usquam non pavidis modo, sed ne mirantibus quidem simile circumspiciebat; omnia inquirens oculis, ubinam bellum fuisset. adeo nec amotæ rei usquam, nec ablatae ad tempus vestigium ullum erat: sed ita omnia constanti tranquilla pace, ut eo vix fama belli perlata videri posset. Victus igitur patientia hostium, Senatum eorum vocari iussit. Soli adhuc, inquit, Tusculani, vera arma veraque vires, quibus ab ira Romanorum vestra tutaremini, invenistis. Ite Romam ad Senatum. æstimabunt Patres, utrum plus ante poenæ, an nunc veniæ meriti sitis. Non præcipiam gratiam publici beneficii. Deprecandi potestatem a me habueritis; precibus eventum vestris Senatus, quem videbitur, dabit. Postquam Romam Tusculani venerunt; Senatusque paullo ante fidelium sociorum mœstus in vestibulo Curiae est conspectus: moti extemplo Patres, vocari eos jam tum hospitaliter magis, quam hostiliter iussere. Dictator Tusculanus ita verba fecit: *Quibus bellum indixistis intulistisque P.C. sicut nunc*

videtis nos stantes in vestibulo Curiae vestrae, ita armati paratique obviam imperatoribus legionibusque vestris processimus. hic noster, hic plebis nostrae habitus fuit, eritque semper; nisi si quando a vobis, proque vobis arma acceperimus. Gratias agimus & ducibus vestris & exercitibus; quod oculis magis quam auribus crediderunt: & ubi nihil hostile erat, ne ipsi quidem fecerunt. Pacem, quam nos praestitimus, eam a vobis petimus. bellum eo, sicubi est, avertatis, precamur. In nos quid arma possunt vestra, si patiendo experiundum est, inermes experiemur. haec mens nostra. dii immortales faciant, tam felix, quam pia. Quod ad crimina attinet, quibus moti bellum indixistis: & si re victa rebus, verbis confutare nihil attinet: tamen etiamsi vera sint, vel fateri nobis ea, cum tam evidenter poenituerit, tutum censemus. peccetur in vos, dum digni sitis, quibus ita satis fiat. Tantum fere verborum ab Tusculanis factum pacem in praesentia, nec ita multo post, Civitatem etiam impetraverunt. Ab Tusculo legiones deductae. Haecenus Livius de Tusculanorum solerti consilio in Romanorum ira placanda. Ex quibus multa ad Tusculi Tusculanorumque historiam illustrandam eruimus. Primo quidem, Romanos Tusculanorum bellicam virtutem & societatem plurimi fecisse; quippe qui eorum defectioni vix nuntiatae ac detectae occurrendum statim totius Reipublicae viribus censuerunt. Tusculanorum deinde Ulyssea vafrities apparet; qui per insidias socios Romanos circumvenire prius voluerunt; mox, cum res ma-

le cessisset , ad dissimulationem facti , per summam amicitiae conservatae speciem , conversi sunt . Scilicet Telegonum Ulyssis mortalium omnium vaferissimi Conditorem Tusculi jactitabant . Urbis etiam ipsius Tusculanae statum ex haecenus narratis agnoscimus . In ea enim tabernae plurimae ubi venalia omnis generis proposita erant , extitisse , ac cujuscumque artis opifices perhibentur ; vulgus plurimum plebis , puerorumque ac mulierum ultro citroque per trivia & compita commeantium ; ludi denique literarum permulti , in quibus juvenus in bonis artibus instituebatur . Quae , Tusculum urbem divitem , populosam & literarum studiis florentem ea aetate fuisse , designant . Profecto de studiis literarum , quod Tusculi florerent , id vero mirum ac rarum . Siquidem *Mars Latio venerandus erat , qui praesidet armis ; arma feræ genti remque decusque dabant* . Honorificentissima quoque Tusculani Senatus mentio fit in allata Livii narratione ; Dictatoremque Tusculi supremum ordinarium Magistratum , ac veluti Senatus Principem fuisse , cognoscimus . Demum , Tusculanos non solum pacem ea arte ab Romanis impetravisse , verum etiam antiquo *Sociorum* titulo , & *decus Civium Romanorum* additum omnes adeptos . Quod tamen illis caro admodum stetit .

16. Liv. l. 6.

Siquidem V. C. an. CCCLXXIX. 16. Latini ab Satrici direptione ad Tusculi , magno impetu , aggressi sunt . Incensi ea rabie Tusculum petierunt ,
quod

quod Tusculani, deserto communi Concilio ad Caput Aquæ Ferentinæ cogi consueto, non modo in Romanorum se societatem, sed etiam in Civitatem dedissent. Itaque aggressi Latini Tusculum; patentibusque portis, cum improvise incidissent; primo clamore, oppidum, præter arcem, captum est. In arcem oppidani refugere cum conjugibus ac liberis; nuntiosque Romam, qui certiorum de suo casu Senatum facerent, misere. Haud segnius quam fide Populi Romani dignum fuit, exercitus Tusculum ductus. L. Quintius & Servius Sulpicius Tribuni militum duxere. Clausas portas Tusculi, Latinosque simul obsidentium, atque obsessorum animo hinc mœnia tueri vident; illinc arcem oppugnare; terrere una ac pavere. Adventus enim Romanorum utriusque partis animos commutaverat. Tusculani, visis Romanis sociis ac civibus, ex ingenti metu in summam alacritatem transiere; atque ad rem strenue gerendam, pellendosque de sua urbe Latinos hostes egregie sunt animati. Latini, contra, cum certam jam arcis Tusculanæ direptionem & prædam sibi sponderent; quoniam oppido potirentur; in exiguum jam de se ipsis servandis, deque Romano hoste evadendo, spem ceciderunt. Itaque Tusculani, ingenti ex arce sublato clamore, aliquanto maiore vociferatione ab Romano exercitu excepti sunt. Interim Latini valide urgentur utrinque: nec impetus Tusculanorum decurrentium ex superiore

loco sustinent ; nec Romanos subeuntes mœnia , molientesque obices portarum , arcere possunt . Cum tamen id repetito Romanus frustra tentasset ; quod Latinorum robur omne ad portas ipsas tutandas confluerat ; scalis primo mœnia cepit ; aliqua parte sui incustodita , & a Latinis ad portas ferre unice intentis prætermissa . Mox ubi in urbem manus ampla intromissa , portarum claustra & repagula magno impetu effregit ; Latinis nequicquam contranitentibus . Jamque per patentes portas Romano exercitu omni subeunte , Latini & a Tusculanis de superiore arcis fastigio indefinenter appetiti , & a ferocibus Romanis circumventi , cum anceps hostis & a fronte & a tergo urgeret ; nec ad pugnam ulla vis , nec ad fugam loci quicquam superesset ; in medio , ad unum omnes cæsi sunt . Tusculum suis civibus redditum ; & Romanus exercitus , novo sibi Tusculanis fociis ac civibus suis beneficio ad fidem servandam obligatis , Tusculo reductus est . Profecto ex hac narratione de Livii penu deprompta , quis oculis ipsis , ut ita dicam , non perspiciat , situm antiqui Tusculi in summo Tusculani montis extitisse cacumine ? Certe arx , quod etiam Mattejus fatetur , in summo jugo fuit . Atque ea ab ipsa urbe circumdata , in ejus meditullio fuisse ex hætenus narratisprehenditur . siquidem capta urbe , Tusculani continuo in arcem sese receperunt cum conjugibus & liberis ; deque arce in Latinos urbe potitos , con-

ti-

tinua, nec irrita tela jaciebant. Fuit igitur Tusculum circa ipsam arcem; loco nimirum, quem antiquissimo suo nomine nunc quoque *Tusculum* appellamus. Neque enim, si arx Tusculi veteris in iugo montis, ubi nunc dicitur *Il Tuscolo* fuisset; urbs vero Tusculana, loco, ubi nunc *Frascati*, tertio, aut quarto, ut Holstenio placuit, milliario distans; aut improvisa fuga potuissent Tusculani ex urbe a Latinis capta, in arcem, cum impedimento præsertim conjugum ac liberorum, in tempore sese recipere; aut ex illa Latinos in urbe Tusculi tam procul ab arce stantes telis appetere, quæ hostem ad urbe excedendum cogerent, aut vulnerarent. Intervalla enim vides humane commoda. Cum præsertim ea ætate tormentorum bellicorum usus ignoraretur; resque saxis, stipitibus duris, fudibusque præuistis ageretur; & ea distantia, extra ipsum sagittarum, etiam maximo impetu ejacularum, ictum esset. Jam vero V. C. ccccxv. T. Manlio Torquato quartum, P. Decio Mure, Cofs. celeberrimo Latino adversus Romanos bello Tusculani quoque, quamquam focii & cives, in eosdem moverunt. In eo insigne Tusculani Ducis & Romani singulare certamen fuit. 17. T. Manlius Consul filius super castra hostium cum suis turmalibus evasit, ut vix teli jactu ab statione proxima abesset. Ibi Tusculani erant equites. His præerat Geminius Metius Tusculanus vir tum generis nobilitate tum rerum gestarum gloria inter suos

suos clarissimus . Is Romanos equites intuitus , insignemque præ ceteris Consulis filium cum agnovisset , (cum utrinque clari viri utique invicem noti essent in tanta locorum atque urbium vicinitate) : *una ne turma* , exclamavit , *Romani* , *cum Latinis sociisque bellum tanta confidentia gesturi estis ? Quid interea Consules , quid duo Consulares exercitus agunt ? Quid latitant , quid cavent ? quid certe morantes tergiversantur ?* Manlius , quamquam ab Consulibus , capitali poena proposita , edictum fuisset , ne quis extra ordinem pugnaret ; Tusculani tamen acriter audacibus dictis commotus , *Aderunt* , inquit , *in tempore ; cum illis Jupiter ipse , fœderum a vobis violatorum testis atque ultor , pœnas de fœdisfragis sumpturus accedet . Si ad Regillum lacum ad satietatem vestram pugnavimus ; hic quoque efficiemus profecto , ne nimis acies vobis , & collata signa cordi sint .* Tusculanus ad hæc paullulum ab suis equo cum processisset : *Quin , tu , Manli , dum exercitus cum Jove adventant , & constituta dies adest , qua tanto conatu nos aggreddiamini , interea tu ipse mecum congredieris singulari certamine ; ut nostro duorum jam hinc eventu cernatur , quantum eques Latinus Romano præstet ?* Movit ferocem animum juvenis seu ira , seu detrectandi certaminis pudor . Oblitus itaque imperii patrii , Consulumque edicti , præceps ad id certamen agitur , quo , vinceret , aut vinceretur , haud multum interesset . Igitur turmis duabus equitum hinc atque inde semotis ; per spatium , quod ab utrisque vacuum

cum relictum fuerat , adversos quisque concitant equos ; concurruntque infestis cuspidibus . Manlii cuspis super galeam hostis , Tusculani trans cervicem equi elapsa est . Circumductis deinde equis , cum prior ad iterandum ictum Manlius confurrexisset ; spiculum inter aures equi fixit . Ad cujus vulneris sensum , cum equus ; prioribus pedibus erectis , magna vi caput quateret , Geminium excussit . Dumque is cuspide & parma innixus a gravi casu se attollere conatur ; Manlius eum ab jugulo , ita ut per costas ferrum emerget , adactum terræ affixit . Hoste sic exanimato ; de illo spolia confestim legit . Reversusque ad suos , ob Consularis edicti violati , militarisque disciplinæ fractæ crimen , ab ipso Torquato genitore capitis multatus est : frementibus nequicquam commilitonibus ; verum ob Consularis majestatis reverentiam sese opponere violenter minime ausis . Cum autem haud ita multo post Romæ de pœnis , Latinorum singulis Populis , qui adversus Romanos conjuraverant , infligendis , pro cujusque meritis , statueretur ; Tusculanis servata Civitas est Romana , quam habebant : eo quod illos paucorum potius privato consilio , quam publica Tusculani Senatus auctoritate , ea arma sumsisse , constitisset . Ita hunc quoque feliciter , ut alias , Tusculani Romanorum furorem evaserunt .

Ceterum , Tusculanos in fide Populi Romani ad usque V. C. quadringentesimum trigesimum pri-

18. *Liv. l. 8.*

primum mansisse, legimus. Quo anno, Cajo Sulpicio Longo iterum, Q. Æmilio Cerretano Cofs. consilium opemque Veliternis ac Privernatibus Romanorum hostibus in bello adversus eosdem Romanos instaurando, contulisse, accusati sunt. 18. Itaque eodem anno de Tusculanis Romæ, Flavia rogatione, Populi fuit judicium. Siquidem M. Flavius Tribunus plebis ad Populum tulit, ut in Tusculanos infidos socios ac cives animadverteretur; ab eis consilio & opibus adjutos fuisse Romanos hostes, Veliternos scilicet & Privernates, qui Populo Romano recens tum fecerant bellum. Populus Tusculanus ad antiquas suorum artes in deprecando a Romanis supplicio, eorumque furore placando conversus; cum conjugibus ac liberis Romanam venit. Ea multitudo, veste mutata, specie atque habitu reorum Romanas Tribus, quæ ad suffragia pro eorum damnatione convenerant, circumire coepit; genibus se omnium advoluens; verbisque ac gestibus ad commiserationem quam aptissimis, vetera ab Tusculanis Romano Populo collata beneficia commemorans. Plus itaque misericordia ad poenæ veniam impetrandam, quam causa ad crimen purgandum valuit. Tribus omnes, præter unam Polliam, Flavianam rogationem de poena ab Tusculanis sumenda antiquarunt. Severior Pollia ceteris in ea fuit sententia, ut puberes Tusculanorum omnes, verberati prius, necarentur; conjuges liberique sub corona, lege belli,

li, venirent. Ea perpetuorum odiorum causa fuit Tusculanis in Tribum Polliam. Siquidem ad ultima usque Romanæ Reipublicæ tempora, publicæ, Polliam inter Tribum atque Papiriam, in qua Tusculani suffragium ferebant, inimicitie fuerunt. Nec ullum ex Pollia Tribu Candidatum Papiria unquam tulit, aut suis suffragiis adjuvit. Bello autem Punico secundo fervente quammaxime; Annibalem ab Tusculanis oppido repulsum Livius & Silius tradidere. Et hæc quidem Tusculanorum res bello gestæ, Romana, suaque florente Republica.

Ceterum in fide Pop. Romani semper deinceps permansere: eumque & annona, & militum auxiliaribus copiis juvere. Quin immo, cum a primis ferme Romanæ Reipublicæ sæculis Romana fuerint Civitate donati; pars ipsi nobilis Romanorum evasere. Unde & in communionem rerum gestarum Pop. Romani etiam Tusculani venerunt. Tusculum enim Municipium fuit honestissimum; quod inter cetera antiquissimum, & primum omnium recensetur. Propriis semper legibus ad extremum usque Romanæ Reipublicæ tempus vivere permissum est. Cumque, ut modo agebam, Romana Civitate ex antiquis temporibus gauderet; quamplurimas nobilissimas familias summis honoribus functas Romæ subministravit. Ex quibus viri bello & pace clarissimi fortissimique prodierunt. Quorum præcipuos aliquot infra commemorabimus.

mus. Nunc tempora, & modum, quo potissimum Tusculani in Civitatem Romanam cooptati sunt, ex iis, quæ in superioribus de Livii penu protulimus, designare opportunum est. Itaque primum omnium, Municipium cum suffragii latatione fuit Tusculum. Cui quum (ut inquit Pompejus Festus) primo sine suffragio Civitas data esset; post aliquot annos, *pleno jure* Cives Romani Tusculani facti sunt. Illud Urbis Conditæ trecentesimo septuagesimo tertio factum, 19. meminimus ex Livio. Civitatem vero Romanam sine suffragii jure eos adeptos fuisse quadriennio post, eodem ex auctore eruimus. Siquidem sic refert: incensos Latinos ea rabie impetus Tusculum tulit, ob iram, quod deserto communi Concilio Latinorum, non in societatem modo Romanam, sed etiam in Civitatem se dedissent. Quod V. C. CCCLXXVII. factum, legimus. Tusculanos vero suffragii jus adeptos fuisse haud longe post primum Consulem e plebe creatum, ex his Imp. Claudii verbis apud Tacitum est intelligere: * *Plebei, inquit, Magistratus post Patricios. Latini post Plebejos; ceterarum Italiæ gentium post Latinos. Neque enim æquum videbatur; plebem Romanam magistratibus capiendis exclusam, alienigenas vero admissos fuisse. Tusculanos autem suffragii jure a Populo donatos in Tribum Papi-riam (ut Livius libro octavo, vel Popilliam, ut Valerius libro nono, capite decimo, tradunt) a Censoribus relatos fuisse, constat. Adjecit denique*

19. Lib. 6.

* *Annal. l. 11.*

Li-

Livius eodem libro; post bellum Latinum, quo Latium omne domitum est, anno V. C. sexcentesimo decimo sexto, L. Furio, C. Menio Cofs. Tusculanis Civitas servata, quam habebant; crimenque rebellionis a publica fraude in paucos auctores versum. Ex quibus liquet, Tusculanos perpetuo Cives Romanos fuisse. De Municipio Tusculo luculentissimum & honorificentissimum, inter alia, testimonium est Ciceronis, in Oratione Pro Cneo Plancio, in qua M. Laterensem adversarium alloquens Tullius, *Tu es, inquit, ex Municipio antiquissimo Tusculano, ex quo plurimæ familiæ sunt Consulares; in quibus est etiam Juventia; quot e reliquis Municipiis omnibus non sunt. Paucisque interjectis, Tusculanos a modestia laudans, quod in suis claris viris jactandis non extollerentur: Num, inquit, aliquando vides, Tusculanum aliquem de M. Catone illo in omni virtute principe, num de T. Coruncano Municipi suo, num de tot Fabiis gloriari? Verbum nemo facit. Caussamque hujus moris a Tusculanis adhibiti eam addit multo honorificentissimam, quod scilicet id Municipium Consularibus refertum erat. Suis hinc legibus, quod Municipiorum proprium fuit, Tusculani diutissime uti permitti sunt. Quarum etiam unam alteramve apud veteres Auctores commemoratam invenimus. Siquidem: 20. L. 5. L. L. apud Tusculanos, inquit Varro, lege cautum erat, ne quis vinum novum, antequam Vinalia calarentur, in urbem inveheret. Et Macrobius ex Hygino: 21. Tu-*

20. L. 5. L. L.
21. Saturnal.
l. I. c. 12.

K 2

scu-

sculi, privignos ducere novercas consuevisse; & iis, qui viros interfecissent, eorum viduas desponsare licuisse. Quæ tamen lex Tusculanorum ex fabula Telegoni, Ulyssis patris interfectoris, & Circes deinde mariti, pendere videtur.

Ceterum, licet verum sit, Tusculum Romanorum Coloniam deductam nunquam fuisse; male tamen Mattejus dubitat de Colonia Albanorum, regnante Latino Silvio Albano rege, deducta Tusculum. Cum id ex Dionysio perspicue constet. Postquam autem Cæsares Romæ rerum potiti sunt; Tusculanum Municipium in suburbanam veluti Principis Urbis partem concessit: & civium quidem frequentia destitui cœpit; villarum vero deliciis copiosissime affluere. De Tusculanorum Municipum exiguo numero meminit etiam Tullius in Planciana. Colebant tamen Tusculanum agrum, Romani præcipue illi, qui Tusculo oriundi erant, ut Quintii, Porcii, Coruncanii, aliique, de quibus suo loco cetera. Ex his aliquis a Tusculanis in sui Municipii Patronum semper eligebatur. quod erutus in Tusculano lapis testatur

FLACCIAN - - - - -
 AED. CVR. PATRONO MVN.
 TVSCVLAN . . . ET
 ANCARIAE VALE
 RIAE . CLARISS. FOEMINAE
 Q. ANCARIVS . C. F. LATINVS
 EQ. R. FAC. CVR
 L. D. D. D.

Præter Patronum Municipii . Tusculani *Curatorem* quoque , *Reipublicæ Tusculanorum* invenimus . Huiusmodi fuisse L. Cæsonium Lucillum e Quirina Tribu , vetus Inscriptio nos docet

L. CAESONIUS C. F. QVIRINA . LVCILLVS
MACER . RVFINIANVS . CONSVL . FRATER
ARVALIS

PRAEFECTVS . VRBI . ELECTVS . AD . CO
GNOSCENDAS VICE CAESARIS
COGNITIONES . PROCOS. PROV. AFRICAE
INTER XX VIROS EX SENATVS
CONSVLTO

R. P. CVRAND. CVRATOR . AQVAR
ET . MINICIAE

CVR. ALBEI TIBERIS ET CLOACARVM
VRBIS . LEGATVS . PROV. AFRICAE . EODEM
TEMPORE . VICE . PROCONSVLIS
CVRATOR

R. P. TVSCVLANORVM . CVRATOR
R. P. SVESSANORVM

PRAETOR . KANDIDATVS . QVAESTOR
KANDIDAT

ELECTVS . IN . FAMILIAM . PATRICIAM
X VIR STLITIBVS . IVDICANDIS .

Cetera

Quamquam diversum omnino Curatoris ab Patroni munere , fuisse munus , viri aliqui eruditi iudicaverint . Quod autem Tusculani militibus Romanos juvarent , testis est lapis alius , in quo *Decuriae Tusculanensium* fit mentio .

C. COPONI CRESCENTIS
 DEC. THVSCVLANENSIVM
 QVAEST. R. P. VETER. AVG.
 LEG. XIV. GEMIN. SIGNIFER
 R. M. FECERVNT
 C. CAVIVS. PRISCVS. FIL
 SCRIB. RESTITVTVS . HER
 V. A. L.

Majestate vero Romani Imperii deficiente jam, Tusculani sub Comitum priorum, qui ex He-
 truria nobilissimi erant, regimine, in quandam
 veluti se libertatem asserere persæpe ausi sunt.
 Quare se cum his modo Germaniæ Regibus, mo-
 do jam cum illis conjungere, & belli pacisque so-
 cietatem ac foedera inire consueverunt. Iphis quo-
 que Romanis infesti, eorum & agros & urbem &
 exercitus populationibus ac cædibus vexare non
 destiterunt. Donec ab iis, veteri odio exasperatis
 quammaxime, Tusculum excisum penitus fuit.
 Bella hæc Christianis sæculis Tusculanos inter va-
 riosque hostes plurimos habita, quæ nostri non est
 hic instituti commemorare, antiquiora tantum
 profanorum temporum nobis recensentibus, apud
 Barnabam Mattejum diligenter 22. notata inve-
 nies. Nos Tusculi Veteris tantum excidium, quod
 polliciti sumus initio, hic recensebimus.

22. Mem. dell'
 Antic. Tuscol.
 a pag. 141. usq.
 ad fin. libr.

Itaque, Coelestino Tertio Romano Pontifice,
 atque Henrico Romanorum Imperatore hujusce
 nominis sexto; cum jam antea sæpe Romani, ut
 Tusculum excideretur, ab Imperatoribus postu-
 las-

lassent ; ob antiqua intestina in Tusculanos odia ;
cladem præcipue ab Tusculanis cum Germano-
rum exercitu conjunctis sibi illatam , qua , uno die
ad duodecim Romanorum millia cecidisse perhi-
bentur ; id excidium sæpius a Cæsaribus stabili-
tum , tandem aliquando juxta Romanorum vota
peractum est . Siquidem anno a Virginis Partu
millesimo centesimo nonagesimo primo , ipsa Feria
sexta Majoris Hebdomadæ , cum Henricus Ro-
mam venisset , ut a Romano Pontifice Imperato-
ria corona insigniretur ; neque id juxta fœdera
consequi posset , antequam Germanorum militum
præsidium ab Tusculo reduxisset ; eamque urbem
excidendam Romanis traderet ; utrumque vi fœ-
deris præstitit . Itaque Populus Romanus , Tibur-
tinis , qui veteri & ipsi invidia Tusculanis infensi
erant , noctu accitis , desertum jam ab Germano-
rum præsidio Tusculum , & ex improvise ante lu-
cem aggressus , ferro ignique mœnia ac reliqua
publica & privata ædificia vastavit . Cum enim
Tusculanos una cum conjugibus ac liberis quiete ,
nihilque tale suspicantes , intra domos quemque
suas reperissent hostes ; paucis , qui ad Portarum
custodias stabant , occisis , inexaturabili odio adver-
sus cives , nemini parcentes , crudelissime defæ-
vierunt . Non modo enim inermes interficiebant ;
verum , cum jam interfecissent , in cadavera quo-
que furiis acti ferebantur ; alia manibus , alia cru-
ribus , hæc oculis , ea auribus , vel naribus mutilan-
tes.

tes. Quod etiam vivis pluribus intulerunt ; quos foede ita laceratos extra patriam vagos expulere. Tantus autem in excidendo Tusculo Romanorum Tiburtinorumque furor fuit ; ut, non modo solo omnia ædificia æquaverint ; verum igni ferroque ipsas etiam ruinas corruerint, & sale locum seminaverint. Ingentem vero veterum monumentorum nobilissimorum prædam & Tibur Tiburtes, & multo magis Romani Romam asportaverunt. Inter quæ, marmora plurima, & statuas in Capitolio illo collocaverunt, quod antiquissimis temporibus Romani, Tusculanorum præcipue virtute, occupatum a servis, receperant. Quotannis quoque Romæ diu solemnem Tusculi excisionis memoriam festis ludis celebrare perrexerunt. In quibus, tamquam pompa, cineres Tusculanæ urbis populo ostendi solebant. Duasque Tusculanæ veteris urbis claves ferreæ catenæ alligatas, de Gallieni triumphali fornice, nunc *Sancti Viti*, ad perpetuam rei memoriam suspenderunt. quas patrum usque in ætatem ibidem visas, accepimus. Nec enim Tiburtinæ, ut male quidam, verum Tusculanæ ab Romanis, & Tiburtinis simul excisæ urbis claves illæ fuerunt. Tiburtes vero, inter alia ipsi quoque spolia de Tusculanis parta, Ægyptias statuas duas Isidem & Canopum referentes, quas vulgo *Canopos* vocant, Tibur transtulerunt. Quæ hodieque Tiburi in foro Ulmi, ante Sacram Ædem Principem, extant. Imaginem quoque Re-
pa-

NONNULLA TVSCVLANORVM VETERVM MONVMENTA.



I. C. Mamili ex Gente Tusculana Numus, in quo Vlyses et Mercurius Telegoni Conditoris Tusculi Majores repraesentantur. II. Numulus Sodalitii Veterum Tusculanorum. III. Sulpiciae Gentis origine Tusculanae Numus apud Vrsum, in quo Vrbs Tusculum et Castores, qui ad Regillum in Tusculano crediti sunt pugnasse, exhibentur. IV. Antiquae Urbis Tusculi figura eodem ex numo. V. Lucii Luculli sepulcri vestigium prope portam Tusculanam nunc d. S. Pietro di Frascati privatae domus intra fines inclusum. VI. Vetus fanum ne an sepulcrum? in agro Tusculano, olim Rocciorum. VII. Antiqui Aedificii cum gradibus, forte ad spectacula, in Tusculano monte vestigium.

paratoris Nostri Sanctissimi prodigiis & cultu celeberrimam, cujus pictorem Sanctum Lucam tradunt fuisse, Tiburtes ex ea præda intra sua moenia transtulerunt. Quam, in hanc diem, summa apud ipsos veneratione coli, videmus. Illud hic non omiserim; excidium urbis Tusculi, quod Scriptores plerique omnes anno Reparati Orbis millesimo centesimo nonagesimo primo contigisse perhibent, in quodam M. S. Codice Collegii Basilianorum ad *Cryptam Ferratam* in Tusculano, anno ante, accidisse, memorari. Codex Græce scriptus *Martyrologium Basilii Porphyrogeniti Imperatoris* inscribitur; atque is est, quem magna ex parte in Latinum sermonem conversum a Petro Benedicto, sive Ambarakio, Syro Maronita Societatis Jesu, Sacrarum Literarum ac Orientalium Linguarum scientia viro clarissimo ac peritissimo, nuper editum, cura & studio Annibalis Albani Cardinalis Amplissimi, Clementis XI. P. M. Fratris filii, nobilissime, legimus. In hoc itaque M. S. Codice, ad primæ Aprilis mensis diei marginem, ita antiquis literis scriptum est. *μὴν Ἀπριλίου. ἡμέρα. ἐξωλοθρεύθη ἡ πόλις τισκλανὸς παρὰ τῶν Ῥωμάνων ἐν ἔτει τῆς τοῦ κυρίου ἡμῶν Ἰησοῦ Χριστοῦ σαρκώσεως α, ρ, σ'.*

nempe. *Mense Aprili. Prima die excisa est urbs Tusculana a Romanis, in anno Domini nostri Jesu Christi Incarnationis millesimo centesimo nonagesimo. Quod tamen unius anni discrimen facile conciliari poterit; si, Scriptores cæteros ab Christi in Uterum Virginis descensu, quod dicimus Incarnationem;*

Codicem vero ab ejus , nono post mense , Bethlemio Natali , ut communius fit , annos computandi exordium sumsisse , dixerimus . Tusculo jam sic exciso , ædificiorum quidem fragmenta in villarum circa Tusculanos colles structuram concessere ; maxime vero in oppidorum aliquot circum . Inter quæ præcipuum extitisse memorant illud , quod juxta Viam Latinam ad dexterum ejus latus Roma venientibus , ad radices Albani montis , e Tusculi regione constructum , *Molariam* , de molibus Tusculanis , dixere . Quo ex iis , qui hostium furorem evaserant , permulti Tusculanorum convenerunt . Brevi tamen factionum ac civilium seditionum motibus id quoque oppidum excisum est , jacetque jamdiu in ruinis , prope diverforium ejusdem nominis *L'Ostaria della Molara* . Tusculanorum , qui inter ceteros *priores* erant , scilicet Optimates , aliquos montem agri quondam Algidenſis occupasse ajunt , nunc vulgo *Rocca Priora* . Quamvis alio alii deductum id nomen contendant , atque a perjurio incolarum , quod scilicet Romanis juratam fidem fefellissent , *Arcem Perjuram* , & Italice *Rocca Spergiura* , corrupte *Priora* , id oppidum nominatum velint . De quo non pugno . In Gallias permultos e Tusculanis peregre profectos , sunt , qui commemorent . Quod tamen certissimum est ; reliquæ Tusculanorum ab excisa patria , locum circa Luculli villam , ejusque piscinas , ac thermas , in imo fere Tusculani montis occupavere ; quod mu-

muris nonnullis vivariorum adhuc extantibus opportunus videretur. Ibi, cum rerum omnium ege-
ni essent; nec adhuc hostile Romanorum odium
deferbuisset omnino; casas e frondentibus ramis
arborum excitarunt; quas *Frascati* appellaverunt,
quia e frondentibus ipsis ramis, vulgo *Frasche* ap-
pellatis, constabant. Hæc tenuia novi Tuscu-
li exordia, quæ maximarum quoque urbium,
ipsiusque Romæ, fuerunt. Quantis vero hæc urbs
incrementis in nobilem præsentem statum aucta
fuerit, infra opportunius recensabitur.

C A P U T III.

*De Villis Tusculanis, ac præcipue de Tusculano Marci
Tullii Ciceronis, ejusque amicorum.*



UAMQUAM, propter antiquissimam sui
Conditoris originem, rerumque ge-
starum famam, Tusculum semper
fuerit celebratum; maxima tamen
ejus laus, tum antiquitus tum per
hæc tempora, de villarum, quibus cingebatur,
adeoque cingitur, magnificentia & deliciis, con-
furgit. Regio hæc situ longe amœnissimo sedet;
interque colles ac tumulos omnis patientes cultu-
ræ constituta, nec planiciem, nec sublimitatem
desiderat. Cumulatur proinde frugum omnium
copia, tum quæ camporum æquora, tum quæ

montium excelsa foecundant. Aspectu quoque coeli fruitur perbenigno, temperatoque aere quamma- xime ac saluberrimo. In Occidentem namque so- lem Romam respicit, mare Tuscum in meridia- num; in Orientem vero Albanos montes atque agros, Labicanas quoque atque Algidenfes silvas. Denique Tiburtinos & Sabinos campos ac Præne- stinos montes in Septemtriones. Hæc soli amœni- tas coelique salubritas antiquissimos primo Condi- tores ad ipsum Tusculum fundandum; mox inco- las ad suburbanis idem cingendum villis; denique Romanos veteres ac recentes ad multo magnifi- centioribus celebrandum locum, singulis ætatibus allexerunt. Quare, Strabonis ævo, qui sub Augu- sto floruit, præcipua Tusculi fama de regiarum villarum ornatissimo apparatu, quibus circumcir- ca coronabatur urbs Tusculana, conflata fuit. 1. Has, circa ipsam urbem magnificentissime extru- ctas, regiarum ædium instar, maxime ex ea par- te, quæ Romam prospicit, plantationibus amœ- nissimis, omnique deliciarum genere circumfitas, is auctor commemorat. Quarum, licet fere om- nium etiam ruinæ perierint; vestigium tamen ali- quod nonnullarum vel ab inscriptis repertis lapi- dibus, vel ab veterum Scriptotum testimoniis, vel a nominum, licet corruptissimorum, reliquiis, eruditæ antiquitatis amatores invenerunt. Horum nos solertiam secuti, dicimus, in Tusculano villas olim fuisse percelebres, M. Tullii Ciceronis, & Quin-

1. Lib. sup.
memorat.

Quinti ejus fratris , Sergii vel potius Servii Gal-
bæ Imperatoris , Lucii Luculli , Marci Porcii Ca-
tonis , T. Pomponii Attici , L. Murenæ , Afinii
Pollionis , M. Bebi , T. Quintii , Augusti Cæsaris ,
C. Cilnii Mecœnatis , Q. Horatii Flacci poetæ ,
Metelli Pontif. Max. Pallieni , & Neronis , Domi-
tiani Imperatoris , Symnachi Consulis , Furio-
rum . Habuere item villas in Tusculano Acilii ,
Aurelii , Cornelii , Cornuti , Cenonii , Centronii ,
Cornuficii , Crispi , Flavii , Fortunati , Licinii ,
Marcii , Menenii , Plancii , Popilii , Valerii , alii-
que quamplurimi Romanorum nobilissimi . Ha-
rum situm villarum ex antiquis lapidum fragmen-
tis repertis Pyrrhus Ligorius , designare pariter ,
& circumscribere ex parte , non dubitavit . Ait
enim , Planciam eo loci fuisse , ubi Ligorii ætate ,
Ranuccius Cardinalis Farnesius suam habebat ;
quæ a Falconeriis nunc possessa , *Rufina* , elapso sæ-
culo , de Rufini domini nomine dicebatur . Por-
ciam in monte , qui nunc etiam dicitur *Porcius* . Li-
ciniam e regione Regilli lacus , in excelsio tumulo .
Lucullanam , ubi nunc recens Tusculum *Frascati* ;
verum latissimis spatiis undequaque productam .
Flacciam sive Flaviam , prope Planciam , adeoque
Rufinam ; Centroniam , juxta præsentem Roc-
ciam , ubi subterranea maxima rudera , vulgo *i*
Centroni . Rursum ex vocabulis antiqua non mini-
mum imitatis , deduci non inani conjectura posse
videtur ; locum in Tusculano , qui nunc *Cocciano*
ap-

appellatur, Coccejanum fuisse, scilicet Coccejorum prædium; *Casa Mara* Mariorum, *Casale di Morena*, Murenarum, *Valle Marciana* Marciorum, *Prata Porci*, Porciorum, sive etiam ipsius M. Porcii Catonis peculiariter prata, *La Cornufella* Cornuficiorum villam extitisse. Quamvis non abnuerim, his derivationibus, non semper fidendum esse; nisi aliquo aliunde petito fundamento fulciantur, & confirmentur. De his omnibus nos infra singillatim, quæcumque ad nos pervenere, monumenta proferemus. Nunc de celeberrimo M. Tullii Ciceronis Tusculano peculiariter est differendum. Itaque Marcum Tullium Ciceronem villam habuisse in Tusculano, summopere dilexisse, ac frequentasse, ex ejusdem maxime libris cognoscimus. In epistolis præsertim ad Atticum, tum etiam ad Q. Fratrem, & ad ceteros suos familiares, frequentissimam Tusculani sui mentionem habet. Ac præcipue ad Tironem charissimum Libertum suum, & pereruditum, ex diuturno ac periculoso morbo, quem in Græcia cum Cicerone versans contraxerat, in Tusculano diversantem, ad convalescendum, sic Tullius Epistola, quæ Libri sexti decimi familiarium decima octava recensetur, significavit: *Tibi anaphorism gaudeo profuisse. Si vero etiam Tusculanum, Dii boni, quanto mihi illud erit amabilius?* & post nonnulla, infra: *Fac bellus revertare: non modo te, sed etiam Tusculanum nostrum plus amem.* Porro locum Tusculani Ciceronis ex
ipsum

ipsius verbis , vetustisque erutis ex monumentis , designare facile possumus . Hunc situm , ubi nunc insigne Beati Basilii asseclarum Collegium , vulgo *Badia di Grotta Ferrata* fuisse , comperiimus . Quamvis enim in summo fere Tusculani montis jugo , haud ita procul a Sacchetta villa , nunc Collegii Romani Societatis Jesu , murorum rudera adhuc extantia , *La Scuola di Cicerone* vulgus appellet ; eum tamen villæ Tusculanæ Ciceronis potissimæ locum minime fuisse , jam satis constat . Siquidem , aquam Crabram Tusculanum Ciceronis irrigasse , de ipso didicimus ; cujus testimonium infra recitabimus . Atqui hoc in dorsum Tusculani montis adeo sublime , humilis admodum ea aqua , vi nulla adscendisse potuit ; manifestum est igitur , celebre Tusculanum Ciceronis super eo jugo minime constitutum fuisse . Quod si ea rudera , in Tusculano monte , alterius Ciceronis villæ urbanæ Tusculi , vel suburbanæ , fuisse , contenderis ; non difficiles dabo manus . Si enim hodie videmus , Romanos regulos , atque etiam privatos cives , plures diversis locis villas in Tusculano possidere ; quanto minus , veteres potentissimos atque ditissimos idem usurpasse , inverisimile fiet ? Non tamen id eruitur , (quod quidam nuperrime falso scripsit) ex verbis Ciceronis pro Domo sua : *Cum Domus mihi in Palatio , villa in Tusculano ; altera ad alterum Consulem transferebatur* . Siquidem de domo sua Romæ ibi loquitur Cicero , quæ in Palatio , seu Palati-

ti-

tino colle fuerat ; dirutaque ab inimico Tullii Clodio , & consecrata ejus area . pro cujus recuperatione pulcherrimam illam Cicero Orationem habuit . Hoc quidem Horatii interpres asseruit , ad eum locum Poetæ : *nec ut superni villa candens Tusculi Circæa tangat mœnia* : ait enim : *superni h. e. in monte siti , ad cujus latera superiora Cicero villam suam habebat Tusculanam* . Quamquam non illam certe , quæ Tusculanum ab Tullio , propter excellentiam , semper appellatur . Ex quo etiam mirum est , nobis de duplici ejus Tusculana villa nullum , nec minimum , lumen affulxisse . Itaque Ciceronis Tusculanum ductibus Aquæ Cabræ irriguum fuit . Quod Tullius disertis verbis non semel tradidit . Cum enim eam aquam induci in villam suam optaret , eaque res per amicos absentes tractaretur , ita ad Tironem libertum scripsit : 2. *De aqua Crabra quid agatur nescio ; & si nunc quidem nimium est aquæ , tamen velim scire* . Et in oratione pro Balbo . Nos de aqua nostra Tusculana M. Tugionem potius , quam C. Aquilium consulebamus . Cum autem negotium jam fuisset confectum , a Municipio se Tusculano eam aquam accepisse Tullius testatus est ; vectigalque ab se illi Municipio pendendum , pro eo beneficio . Oratione enim tertia de Lege Agraria ; Ergo , inquit , *Tusculanis de aqua Crabra vectigal pendam , quia a Municipio fundum accepi : si a Sylla mihi datus esset , Rulli lege non penderem* . Ceterum non sola Crabra Tusculanum suum irrigatum Cicero

al-

2. Ep. 18. l. 16.
Familiar.

allatis verbis commemorat, sed aliis quoque, ante ipsius Crabræ illuc perductionem, ibidem jam deficientibus; ait enim, & si nimium quodammodo aquæ foret in sua Tusculana villa, optare se tamen ut etiam Crabra eodem perduceretur. Aquas igitur ante Crabram in Tusculano Tullii manantes, e Tepulæ fontibus deductas fuisse, crediderunt ante nos illi, qui geminos inscriptos lapides ponti huic loco proximo apposuerunt. Tepula tamen milliaro decimo Via Latina concipiebatur, ut ex Frontino 3. cognoscimus. Porro, aquam Tepulam in eo loco ubi Collegium *Cryptæ Ferratæ* est, defluere nunc quoque monumenta, quamvis patrum memoria posita, ad fontem & pontem *Li Squarciarelli* modo appellatum, sic testantur, intra ejusdem Collegii agrorum fines.

3. De Aqueductibus.

ALEXANDER CARD. FARNESIVS
 AQVAM TEPVLAM
 AD PVBLICVM VSVM
 HOC EXTRVCTO VASE COLLEGIT
 ANNO MDLVII

Cujus e regione alius in hæc verba lapis est positus.

CAROLVS BARBERINVS
 CARD. ABBAS COMMENDATARIVS
 AQVAM TEPVLAM ITERVM DILAPSAM
 INSTAVRATIS AMPLIFICATIS AVCTIS DVCTIBVS
 PVBLICAE VTILITATI ET PRIVATIS VSIBVS MONASTERII
 ET AERARIAE COPIOSIOREM RESTITVIT
 ANNO MDCLXXXVIII.

M

Quam-

Quamquam utrique huic lapidi obstrepant illi, qui passus bis mille infra Cryptam Ferratam, Romam versus, Tepulæ fontes constituunt. Porro Crabra ad radices Albani montis concepta, ipsoque ex Albano Lacu erumpens, ita dicta est, quod *aspera quasi, & insuavis esset*; quasi *Scabra*. Eam in aquis perducendis Romam M. Agrippa omisit. Proinde, quod ejus judicio, aquæ ipsius bonitas, sive deductio, reprobata ac damnata fuisset; Crabræ etiam *Damnata* nomen factum est. quam *Juliam* quoque, non tamen *Tepulam* nominatam, legimus. Tanta vero fuit ex his aquis in Ciceronis Tusculano copia, ut *Nilum* eas appellare convenienti joco Tullius non dubitaverit, ad Atticum, & ad Q. Fratrem perscribens. Earumdem ingens nunc etiam memorato loco fuit copia, religiosorum virorum illorum usibus dispertita per claustra. Et ferri quoque atque æris proxime constitutis officinis; circa quas præcipitio delapsæ ad machinas ingentes volvendas aptissimæ fiunt. Unde, Tusculanum ibi Ciceronis fuisse, colligimus. Quod ex ibidem erutis pervetustis monumentis magis etiam confirmatur. Siquidem, elapso sæculo, in his hortis, prope fontem, vulgo *del Mascherone*, marmorea mensa detecta fuit palmorum viginti, in orbem protensa, in qua plurium fabulorum numinum simulacra insculpta erant. Præcipue vero Martis, Mercurii, Veneris, atque Saturni. De qua mensa Tullium meminisse, ajunt, epistola ad
M. Fa-

M. Fabium Gallum, 4. illam *τραπεζοφόρος* h. e. *mensiferum* appellando. Eodem pariter loco monumenta alia perplura antiqua fuere detecta. quæ omnia Romam ad Pamphiliæ villæ suburbanæ ornatum, Via Aurelia, juxta Sanctum Pancratium, translata, ibidem hodieque visuntur. Inter quæ statuam Mercurii simul & Minervæ, Græce idcirco *Hermathena* vocatam, in fundo pariter *Cryptæ Ferratæ* effossam, illam fuisse Antiquarii non temere crediderunt, de qua Cicero ad Atticum scripsit, e Formiano illam adduci in Tusculanum suum curavisse. 5. *Quod ad me de Hermathena scribis per mihi gratum est ornamentum Academiæ proprium meæ, quod & Hermes commune omnium, & Minerva singulare est ejus Gymnasilii.* Rursum haud ita procul a ponte, qui in confinio agri *Ferratenfis* est, ad silvæ ingressum, dextro latere, prope antiqui sepulcri molem, marmorea signa duo pervetusta detecta sunt; quæ quamvis sine capitibus forent, in basi, tamen, alterum *M. Tullius Cicero*, alterum *M. Porcius Cato* inscriptum habebant. Duæ, præterea, statuæ, viri altera, & altera feminæ una cum tribus inscriptis lapidibus in hæc verba.

4. Lib. 7. ep. 24. Familiar.

5. Lib. 1. ep. 1.

DIS MANIBVS
SACRVM
HERBASIAE CLYMENES
SEX. HERBASIVS
NAVILVS. SIBI ET CONIVGI SVAE
SANCTISSIMAE FEC.
IN FR. P. XVIII. IN AGR. P. XVIII.

VETUS LATIUM PROFANUM.

M. TVLL. CICERO

----- HARE

ET TVTERTIA

ANTECONIA

II.

IO. METEGENIO

VENALIC .

PACILIVS CERDO

VOTVM SOLVIT

----- SARE

AVG. III.

COSS. LENTVL. COSS. L.

F. COSS.

III.

C. I. CAESAR

M. TVLLIO CICERONI M. F.

ROMANAE FACVNDIAE PRINCIPI

QVAEST. AED. COS. PROCOS.

IMPERATORI

PP. ARPINATES

Quamquam tertius hic lapis pro mero figmento ab eruditioribus Criticis habeatur . Ibidem simulacrum pueruli perelegans erutum fuit una cum duabus mensulis egregia cælatura insculptis , quæ Romam , de more , translata sunt . In hortis denique circa Deiparæ sacram ædem , cælata alia tabula detecta fuit , quam muro exterioris atrii supra porticum insertam cernere est cum literis : *Conjicient Posteris quæ & quanta fuerint Tusculanam villam exornantia signa , mensæ , aliaque monumenta , quæ temporum injuria sublata , quæ Nuceriam a Frideri-*

co II. translata, ex hac una Tabula, velut e naufragio relicta. Quam conservari curavit Franciscus Cardinalis Barberinus S. R. E. Vice Cancellarius. Quamquam autem ex prolatis hactenus testimoniis abunde constare possit, locum *Cryptæ Ferratæ* sedem Tusculani Ciceronis extitisse. Idem nihilominus Eruditæ Antiquitatis vestigatores novis adhuc conjecturis confirmare, atque adeo clarius illustrare voluerunt. Etenim ajunt, octo illas columnas, quibus *Deiparæ Sanctissimæ* ea ædes nunc fulcitur, detectas fuisse a Conditore ejusdem sacre ædis D. Bartholomeo Beati Nili junioris comite ac discipulo, & in suorum regimine, successore quarto; juxta locum, ubi olim erectæ, atque iterum constitutæ sunt. quas Tusculani Ciceronis porticibus inserviisse autumant. Non tamen de his columnis in Tusculana sua villa meminit Tullius ad Q. Fratrem: 6. *Villa* 6. Lib. 3. n. 1. *mibi valde placuit; propterea quod summam dignitatem pavimenta porticus habebant. Quod mihi denique apparuit, posteaquam ipsa tota patet, & columnæ politæ sunt. Paucisque interjectis: Columnas, inquit, neque rectas neque e regione Diphilus collocarat. Eas scilicet demolietur. aliquando perpendiculo & linea discet uti. Omnino spero paucis mensibus opus Diphili perfectum fore. Non, inquam, hic sermo est Ciceroni de columnis villæ suæ Tusculanæ (ut nuperus scripsit Auctor) cum ex antecedentibus ac subsecutis verbis plane constet, eum de villa Q. Fratris sui, in Arcano, locutum. Fuit autem Arcanum circa Ar-*

pi-

pinum, prope locum, crediderim, nunc etiam *Arci* appellatum; ex quo Soranorum Ducum Boncompagniæ Gentis generosissimæ filius primogenitus *Arcis Dux* vocari consuevit, vulgo *Duca d'Arci*, quod regionis ejus late sint domini. En Tullii verba proxime recitatis antecedentia: *In Arcano ad III. Idus Septembris fui. Paucisque interjectis: In Manliano offendi Diphilum Diphilo tardiolem. Sed tamen nihil ei restabat præter balnearia, & ambulationem & aviarium. Villa mihi :::* sequuntur cetera de columnis jam recitata. Postea vero subdit: *Ex eo loco (scilicet ex Manliano Q. Fratris fundo in Arcano agro posito) recta, Vitularia via, profecti sumus in Fufidianum fundum, quem tibi proximis nundinis Arpini de Fufidio HS. CCCIDDD ∞ emeramus. Vocat autem eum fundum Q. Fratris Manlianum quia prius Manlii cujusdam fuerat. Quantopere autem Cicero Tusculana sua villa delectaretur, epistolæ ejus plurimæ, testimonio sunt; in quibus frequentissimam de Tusculano suo mentionem facit, laudatque illud summopere, significans sæpissime se in eo rusticatum. De quo, etiam plures ex iisdem epistolis ad amicos dedit. Præcipue vero libri primi ad Atticum quarta: Quæ tibi mandavi, inquit, & quæ tu intelliges convenire nostro Tusculano, velim, ut scribis, cures, quod sine molestia tua facere poteris. nam nos ex omnibus molestiis & laboribus uno illo in loco conquiescimus, quo fratrem quotidie expectamus. Et epistola subsequenti: Nos Tusculano ita delectamur,*
ut

ut nobismetipsis tunc denique, cum illo venimus, placeamus. Quare singulis fere libri ejusdem epistolis inculcat Attico, ut signa & ornamenta reliqua quamplurima ad Tusculani sui ornatum, præcipue vero Academiæ, Gymnasii, & Lycei ibidem extructi, dignitatem, procuret. Et alibi quidem: Quare velim, ut scribis, ceteris quoque rebus quamplurimis eum locum ornes. Quæ mihi antea signa misisti, ea nondum vidi. In Formiano sunt: quo ego nunc proficisci cogitabam. Illa omnia in Tusculanum deportabo. Cajetam, si quando abundare cepero, ornabo. Alibi vero: L. Cincio HS. CCLDD. CCLDD. CCCC. pro signis Megaricis, ut tu ad me scripseras, curavi. Hermæ tui Pentelici, cum capitibus æneis, de quibus ad me scripsisti, jam nunc admodum delectant. Quare velim, eos, & signa, & cetera, quæ tibi ejus loci (Tusculani) & nostri studii, & tuæ elegantiae esse videbuntur, quamplurima, quamprimumque mittas; & maxime quæ tibi gymnasii xystique videbuntur esse. Nam in eo genere sic studio efferimur, ut abs te adjuvandi, ab aliis prope reprehendendi simus. Si Lentuli navis non erit, quo tibi placebit, imposito. Et in epistola recitatam subsecuta: Signa Megarica, & Hermas, de quibus ad me scripsisti, vehementer expecto. Quidquid ejusdem generis habebis, dignum Academia tibi quod videbitur, ne dubitaris mittere, & arcæ nostræ confidito. Genus hoc est voluptatis meæ: quæ γυμνασιώδης maxime sunt, ea quæro: Ex quibus, aliisque in eandem sententiam sæpius repetitis, liquet, Tusculanum istud Ciceroni in deliciis fuisse quammaxime;
 il-

illudque signis pretiosissimis, ceteraque erudita Græcarum artium supellectile instructissimum. In quo præcipue Cicero Academiæ, Palæstræ, Gymnasia, Lycei, & Bibliothecæ, tanquam ornatissimorum, dilectissimorumque sibi locorum, meminit. De Lyceo quidem sic, primo de Divinatione: *Quibus de rebus (de religione ac superstitione) & alias sæpe, & paullo accuratius nuper, cum essem cum Q. fratre in Tusculano, disputatum est. Nam, cum ambulandi causa, in Lyceum venissemus (id enim superiori gymnasio nomen est). Cetera. Bibliothecam autem selectissimis & copiosissimis libris instructam non uno loco innuit, eamque maxima ex parte ab Pomponio Attico, se procurasse. Ait enim ad illum, libri primi epistola tertia, ad calcem epistolæ: Libros tuos conserva; & noli desperare, eos meos facere posse. Quod si assequor, supero Crassum divitiis, atque omnium vicos & prata contemno. Quibus postremis verbis innuere videtur Tullius, Fundum suum Tusculanum neque spatiosum multum, neque pratis, & vicis copiosum fuisse, quemadmodum vicinorum suorum in eodem agro Tusculano, fundi erant; puta Porcii Catonis, cujus prata celebria erant loco, qui nunc quoque dicitur Prata Porcii; & L. Luculli, cujus latissima villa, quasi urbs esset, pluribus vicis distincta erat. Epistola autem quinta: Tu, velim, ea, quæ nobis emisse, & parasse scribis, des operam, ut quamprimum habeamus: & velim cogites id, quod mihi pollicitus es, quemadmodum Bibliothecam nobis*

conficere possis. Octava vero sic: Signa nostra & Hermeraclas, ut scribis, cum commodissime poteris, velim imponas; & si quod aliud oīnēor ejus loci, quem non ignoras, reperies: & maxime quæ tibi palæstræ, gymnasii-que, videbuntur esse. Etenim ibi sedens hæc ad te scribebam, ut me locus ipse admoneret. Præterea typos tibi mando, quos in tectorio atrioli possim includere, & putealia sigillata duo. Bibliothecam tuam cave cuiquam despondeas; quamvis acrem amatorem inveneris. Nam ego omnes meas vindemiolas eo reservo, ut illud subsidium senectuti parem. Nona denique: tu, velim, quæ Academiæ nostræ parasti, quamprimum mittas. Mirum, quam illius loci non modo usus, sed etiam cogitatio delectat. Libros vero tuos cave cuiquam tradas: nobis eos, quemadmodum scribis, conserva. summum me eorum studium tenet, sicut odium jam ceterarum rerum. Porro typi, de quibus superiore epistola meminit Tullius, non sunt imagines solum & simulacra, nec figilla hominum; sed insculptæ etiam variarum rerum effigies, quarum distincta varietate in tectoriis delectabantur Veteres; ita ut variæ quadræ, & crustæ variis cælatae speciebus viderentur, ex Turnebi sententia, cui accedimus. Quamvis eo loco Muretus pro *typis tubos* legerit. Hermeraclæ autem, quos eadem epistola commemorat, signa erant, Mercurii atque Herculis, uno trunco, facies hinc atque hinc referentia. Quod Græca ipsa vox significat. Ceterum Tusculanum hunc fundum L. Syllæ Dictatoris primo fuisse, de Plinio

7. *Lib. 12. c. 8.* cognovimus, ajente. 7. *Scripsit & Sylla Dictator, ab exercitu se quoque donatum (corona graminea) apud Nolam, Legatum bello Marfico. Idque etiam in villa sua Tusculana, quæ fuit postea Ciceronis, pinxit. Eo fundo donatum Syllam ab exercitu, & ab Legione potissimum, quæ Ferrata dicebatur, nonnulli existimavere. Cujus Legionis de nomine, quod ea in Tusculano hoc fundo castra, sive stativa habuerit, præfens Cryptæ Ferratæ nomen loco impositum, autumant. Quod tamen vocabulum recentius multo exortum, nos credimus; infraque melius memorabimus. Porro, post Syllana tempora, Tusculana hæc villa cum suo fundo Tusculanis Municipibus, a quibus per militarem vim extorta fuerat, redita est. Ab illis enim, se accepisse Cicero, disertis verbis significavit: Ego Tusculanis pro aqua Crabra vectigal pendam, quia a Municipio fundum accepi. Sunt nihilominus qui fundum a villa sejungant; dicantque, fundum quidem, solum nempe quærendis frugibus, ab Tusculanis Ciceronem accepisse; villam tamen, h. e. domum in fundo ædificatam, emisse Tullium ab Sylla quinquaginta millibus nummorum scutatorum Romanorum. iidemque hanc villam, cum Syllæ fuit, ab incendio servorum devastatam, ornamenta festertium mille, amisisse, tradiderunt. Quamquam autem villa esset ornatissima tunc quoque, cum ab Sylla possideretur; maximis tamen eruditis ornamentis ab Tullio auctam eandem, ex ejus hætenus recitatis*

testimoniis cognoscimus . Ac , præter statuas & signa , picturis etiam elegantibus undique circumvestitam fuisse eandem , refert idem ipsius dominus . Siquidem epistola ad M. Fabium Gallum , quæ est Libri septimi ad Familiares nona , ita scribit : *Exedria quædam mihi nova sunt instituta in Porticula Tusculani : ea volebam tabellis ornare . Etenim siquid generis istiusmodi me delectat , pictura delectat .* Atque alibi , clarorum oratorum signis atque picturis Gymnasium suum Tusculanum ornatum , memorat . In hanc Tusculanam villam suam sese Tullius abdere , tum cetero vitæ tempore , tum eo præcipue , quando res Urbanæ & Publicæ non è sententia procederent , consuevit . Totos tunc dies in Tusculano abditus scribere . Testimonio sit inter ceteras Epistola ad Terentiam conjugem , quæ Libri quartidecimi Familiarium vigesima legitur , sic : *In Tusculanum nos venturos putamus aut nonis aut postridie . Ibi fac , ut sint omnia parata . Plures enim fortasse nobiscum erunt : & (ut arbitror) diutius ibi commorabimur . Labrum , si in Balneo non est , fac ut sit . Item cetera , quæ sunt ad victum & ad valetudinem necessaria . Vale .* IV. Kalend. Octobr. De Venusino . Certe Tusculano secessui præcipua ejus Opera , tum vero maxime Philosophica , quæ jam senex scripsit , accepta referre debemus . Et quamquam ad Atticum post mortem filiæ in Tusculano , rebus adhuc publicis diverso motu agitatis , de villa sua maritima in Littore Antiati ad Asturam memine-

* pp. 4. l. 14. rit : * *totos dies scribo in hac solitudine ; careo omnium colloquio ; cumque mane me in silvam abstrusi , densam & asperam ; non exeo inde ante vesperum , & infra : nunc omnia respuo ; nec quicquam habeo tolerabilius , quam solitudinem : & in Tusculanum redire diu refugerit , locum filiæ funus sibi referentem ; victum tamen denique Tusculani ipsius amore se se fatetur , & eodem regressum , animum respuentem ut ipse ait , contudisse .*

Ceterum cum Cicero plura scripserit in Tusculano ; omniaque Cicerone digna ; æternum nihilominus nomen , ac perpetuam famam & celebritatem loco peperit , Philosophicis illis quinque Quæstionibus, sive Dissertationibus , quas , de loco ipso , *Tusculanas* appellavit . Eæ enim , doctorum Virorum omnium consensu , a sapiente demum , non tantum ab eloquente , conscriptæ perspiciuntur . I. Earum sublimia hæc argumenta . *De contemnenda morte . II. De tolerando dolore . III. De ægritudine lenienda . IV. De reliquis animi perturbationibus . V. Virtutem ad beate vivendum se ipsa esse contentam .* In quibus omnibus , sententias Christiano Philosopho dignissimas Tullius protulit ; Christianæque disciplinæ , licet profanus , & sacrorum nostrorum expers , accessit tamen quam qui maxime . Tusculanas autem hæc quæstiones in ea Tusculani sui parte , quæ *Academia* dicebatur , ipse habitas refert . quæ aula fuit plantationibus viridantibus circumfita , Atheniensis instar Academiæ , de Academi do-

domini nomine sic appellatæ. Ait enim Tullius in tertia sua Tusculana. *De maximis autem rebus nihil fere intermisimus postea, nec disputare, nec scribere. his autem libris exposita sunt ea, quæ a nobis cum familiaribus nostris in Tusculano erant disputata. Sed quoniam duobus superioribus, de morte, & de dolore dictum est; tertius dies disputationis hoc tertium volumen efficiet. Ut enim in Academiam nostram descendimus, inclinato jam in postmeridianum tempus die; poposci eorum aliquem, qui aderant, causam differendi. tum res sic acta est. A. videtur mihi cadere in sapientem ægritudo. cetera. Profecto in his libris complexum se Cicero, ea omnia, quæ ad bene vivendum necessaria sunt, ipse postmodum testatus est. Siquidem secundo de Divinatione, postquam quinque libros de Finibus, eorumque argumentum commemoravit; subsecuti, inquit, totidem libri Tusculanarum Disputationum, res ad bene vivendum maxime necessarias aperuerunt.*

Attamen dilectum sibi Tusculanum cum reliquis, quæ plura habuit alibi, cumque ipsa patria & domo Palatina, amisit Tullius; cum ab furore & factione Publii Clodii solum vertere coactus est. Tunc enim Clodius bona Ciceronis ad hastam publicavit; domum urbanam in Palatio, solo æquavit; villas incendit; & in his potissimum Tusculanam ornatissimam fœde diripuit, atque corrupit. Cicero, nihilominus, brevi Romam, totius Italiæ, ut ipse ait, humeris reportatus, aream domus urbanæ, sumptusque ad reædificandum, de publico

recepit; villas quoque cum prædiis, ac Tusculanam in primis, recuperavit. proque illatis a Clodio damnis, pecuniæ quoque certam summam, a Reipublicæ Ærario constitutam, accepit. Quamvis non eam, quæ illata damna compensaret omnino.

8. Lib. 3. ep 1.

De hoc ipse ad Atticum: 8. *Consules Tusculanam villam quingentis sestertium millibus æstimarunt. quæ æstimatione non modo vehementer ab optimo quoque, sed etiam a plebe reprehenditur.* Ex quo Tusculani ipsius magnificentiam quandam æstimare nos possumus, cui sestertium quingenta millia exiguum pretium foret constitutum. neque id quidem pro toto fundo, verum pro damnis reparandis a Clodio illatis.

Villam vero restituit quidem postea Tullius, non tamen in pristinam dignitatem; quod pristinas opes nunquam recuperaverit; neque pennas, quas illi inimici inciderant, eas renasci ad plenum iidem unquam passi sint. Ambulantiunculam tectam inibi construi curavisse commemorat; quod jam in senium vergens aperto aere minus uteretur; eandemque in alia quoque sua villa, ut extrueretur, Attico sic commendavit; fortasse Lanuvii scribens,

9. Lib. 13. n.
38.

aut certe de villa sua Lanuvina locutus 9.: *Tecta igitur ambulatiuncula addenda est. quam ut tantam faciamus, quantam in Tusculano fecimus, prope dimidio minori constabit isto loco.* Absolvissse denique Tusculani sui restitutionem, saltem quod pertinebat ad ædificium, videtur. Et tamen civilibus motibus Cæsaris atque Pompeii, mox Bruti & Cassii, ac
Trium-

Triumvirorum, Rempublicam affligentibus, & devastantibus, Cicero Tusculana aliquandiu rusticatione abstinuit; quod nimis propinquus Urbi esset locus. Itaque se Tusculanum proscriptis se aiebat. & ipsi Attico ^{10.} Ego, inquit, *in Tusculanum?* ^{10. Ep. 5. l. 7.} *nihil sane hoc tempore. devium est τοῖς ἀπαντῶσιν, & habet alia δόχρῃσα.* Itaque persæpe manebat Asturæ in villa sua; cui nihilominus Tusculanam rusticationem prætulisse fatetur ^{11.} Narro tibi; hæc loca venusta sunt; abdita certe; & si quid scribere velis, ab arbitris libera. Sed nescio quomodo *δίκος φίλος.* itaque me referunt pedes in Tusculanum. & tamen hæc *ποπογραφία* ripulæ videtur habitura celerem satietatem. Equidem etiam pluvias metuo, si prognostica nostra vera sunt. rana enim *ρήπορεύσιν.* Victumque desiderio loci, constat, extremis vitæ annis Tusculanum iterum frequentasse; siquidem de eo loco plures ad Atticum dedit epistolas; quæ in libris a duodecimo & deinceps leguntur. Cumque a Cæsare sibi primum, mox ab Antonio metueret, ^{12.} Equidem, inquit, ^{12. Lib. 13. n. 33.} vereor maxime ne in Tusculano opprimar. in turba hæc essent faciliora; utrum igitur Asturæ? quid si Cæsar subito? juva me, quæso, consilio: utar eo, quod tu decreveris. & ad Papirium Pætum epistola libri noni Familiarium decima septima, *Vejentem quidem,* inquit, *agrum & Capenatem metiuntur.* Hic non longe abest a Tusculano. nihil tamen timeo. fruor, dum licet: opto ut semper liceat. Non ignoramus, Tullium Hortos & ali bi, præterquam prope Tusculanum suum, quæsi-
visse

viffe comparandos, ut ex aliis ad eundem Atticum epistolis colligitur ; præcipue vero suburbanos regione Transtiberina , & Via Ostiensi , in quibus Tulliolarum filiarum , tanquam novæ Deæ Fanum excitarret ; cum celebritatem , & frequentiam loci maxime quæreret . quæ non satis apta videbatur , circa villas , aut Formianam , aut Arpinatem , aut Tusculanam. Certum nihilominus est Ciceronem Hortos , non tantum ad hoc , verum etiam ob deambulandum & apricandum animi causa , emere voluisse, *ne*, ut ipse ait, *totum diem in villa*. sive ut Manutius interpretatur , ne totum diem semper infumeret eundo in villam . Hæc itaque Tusculani Ciceronis celebritas . Cujus substructionum vetustissimarum vestigia , licet exigua , quædam tamen apparent , in vallem descendantibus , & speluncas , juxta Crabræ , aliarumque aquarum confluentium & defluentium rivum , nomine *La Marana* . ibi enim ædificii opere reticulato constructi rudera cernuntur ; quæ porticus , forte , circa , villam ambientes olim sustentabant .

Porro Ciceronis Tusculanum (quod rerum omnium est) nunc prece , nunc precio , nunc vi , nunc forte suprema , permutavit dominos quamplurimos , & in altera transivit jura sæpissime , annis volventibus . Donec undecimo Christi Reparatoris sæculo , circa initium , viris sanctissimis Nilo Juniori, & Bartholomæo ejus Collegæ, Beati Basilii Magni ædificis , Tusculanum idem a Comitibus urbis

bis Tusculi dominis , cujus in ditione erat , attributum fuit . A quibus Collegium , & Deiparæ miraculis insigni effigie aucta , sacra Ædes , non sine cœlesti virtute ac monitu , in ruinis veteris Villæ , deque ejus cœmentis , constructa sunt . Hodieque tantorum virorum posteri summa pietate , morumque optimis institutis , locum eundem colunt religiosissime . Huic nomen *La Badia di Grotta Ferrata* , vel *La Madonna di Grotta Ferrata* . quod non ab una origine alii aliter derivatum vocabulum prodidere . Nonnulli enim , ut ajebam , id a Legione *Ferrata* , quæ temporibus L. Syllæ locum incoluerit in subterraneis speluncis , quas Græci *κρυπταὶ* *Cryptas* , scilicet *absconditas* , sive *abscondita loca* nominant , vocabulum desumptum , credidere . Quod tamen mihi minus probandum videtur . Nullum enim hujus nominis villæ suæ apud Tullium vestigium legimus ; cum altero quoque verbo in epistolis ad Atticum illam ceteroquin nominet . Alii , itaque , melius id nomen a speluncis , & subterraneis cavernis , partim intra viscera terræ excavatis a natura , partim ab arte de substructionum reliquiis , quas Itali , dicimus *Grotte* , primam sui nominis partem , hunc locum adeptum , autumant . alteram vero *Ferratæ* ab ferri officinis ; quasi Tabernis Ferratis , quibus idem locus instructus fuit , ex opportunitate aquarum eo defluentium , desumpsisse , existimant . Certe nunc quoque cavernas plures videmus hujusmodi , circa locum ; & una adhuc Ferraria sive Ferrata

O

offi-

officina subest, in qua ferri ærisque opera varia exercentur, & elaborantur. Huic tamen sententiæ adversari videtur nominis singularitas. Cur enim, si ab pluribus cavernis, pluribusque ferratis officinis, locus nomen desumfit, non potius *Le Grotte Ferrate*, quam *Grotta Ferrata* appellatus est? Itaque rem acu tangere melius adhuc alii censent, si dixerint, id nomen, ex quadam peculiari ac singulari caverna sive *Crypta* desumptum, in qua Deiparæ effigies vetustissima, prodigiis illustris, a Beatis Nilo & Bartholomæo, circa undecimi sæculi principia constituta fuit, cœlesti monitu. quæ ibi deinde sub *Ferrata Crate* exposita colebatur. Atque ita, tenuissima derivatione & inflexione, ex Latino nomine *Sancta Maria de Crate Ferrata*, ortum existimant præfens vernaculum *Sancta Maria de* (more Romano recenti, pro *di Etrusco*) *Grotta Ferrata*. Alii denique, quod *ferratas portas* locus habuerit deterioribus sæculis. munitum enim fuisse, castris instar, moenibus, ac fossa circumdatum, cernimus. Et hæc sane de Tusculano Ciceronis hætenus. Nunc ad alias Tusculani agri celeberrimas villas lustrandas vestigatio procedat.

Atque hic quidem primo attexendæ sunt Tusculanæ villæ clarissimorum illorum virorum, quibuscum Ciceroni amicitia, & studiorum ac literarum commercia intercessere. Quos inter, quis Q. Ciceroni Marci fratri primum merito locum non tribuerit? Hic itaque Villam in Tusculano, ab
 ea,

ea, quæ Marci fratris fuit, aliam habuisse videtur. siquidem Tullius Attico, *Q. Frater*, inquit, qui *Argiletani ædificii reliquum dodrantem emit HS. DCCXXV. Tusculanum venditat*; ^{13. ut si possit, emat Pacilianam domum.} ^{13. Ep. 13. l. 1.} Tiro pariter Libertus Ciceronis, a manu, cujus ingeniosum inventum concisæ scribendi quædam notæ circumferuntur, Villam habuisse in Tusculano, patroni sui fortasse munus, ac prope ipsius Tullii ædes ^{14. perhibetur.} ^{14. Liger. v. Tirone.} Titi vero Pomponii Attici, & M. Bruti Tusculana rura his Tullii verbis commemorari videntur ^{15. : Brutus heri venit in Tusculanum hora decima. hodie igitur me videbit; ac vellem, cum tu adesses; & rursus alibi Attico pariter Tullius de Bruto} ^{15. L. 13. n. 8. ep. ad Attic.} ^{16. scribens. Posthac poterimus commodius colere inter nos in Tusculano. Hoc autem tempore cum ille me quotidie videre vellet; ego ad illum ire non possem; privabatur omni delectatione Tusculani.} ^{16. Eod. lib. n. 12.} Tusculanum idem Bruti nominat Cicero in libro *de Oratore* ad ipsum Brutum inscripto, atque alibi fortasse non semel. Sed & L. Lucejus Ciceronis per-familiaris, idemque Historiarum egregius Scrip-tor, a quo res gestas suas scribi Tullius, atque omni quidem cum dignitate & commendatione postulavit, rus in Tusculano habuisse, de ipsius Tullii ad illum epistola ^{17. perspicitur.} ^{17. Famil. l. 5. L. Lucejo.} Et Q. Hor-tensius celeberrimus Orator, Tullii æmulus, qui teste Plinio ^{18. tabulam, ingenti summa coemtam,} ^{18. L. 35. c. 11.} in qua Cydias nobilis Pictor Argonautas depinxerat, in Tusculano suo collocavit: utque ejus peren-

nitati & celebritati consuleret; ædem eidem singularem extruxit. Et M. Terentius Varro, qui de Lingua Latina & de Re Rustica libros scripsit.

19. Famil. l. 9.
ep. 6.

Huic Cicero 19.: *Equidem hos tuos Tusculanenses dies instar esse victoriæ puto; libenterque omnibus omnes opes concesserim, ut mihi liceat vi nulla interpellante, isto modo vivere. Quod nos quoque imitamur, & in nostris studiis libentissime conquiescimus.* Titus etiam Anitius,

20. L. 3. n. 15.

de quo Tullius ad Q. fratrem 20.: *Titus Anitius nihil te recordari de se, de epistolis illis, quas in Tusculano ejus mihi ostendisti.* Et Crassus; de cujus Tusculano meminit Tullius libro epistolarum ad Atticum quarto. Num vero etiam Marcus Honerius? cujus incisum nomen vetusto lapidi, in loco Tusculani Ciceronis adhuc extanti sic legit Lupius M. HONERIO? Tum omnium maxime M. Porcius Cato junior, sive Uticensis, qui cultissima in Tusculano habuit latifundia, quæ a majoribus suis Tusculanis, Catone præcipue illo Cenforino, hereditaria successione possidebat. De quo tamen, ejusque Gente alibi seorsim fusc dicemus. Hic L. Luculli junioris L. filii Tutor in Tusculano Luculli patris versans cum Lucullo puero memoratur a Tullio. Sed jam hæc & reliqua L. Luculli in Tusculano villarum magnificentissimarum monumenta peculiari narratione exhinc illustremus.

CAPUT IV.

De Tusculanis L. Luculli & Sergii Galbæ Villis.



UÆTusculanum agrum maxime celebrem reddidere, Lucii Luculli fuerunt Deliciæ. Hic enim Villam, seu potius Villas, in hoc agro habuit, florentissimæ instar urbis ornatas, vastissimæque spatia occupantes. Siquidem sunt qui tradant, decimum ferme milliare agrum Lucullanum ingyrum sese extendisse; quem tamen ædificiis ut plurimum occupatum fuisse, novimus, ad delicias; cum, Plinii testimonio, ^{1. Lib. 18.} Censores de illo protulerint, quod plus spatii in eo verrendum esset, quam arandum. Itaque non male Kircherius, Luculli villas, & magnificentissimas pro diversi generis deliciis extructas ædes, occupasse, crediderit hæc agri Tusculani loca, *Le Grotte del Centrone*, alio vocabulo *Grotte di Lucullo*; *il Luogo nuovo*; *Villa Testi*; *Villa Rocci*, *La Ludovisia*; *Frascati*; *La Falconeria*; *il Barco di Borghese*; *Cocciano*; aliaque per multa, ad Anienem usque. Quod, quamquam incredibile videatur; ex Frontino tamen veteri Scriptore, id erui, & confirmari, facile potest. Namque Sextus Julius Frontinus, Aquarum Curator ab Imperatore Nerva constitutus, in suo de Aquæductibus Commentario, Lucullanum Agrum circa urbem Tusculum latissime porrectum fuisse, com-

^{1. Lib. 18.}
^{c. 6.}

2. Art. 5.

3. Artic. 8.

4. Art. 10.

5. P. 37. not. 5.
edit. Patav.

commemoratur; utpote qui ad Vias usque Collatinam, Prænestinam, atque Latinam, pertingeret. ait enim de Appia ab Appio Claudio in Urbem perducta 2. : *Concipitur Appia in Agro Lucullano, Via Prænestina, inter milliarium septimum & octavum, diverticulo sinistrorum passuum DCCLXXX.* Rursum de Tepula locutus, sic 3. : *Cn. Servilius Cæpio, & L. Cassius Longinus, qui Ravilla appellatus est, Censores, anno post Urbem Conditam DCXXVII. M. Plautio Hypsæo, Fulvio Flacco Coss. aquam, quæ vocatur Tepula, ex Agro Lucullano, quem quidam Tusculanum credunt, Romam, & in Capitolium adducendam, curaverunt. Tepula concipitur Via Latina ad X. milliarium; diverticulo euntibus ab Roma dextrorsus millium passuum II. atque inde rivo suo in Urbem perducebatur.* Demum de Aqua Virgine idem auctor inquit 4. : *Virginem quoque, in Agro Lucullano collectam, Romam perduxit (M. Agrippa).* Et paucis interjectis, subdit Frontinus : *Concipitur ergo (Aqua Virgo) Via Collatia ad milliarium octavum palustribus locis.* Ex quibus Frontini perspicuis satis testimoniis recte colligit vir clarissimus & eruditissimus Joannes Polenus, in suis accuratissimis ad Frontinum Notiss., Lucullanum Agrum circa Tusculum fuisse latissimum; nempe tria millia passuum longitudinis; latitudinis vero, saltem spatio inter Vias Collatinam atque Latinam extenso; quod plurium pariter milliario- rum fuisse, constat. Neque his obstat; in aliquo locorum, in quibus Luculli villas sese extendisse, di-

dicimus, aliorum quoque monumenta reperta fuisse. Potuerunt enim & in Luculli villa statuæ, aliaque id genus, cum inscriptis lapidibus, constitui claris viris; præsertim in Lucullano, quod, signis & statuis ditissimum ac frequentissimum fuisse, cognovimus. Vel etiam, post Lucillum, locus, qui unius fuerat domini, pluribus villis & fundis areas exhibuit. quarum monumenta identidem excavata, eum tamen antea Lucullani agri partem, locum fuisse, minime impediunt. Ceterum, quod Frontinus ait, Lucullanum Agrum ab quibusdam creditum Tusculanum, id sibi velle, judicaverim; ab Lucullo suis ædificiis Tusculani Municipii proprium agrum occupatum, quem ab ipso Municipio fortasse coemerat; ac pro *Tusculano*, *Lucullanum* jam de domini celebritate solum vocabatur. Vel certe Lucullanas Delicias, præter Tusculanum, aliorum etiam agrorum partem occupasse, puta, Collatini, Prænestini, Albani, Romani, Tiburtini; cum tamen ex potissima earum parte, omnes in Tusculano Agro positæ dicerentur. Villam igitur L. Luculli Tusculanam in ædificiis ut plurimum magnificentissimis constitutam, agri colendi, licet spatiosissimam, ferme nihil habuisse, Columella, & Plinius ex Varrone meminere. Ait enim L. Junius Moderatus Columella, in Libris de Re Rustica, ex Varrone 6.: *Multos deerrasse memoria prodidit, sicut præstantissimos viros L. Lucillum & Q. Scævola. quorum alter majores, alter minus amplas, quam postulavit modus agri, villas extruxit; cum utrum-*
que

7. Lib 18. c.6.

que sit contra rem familiarem. Plinius vero de villarum positione, & agro, juxta præcepta Veterum, colendo, agens, iisdem fere Varronis & Columellæ verbis 7. *Modus*, inquit, *hic probatur, ut neque fundus villam quærat, neque villa fundum.* Non, ut fecerunt, juxta diversis, eadem ætate, exemplis, L. Lucullus & Q. Scævola, cum villa Scævolæ fundus careret, villa Luculli agro. Quo in genere Censoria castigatio erat, minus arare, quam verrere. Itaque Lucius Licinius Lucullus, Romana Patritia Gente Licinia exortus, Græcis Latinisque literis affatim eruditus, cum ex Asia, Mithridate ac Tigrane devictis regibus, ac triumphatis, gloriosissimisque rebus gestis, ingentem, supra quam credi potest, divitiarum vim, Romam reportasset; jam senex factus, privatæ vitæ ocio ac deliciis, totum sese tradidit; ædesque magnificentissimas & copiosissimas in Tusculano, *Urbanæ villæ* nomine, extruxit. In quibus hæ potissimum partes celeberrimæ fuerunt. Cœnationes excelsæ, longinquissimique prospectus; Aulæ vastissimæ; Xysti; Pynacothecæ; Bibliothecæ; Thermæ, Theatra, Palæstræ, earumque supellex universa. Vivaria & Piscinæ; Ornithones; Bestiaria diversi generis; Ergastula pro servis; aliaque deliciarum exquisitissimarum loca quamplurima. Quamvis enim contra Puteolos aliam, eamque magnificam, & piscinarum præcipue fama celebrem villam haberet; aliam quoque, ut fama est, circa Circeii Promontorii radices, ad Lacum Circejensem, nunc *di Santa Maria di Surre-*
sca,

sca, ubi quamplurima adhuc *Deliciarum Luculli* cernuntur vestigia: *Tusculana*, nihilominus, senex factus, propter Urbis propinquitatem, potissimum delectabatur; in eaque maxime ornanda totus fuit. De illo sic *Plutarchus* in vita: At *Crassus* & *Pompejus* irridebant *Lucillum*, qui deliciis sese totum tradiderat, perinde ac si tanti viri ætas jam grandis ad regimen *Reipublicæ*, atque armorum, inepta, ocium magis & voluptates expeteret. Vere enim *Luculli* vita veterem comœdiam repræsentavit. in qua priores partes labores ejus pro *Republica*, belli, toleratos & exhaustos continent; at postremæ conviviis cœnisque plenæ sunt. neque in iis aliud ferme quam comissationes, accensæ faces, & omnia ludo ac deliciis referta cernuntur. inter quæ voluptuosa, merito etiam computamus sumptuosa ædificia, deambulationes, thermas: picturas præterea & signa, & incredibiles in his artibus comparandis factos sumtus. Consuevit enim absque modo eas pecunias, quas copiosissimas ex Asiaticis bellis retulerat, in omne voluptatis genus dissipare. Cujus rei evidentissimum in hanc usque diem argumentum est, quod *Horti Lucullani*, reliquos inter Cæsarium omnes, pretiosissimi, & deliciarum cujusque generis omnium copiosissimi existimentur. *Tubero* quoque *Stoicus*, cum ingentia ea ædificia vidisset, quæ *Lucillus* ad mare contra *Puteolos* extruxerat, & colles, qui, excavato subtus, solo ab radicibus usque pendere videbantur aerii, fluxusque admissi maris intra excavatos cuniculos, vastissimasque piscinas, quæ villam cingebant undique, & ipsas ædes aqua marina allutas, *Lucillum*

Xersem togatum nominavit. ALIAS QUOQUE ÆDES HABEBAT EXCELSAS IN TUSCULANO ET VASTISSIMAS, de quibus, tanquam de specula omnem circa regionem prospiciebat, cum cœnationibus, xystis, & subdialibus ambulationibus plurimis. Huc cum venisset aliquando Pompejus, Lucillum reprehendit, quod eas ædes pro æstivo tantum tempore construxisset, ita ut per hyemem inhabitabiles redderentur. Cui subridens Lucillus respondisse fertur: numquid videor tibi gruibus atque ciconiis minus sapere, ut juxta diversum anni tempus, locum quoque mutare non possim? Prætori, qui splendidissimum spectaculum edere vehementer optabat, petenti chlamydes aliquot ut Chorum ornaret, respondit, visurum, num tot domi haberet, missurumque, si habuisset, quot forent opus. altera vero die cum ab eo Lucillus petiisset, quot demum chlamydes commodatas vellet; & Prætor, centum sibi satis fore affirmaret; ut ducentas acciperet, Lucillus coegit. quod pulcherrime sic Hora-

8. Ep. 6. lib. 1.

tius: 8. Chlamydes Lucillus, ut ajunt, Si posset centum scenæ præbere rogatus, Qui possum tot? ait. tamen & quæram; & quot habebo, Mittam. post paullo scribit, sibi millia quinque Esse domi chlamydum. partem, vel tolleret omnes. Exilis domus est, ubi non & multa supersunt, Et dominum fallunt, & prosunt furibus.

In cœnis, quas quotidie Lucillus in villa sua Tusculana amicis quibuslibet instruebat, novi semper apparatus species videbatur sumptuosissimi; neque solum purpurea stragula & toralia, pa-

te-

teræque, & crateræ, gemmis onustæ; choragia delicatiorum frequentissima; verum omne genus ciborum & deliciarum, abs terra, aere, aquis, igne, conquistum, rarissimoque artificio præparatum. Totque tamque variis gulæ irritamentis conditum, ut unum demum Lucullum beatum, de vulgo passim homines prædicarent. Qua luxuriandi consuetudine non tantum delectari, verum etiam gloriari solitum fuisse Lucullum, ferunt. Cum enim ex Græcia quidam hospites ad eum venissent, eosque lautissime de more excepisset, dies aliquot; hi demum Romæ quidem adhuc subsistentes, Luculli tamen coenas jam amplius non frequentabant; veriti, ne nimis fortasse illum sumtibus aggravarent. Quos Lucullus in Foro sibi casu obvios factos, ecurr hospitium atque hospitem deseruissent? interpellavit. Cui cum Græci causam, ut erat, modeste retulissent; atqui, Lucullus, inquit, aliquid quidem in coenis exhibitis ad consuetum pro vobis addebam; plurimum tamen atque potissimum, quotidiana Luculli, proque Lucullo, coena fuit. Cui simile quid servis retulit, cum forte, præter morem, semel solus coenaret. Cum enim mensam solita copia consuetisque deliciis instructam non videret; accito prægustatore; ecquid hoc, inquit, fordium est, atque avaritiæ in domo Luculli? Cumque, hospitum ille absentiam causaret; nesciebas, reposuit Lucullus, nesciebas; inquam, Lucillum hodie cum Lucullo conviva-

turum? Jam vero cum tota jam urbe rumor iste de coenis Lucullanis in Tusculano, volitaret; Cicero & Pompejus Luculli pernecessarii, periculum facturi, num vera hæc deliciarum ejus fama esset, viso forte Lucullo sedente circa forum ocioso, habere se aliquid negotii, de quo remotis illum arbitris alloquerentur, simulavere. Itaque seorsim abductum de coena interpellarunt: verum his conditionibus, ut quam sibi uni quotidiano domestico sumtu apponere consueffet, eam, ne minimum quidem auctam, ipsis apponeret. Lucullus excusare primo, quod sese imparatum invasissent; orare, ut servis saltem quid opus facto foret, imperandi sibi copia fieret. Cumque nihil horum ab amicis impetrasset; fiet jam, inquit, quod voluistis; esurietis hodie simul cum Lucullo; adductoque Ciceronem & Pompejum in villam suam, cum nihil aliud servis edixisset, quam, *in Apolline se cœnaturum ea nocte*, ducentorum festertium coena excepit, quæ quotidianus Luculli unius sumtus esse consueverat. Cœnationes enim permultas cum haberet; suum unicuique nomen tribuerat; taxatique erant sumtus, qui in earum singulis fieri debebant. Cumque *Apollinis* cœnatio ex ditissimis esset; uno illo verbo, Lucullus amicos fefellit. Quos lautissime ac delicatissime non imparatus, ut illi tamen putaverant, tractavit. Has Luculli cœnationes eo loco fuisse, crediderim, in agro Tusculano, ubi nunc *Villa Ludovisia* conspicitur. Si-

qui-

quidem ibi ingentes adhuc aræ ad vastissimas magnificentissimasque sustentandas ædes complanatæ visuntur; extantque in ipsius villæ aditu non obscura veterum ædificiorum vestigia. Cellas dico decem & octo, quadratas & cameratas; quarum parietes filice, in retis figuram disposito, compacti sunt. Quarum altitudo palmorum quindecim, latitudo quatuordecim; longitudo vero decem & octo deprehensa est. Muri autem inter singulas divisorii latitudo palmorum septem & semis. Itaque, substructiones has fuisse, autumo, ingentium illarum Luculli coenationum, xystorum etiam, longissimarumque subdialium ambulationum, & gestationum, quibus eam villam ornatissimam fuisse, scimus. Præcipue cum, ex Kircherii testimonio, patrum memoria, lapis circa eum locum effossus fuerit, cum literis grandioribus

L. LVCVL L. F.

Porro, cellas ipsas servorum solutorum usibus inservisse, existimo; non Veteris Tusculi tabernas fuisse, ut quidam; cum Tusculum in Tusculano monte situm longe hinc abesset. Illud, & antiquitatis, & per hæc tempora mirabile quidem, quod in convexa fornicum superficie, has supra cellas, ubi vel nullus vel exiguus certe inter coementa humor esse potest, sponte adnatæ suspiciuntur miræ sublimitatis & crassitie ilices, quales tam proceras rarum videre sit; quæ in commissuris lapidum, multa jam sæcula, stabiles radices posuere. In area

ve-

vero, juxta has ilices, marmorea antiqua mensa alienis fulcris sustentata cernitur; ovata figura; in cuius gyro ad latera varii lusus antiquo elegantissimo opere insculpti sunt; cupidinum scilicet alatorum, diverforum animalium currus trahentium, dormientium puellarum, aliorumque. Quam Luculli forte coenationes exornasse haud inverisimile fuerit. De coenationibus & tricliniis Luculli sic

9. RR. l. i. c.
13.

Varro meminit: 9. *Nunc contra, Villam Urbanam quammaximam & politissimam habeant, dant operam; ac cum Metelli ac Luculli villis pessimo publico ædificatis certant. Quo hi laborant, ut spectent sua æstiva tricliniaria ad frigus Orientis, hiberna ad solem Occidentem; potius quam, ut antiqui, in quam partem cella vinaria aut olearia fenestras haberet.*

Harum coenationum alicui contiguum fuisse videtur Aviarium, quod Græci, & Græca voce Latini, *Ornithona* nominaverunt. In hoc Lucullus altilis plurium specierum delicatas aves, magno ædificio constructo, suis quasque distinctas spatiis conclusas habuit. Utque ex Varrone colligimus, non gallinas modo domesticas, anates, atque anseres, verum, Numidicas, Pavones, Phasianos, Attagenas, ac turdorum præcipue, quibus regnum in aves ceteras gula concessit, Martiali iudice, vim pene immensam. De illo sic Varro: 10.

10. RR. l. 3.
c. 4.

Duo sunt ornithonis genera. Unum delectationis causa..... alterum fructus..... Ex his tertii generis voluit esse Lucullus conjunctum, Aviarum quod fecit in Tu-

Tusculano ; ut in eodem tecto ornithonis inclusum triclinium haberet , ubi delicate cœnitaret ; & alios videret in mazonomo positos coctos , alios volitare circum fenestras captos . De turdis hic præcipue Varro loquebatur . De quibus a Lucullo servatis quovis anni tempore id legimus apud Plutarchum : ^{11.} Cum æstate quadam Pompejus adversa oppressus valetudine decubisset ; nauseantique medicus , ut turdis languentem excitaret stomachum , præcepisset ; servi nullo in macello venales invenerunt . Quare id Pompejo nuntiarunt , addentes simul , in Tusculano Luculli aviario altilis turdos permultos nutriri . Quibus tamen Pompejus , ne Lucillum de turdis interpellarent , interdixit ; illud severe effatus : si ergo Lucullus non luxuriaretur , Pompejus vivere non posset ? alioque parabiliore cibo nauseam medicatus est . Ceterum , quamvis Luculli aviarium magno ædificio constructum esset ; Varro tamen , ex ipsius confessione , ^{12.} in villa sua sub Casino , cujus adhuc

^{11.} In Lucullo .

^{12.} RR. l. 3.

Bestiarium Luculli , sive septum ad bestias alendas , quod etiam *Vivarium* Columella appellavit , (quamquam vivarium , de Piscium septo melius diceretur apud aurei sæculi Latinos Scriptores ,) *Bestiarium* , inquam Luculli , circa eam Tusculani agri partem fuisse extensum , crediderim , in qua
mo-

modo veterum ædificiorum substructiones subterraneæ visuntur , circa Rocciorum villam , vulgo *i Centroni* , aut eruditius : *Le Grotte di Lucullo* . Ibi enim proximæ silvæ nunc quoque fatæ sunt , & antiquitus fatas fuisse , ex iis , quæ de Tusculano proximo Ciceronis memoravimus , plane cognosci potest . Siquidem bestiarios servos in iis substructionibus , quæ adhuc extant , habitasse vinctos , existimo ; vix enim non ergastula mancipiorum eadem fuisse quisquam mihi persuaferit : cum illa eo pacto , commodum , ædificata videamus , quo mancipiorum ergastula fieri olim consueſſe de Columella didicimus , agente : 13. *Optime solutis servis cellæ meridiem æquinoctialem spectantes fient. Vinctis quam saluberrimum subterraneum ergastulum plurimis. Sitque id angustis illustratum fenestris, atque a terra sic editis, ne manu contingi possint.* Profecto vastissimum fuisse Luculli Bestiarium in Tusculano , innuit Varro . Siquidem suorum temporum luxuriam cum antiquiorum modestia comparans , ac præcipue ad Luculli Tusculanum alludens : 14. *Neque enim , inquit, magnum erat id septum . Quod nunc ut habeant multos apros ac capreas , complura jugera maceriis concludunt .* Certe illud Q. Hortensii in Laurentino quinquaginta jugerum spatium maceria conclusum complectebatur . : 15. *Quorum in medio excelsum ædificium , turris instar , erat , cum cœnatione . Unde tuba convocatas diversi generis bestias quamplurimas cernere , momento , circa congregatas , ad pabu-*

13. RR. c. 6.
l. 1.

14. R.R. l. 3.
c. 3.

15. Var. R.R.
l. 3. c. 13.

bulum, jucundissimum ne an horrendum spectaculum cernere erat. Quod in suo Tusculano Lucullum imitatum fuisse, non dubito. In hoc vivario cerui potissimum, apri, damæ, capreæquealebantur; tum etiam oryges; & si quod aliud, non tamen ex ferissimis animalibus: cum ad culinam demum ea omnia ab Lucullo destinarentur. Forte & septa alia habuit Lucullus in Tusculano, ea parte ubi nunc *La Selva della Comunità*. Cui adjacebant ingentes Thermarum, aliarumque Balnearum, structuræ: loco, cui, ab antiquo certo deductum, vocabulum, *La Bagnara*. Et aliud adhuc circa præsens Burghesiorum prædium sub monte Dracone, vulgo *Villa vecchia*; & *il Forno*. ubi nunc quoque septum est Leporum, & antiquitus Luculli Leporarium extitisse, sunt, qui conjectantur.

Loco autem, nunc *La Bagnara*, insanæ Thermarum Lucullanarum substructiones adhuc apparent. Siquidem ab recenti urbe Tusculo descendentibus, ad dexterum latus ædium Fratrum Minorum, quos vocant, haud ita multis abhinc annis, loco, qui dicitur *La Bagnara*, veterum murorum rudera detecta fuerunt; aquæductuum, camera-
rum, fornicum, aliorumque, ad balneas inservientium manifesto, ædificiorum, ex opere lateritio, pro balneis, thermis, sudatoriis, atque laconicis Lucullanis. Intra urbem vero, in area Ædis, Beatæ Mariæ, & Sanctis Rocco & Sebastiano dicatæ, ex Vivariis unum fuisse, vetustum illius sacræ

Q

Ædis

Ædis nomen , *Sanctæ Mariæ in Vivario* nobis significat ; præter convenientia Scriptorum plurium testimonia . Intra hæc Vivaria , quas & Piscinas communiori vocabulo Latini appellabant , ingens , supra quam credi potest ; omnis generis piscium multitudo concludebatur ; quos electa sagina Lucullus pascebat . Aquæ vero eodem congregatæ mutabantur identidem , vetereeducta , & derivata recenti . Porro formæ , in quibus ad piscinarum usum conservabantur congregatæ aquæ , aliæ sub ædibus Patrum Societatis Jesu Tusculi erant ; unde vestigia earum in templo Sanctissimi Nominis Jesu ibidem extruendo a fossoribus detectæ sunt ; quæ aream illam ad Portam , quæ dicitur *Porta Spinetta* , occupabant omnem , ad Vainorum usque præsentem villam ; sub qua fornicum vetustorum rudera apparent adhuc ; per quos in eas formas aquæ collectæ perducebantur . Aliæ vero ex iisdem formis propius Vivaria fuere . Quarum una latissima adhuc integra manet sub præfenti Tusculana arce , & arcis area , vulgo *Piazza della Rocca* . Impleturque etiam nunc aquis ; quarum si quando ceterarum meliorum copia deficiat , per apertum ad id foramen , Tusculano Populo est usus . Porro huic Formæ , sive Cisternæ , Arx ipsa Tusculana inædificata apparet ; cujus nunc pacifico fruitur usu , Summorum Pontificum beneficio , Petrus Marcellinus Corradinus Cardinalis amplissimus hujusce nostri Operis primus Auctor , & Mecænas optimus ,
ad

ad necessarium aliquando , gravissimis ab negotiis & studiis ocium captandum . Ibique magnorum Principum & Optimatum, piorum quoque & eruditorum omne genus virorum perpetua corona cinctus Vir clarissimus cum magnificentia simul & liberalitate , Christianam tamen sapiente sobrietatem , lautis æque ac moderatis conviviis eosdem adhibere , per Autumnales præsertim ferias , consuevit . Quoties enim per idem tempus ab humanissimo Principe nos quoque sapientum illis conviviis sumus adhibiti, toties copiam cum sobrietate, liberalissimos jocos & sales cum utilissimis sententiis , virtutem denique ipsam cum animi jucunda relaxatione convivari semper , cum sapientissimo viro simul , admirati sumus . Ceterum de Luculli Piscinis Varro & Columella sic meminerunt . Ille quidem : 16. *M. Cato nuper , cum Luculli accepit tutelam , e piscinis ejus quadringentis millibus sestertiis vendidit pisces . Columella vero iisdem pene verbis : Ipse (Cato) tutor Luculli grandi ære sestertium millium quadringentorum piscinas pupilli sui venditabat . Atque alibi : 17. Quis propter nobilitatem , ignorat piscinas Philippi , Hortensii , Lucullorum ? Quamquam autem hæc potissimum de Luculli Piscinis , contra Puteolos sitis , scripta fuerint ; ea tamen & Tusculanis ex parte convenisse , non dubitamus . Quamvis illæ marina, adeoque salsa ; hæc fluminum fontiumque dulci opplerentur ; ac diversa proinde piscium genera conservarent . Ceterum Lucullo haud difficile*

fuit

Q 2

16. R. R. l. 3.
c. 2.

17. R. R. l. 3.
c. 3. in fine .

fuit tantam aquarum vim in suas formas, piscinas, & balneas, congregare; cum triplex saltem aqua perennis in Agro suo Tusculano, *Virgo*, scilicet, *Tepula*, atque *Appia* conciperetur. quod supra, ex Frontino, docuimus. Per innumerabiles igitur mancipiorum greges atque catastas aquæductibus, partim subterraneo rivo, partim, si opus fuisset, supra fornices extructis, omnes vastissimæ suæ villæ partes irriguas fecit. Eædem statuis & signis, elegantissimi operis, pretiosissimæque materiæ, propemodum infinitis, ornatae undique erant. Siquidem Lucullus tantam vim eorum ex Asia Romanam attulerat, ut, non modo villas suas, sed ipsam Urbem frequentissimam eisdem reddiderit. Hoc Plutarchus & Plinius alique Scriptores veteres tradidere. Nos, ex Plinio excerpta, paucula hujus Luculli luxuriæ testimonia proferemus. Itaque Plinius de Varrone locutus, inquit: 18. *Idem magnificat Arcesilaum L. Luculli familiarem, cujus proplasmata pluris venire solita artificibus suis, quam aliorum opera. Ab hoc factam Venerem genitricem in Foro Cæsaris, & priusquam absolveretur, festinatione dedicandi, positam. Deinde eidem a Lucullo talentis LX. signum Fidei locatum; cui mors utriusque inviderit. Rursum, 19. Audaciæ, inquit, innumera sunt exempla. Moles quippe excogitatas videmus statuarum, quas colossos vocant, turribus pares. Talis est in Capitolio Apollo translatus a Lucullo ex Apollonia Ponti urbe XXX. cubitorum CL. talentis factus, Quamvis hic revera Plinius de*

18. Lib. 35.
c. 12.

19. Lib. 34.
c. 7.

de Marco Lucullo Lucii fratre locutus fuerit . Lucii tamen & filii ejus id quod sequitur , fuit , eodem auctore Plinio 10. : *In mentione statuarum , est & una non prætereunda , licet auctoris incerti , juxta Rostra , Herculis tunicati , Eleo habitu , Romæ , torva facie , sentienteque suprema , in tunica . In hac tres sunt tituli : L. Luculli Imperatoris de manubiis . alter , Pupillum Luculli filium dedicasse . tertius , T. Septimium Sabinum Ædilem Curulem ex privato in publicum restituisse . Tot certaminum , tantæque dignationis simulacrum id fuit . Denique Lucullus ipse genus marmoris invenit , cui nomen Luculleo fecit . Plinius idem 21. : Post hunc Lepidum , ferme quadriennio , L. Lucullus Consul fuit , qui nomen , ut apparet ex re , Luculleo marmori dedit , admodum delectatus illo ; primusque Romam invexit , atrum aliique , cum cetera maculis & coloribus commendentur . Nascitur autem in Nili insula , solumque pene horum marmorum ab amatore nomen accepit . Hoc itaque marmore , aliisque diversicoloribus quamplurimis Lucullanæ ædes omnes in Tusculano circumvestitæ undique fuerunt , pavimenta instrata , facies & frontes ædium munitæ , pretiosissimis metallorum cum politissimis rarissimisque lapidum decertantibus ; materie quoque opere & artificio semper æmulis . Insignes pariter Luculli Pinacothecæ memorantur a Varrone . Erant autem ambulacra ingentia marmoribus tecta undique , de quibus tabulæ pictæ excellentissime dependebant . *pinax* *πίναξ* enim Græcis tabula est ;*

20. Ibid. c. 8.

21. Lib. 36.
c. 6.

the-

theca *θήκη* vero *claustrum*, *arca*, *conditorium*, nobis
 22. R. R. lib. I. c. 2. nunc *Galleria di Quadri*. De his itaque Varro 22. :
Fundi (Cnei Tremelii Scrofæ) propter culturam ju-
 cundiore spectaculo sunt multis, quam regie polita ædifi-
 cia aliorum. Cum hujus spectatum veniant villas; non,
 ut apud Lucillum, ut videant pinacothecas, sed, oporo-
 thecas. Sunt autem oporothecæ, ne forte hæreas in
 vocabulo, ædificia ad autumnales fervandos fru-
 ctus instructa; quod Græca vox satis indicat. Qua-
 re, quemadmodum in Luculli statuis, Praxitelis
 multum fuit, Lyfippi, Polycleti, Scopæ, aliorum-
 que celeberrimorum Græcorum Sculptorum. Sic
 in Pinacothecarum tabulis, Zeuxidis, Apellis,
 Parrhasii, aliorumque primi subsellii Pictorum,
 fuit quamplurimum. Unum tantum ex Plinio
 23. L. 35. c. 11. exemplum memorabo. 23. Postremo (Pausias Si-
 cyonius) pinxit illam (Glyceram municipem &
 amicam suam inventricem coronarum pangenda-
 rum e floribus) sedentem cum corona. quæ e nobilissimis
 ejus tabula, appellata est STEPHANOPLOCOS, ab aliis
 STEPHANOPOLIS; quoniam Glycera venditando coronas
 sustentaverat paupertatem. Hujus tabulæ exemplar,
 quod apographon vocant, L. Lucillus duobus talentis
 emit a Dionysio Athenis. Porro has Luculli pinaco-
 thecas in nobilissima ædium parte collocatas fuisse,
 crediderim; quas in latissimis Ludovisiæ villæ areis
 consurrexisse, jam diximus. Cui celeberrimæ quo-
 que Bibliothecæ fuere conjunctæ.

Id enim in tanto luxu laudatur a Plutarcho
 de

de Lucullo , quod instructissimas omni librorum genere Bibliothecas habuerit . Quamvis ipse quidem jam senex , deliciisque tantum ciborum , & spectaculorum , deditus , ex iis forte tunc fuit , de quibus postea Seneca false dixit , plurimos fuisse ingentium Bibliothecarum dominos , quibus suorum librorum tituli , & frontes tantum placerent , & umbilici . Quod quantum nostro huic , extrinsecus quammaxime erudito sæculo , quadret , interiores eruditi viri dispexerint . Itaque de Luculli Bibliothecis Plutarchus : *At illud maxima certe laude dignum fuit in Lucullo , perpetuaque memoria , & exemplo ad posteros transmittendum , quod Bibliothecam copiosissima librorum supellectile instructam congregaverat ; pulcherrime scriptis codicibus , quos lectum venire omnibus commune erat .* Luculli enim Bibliotheca , atque ambulationes , & scholæ semper cuilibet patuere . Eo Græci ventitare solebant ; & in aulam cui *Musarum* , sive *Museum* nomen erat , convenientes , illic Philosophicis disputationibus dies totos impendere . Quos inter , aliquando Lucullus ipse confedissememoratur ; aliquid & ipse disputaturus . Diximus autem Lucullo non tantum Bibliothecam , sed Bibliothecas fuisse . non modo , quia & Romæ , & Tusculi , & Puteolis , & alibi etiam fortasse , librorum copiam habuerit ; verum etiam quod in Tusculana ipsa villa plura cubicula referta libris servaret , diversissimi argumenti , quorum classes singulæ copiosissimæ , distinctæ , quædam unaquæque


Bi-

24. Lib. 3. de
Finib.

Bibliothecæ erant. Has cum ceteris villæ deliciis Lucullo filio unico reliquisse Lucium Lucullum, ex Tullio cognoscimus, ajente 24. : *In Tusculano cum essem, vellemque e Bibliotheca pueri Luculli, quibusdam uti libris; veni in ejus villam, ut eos ipse, ut solēbam, inde promerem. & nonnullis interjectis, cum Catone loquens: Causa enim, inquit, huc veniendi fuit, ut quosdam hinc libros promerem: & quidem, Cato, totam hanc copiam jam Lucullo nostro notam esse, oportebit: nam his libris eum malo, quam reliquo ornatu villæ delētari. Quamquam autem Cicero summis laudibus L. Lucullum patrem, eundemque clarissimum Imperatorem, ornaverit; initio præsertim Academicæ illius Quæstionis, quæ incipit: Magnum ingenium L. Luculli, quum ex persona ipsius Luculli maxima ex parte disputat; fuit, nihilominus, ut ajebam, mollissima ejus in senectute vita, communissime reprehensa. Villa præsertim ejus Tusculana tot infanis molibus ampla, tot deliciis superefluens, Ciceronis ipsius censuram, quamquam amicissimi, non effugit. Sic enim Tullius, libro de Legibus: Vir magnus, & nobis omnibus amicus L. Lucullus, efferebatur, quasi commodissime respondiisset, cum esset objecta magnificentia villæ Tusculanæ, duos se habere vicinos, superiorem Equitem Romanum, inferiorem Libertinum; quorum essent magnificæ villæ; concedi sibi oportere, quod iis, qui tenuioris ordinis essent, liceret. Nonne vides, Luculle, a te id ipsum natum, ut illi cuperent? quibus id, si tu non faceres, non liceret. Quis enim*

Lucullanum in agro Tusculano, vulgo
la Grotta di Lucullo, o il Centrone.






LVCVLLANARVM VILLARVM IN TVSCVLANO SVBTERRANEA AEDIFICIA


Quae sub VILLA ROCCIA descenduntibus atque rimantibus deprehenduntur
ad locum vulgo LI CENTRONI aut LE GROTTI
DI LVCVLLI.

*Sub Villa Varesiana
Piscina olim Lucullani
hac forma spectabatur.*



*Ubi hodie sentes spinæque dominantur, olim Piscina huiusmodi existebat.
in agro LVCVLII Tusculano.*

RUINÆ VILLARUM LUCULLÆ
*narum passim inter Marimum et Tus-
culum in Campis obviæ.*



enim ferret istos , cum videret eorum villas signis & tabulis refertas , partim publicis , partim etiam sacris & religiosis ? quis non frangeret eorum libidines , nisi illi ipsi , qui eas frangere deberent , cupiditatis ejusdem tenerentur ? nec enim tantum mali est , peccare principes (quamquam est hoc magnum per se ipsum malum) quantum illud , quod permulti imitatores principum existunt . Ex quibus obiter nota, magnificas circa Luculli villam Tusculanam , fuisse alias duas , Equitis Romani superiorem ; inferiorem , loco scilicet , ac situ , Libertini , tabulis & signis publicis etiam , sacris & religiosis , usque ad effusam luxuriam ornatissimas . Ceterum in Lucullana , Theatrum , Gymnasium , Palestram , aliaque ad spectacula constructa ædificia, non dubitamus: templa quoque permulta, & sacella diversis numinibus posita , quorum Lucullus signa ex Asiæ templis advexerat. Quamquam de illis apud Auctores peculiaris mentio facta non invenitur Sororem M. Catonis Junioris e Porcia Gente Tusculana, qui Uticæ in Africa se interfecit, ne in Cæsaris manus veniret, Lucullus uxorem duxerat; ex qua L. Lucillum unicum filium suscepit , cujus tutelam Catoni avunculo demandavit. Qui patrem non tantum rerum gestarum gloria , quantum vivendi ac coenandi luxurie imitatus est , ac superavit quoque . Siquidem de illo Plinius ^{25.} : *Quibus*

nis autoritas fuerit sua in mensa , Varro his verbis tradidit : L. Lucullus puer apud patrem nunquam lautum convivium vidit , in quo plus semel Græcum vinum da-

<sup>25. Lib. 14.
c. 14.</sup>

retur . Ipse , cum rediit ex Asia , millia cadum congiariorum divisit amplius centum . Tanto autem cibo in senectute apud Tusculanam hanc villam suam sese ingurgitasse Lucullus pater traditur , ut servo , qui cessare illum cogeret , demum uti consueverit . De hoc ita Plinius 26. : *Multo utilissima est temperantia in cibis . L. Lucullus hanc de se præfecturam servo dederat : ultimoque probro , manus in cibis triumphali seni deducebatur ; vel in Capitolio pudenda re , servo suo facilius parere , quam sibi .* Forte fuit hic Hero servus Luculli medicus , quem Plinius idem a domino tradit summe dilectum . Aut etiam Callisthenes Luculli libertus , a quo traditur Lucullus , 27. extremis vitæ diebus amatorio poculo dementatus , ita ut Curatore M. Lucullo fratre uteretur . A quo etiam , cum haud ita multo post obiisset , sepulcro traditum in villa sua Tusculana , licet Populus Romanus , Romæ funus tanti Imperatoris publice celebrare exoptasset , Plutarchus memoriæ prodidit . Id sepulcrum apud Portam principem præsentis oppidi *Frascati* extare , memorant , adhuc ; quamvis ornamentis omnibus spoliatum ; juxta cauponam publicam , dextero in oppidum intrantibus latere , intra privatæ domus parietes inclusum . Cum tamen intra vastissimum spatium agri Tusculani , quod Luculli villæ occupaverunt , plura sepulcrorum adhuc extent vestigia ; quodnam Luculli fuerit , stabilire , audacissimum foret . Ex his certe villis tot etiam post evoluta sæcula , totque post de-

26. Lib. 28.
c. 5.

27. Plutarch. in
vita, & Corn.
Nep.

deprædationes, & asportationes, adhuc tamen in dies fragmenta eruuntur ornamentorum, quorum seriem texere longissimum foret. Unum tamen Epigramma referam, quod Barnabas Mattejus in manuscripto Codice anno a V. P. MCCCC. inter vetustorum lapidum inscriptiones, reperisse testatur. De cuius tamen vetustate atque ætate non disputo. 28.

28. Mem. dell' antic. Tuscol. p. 70.

Hic tibi surgebant, celebres, Luculle, Penates;

Pro quibus, heu! vasta mole Ruina jacet.

Ipse tamen paries priscae vestigia formæ

Servat; & eversum grande superbit Opus.

Omnia quæ diro consumunt dente, parabant

Exitium saxi tempora. Fama negat.

Quamquam enim epigramma se ipsum prodat, post dirutam villam, enatum; idem, nihilominus, eo tempore se factum fuisse confirmat, quo parietes L. Luculli villæ servabant adhuc priscae vestigia formæ; quam certe multis jam sæculis eos penitus amisisse, didicimus. Inter copiosissimos L. Luculli Libertorum greges L. fuit Licinius Amassynthius, qui Patroni beneficiorum, quibus maximis cumulatatus fuerat, non immemor, Tusculanam villam in monte construxit, quam trophæis marmoreis, signis ac tabulis Patroni sui res præclarissime in Asia gestas repræsentantibus ornavit. Quorum non incerta fragmenta se reperisse Pyrrhus Ligorius prodidit. 29.

29. Lib. A. L. v. Amassynthiano.

Quoniam vero, post Lucullos, eorum Tuscu-

lanæ villæ ad plures dominos pervenere ; in earum parte , ubi Balnearia fuerant , loco , ut ajebam , nunc *La Bagnara* , Sergii seu Servii Sulpicii Galbæ Romanorum Imperatorum Septimi , villam fuisse , quædam ibi eruta monumenta significasse videntur . Siquidem circa villam , quæ olim *Vespignanorum* fuit , nunc vero a *Sacerdotibus Lucensibus Matris Dei Romæ in Porticu* , possidetur , vicinam Luculli balneis , ingentes specus apparent , pilis quadratis magnæ molis fornices sustentantibus , antiquo opere , tectorio adhuc stabili liniti , aquisque repleti , qui Castellum aquarum fuisse per plumbeas fistulas ad Lymphæa Luculli perductarum , creduntur . Quandam enim harum fistularum partem juxta silvam Populi Tusculani vulgo *della Comunità* , sex & viginti abhinc annis inventam , scimus , in vinea Tusculani civis , ubi eadem Lymphæa cernuntur quadruplici ordine , in qua literis ex ipso plumbo extantibus legebatur .

FELIX . AR. IMP

SER. GALBA . V. G.

Hic proinde non male creditum est , Galbæ Imperatoris Tusculanam villam sitam fuisse , de qua
 30. *In Galba.* Svetonius sic memoravit : 30. *Sumta virili toga , somniavit Fortunam , dicentem , stare se ante fores defessam : & nisi ocyus reciperetur , cuicumque obvio prædæ futuram . Utque evigilavit , aperto atrio , simulacrum æneum Deæ cubitali majus juxta limen invenit : idque gremio suo Tusculum , ubi æstivare consueverat , avexit : & in par-*

parte ædium consecratum, menstruis deinceps supplicationibus & pervigilio anniversario coluit. Quamquam autem ad imperium Galba pervenerit; vix tamen illud gustaverat, & a factione Marci Salvii Othonis inde depulsus est, & a militibus occisus, ac ludibrio etiam post mortem habitus. Infelicem hunc exitum prænunciatum illi a Fortuna sua Tusculana, idem Tranquillus memoriæ prodidit. Ait enim, circa ejus vitæ finem: Monile margaritis gemmisque consertum ad ornandam Fortunam suam Tusculanam ex omni gaza secreverat; id repente, quasi augustiore dignius loco, Capitolinæ Veneri dedicavit: ac proxima nocte somniavit speciem Fortunæ querentis, fraudatam se dono destinato, minantisque erepturam & ipsam, quæ dedisset. Cumque exterritus luce prima, ad expiandum somnium, præmissis qui rem divinam appararent, Tusculum excucurrisset; nihil invenit præter tepidam in ara favillam, atratumque juxta senem, in catino vitreothus tenentem, & in calice fictili merum. Hanc vero Galbæ villam in locum ipsius silvæ Populi Tusculani extensam fuisse 31. perhibent; adduntque, proxime lapsis annis statuas indidem effossas duas, heroico Imperatorio habitu, quarum una Galbæ fuisse credita est. Cum tamen utraque capite careret, nec ullæ, cujusnam foret, admonerent incisæ literæ; res in incerto remansit. Ad scalas hæ statuæ Domus Publicæ Magistratuum Tusculanorum nunc prostant. Eodem in prædio, ubi Galbæ Tusculanum constituimus, in ipso aditu, intrantibus

31. Mattei .
Mem. dell' Antic. Tuscol. p.
91.

ara antiqua marmorea cernitur, quartam palmi partem alta, crassa vero uncias decem, lata palmum unum & semis, cum literis.

ARA
SOLIS

Ad ingressum Castelli aquarum, Vespignanus loci olim dominus, hæc marmori voluit incidi:

CVRIOSQ ANTIQVITATIS STVDIO
RECEPTACVLVM AQVARVM
AD TVSCVLANAS OLIM
THERMAS INTROSPICITVR.
ANNO DIRAE LVIS 1656.

In ipsis autem ædibus quædam muro infixæ visuntur antiqua ἀνάγλυφα, *anaglypha* nobis *bassirilievi* valde elegantia: & in marmoreo fragmento scriptum utrinque legitur. hinc quidem

- - - - IT MANIBVS TVMVLI . DVLCISS - - - -
- - - ETIOSA TVOS BVSTA TEGVNT . O - - -
- - - - - DSI . SACRATVS . LACRIMI. - - - - -
- - - - - - - - - HAVSIT - - - - -
- - - QVAM FAMA TAMEN . CVM TITVL - - -
- - - - - - - - - IAM . MORITV. - - - - -

Hinc vero

QVI VIXIT ANN̄ LXVII DĒP. D. KĀL
VILISARI . VC.

Christianum est monumentum, circa Justiniani Senioris tempora scriptum; siquidem Belisari, Consulatus in eo computari videtur. Christianorum autem nota, vox illa est DĒP scilicet *Depositus*, cui etiam sæpe addebant pii Christiani *In Pace*.

C A-

CAPUT V.

De reliquis Tusculanis Villis & Veterum Monumentis.



ETERARUM in Agro Tusculano Villarum quamplurium reliquias & Monumenta Pyrrhus Ligorius, Rodulphi Pii Cardinalis Antiquarius & Architectus, diligenti ab se investigatione reperta in unum collegit. De cujus penu educta nos hic proferimus; ubi alia non suppetunt testimonia, quæ idem confirment, in ipsius Ligorii fidem universa revocantes. Ait itaque Pyrrhus, in ruderibus *Anniæ* villæ quondam in Tusculano hujusmodi ab sese repertum lapidem 1.

1. v. *Anniæ*

L. ANNIO . L. F. VETER. POETAE
SINGVL. VIX. ANN. XXXXIV.
ANNIA AVRELIA MARITO
DVLCISS. KARISS. FIDELISS
HERES . EX TEST. PONI CVRAVIT

In planicie vero, Romam versus, Viam prope Latinam, Fundum fuisse *Auffinianum*, qui erat pars villæ *Aufeniæ* Sexti Ausenii Tusculani, quem exornatum ædibus ac statuis pluribus egregii operis, fragmenta testata sunt. ibi enim effossæ deorum plures, Veneris præsertim 2., Bacchi, & Vertumni. Rus item *Canulejanum*, familiæ 3. scilicet Canulejæ; de qua gente acerrimi olim in Romana Republica Tribuni Plebis extiterant. *Carbiliana* quoque præ-

2. v. *Auffinianus*

3. v. *Canulejano*

4. v. Carbiliorum
no.

5. v. Catullianum
no.

6. v. Chalciopea
no.

7. v. Charinia.

prædia in Tusculano fuisse, in quibus Caii & Marci Carbiliorum plures erant villæ. Cujus Gentis & in Tusculano, & in Albano, & in Corano montibus monimenta reperta sunt. Ex hac fuit ille Carbilius, qui primus Romæ uxorem propter sterilitatem repudiavit. Interque 4. Carbiliorum libertos computatur Carbilius Grammaticus, qui primus Romæ docuit mercede recepta. Ex ea quoque parte, unde Mons Tusculanus Lacum Regillum respicit, Rus *Catullianum* 5. extitisse Valeriæ Gentis, Veronensis, ex qua Catullus celeberrimus poeta floruit. In Tusculano pariter *Hirtii* villa, ubi fons *Chalciopea* dictus; ad quem insculpti Helles & Phryxus in dorso arietis mare transfretantes, cum Chalciope nymphea in scopulo jacente. De quibus Fabulatores, ac præcipue Valerius Flaccus & Ovidius meminere 6.. Hic *Hirtii Cæsariani* hominis fons in Tusculano. Item prope, Viam Latinam, villa fuit cum sepulcris Familiæ *Chariniæ* Romanæ. In monumento autem tabula erat, in qua insculptus Charon repræsentabatur in phaselo, Portitoris animarum ad Stygiam tranandam paludem munere fungens: ibidem Mercurius aliquas ad Inferos animas ducens, juxta Veterum fabulas. Perinde ac si Charinii ad Charontem 7., tanquam gentilitium sibi numen alludere voluissent. De Charino Martialis sæpe; si tamen, fictitium id nomen non usurpavit. Ad radices Tusculani montis, prope Viam Latinam rus fuit *Thæmianum*, quod M. Thæmius

mius Licinianus 8. possedit . Tusculi , prope locum,
ubi nunc oppidum *Frascati*, rus erat *C. Thalsi* liberti
Familiae Juniae , ubi Cereri *Thalsianae* facta dedica-
tio in hæc verba , detecta est : 9.

8. v. Thæmia.
no .

9. v. Thalsiano .

CERERI FRUGIFERAE THALSIANAE

SACRVM

C. IVNIVS . THALSIVS . C. IVNI LIBER

ET THALSIA VXOR PLAVTILLIANA .

Ibidemque terminalis lapis his notis inscriptus ap-
paruit .

VILLA . THALSIANA . TERM. CIRCIT

P. MCCCX

Iisdem in Tusculani montis radicibus villa *Antii*
Medusii , Tiberii Claudii Liberti . Hic ad sepulcra-
lia ornamenta , stabant insculptæ tabulæ cum bel-
licis numinibus 10. Marte , Bellona , Victoria , aliis-
que . trophæa etiam , & peditum dimicantium
certamina repræsentabantur . *Metellianum* , gentis
sive Familiae Metellorum 11. tam in Tusculano
quam in Albano fuit . At in Tusculano seorsim rus
Mevianum 12. , scilicet Familiae Meviæ , juxta Lati-
nam; unde sepulcrales hi lapides eruti . Primus sic.

10. v. Medusia-
no .

11. v. Metellia-
no .

12. v. Mevia-
no .

MEVIORVM FAMILIAE

M. MEVIVS . M. F. QVIR. VERVS

EQ. ROM. PATER . XVVIR SAC. FACIVN

XVVIR STLIT. IVDIC

TRIB. MILIT. LEGION I ITALIC

PRAEF. ANNON. QVAESTOR . AERARI . SATVR

QVAEST. PROVINC. AFRICAE

V. F. C.

S

In

In altero .

D. M. SAC

C. MEVIO . C. F. QVIR. PLENO

PRAEF. PRAET. VIXIT . AN. LV

M. VII. D. VIII

MEVIA MARCIANA ET M. MEVIVS

M. F. QVIR. ASPER. PAREN

P. C

13. *Epod.* 11.

Num ex his Mevius poeta maledicus ? cui Horatius naufragium imprecatur Ode illa 13. *Mala soluta navis exit alite, ferens olentem Mevium.* & de quo Vir-

14. *Eclog.* 3.

v. 90.

15. *Ligor.* v.

Pacuviana.

gilius 14. *Qui Bavium non odit, amet tua carmina Mevi.* Prædiolum quoque Marci Pacuvii, 15. antiquif-

fimi Latinarum Comoëdiarum Scriptoris, in Tusculano fuisse olim apparuit. Tum villa *Apsaniana*

16. v. *Apsaniana.*

16. in Colle Tusculano, Q. Apsanii Tusculani, ex lapide ibi reperto

D. IVNONI . GABINAE . ALBANAE . CONSERV

APSANIANA . PRAEDIA . Q. APSANIVS

TVSCVLANVS . H. L. S.

17. v. *Fraterculiano.*

Et *Fraterculianum*, Labicanam inter atque Latinam Vias, ultra montes Tusculanos, septimo & decimo ab Urbe lapide; 17. ubi villa Caii Fraterculi Romani, focii in Sicilia C. Verris Prætoris. de quo Cicero in Actionibus contra eundem Verrem. Villa itidem *Gamæsia* Lucii Gamæsii Tusculani, ubi plures repertæ statuæ, in quarum basibus hæ dedicationes .

I.

CERERI FRVGIFERAE . CONSERVAT. PRAED
GAMAESIANOR. CAIA GAMAES. VERECVNDIA.

II.

VORTVMNO . SACRVM
L. GAMAESIVS . TVSCVLANVS . PRISCILLIANVS

III.

LIBERO PATRI
D. D
C. GAMAESIA . ET
L. GAMAESIVS . PRISCILLIANVS

18. v. Gama-
sia.

IIII.

GENIO . FRVGIFERO
CONSER. VILLAE
GAMAESIAN. SAC

Q. GAMAESIVS . PRISCVS . EQVES

In Tusculano erat villa *Q. Getii Crispi* 19. prope 19. v. Geria-
Viam Latinam, in qua plura fragmenta statua-
rum Jovis, Cereris, Bacchi, Apollinis, aliorum-
que profanorum numinum, reperta sunt. At in
monte Tusculano rus habuisse *Septimium Liege-*
rium, hæc Herculi facta dedicatio, ibi detecta, in-
nuisse visa est,

HERCVLI COMITI
CONSERV. COHORT. VII. PRAET
SACRVM

P. SEPTIMIVS . LIEGERIVS . V. C
PRAEFECTVS . PRAETORIVS

Quod terminalis lapis multo magis confirmavit;
in quo scriptum 20.

20. v. Liegeri-
no.

LIEGERINVM FVNDVM . TERMIN. PER
LATER. OCCIDENT. PASS. LXX

21. v. Medul-
liniano.

In radicibus Tusculani montis, Lacum Regillum
versus, & Castrum Columnæ, rus fuit familiæ *Me-
dullinæ*, Romæ antiquissimæ ac nobilissimæ 21. De
qua nos in fine Libri sexti, qui de Veliternis est,
egimus. Iisdem sub radicibus villa *M. Terrentii
Phoroxini* Grammatici. Hic Libertus familiæ Ter-
rentiæ hoc loci Ædes cum Balneo & Spoliario ha-
buisset dicitur in lapide ibidem eruto. 22.

22. v. Phoro-
xiniano.

M. TERRENTIVS . M. L. PHOROXINVS
GRAMMATICVS . BALINEVM , ET
SPOLIARIVM . ET . CVBICVLVM . DESCVMBITORIVM
PERFECIT . EXORNAVIT . ET
LOCVM . DORMITORIVM . PRO . RVRI . INCHOAVIT

P. Q

23. v. Plautia-
no.

Tusculi, in agro scilicet Tusculano, prope fon-
tem Aquæ Tepulæ, rus *Plautianum* 23. fuit a
L. Plautio Venoce bis Consule ædificatum. Hic
Venox inde cognominatus, quod quasdam aquæ vi-
væ *venas* primus invenisset. In monte autem Au-
runcio Tusculano, prædium fuisse *M. Pollii*, 24. quod
jure deinde hæreditatis ad *L. Cejonium Verum* trans-
iverat, termini ibi reperti significabant, in quibus
Pollianum Cejonianum legebatur. Item *L. Æmilii
Pyrtii* Æmiliæ Familiæ Liberti, ut ex terminali-
bus cippis effossis 25. patuit, in quibus notæ id te-
stabantur. Quemadmodum & *Fabianum* familiæ
Fabiae, ubi lapis hic terminalis.

25. v. Pyrtia-
no & Fabiano.

SEX. FABIVS . SEX. F. PAL
POSTHVMIANVS . FVNDVM POSTHVMIANVM
FABIANVM . TERM

Hunc

Hunc fundum eo loco fuisse Ligorius refert, qui sua ætate *Pantano de Grifi*, vulgari vocabulo dicebatur. Porro *Aureliæ* Gentis prædia Tusculana, inde Pyrrhus idem 26., fuisse olim, collegit, quod *Aurelianum Fundum* Christiano Tusculano Antistiti deinde assignatum, in vetustis codicibus reperit. Cujus pariter testimonio, rus habuit in Tusculano *L. Marcius* 27. *Labeo*, qui civilium bellorum, Cæsarem inter atque Pompejum, ferventibus motibus, vixisse perhibetur. Num de illo Horatius? 28. *Labeone insanius inter sanos dicatur*. Sub Tusculano, Via Labicana, *Albinianum*, familiæ Albinæ Romæ illustris & Consularis; ibi lapides terminales reperti duo, cum literis quisque prægrandibus 29. **ALBINIANUM**. At supra Viam Latinam in Tusculano monte, ubi Cereris Alphiæ statua reperta cum dedicatione, 30. *Alphianum* prædium. C. Alphii, Augusti Liberti; illius forte ditissimi foeneratoris, ex cuius persona Horatius elegantissime laudes vitæ Rusticæ 31. persecutus est. In quarum fine, Alphium illum ad ingenium & pristinas foenorum sordes rediisse statim, tot post frugalia pronuntiata verba, false concludit,

Hæc ubi locutus Foenerator Alphius,

Jam jam futurus rusticus,

Omnem relegit idibus pecuniam,

Quærit Kalendis ponere.

Et subtus collem rus *Amblasinum* 32., ubi terminalis hic lapis

26. v. Ferrata.

27. v. Labeoniano.

28. Sat. 3. l. 1.

29. Ligor. l. A. L. v. Albiniano.

30. v. Alphiano.

31. Epod. 2.

32. v. Amblasino.

C. IVNIVS . C. F. AMBLASINVS
MILES . LEG. III. ITALICAE
FECIT

MASSAM . IN FVNDVM . AMBLASINVM . PRIVAT
LÖG. SPAT. PED. MCCCCLXXII
QVOQVE . LAT. TERM

In hoc ædes fuerunt *Lithostrotis*, pavimentis scilicet tessellato ac musivo compactis opere, quorum non obscura vestigia se detexisse, Pyrrhus testatur. *Papiria* vero 33. gens, quam plurimis in Latii locis villas habuisse scimus, in Tusculano præcipuas magnificas & peramplas ædes possedit. Item *Petronia*; & *Drusus* Tiberii Cæsaris pater. Idem de *Apicio* traditur celeberrimo illo ganeonum & gulosorum magistro & antesignano. In loco autem, quem dicunt *La Mandreola* rus fuit *L. Ligarii*, num ex ea gente, ex qua *Q. Ligarius*, in cujus defensionem *Tullius* orationem habuit? Et hæc quidem Tusculanarum ex *Ligorio* villarum sunt monumenta.

Ceterum alia ex lapidibus in Tusculano nunc quoque extantibus summa diligentia collegit, excripsit, ac recensivit Pater Antonius Maria Lupius Societatis Jesu Sacerdos, vir eruditæ Antiquitatis vestigandæ studiosissimus, & cum paucis peritus. Qui, benigne quod eorum nobis copiam huc inferendorum fecerit, merito sua hic laude & honorifica donandus commemoratione fuit: in quo nuper immature sublato, hæc studia plurimum amiserunt. Itaque, aliorum Antiquariorum recensione omissa, nostræque ulterius habendæ parcentes,

33. *Ligor. v.*
Papiriana.

Petroniana.
Drusiana.
Apiciana.

Ligariana.

tes , Lupianam tutissime secuti sumus ; fidelissimam illam in plurimis jam experti , dum ipsi vetera hæc monumenta præsentis relegeremus .

Itaque Tusculi , villa Mondragonia Burghefiæ Gentis magnificentissima , vastissimis ædibus , pluribus locis extructis , regiis plantationibus & ambulationibus , luculis , hortis , pomariis , viridariis , leporariis , aviariis , ceterisque deliciis tantum cum antiqua Lucullana non certante , hæc veterum villarum Tusculanarum adhuc extant monumenta.

I.

IMP. CAES. M. AVRELIO . AN
TONINO . PIO . FELICC. AVG
PRINCIPI . IVVENTVTIS . NV
MINI . PRAESENTI . RESTITV
TORI . ET . CONSERVATORI
SEMPER . VITAE . ADQVE
DIGNITATIS . SVAE . DE
VOTISSIMVS . NVMI
NI . EIVS
M. AEMILIVS . MACER
FAVSTINIANVS

V. C.

In hujus latere sinistro

DED. XVIII. KAL

SEPTEM >

C ATIO SABINO II ET CORNE

LIO ANNVLINO . CoS

Exscripsit Lupius , villa Mondragonia Burghefiorum Tusculi , e basi marmorea ibidem extante , post difficillime lectas musco obsitas literas .

DIS

II.

DIS. MANIBVS

L. ANNAEI

NYCHI

ANNAEAE

SATVRNINA . ET

IVNIANA . OPTIME

DE PATRE . SVO . MERITO

Excripsit Lupius ibidem e cippo sepulcrali pro basi
statuæ sedentis , ad theatrum fontium constituto .

III.

DIS MANIBVS

FLAVIAE AVG. L

DAPHNE

CRESCENS AVG. L

A RATIONIBVS

SORORI

Excripsit idem ibidem ex ara grandi , quæ pro ful-
cro dimidiæ Gigantææ statuæ est , Antinoum re-
præsentantis .

IIII.

C. IVLIO . C. L

METRODORO

IVLIAE . C. L.

PHERVSAE

C. LV. LIO . C. L.

MERCVRIA.LIS. VI.XIT

. A. N. XIX

*Intra coronam .**forte lauream*

C. IVLIO . C. F

METRODORO

VIX. ANN. IIII.

MEN : : : IIII

D : : : XVII

C. IVLIO . C. L.

AGATHOPODI

IVLIAE . C. L.

SYMPHERVSAE

F A

extra coronam

SIBI E SYIS

POS. TERI. QVE . AEVOVRVM

Excripsit Lupius in eadem villa , e sepulcrali lapide , Faustinae Augustae dimidium Colossae statuae sustentante . Contulit Lesleus ; & ipse vidi .

V.

D. M.

AVRELIAE STATILIAE
AGATHONICES FILIAE
DVLCISSIMAE QVAE
HIC SITA EST
ET VIXIT ANNIS XVII
MENSIB. VII. DIEB. XII.

Idem ibidem, e sarcophago aquas fontis excipiente. In villa autem Falconeria , quæ de prioris domini nomine *Rufina* dicitur ; quamque Alexander Falconerius Cardinalis amplissimus , ædibus speciosissimis , sacello ornatissimo , portis , aditibusque eximiae structuræ , pomariis , plantationibus , ambulationibus, ceteroque apparatu omni reddidit instructissimam & copiosissimam; hæc vetera monumenta nondum periere ; quæ prostantia sic Lupius recensuit .

. VI.

SOSIMO
STRVCTORI
LOGVS . DE . SVO
POSVIT . CONS
V. A. XXIII.

Hunc tamen lapidem non excripsit ipse Lupius , sed suis epigrammatis antiquis inseruit in fide Pa-

T

tris

34. P. 81. Me-
mor. del Tuscol.

tris Alexandri Leslei Soc. Jesu Scoti, antiquitatis vestigatoris pariter solertissimi. Lapis idem apud Barnabam ^{34.} Mattejum pro *V. A. VII.* exhibet *V. A. XXIIJ.* & ligones duos, acutum alterum, alterum vero hebetem instar batilli, repræsentat. Si autem hic Sosimus structor fuerit materiarius, ut insculpta instrumenta videntur innuere; & uxorem habuerit, quæ de suo, ut exhibere videri possit lapis, monumentum illi posuit; septem tantum annos vixisse, & artem suam exercuisse non potuit. Quare Matteii recensio anteferenda esset. Si tamen *Structor* nomen tantum fuerit hominis, non artificis; nec illæ siglæ *CONS* conjugem significant, sed *CONSERVUM*, ut verisimilius est; lectio etiam Lesleana stare, ac probari poterit.

VII.

- - - - - M. F. VEL
 - - - - - O. PRAEF. PR
 - - - - - VEL. PATER
 - - - - - MATER
 - - - - - OROR

Ex ingenti marmoreo fragmento in eadem Falconeria Tusculana villa excripsit idem Lesleus apud Lupium. In villa autem Roccia haud ita procul a veteri Ciceronis Tusculano, amplis ædibus, & percommodis hortis ornata, recensiti sunt lapides isti.

VIII.

ΜΑΡ. ΟΥΛ. Π. ΦΙΡΜΟΝ. ΔΟΜΕΣ
 ΤΙΚΟΝ. ΑΡ. ΧΙΕ. ΡΕΑ. ΤΟΥ. ΣΥΝΠΑΝ
 ΤΟΣ. ΞΥΣΤΟΥ. ΔΙΑ. ΒΙΟΥ. ΞΥΣΤΑΡ
 ΧΗΝ. ΚΑΙ ΕΠΙΒΑΛΛΑΝΕΙΩΝ. ΣΕΒΑΣ
 ΤΩΝ. ΤΙΟΝ. ΜΑΡ. ΟΥΛ ΔΟΜΕΣΤΙΚΟΥ
 ΕΦΕΣΙΟΥ. ΠΑΝΚΡΑΤΙΑΣΤΟΥ. ΠΕΡΙ
 ΟΔΟΝΕΙΚΟΥ. ΠΑΡΑΔΟΞΟΥ. ΑΡΧΙΕ
 ΡΕΩΣ. ΤΟΥ. ΣΥΝΠΑΝΤΟΣ ΞΥΣΤΟΥ
 ΔΙΑ. ΒΙΟΥ. ΞΥΣΤΑΡΧΟΥ. ΚΑΙ ΕΠΙ
 ΒΑΛΛΑΝΕΙΩΝ. ΣΕΒΑΣΤΩΝ. ΚΤΙΣ
 ΤΟΥ ΤΟΥΤΕΜΕΝΟΥΣ. ΚΑΙ
 ΤΩΝ. ΕΝ ΑΥΤΩ. ΑΝΑΘΗ
 ΜΑΤΩΝ. ΣΥΝ ΚΑΙ. ΤΟΙΣ ΘΕΟΙΣ

Exscripsit Lupius e basi marmorea, ad ingressum villæ Rocciaë in Tusculano. Nosque sic interpre-
 tamur.

*Marcum Ulpium Firmum Domesticum Pontificem Om-
 nis Xysti Perpetuum Xystarcham Et Superbalnea Au-
 gusta sive Augustorum Filium Marci Ulpii Domestici
 Ephesii Pancratiastæ, Periodonica Paradoxi, scilic. Ad-
 mirabilis, Pontificis Omnis Xysti Perpetui Xystarchæ Et
 Super Balnea Augusta Conditoris Agri Sacrati Et Voti-
 vorum Donorum In Ipso Cumque Diis. Fuit autem Xy-
 starches sive Xystarcha, Princeps Xysti; qui locus
 fuit olim porticibus septus, in quo ludi exerceban-
 tur. Pancratiastes vero athleta fuit, sive Lusor, qui
 totis viribus roboris sui periculum faciebat, saltu,
 cursu, disco, jaculo, lucta. Hæc enim quinque lu-
 dorum genera Pancration h. e. omne robur a Græ-
 cis dicta sunt. De quibus Simonides 35.*

35. In Antho-
 log. ep. Græcor.
 c. i.

Ἰσθμια καὶ πυθοῖ Διοφῶν ὁ φίλωνος ἐνίκᾳ,
 Ἄλμα, ποδωκείλῳ, δίσκον, ἄκοντα, πάλην.

Alii tamen Victorem quinque ludorum memoratorum *Quinquerionem* nominaverunt; & a Pancratiaſte alium fuiſſe crediderunt, Ariſtotelis teſtimonio in primo Rethoricorum, capite quinto ſuffulti. Dictus vero fuiſſe perhibetur *Quinquerio* Græcis πένταθλος. *Periodonices* autem ſive *Periodonica* vocabatur Victor quatuor celeberrimorum in Græcia certaminum, ſcilicet Iſthmiorum, Olympicorum, Nemeorum, Pythiorum, in quibus omnibus, qui viciffet, *Circuitum Victoriarum* peregiſſe dicebatur. unde *Periodonices* nominabatur, a *Periodo*, *Circuitu*. De his quatuor Ludorum certaminibus pulchre

36. *ibid. ep. 1.*

Archias 36.

Τέσσαρες εἰσιν ἀγῶνες ἀν' ἐλλάδα, τέσσαρες ἱροὶ.

Οἱ δύο μὲν θνητῶν, οἱ δύο δ' ἀθανάτων.

Ζητὸς, Λητοῖδαο, Παλαίμονος, Ἀρχεμόροιο

Ἀθλα δὲ πῶν, κότινος, μῆλα, σέλινα, πίτυς.

Quare, ſententia Tuſculani noſtri huius lapidis hæc eſt; quod Collegium aliquod athletarum, qui recitatis hætenus certaminibus exercebantur in Xyſto, qui loco huius villæ fuit, forte Auguſtorum, elegerat Marcum Ulpium Domæſticum Pontificem ſacrorum, quæ fiebant diis, in quorum honorem ludi primitus fuerant inſtituti; eundemque Principem perpetuum Xyſti creaverat. Hic autem filius fuit Marci Ulpii Domæſtici ſenioris, Ephēſii, qui in omnibus certaminibus victor fuerat;

rat ; & in omni ludorum genere admirabilis semper : idemque Pontifex eorumdem sacrorum , & totius Xysti princeps perpetuus fuerat ; & Balneorum Augustorum , quæ circa locum eruti hujus lapidis extitisse credenda sunt , præses ; quemadmodum Ulpus filius . Porro M. Ulpus Domesticus pater fundaverat Agrum sacratum diis Ludorum præsidibus ; & votivas victorum tabellas de sacratio suspenderat ; deorumque ipsorum statuas insculpendas , & collocandas ibidem curaverat .

τέμενος enim partem agri abscissam significat , & septo inclusam , diisque consecratam . responderetque nostris septis , quæ dicimus , *il Sacrato* , *il Campo Santo* , *il Ricinto della Clausura sacra* . Statuæ vero deorum , quas hoc loco M. Ulpus Domesticus pater constituerat ; numinum ludis præcipuis præsidum fuisse , credimus ; scilicet Jovis , Apollinis , Neptuni sive Palæmonis , & Plutonis .

Ceterum in eadem Roccia villa , e basi inversa , & literis ad Topiaria conversis , in ipso aditu villæ Lupus alium lapidem sic excripsit :

IX.

M. PETRONIO . M.

QVIR. HONORATO

PRAEF. COH. I. RAETORV

TRIB. MILITVM . LEG ...

MINERVIAE . P. F. PRAE

ALAE. AVG. II. P. F. THRAC

PROC. MONETAE . PROC. 7

HERED. PROC. PROVINCI

BEL-

BELGICAE . ET . DVARVM
 GERMANIARVM . PROC
 A RATIONIBVS . AVG
 IVLIUS LVPERCVS . ET . CIA . . . ,
 VICTORINA . EX . BELGICA
 TREVERI . AMICO . OPTIMO . ET . PRAESIDIO . SV


Ibidem pariter Archangelus Contuccius Soc. Jesu,
 Lupio dictante , insequentem excripfit , ex cippo
 prostante

X.

DIS . MANIBVS
 M. PVBLICI . M. LIB. VNIONIS
 TE . ROGO . PRAETERIENS . FAC
 MORA . ET . PERLEGE . VERSVS . QVOS . EGO
 DICTAVI . ET . IVSSI . SCRIBERE . QVENDAM
 EST . MIHI . TERRA . LEVIS . MERITO . SED . QVIESCO
 MARMORE . CLAVSVS . REDDIDI . DEPOSITVM
 COAGLAVI . SEMPER . AMICOS . NVLLIVS . THALAMOS
 TVRBAVI . NEMO . QVERITVR . CONIVNX . KARA
 MIHI . MECVM . BENE . VIXIT . SEMPER . HONESTE
 PRAESTITI . QVOD . POTVI . SEMPER . SINE . LITE . RECESSI
 VNVS . AMICVS . ERAT . TANTVM . MIHI . QVI
 PRAESTIT . OMNIA . SEMPER . HONESTE
 T. FL. HERMES . V̄ . Q
 TVNC . MEVS . ASSIDVE . SEMPER . LVXIT . AMICE . FOCVS
 FECIT . VNIO . SIBI . ET . GALLIAE . TYCHE
 OPTIMAE . CONIVGI . ET . AEMILIO
 ISIDORO . VERNAE . SVO . ET . POSTERISQVE
 SVORVM . ET . CONIVGIS . SVAE
 ET . ISIDORI . ET . EORVM . POSTERISQVE . ET
 M. PVBLICIO . FELICI . ALVMNO . SVO

At in villa Ciampina ex lapid. sepulcralib. hæc descripsit Lesleus apud Lupium .

XI.

D.  M
CASSIAE MAGNAE . VIXIT
AN. XX. FECIT
MATER . BAC
CHIS. FILIAE
PIENTISSI
MAE

XII.

D. M.
L. IABOLENO
ONESIMO
LVCIA EPITEVXIS
FILIO PIENTISSI
MO . FECIT

In basi vero e lapide Tiburtino ibidem extante , ad
cujus latera anchoræ incisæ duæ , hæc legit , & in-
de excipit idem Lesleus .

XIII.

CL. IRENICO
FILIO . DVLCIS
SIMO . CL. EVTY
CHES ::: S FECIT
::: DECIA :::::
FIAIIA :::::
FECERVNT

Et

Et e sepulcrali cippo idem ibidem.

XIV.

OSSA . FAB

SVB FVND

TRIBVNALIS

TERRA . TECTA

Porro in villa Piscatoria Tusculana, scilicet Petri cognomento Piscatoris Patritii Romani, antiquæ probitatis viri, qui prædium suum circa villam, commodis, fructibus ac deliciis omnibus, ut afflueret, maxime curavit, curisque semotus urbanis, fumum & opes strepitumque Romæ procul & e suis Tusculanis clivis ridere solitus fuit; quique, Tusculani illius Catonis Majoris instar, ruri suo, ædes commodas binas laute, sed non luxuriose ornatas habuit; vineam, hortum, viridarium, pergulas, silvas cæduas, alias ad aucupium, fontes, apothecas, oporothecas, cellas olearias, apiaria; & universam demum rusticam supellectilem cultissimam, intra non nimis vastum prædii spatium; cuique, pro veteri optimi viri nobiscum amicitia, tantillum hoc veræ laudis omitti non debuit: in villa, inquam, Piscatoria, hæc Lupius vetera monumenta descripsit. E cippo marmoreo notis pessimis exarato.

XV.

D. . M

MANSVETI

STERTINI - QVARTI -

A - MANV -

CARPVS - FRATRJ

Et ex marmore cubico optimis notis idem ibidem .

XVI.

... RNELI . M. F. PVP
MAMVLLAI
M. CORNELI . M. F. F.
MAMVLLAI
. . EPPVLLLEIAI . A. F. VXORIS

Ex alio pariter marmore ibidem in podio fenestræ
ad Eurum extante grandibus & optime incisis lite-
ris, Lupius .

XVII.

M. VERGILIUS . M. L. ANTIOCHVS . VNGVENT
VERGILIA . M. L. HELENA
.... GILIVS . M. L. HILARVS MENSOR

Ad vineam autem Cinciam , gentis Romanæ nobi-
lissimæ atque antiquissimæ adhuc florentis , in
prægrandi termino ex Albano faxo , Via Latina ,
nono circiter ab Urbe lapide, legit Lupius, atque de-
scripsit .

XVIII.

CN DIO : : : : LI : :
ET . SVIS
ET. M. CINCIO STEPHANO
ET SVIS
INFR PXIII. IN. AG : : : :

Et ex marmore diffracto ibidem extante , postea
Romam translato , excipit Lesleus trunca ista
elementa .

XIX.

- - - ΜΗC ΧΑΡΙΝ ΓΟΝΕΟΙCΙΝ ΑΓΝΟΙC
- - - ΤΡΥΦΕΡΟΝ ΕΒΡΙΩ ΑΡΙCΤΟΚΡΑΤΗ
- - - ΤΡΙ ΑΓΑΤΟΚΛΙΕΙ ΝΕΙΚΗ

Sic ; ex accuratiore , per Lupium habita , recensio-
ne . Et in villa Gavotta Tusculana pariter apud Lu-
pium .

XX.

- - - F. M. N. SILANV - - -
- - - N. XVIII
- - - R. CIVIS . E. - - -
- - - - AESARIS . AVGVS - - -

In limine quoque privatae domus , in oppido *Fra-*
scati Lesleus apud Lupium .

XXI.

D. M
ANTHVSÆ
VIXIT . ANNIS . XXV
MENSIBVS VII
DIEBVS . XVIII
THALASSVS . ET . IONICVS
CONIVGI . BENEMERENT
FECERVNT

Ubi singulare hoc certe notandum est ; duos huic
feminæ maritos fuisse , vel simul eodem tempore ,
quod apud Romanos ferme inauditum ; vel quod
prius repudiata ab uno , alteri nuptui tradita fuerit .
Quod tamen vix crediderim ; cum nota illa BENE-
MERENTI , conjugium pacificum ab utroque exa-
ctum significet . Quid censendum , Eruditis vesti-
gandum relinquam . Denique testacea fragmenta
figlinarum veterum , impressa literis extantibus , in
vineâ Collegii Tusculani Soc. Jesu , ad viam Tuscu-
la-

lanam præsentem, post decimum ab Urbe lapidem,
Lupius idem sic excripsit.

XXII.

OP. DOL. EX . PRAED. AVG. N. FIG

SO - - IANAS MAIORES

Literæ in circuitu sigilli erant, in cujus medio stel-
lula impressa.

XXIII.

CN DOMITAREGNOT

In medio. AFEC

Et ex laterculo, in vinea Amadeorum Tusculana,
effosso, mox in Kircherianum Collegii Romani
Museum intra Urbem translato, literis extantibus
in circulo dispositis.

XXIII.

DOL. EX PRÆD CAESAN̄.

C. AQVILI APRILIS in medio palma.

Haftenus Tusculanarum villarum monumenta per
Lupium diligentissime recensita. Subdenda nunc
alia sunt, quæ sparsim in aliis auctoribus reperta
Barnabas Mattejus in unum collegit, atque edi-
dit 37. . Ac primo quidem ad locum in Agro Tu-
sculano, qui vulgo dicitur *il Centrone*, sive ab Eru-
ditoribus *le Grotte di Lucullo*, hæc reperta mo-
numenta ex Fabretto recensuit: qui tamen illa se
legisse in villa nobilium de Turre extantia, Via Au-
relia testatur, quo ex Tusculano Luculli translata
fuisse dicenda sunt. Quod & aliis plurimis lapidi-

37. In lib Me-
mor dell'antic.
Tuscol. passim.

bus inscriptis in eandem villam comportatis evenit. quodque ipsum Mattejus tacuisse non debuit.

I.

TI CLAUDIVS
CHLOREVS
NERONIS . CLAVDI
CAESARIS . AVG
CORPORIS CVSTOS
DEC. SPICVLI
NATIONE BATAVS

VIX. ANN. XLII SE POSVERVNT 33.
TI. CLAUDIVS . DIADVMENVVS . ET
CENSOR . DEC. SPICVLI
HAEREDES EIVS EX
COLLEGIO GERMANORVM

38. Vide Fabret. cap. 10.
n. 97.

II.

ALCIMACHVS
NERONIS . CLAVD
CAISAR . AVG. GER
CORPOR. CVST
DEC. ALBANI
NAT. BATAVS
VIX. ANN. XXXV
H. S. E. POSVIT
BATAVVS . DEC. MONTANI
HER. EIVS . EX COLL. GER

Ex hisce lapidibus colligunt quidam hoc loco, Germanorum ac Batavorum militum, qui Cæsarum corpus custodiebant, Castra five Excubias fuisse; vel etiam Batavos Centronios milites hic habuisse stativa. Quod, post Luculli longe tempora, factum fuisse

fuisse, negare non possum. Centronii villam alii hoc loco extitisse crediderunt, nomine ducti, quo hæc vetusta ædificiorum fragmenta appellantur *i Centroni*, sive *le Grotte del Centrone*. Cum tamen, etiam in Agro Tiburtino vetusta ædificiorum rudera eodem nominentur vocabulo; id fit incertum. De Centronii enim villis, Tiburtina, Prænestina, & curvo Littore Cajetæ posita tantum, Juvenalis meminit. Cujus testimonium, ubi de Tiburtinis ac Prænestinis agemus, melius illustrabimus. Notandum interea, loco in Agro Tusculano, qui dicitur *li Centroni*, subterranea nunc quoque extare ambu-
laca permulta contigua invicem; quorum figuram descripsit, & diligentissime spatii mensuras est dimetitus P. Athanasius Kircherius in suis de Veteri ac Novo Latio, Commentariis. Unde, etiam Mattejus in suos transtulit, nosque huc inferuimus. Longitudo itaque horum ambulatorum palmos ducentos, ad fornices usque a terra, altitudo palmos viginti, ac totidem latitudo extenditur. Quod tamen ceterorum in medio extructum est, idem omnium longissimum & altissimum. siquidem altitudinis est palmorum sex & quadraginta, longitudinis sexcentorum. in hoc stagnum optimæ aquæ scatet.

Dum autem Ædes Sanctæ Mariæ in Vivario intra novum Tusculum anno A.V.P. CIOIOCCIV. restitueretur; Ara ingens marmorea ibidem existens ad vicinam ædiculam Fratriæ translata fuit. Ea his est incisa literis,

D. M

D. M
FABIAE
AOTIIVSAE
SEX ONVSSANIVS
SEX. FI
NEPOTIANVS
MARITVS FEC

Intra religiosa Camaldulensium septa apud montem Tusculanum hæc Popiliæ Gentis reperta sunt monumenta .

I.

C. POPILIO
TAYRO
LIBERTO
CARISSIMO
POPILIVS
PIDOC.

II.

C. POPILIVS C. L.
PHILEROS ACQVITAS
UNCVENTARIVS

Tertium etiam ad Popilios pariter pertinens , verum in alia Tusculani agri parte sic legebatur .

III.

D. M
POPILIAE C. F.
SATVRNINAE
C. SEPTIMIVS ALEXANDER CONIVGI
B. M. FEC.
CVM QVA VIXIT
SINE QVERELA
ANN. XLV.

ET SIBI ET SVIS LIBERTIS LIBERTA
 BVSQVE SVIS
 POSTERISQVE EORVM
 IN FRON. P. VIII.
 IN AGRO P. III.

Prope ipsum locum , juxta montem Tusculanum
 erutus lapis , in hæc verba .

MARCO BEBIO
 BRIX.
 DICTATORE

Et alius in hæc , grandioribus notis .

M. DURMIUS
 C. CAELIUS C. F.
 EX. S. C.

In ipso autem Tusculano monte , juxta Sacchettam
 villam , nunc Rufinellam Collegii Romani Soc. Je-
 fu , hic

D. M.
 SEX COC CE
 IO. SEM NO. LI BER
 TO, IN COM PA RA
 BI LI

Infra vero , juxta Falconeriam .

M. CVSINIVS . M. F. VEL
 AED. PL. AERARIO PRAEF. PR
 M. CVSINIVS . VEL . PATER
 FICTORIA C. F. MATER
 CVSINIA M. F. SOROR

Hunc lapidem jam mutilum ex dimidio legit Lu-
 pius , ex cujus recensione supra nos quoque attuli-
 mus ;

mus; estque inter Lupianos septimus. Integrum vero sic ex Fabretto Mattejus desumfit. Ex cujus pariter recensione est insequens, nono ab Urbe lapide, in ascensu primo Viæ Tusculanæ, ad Ædiculam Sancti Francisci Xaverii, juxta Diversorium vulgo *L'Ostaria di Vermicino*, in Vinea Tusculani civis detectus.

RHANIDI SVLPICIAE . L.

DELICIO

NATA BREVI SPATIO PARTV

SVBIECTA NEC ANTE

TESTATVR BVSTO TRISTIA

FATA RHANOS

NAMQVE BIS OCTONOS

NONDVM COMPLEVERAT ANNOS

ET RAPTA EST VITAE RAPTA PVERPE

RIO

39. Vid. Fabretto. p. 44. c. 1.

39. PRAENTIS TVMVLVS DVO

FVNERA CORPORE IN VNO

EXEQVIAS GEMINAS NVNC CI

NIS VNVS HABET

In hujus lapidis altera fronte sic.

SVLPICIA TRIONIS L.

RHANIS

In prædio autem, quod dicitur *La Tenuta di S. Matteo*.

EX HISPANIA VLTERIORE PROVINCIA

BAETICA MVNICIPIVM CONCORDIA

IVLIA NERTOBRIGENSES PVBLICE 40.

40. Vid. Fabretto. p. 105. c. 2.

Ibidem quoque in arcula marmorea, ubi cadaveris reliquiæ, sic scriptum erat:

D.O.M.

D. O. M.
IOVE NEQVE GENIO
VTARIS NISI
LOTA MA
NV

Utrum autem Christiani, utrum profani hominis hoc sepulcrum, incertum redditur. primæ literæ Deum Optimum Maximum, quem Christiani colimus, appellare videntur; reliquæ profanorum adagium continent. indecisam nos peritiori iudici litem decidendam relinquimus. Et juxta villam Rocciam.

P. LICINIVS . P. L.
PHILONICVS

P. LICINIVS . P. L.
DEMETRIVS PATRONO

Hos Lucullorum e Licinia Gente Libertos fuisse, non male dixeris. ibidem insculpta capita utriusque Licinii, scilicet Philonici & Demetrii. malleus, incus, forcipes, scalprum, arcus. & iterum incus, cultrum, fasces cum securi, & virga.

Loco, quem vulgus appellat *Cocciano* quasi *Coecejanum*, Coccejorum villam, in tumulo sepulcretum inventum est, ubi testaceæ urnulæ, sive olæ cinerariæ multæ; aquæductus etiam seu vaporarii ad thermas ex tegulis arcte simul compactis atque linitis. In alia vero vinea Mattejus ipse reperit aram marmoream candidam, altam palmos tres ac semis, latam palmum unum cum unciiis tribus ac semis. In hujus lateribus hinc sympulum inde patera de more. in fronte autem hæ literæ exiguo ductu ac malo incisæ

D. M.
 VERRIUS FRON
 TO VERRIO MAR
 CIANO PATRI DVLCISSIMO
 ET VERRI
 AE SVRERE SORORI
 DVLCISSIMAE Q. VI
 XIT ANNIS XVIII ME
 NSIBVS VIII. PATER VI
 XIT ANNIS XCI. MEN
 SIBVS III . FECIT

Ibidem erutum & hoc fragmentum marmoreum
 majoribus literis optime excisis , & tertiam palmi
 partem altis

C. IULIO EROTI
 MYRSINI
 AMMIAE NUTRI....
 IULIAE HELPI.....
 AREC.....

In vinea , quam claudit prædium nomine *La Tenu-
 ta di S. Croce* , vetusti muri permulti sunt cum ther-
 marum , & castellorum ad aquas cogendas vesti-
 giis non obscuris . pavimentorum quoque musivo ,
 quod vocant , opere compactorum reliquiæ conspi-
 cuæ . Hic anno a V.P. CIOIOCLXI. lapis erutus , qui
 nunc in cellario privato in urbe *Frascati* prostat ,
 his literis

D. M
 EVHEMER
 TRYPHOSAE
 CONIVGI
 B. M
 FECIT

At in M.S. Codice anni ccccc, ab Orbe Reparato, carmen, inter cetera descriptum erat, quod in Ædibus collapsis Luculli in Tusculano, marmori insculptum fuisse, auctor sive scriptor Codicis assererat. Id tale fuit.

Hic situs est Cæli quondam Pars Maxima Phæbus.

Affectus omnes possidet iste Lapis.

Vix consummavit septem Quinquennia Lustrum.

Oscula Ferventem nec tenuere Animam.

Quod si mutari potuissent Fila Sororum.

Gauderet condi Maximus Hoc Tumulo.

Porro inter Tusculanas villas, plures fuere Domus Augustæ, quæ ab Augusto, scilicet, ad successores Imperatores longa serie transferebantur; donec cum dominis ipsa ædificia, atque adeo ipsæ quoque ruinæ, perierunt. Certe Tiberium Capreis aliquando Romam accedentem, in Tusculano diversatum legimus: & Flavios Vespasianum Titum ac Domitianum Imperatores Tusculana delectatos rusticatione, innuere videtur lapis, Titum Flavium Titi Augusti Libertum exhibens Procuratorem villarum Tusculanarum. En illum.

GAVIAE 41.

HELPIDI

VXORI SANCTISSIMAE

T. FLAVIVS . AVG. L

E. P. AP. HR. A

PROC. VILLARVM

TVSCVLANARVM

X 2

41. Gruter.
p. 112.

Præ-

42. Lib. 36.
c. 15.

Præter hos, alios quoque Viros clarissimos villas in Tusculano habuisse de Veterum testimoniis didicimus. Qualem *M. Scaurum* L. Syllæ Dictatoris privignum. De quo 42. Plinius: *Hic fecit in ædilitate sua opus maximum omnium, quæ unquam fuere humana manu facta, non temporaria mora, verum etiam æternitatis destinatione. Theatrum hoc fuit.* Cujus postquam vastitatem, molem, pretium, ac cetera mirabilia ornamenta, descripsit Plinius; mox subdit: *Sed & reliquus apparatus tantus Attalica veste, tabulis pictis, ceteroque Choragio fuit, ut in Tusculanam villam reportatis, quæ superfuerant quotidiani usus deliciis; incensa villa ab iratis servis, concremarentur ad HS. milles.* Hanc Scauri villam, eandem cum Tusculano Cicéronis fuisse, sunt qui existimant, inde ducti, quod M. Scaurus Syllæ privignus foret, & ab vitrico forte Tusculanam hanc villam accepisset. Quam postea Cicero coemisset; cum Syllæ prius fuisse Tusculanum Cicéronis, jam constet. Verum id incertum est, num scilicet M. Scauri villa aut a Sylla donata privigno fuerit; aut, si id etiam verum, eadem fuerit, quæ postea Cicéronis. Cum potius oppositum colligi posse videatur exinde, quod neque Cicero, neque Plinius, qui Tusculanum Cicéronis, antea Syllæ fuisse scripserunt, ullam de Marco Scauro celeberrimo ceteroquin ac splendidissimo viro, mentionem fecerint.

Ceterum *C. Asinius Pollio* Augusti Cæsaris familiaris, cui in Eclogis sæpe Virgilius adblanditur,

tur, Livii æmulus in historia; propter quod illum *quandam Patavininitatem* habere dixit, villam habuit in Tusculano, in qua & supremum diem obivit, Eusebio teste ^{43.}. *Asinius Pollio Olympiade CLXXXV. Orator & Consularis, qui de Dalmatis triumphavit, octuagesimo suæ ætatis anno, in villa Tusculana moritur.* Et C. Cilnius Mecænas eques Etrusco ab sanguine Regum, primus amicorum Augusti, idemque poetarum patronus unicus & singularis, villam etiam in Tusculano, sicut in ceteris suburbanis deliciarum locis, habuisse eruitur, ex Horatii ad ipsum versibus. Ex quibus Horatius ipse dono accepisse Tusculanam nitidam villulam ab Mecæenate dignoscitur. En illos ^{44.}.

^{43.} In Chronico

^{44.} Epod. I.

Libenter hoc, & omne militabitur

Bellum, in tuæ spem gratiæ.

Non, ut juvencis illigata pluribus

Aratra nitantur meis:

Pecusve Calabris, ante sidus fervidum,

Lucana mutet pascua:

Nec ut SUPERNI villa candens TUSCULI

Circæa tangat mœnia.

Satis superque me benignitas tua

Ditavit. haud paravero

Quod, aut, avarus ut Chremes, terra premam;

Disinctus, aut perdam, ut Nepos.

Forte fuit hæc villa in jugis Tusculanis sita, atque eadem, qua Horatius ipse ad Mecænatem meminit,

45. Lib. 3.
Od. 29.

nit, eum frequentissime, quemadmodum Tiburtino & Æsulano suo, delectatum 45. :

*Nec semper udum Tibur, & Æsulæ
Declive contempleris aruum, &*

TELEGONI JUGA PARRICIDAE.

Quamquam alii melius, hic loqui poetam, interpretentur, de voluptate, quam frequens capiebat Mecænas in prospiciendo Tiburtinos, Æsulanos, & Tusculanos montes, de Turri sua Mecænatiana Romæ, quam altissimam extulerat. Siquidem iis versibus Horatius Mecænatem alloquitur Romæ manentem; illumque invitat, ut ex urbanis negotiis sese eripiat, & ad ocium rusticum conferat. Quod manifeste patet ex antecedentibus & subsequentibus: ait enim prius: *Eripe te moræ; nec semper udum Tibur.* cetera. subsequentibus autem: *Telegoni juga parricidæ. Fastidiosam desere copiam; & molem propinquam nubibus arduis; omitte mirari beatæ fumum & opes strepitumque Romæ.* Et infra: *Tu Civitatem quis deceat status, curas; & Urbi sollicitus times.* cetera.

46. Epist. 6.
l. 5.

At C. Plinius Cæcilius Tuscam suam villam Apollinari amico maxime commendans, & Tusculanam habuisse meminit 46. . *Habes causas cur ego Tuscos meos TUSCULANIS, Tiburtinis, Prænestinisque meis præponam. Nam super illa, quæ retuli, altius ibi otium & pinguius; eoque securius. Nulla necessitas togæ; nemo accersitor ex proximo. Placida omnia & quiescentia: quod ipsum salubritate regionis, ut purius cælum,*
ut

*ut aer liquidior accidit ; ibi animo , ibi corpore maxime
valeo . Nam studiis animum , venatu corpus exerceo .
Mei quoque nusquam salubrius degunt . Usque adeo certe
neminem ex iis , quos eduxeram mecum (venia sit verbo)
ibi amisi . Dii modo in posterum hoc mihi gaudium , hanc
gloriam loco servant ! Frequentes autem , præcipue
per æstatem , rusticationes Romanorum in Tuscu-
lano significavit Statius Papinius his versibus : 47.*

47. *Silvar. l. 4.
carm. 4.*

*Jam terras , volucremque polum , fuga veris aquosi
Laxat , & Icariis cælum latratibus urit .
Ardua jam densæ rarescunt mœnia Romæ .
Hos Præneste sacrum , Nemus hos glaciale Dianæ ,
Algidus aut horrens , aut TUSCULA PROTEGIT UMBRA .
Tiburis hi lucos , Anienaque frigora captant .
Et in laudibus villarum Tiburtinarum Manlii Vo-
pisci 48.*

48. *Silvar. l. 1.
carm. 3.*

*Cedant TELEGONI , cedant Laurentia Turni
JUGERA .*

*Tum Martialis ad Julium Martialem cognomi-
nem , ejus hortos Janiculenses a prospectu suburba-
narum rusticationum commendans 49.*

49. *L. 4. ep. 64.*

*Julj jugera pauca Martialis
Longo Janiculi jugo recumbunt .
Hinc septem dominos videre montes ,
Et totam licet æstimare Romam :
Albanos quoque , TUSCULOSQUE COLLES ,
Et quodcumque jacet sub Urbe frigus .*

CAPUT VI.

De Tusculanorum Diis , ac Templis .

UAMVIS easdem religiones, & ea sacra, quæ Latinis reliquis erant, Tusculanis quoque fuisse, minime sit dubitandum; peculiaria nihilominus eosdem habuisse quædam, Veterum testimoniis docemur. Itaque Majum mensem, de Jovis nomine, quem *Majum* quasi majorem ceteris diis, Tusculani nominabant, ab iis appellatum tradit Macrobius de Majo mense differens ^{1.}: *Sunt qui, hunc mensem ad nostros Fastos a Tusculanis transisse commemorant, apud quos nunc quoque vocatur Deus Majus, qui est Juppiter, a magnitudine scilicet, ac majestate dictus.* Jovem etiam quemdam Tusculanum peculiari ritu coluere, quem alii *Latialem* sive *Latiarem* nominabant. Quin & originem oppidi ab Ulyssis filio Telegono semper jactantes, Jovem *Dolichenum*, scilicet in Insula Dulychio, quæ etiam *Doliche* dicta est, cultum. Fuit etiam hæc insula prope Ithacam Ulyssis patriam, & Samon, & Cephaleniam, ipsius Ulyssis quondam regnum. Huic facta dedicatio in ruinis Tusculanis, talis reperta est. ^{2.}

^{1.} *Saturnal.* 1.
c. 12.

^{2.} *Grut.* p. 20.

IOVI OPTIMO . MAXIMO . DOLICHENI : S
T. FLAVIVS T. T. L. ARGÆVS
AR. V. C. D. D.

Nempe: Jovi Optimo Maximo Dolicheni sive Duly-

lychio sancto Titus Flavius Titorum, vel Tusculanus Titi Libertus Argæus, sive Immunis operum, Aram Voto Concepto, seu votis conceptis, Dedicavit.

Jovi autem Tusculano dedicatus Lapis ex Ligorio ita legebatur. 3.

3. v. Tuscolo.

T. RAMIVS . T. F. PAL. RVFVS
VETERANVS . EX . COH
VII. PRAETORIA . 7. VRI. MAXIMI
VICTORI . IOVI . OPT. MAXIM
TVSCVLAN. CONSERVATORI
SACRVM
V. S. L. M.
L. D. D. D.

Forte fitus fuit lapis sub signo Jovis in templo ejus Tusculano; cui Ramius V. S. L. M. Votum Solvit Libens Merito, vel Libero Munere; & huic Signo L.D.D.D. Locus Datus Decurionum Decreto fuit. Ramius idem Tabulam quoque votivam Tusculano Jovi constituit pro salute uxoris. Ea sic habuit. 4.

4. Ligor. *ibid.*

PRO . SALVTE . RAMIAE . AMANNATAE
VXORIS . SVAE . IOVI . OPT MAX
T. RAMIVS T. F. P. RVFVS
VETERANVS
V. S. L. M.

Et in fragmento lapidis in agro Tusculano detecti, prope locum, vulgo *La Tenuta di S. Matteo*. 5.

5. *Mattejus*
p. 83.

I. O. M
MONTVNATES
VICANI LOVANIVS
V. S. L. M.

Y

De

6. L. 17.

De Jovis templo Tusculi meminit Livius . 6. *Ex propinquis urbibus agrisque nuntiata sunt prodigia : Tusculi agnum cum ubere lactanti natum , Jovis ædis culmen fulmine ictum , ac prope omni tecto nudatum .*

7. Sect. 3.
p. 88.

Alia quoque Dedicatio Jovi cum Diana communis in Tusculano reperta legitur apud Sponium in hanc sententiam . 7.

IOVI OPTIMO
MAXIMO ET DIANAE
VICTRICI SANCTAE
L. VALERIUS L. F. PALATIN
VASCLARIVS D. D

8. Lib. 16.
c. 44.

Utrum autem eodem hi dii apud Tusculanos coleantur in templo , ignoramus . Certe Diana apud ipsos , templo & luco antiquissimo , a Priscis usque Latinis fato , culta est . De quo juvat Plinii verbis sic memorare 8. . *Est in suburbano Tusculani agri colle , qui Corne appellatur , Lucus antiqua religione Dianæ sacratus a Latio , velut arte tonsili coma fagei nemoris . In hoc arborem eximiam ætate nostra adamavit Passienus Crispus bis Consul , Orator , Agrippinæ matrimonio & Nerone privigno clarior postea : osculari , complectique eam solitus , non modo cubare sub ea , vinumque illi asfundere . Vicina Luco est ilex & ipsa nobilis XXXV. pedum ambitu caudicis , X. arbores mittens , singulas magnitudinis visendæ ; silvamque sola facit . Qua vero potissimum Tusculani agri parte fuerit collis Corne appellatus , non convenit inter auctores . Quidam enim*

enim apud Mattejum meminere, Collem Corne illum esse, in cuius dorso situs est pagus *Monticelli* in Sabinis, haud ita procul Tibure. Verum hi auctores, quicumque tandem ii sint, Plinium non bene legerunt, qui ait, *in suburbano Tusculani agri colle, qui Corne appellatur*. Quo mihi nunc igitur Sabino-
rum collis? si Corne fuit in suburbano agro Tusculano. Fuerit igitur Sabinus ille Collis, *Collis Corniculus*, ut ajunt, de quo nunc non disputo; Corne tamen Collis, suburbanus Tusculo, minime fuit. Etenim inter utrumque intervalla vides humane com-
moda. Melius, itaque, ac verius Collem Tusculanum Corne appellatum, in quo Dianæ Lucus consecratus a Latio, illum dicemus esse, cum aliis, qui post villam Montaltam lenis assurgit; in quo villa *Cavalletta* est constituta, nunc *il Piano de Cavalletti*. sic dictus, quod difficilem post ascensum, amœ-
na illa sequatur planicies. In eo Luco templum Dianæ non defuisse, quamquam Plinius illud non meminerit, ex consuetudine tamen Priscorum Latinorum, certum est. Cujus ruinas & vestigia de-
prehenfa eodem loci referunt hujusce sententiæ auctores. Cui suffragari & illud potest, Dianæ cultum in hac vicinia fuisse frequentissimum; cum celebre Dianæ templum in Algido prope esset: nec adeo longe celeberrimum Aricinum ac Nemorense Dianium, ubi templa pariter cum lucis ei numini sacratis fuere. Ceterum, nonnulli, Collem Corne Tusculanum eo loco fuisse, autumant, qui vulgo

dicitur *La Cornafella* in vicinia recentis Tusculi . cui opinioni nominis similitudo *Corne* & *Cornafella* favere videtur . Attamen eruditiores nomen loci contendunt esse non quidem *Cornafella* , sed *Cornufella* ; & a Cornuficiis malunt derivari , quasi fuerint ibi prædia Cornuficiorum . Quæ tamen sententiæ (si morari in conjecturis sectandis prudenter possimus) inter sese minime pugnant ; cum *Cornuficium* ipsum nomen a *Cornufaciendo* ortum duxerit ; quemadmodum in Gente Cornuficia Lanuvina recensenda nos demonstravimus . Potuit itaque locus & *Corne* antiquitus vocari , & Cornuficiorum prædia continere , & modo *Cornufella* , & *Cornafella* ab utraque origine dici . Jugera quædam agri in hoc loco Dominicus Calcanæus Tusculanus Collegio Tusculano Societatis Jesu fundando legavit ; quæ opus ad exitum perducendi exordium fuere . Porro in hoc Colle *Corne* oppidum fuisse primis Latinorum sæculis ,

9. Cap. 3.

ajunt *Cornu* appellatum , unde *Corni* 9. Populi . De quibus Libro hujus Operis primo .

10. ap. Mat-
teum p. 105.

Junonem quoque templo cultam apud Tusculanos
Dedicatio illi facta in ara marmorea, in Tusculanis
Mutii Maximi prædiis eruta , significasse visa est ,
his notis . 10.

IVNONI

SACRVM

L. VALERIVS L. F. M. N.

TVSCVLAN.

D. S. P.

D. D.

Et

Et Minervam alia Dedicatio eruta in Tusculana villa Gavotta, ex Lupii recensione.

MINERVAE
SACRVM
LL VOLVMNI
VERVS ET SEVERS
PRAEF. COH. TR. MI
PRAEF. EQ.

Ædes certe Castoris & Pollucis fuere Tusculi, de quibus Cicero ^{11.} : *E cælo tactæ ædes Castoris & Pollucis Tusculi*. De quibus Festus quoque ait, duas fuisse, interior^{12.} alteram alteri; his semideis tamen Ludos Tusculi celebratos solemniter Kalendis Maii, quod Mattejus refert, apud Macrobiū non reperj. Juxta has ædes Bibliothecam fuisse Græcam atque Latinam in templi porticibus constitutam, discimus ex Grutero; qui lapidem juxta id templum Tusculi erutum protulit in hæc verba. ^{13.}

^{11.} Lib. I. de Divinat.

^{12.} v. Stroppus.

^{13.} Vid. Gruter. in Indic. Officior.

C. IVLIVS C. L. PHRONIMVS
A BIBLIOTHECA GRAECA

Horum numinum cultum apud Tusculanos vel a primis Græcis urbis Conditoribus, vel certe post pugnam ad Lacum Regillum in agro Tusculano, cui interfuisse hi dii jactabantur, translatum, credimus. Hercules quoque cultus fuit apud Tusculanos; in quorum agro Ara, eidem sacra, effossa est talis.

HERCVLI IN
VICTO SACR
M. AVRELIVS
VOTO POSVIT

Huic

Huic forte dedicatum fuerit id templum, quod apud Rocciorum villam in Tusculano, ad viam, quæ Romam fert, adhuc extat, figura rotundum, lapidibus quadratis eximiæ magnitudinis extructum; cujus exhibet Mattejus figuram cum janua atque una fenestra illi imminente. si tamen id potius maufoleum non dixerimus fuisse, qualia occurrunt similia juxta Consulares Vias plura. Eoque magis, quod intra veteris villæ magnifice constructæ septa, positum fuisse antiquitus id ædificium, colligitur ex ruderibus balneorum, piscinarum, & aliarum ædium ibidem detectis. Atque annis abhinc quadraginta, intra ipsius templi, sive maufolei rotundi, ambitum, urna sepulcralis marmorea fuit effossa, cum operculo, plumbo signato; in qua paucula cinerum vestigia erant. Ubi & inscriptos lapides repertos memorant: quos tamen fossorum avaritia, & sæculi barbaries nobis invidit.

Postque id tempus eodem loco plurimum cadaverum ossa, magnis tegulis operta olim, detecta sunt; quæ Libertorum ejus, cujus erat monumentum, fuisse, merito docti viri censuerunt. Ceterum & in sepulcris templa, sive sacella, & aræ alicui deorum fieri consueverant. & juxta templa, cadavera sepeliri, quod ex Tullio ad Atticum, præter alia Veterum testimonia, quæ adduci possent, nobis constat. Quare ædificium, de quo quærimus, in Tusculano, utrumque, & templum scilicet, & sepulcrum fuisse, æque commode potuit.

Ce-

Ceteros præterea deos, quos *majorum gentium* vocabant, Martem, Mercurium, Venerem, Saturnum, Cererem, aliosque communes Latinis Priscis, ac deinde Romanis, ab Tusculanis cultos, non dubitamus; & in prædiis ac villis Tusculanis eorundem monimenta reperta plura jam memora-
vimus. Peculiariter vero Telegonum urbis Con-
ditorem; quod Livii, Ovidii, ac Propertii inter-
pretes, ad horum auctorum loca, a nobis sæpe jam
recitata, in quibus Telegonus Tusculi Conditor
dicitur, non vana ducti conjectura, tradiderunt.
Cui ego & Circem & Ulysssem Telegoni parentes
addiderim; quos tanquam deos patrios, a Tuscu-
lanis templo cultos & sacris, existimo; hunc Lati-
narum urbium morem fuisse, colendi scilicet Con-
ditorem, & Conditoris parentes, apud me repu-
tans. His, puto, facta sacra, quæ *Tusculana* per
excellentiam dicta sunt; quibus faciundis & facer-
dotes, & sodalitium Tusculi fuisse institutum, nos
docent eruti lapides apud Mattejum. Nam in alio.

SODALITIVM
SACRORVM
TVSCVLANORVM

In alio .

C. VALERIO C. F. PAP
MARIANO
HONORES . OMNES
ADEPTO . TRIDENT.
FLAMINI . ROM. ET AVG.
PRAEFECT. QVINQ. AVGV

AD-

ADLECTO . ANNON. LEG. III.
 ITALICI . SODALI . SACROR.
 TVSCVLANORVM . IVDICI
 SELECT. DECVR. TRID
 DECVRIONI . BRIKIAE
 CVRATORI . REIP. MANT.
 EQVO PVBL. PRAEF. FABR.
 PATRONO . COLON
 PVBLICE

In tertio autem .

IMP. CAES. L. SEPTIMIO . SEVERO
 PIO . PERTINACI . AVG. PONT. MAX
 TRIB. POT. VI. IMP. XII. COSS. II. P. P
 MARCVS . AVRELIVS . MENOPHILVS
 ORNATVS . IVDICIO . EIVS
 EQVO . PVBLI. SACERDOS
^{fic}
 TVSCOLANORVM . AEDIL. POLAE
 CVM . MENOPHILO . PATRE
 LIB. AVGG. N.N EX PROCVRAT.
 INDVLGENTISSIMO
 L. D. D. D

Denique in Tabula ex Tiburtino saxo, eruta in Tusculano .

DIS DEAB. PATR. SACR.
 M. TRIVINIUS . M. F. PAL. LIMITANVS
 7 COH. VI. PRAETORIAE . PRAEF. FABR.
 TVSCVLAN. QVINQVENN. III. D. D.
 L. D. D. D.

Trivinius iste ex Mamilia Tusculana Gente generosissima forte fuit, ex qua C. Mamilius Limitanus seu Limetanus; quandoquidem Trivinius idem Limitani agnomen habuit .

Quæ

Quæ omnia parvus antiquus numus minimi moduli plumbeus confirmat, ab viro clarissimo Joanne Francisco Baldino Congreg. Somaſchæ Theologo eximio, & interiori literatura excultiſſimo poſſeſſus, & mihi perbenigne communicatus; quem huic libro repræſentatum fideliter, apponi curavi. In quo adverſa facie caput eſt Imperatoris alicujus, vel ipſius Telegoni Fundatoris urbis, quem tamen non facile diſpexeris quiſnam ſit; cum literis circa: SODALES TUSCULANI: & in globulo T. forte *Telegonus*. in averſa autem, aquila ſtans, expansis alis. circa vel nullæ, vel certe corroſæ penitus literæ.

Num autem de Genio Municipii Tuſculani meminerit lapis circa Marinum erutus, & villa Bevilaquea in Agro Tuſculano proſtans, a Fabretto relatus, viderint Eruditiores. nobis enim illum huc protuliſſe ſatis fuerit. 14.

14. Inſcript.
p. 77. c. 2. n. 82.

GENIO
MVNICIP....
SACRVM
Q. AVRELIV..
FAVSTINIAN..

C A P U T VII.

De Agro Tusculano.

GRI Tusculani felicitas ea fuit, quæ tot semper amatores traxit ad incolendum, illumque villis, quasi continuis, atque unius urbis instar, quam plurimis instruendum, allexit. Si enim de cæli, sub qua jacet plaga, fermo sit, ea temperata plurimum & salubris est. Si de soli ingenio, illud est feracissimum. Planicies enim ejus frugibus quammaxime est opportuna; ita ut in aliqua ejus parte, quæ dicitur *Pantano di Borgbesi*, triticum non raro uberiores vigesima messes multiplicet. Hinc Tullius de Lege Agraria in Rullum, Tusculanum agrum inter feliciores, ac felicissimos quoque Latii, ubi segetes proveniunt, annumeravit. Et Statius uni Tiburtino postposuit, eo carmine. *Cedant Telegoni*, cedant Laurentia Turni jugera.* Ager idem Tusculanus silvas educavit ingentes; in quibus longissimam arbores ætatem vivebant; quas inter, ilicem, prodigialiter vastam, ex Plinio memoravimus, cum de Luco Dianæ in Colle, qui *Corne* appellabatur, Tusculani agri parte, ageremus. Irrigabatur autem planicies aquis Crabra, Tepula, & Virgine; ductusque harum, aliarumque immensis sumtibus, e diversis fontibus, Romanam olim perductarum, medios Tusculanos agros trans-

* I. Sil. v. carm.
3.

transibant. quorum pars, nec exigua, perdurant adhuc. Regillo insuper Lacu celebris Tusculanus ager olim est redditus, quem posterioribus sæculis Sanctæ Praxedis memorant appellatum; modo: *Laghetto della Colonna*. Eumque esse, qui nunc juxta oppidum *la Colonna*, jacere cernitur, ex eo certe colligimus, quod in hac vicinia, atque adeo in Agro Tusculano, nullus omnino alius lacus occurrat. Porro de Lacu Regillo hæc summatim antiquis ab Scriptoribus ad nos monumenta pervenire; quæ omnia circa pugnam celeberrimam Romanorum & Latinorum, Octavio Mamilio Tusculano horum duce, ob restituendos in regnum Tarquinius Superbum & filios, apud Regillum Lacum habitam, ferme versantur. In qua illud jactabatur portentum accidisse, ut Castor & Pollux semidei, specie juvenum in albis equis, pro Romanis adversus Latinos decertantes, victoriam illis peperissent. Itaque Cicero ^{1.}: *Apud Regillum lacum, bello Latinorum, quum A. Posthumius Dictator cum Octavio Mamilio Tusculano, prælio dimicaret: in nostra acie Castor & Pollux ex equis pugnare visi sunt. Et rursum: At enim præsentem videmus deos; ut apud Regillum Posthumius.* Plinius vero Naturalis Historiæ tertio & trigesimo, de castrensi corona locutus A. Posthumius Dictator, inquit ^{2.}, *apud Lacum Regillum castris Latinorum expugnatis, ei, cujus maxime opera capta essent, hanc coronam ex præda dedit.* Et Valerius Maximus: *Cum apud Lacum Regillum*

1. De natur. deor. l. 2. § 3.

2. Capit. sec.

3. Lib. 1. c. 8.

A. Posthumius Dictator, & Tusculanorum dux Mamilius Octavius, magnis viribus inter se occurrerent; ac neutra acies aliquando pedem referret; Castor & Pollux 3., Romanarum partium propugnatores visi, hostiles copias penitus fuderunt. Paulo fusius rem Auctor de Viris Illustribus, in Aulo Posthumio commemoravit. inquit enim: Tarquinius ejectus ad Mamilium Tusculanum generum suum confugit. qui, cum, Latio concitato, Romanos graviter urgeret; A. Posthumius Dictator dictus, apud Regilli Lacum cum hostibus confligit. ubi, cum victoria nutaret; magister equitum, equis franos detrabi, jussit: ut inrevocabili impetu ferrentur. ubi & aciem Latinorum fuderunt, & Castra ceperunt. Sed inter eos duo juvenes, candidis equis, insigni virtute, adparuerunt: quos Dictator quæsitos, ut dignos muneribus honoraret, non reperit. Castorem & Pollucem ratus, Ædem communi titulo dedicavit. Florus libro primo 4: Latini quoque Tarquinius adserebant, æmulatione & invidia. Igitur omne Latium, Mamilio Tusculano duce, quasi in Regis ultionem tollit animos. Apud Regilli Lacum dimicatur diu Marte vario. Cetera, recitatorum auctorum verbis similia persequitur. Qui omnes (si Tullium exceperis) de Livii nostri penu sua depromsisse videntur, agentis: Tarquinius 5. spe omni reditus incisa, exulatum ad generum Mamilium Octavium Tusculum abiit. Aliquanto post: Supra belli Latini metum, id quoque accesserat, quod triginta jam conjurasse populos, concitante Octavio Mamilio, satis constabat. Mox paucis interjectis, pergit Livius.

5. Lib. 2.

T. Æbu-

*T. Æbutius deinde & C. Vetusius Consules . His Consulibus , Fidenæ obsessæ , Crustumeria capta , Præneste ab Latinis ad Romanos descivit . nec ultra bellum Latinum , gliscens jam per aliquot annos , dilatum A. Posthumius Dictator , T. Æbutius Magister equitum , magnis copiis peditum equitumque profecti ad Lacum Regillum , in Agro Tusculano agmini hostium occurrerunt . Jam discrete habemus ex Livio , Regillum hunc Lacum in Agro olim Tusculano fuisse : qui bis adhuc eundem lacum nominavit . primo , post eam celeberrimam descriptam pugnam , narrationem ita concludens : Hoc modo ad Lacum Regillum pugnatum est . Et rursus sub libri sexti initium , his verbis : Novus quoque terror accesserat , defectione Latinorum , Her-
nicorumque . qui post pugnam ad Lacum Regillum factam , per annos prope centum , nunquam ambigua fide , in amicitia Populi Romani fuerant . Vix tamen certum quidquam , tot licet ex Latinis auctoribus adeo gravibus , erui potest , pro Regilli Lacus situ definiendo : nil enim aliud , atque unicus quidem id Livius discrete , quam in Agro hunc Lacum Tusculano fuisse , dicunt . Dionysius , qui Latinorum res gestas enucleatius paullo semper consuevit exponere , plus aliquid luminis ad eum situm investigandum contulisse videtur . Siquidem celebrem Regillanam 6. 6. Lib. 6. pugnam narraturus , inquit : Aulus Posthumius Dictator dictus est . isque Magistrum equitum assumpsit T. Æbutium Elvam . Jamque omnibus rebus ad bellum instructo , speculatores nuntiant , Latinos iter ingressos ,
cum*

cum toto exercitu . ac mox alii , primo eos impetu occupasse Castellum Corbionem , a paucis custoditum præsidariis . Et quibusdam interjectis , persequitur Dionysius: His cognitis, Posthumius celeriter occurrit hostibus, priusquam in unum convenirent omnes . properatoque per noctem itinere , cum suis copiis venit prope Latinorum , ad Lacum Regillum , loco munito posita . Ipse castra metatus est in edito arduoque tumulo . Qua ex Dionysii narratione deductum a Cluverio 7. , cui subscribimus , hujusmodi prudentissimum est ratiocinium . Castellum Corbionem , ultra Algidum Æquorum , & Lavicum Latinorum oppidum , fuisse , in confinio Æquorum , aliunde colligimus . Igitur tunc Latinorum copiae , duce Octavio Mamilio Tusculano , aut Latina , aut Lavicana , aut Prænestina Via , Romam versus contenderunt . Neque ad Latinam neque ad Lavicanam lacus ullus apparet . At vero ad Prænestinam , vel quæ saltem nunc ita dicitur , quamvis ea pars , ad quam est lacus , Lavicana antiquitus aliquibus fuisse probetur . Ad eam , inquam , Viam , quæ modo Præneſte ducit communiter , lacus apparet , e regione oppidi nunc *la Colonna* , appellati , qui tumulorum supercilio veluti amphitheatro inclusus cernitur , Albano atque Aricino minor . Nec alius circa Tusculum , totaque hac regione est lacus . Recte igitur docti viri ante nos hunc Lacum Regillum fuisse interpretati sunt . Suntque apud hunc lacum , ex utroque Viæ Lavicanæ latere editiores tumuli circa

7. Ital. antiq.
l. 3. p. mibi
946.

Columnam oppidum; in quibus tunc Romanos Latinosque castra sibi invicem opposuisse, non inani conjectura autumamus. Quamvis autem inter eruditos antiquitatis vestigatores satis conveniat, lacum, qui nunc apud oppidum *la Colonna* in Agro Tusculano, esse lacum olim Regillum dictum; lis tamen Cluverium inter & Holstenium est; hoc accusante, utrum is lacus idem sit, ac qui posterioribus sæculis, dictus est *Sanctæ Praxedis*, forte a propinquo aliquo huic Virgini dedicato facello. Afferit enim id, post Jovium, & alios, Cluverius. pernegat tamen Holstenius, contendens, lacum, qui Christianis sæculis *Sanctæ Praxedis* fuit dictus, non Regillum in Agro Tusculano, sed Gabinum in Agro Gabino, Via Prænestina antiqua, sinistrorsum Roma euntibus Præneſte, fuisse; quem etiam in Fastis sacris *Burranum* Lacum nominatum legimus, modo *il Lago di Castiglione*. Quam tamen litem indecisam hic lubens relinquo. Cum mihi unum id satis fuerit, Regillum Lacum in Agro Tusculano certo certius illum fuisse, atque adeo nunc esse, qui juxta oppidum, *La Colonna* in Agro Tusculano conspicitur; quocumque tandem nomine deterioribus sæculis appellatus fuerit. Quod invictissimo, præter omnium auctorum consensum, evincitur argumento; hoc nempe; quia nullus alius præter hunc, in universo Tusculano Agro lacus est. Quoniam igitur Regillus Lacus fuit in Tusculano; ipse necessario, Regillus appellatus, dicendus est. Neque enim

enim Holstenii in Cluverium probamus cavillationes. qui Cluverium negligentiae accusat, agentem nullum alium tota hac regione lacum existere, quasi *lacum ad Algidum*, juxta locum vulgo *la Cava dell' Aglio*, non viderit; & alium *Sancti Juliani* ultra Algidum montem, qui Holstenio est *la Montagna dell' Ariano*, non observaverit. At Lucæ Holstenii in Cluverianis scirpis nodum semper quærentis pace dixerim; inanis & inutilis est hæc accusatio. Cluverius enim nullum alium, præter vicinum Columnæ lacum *in Agro Tusculano*, ita inquam, *in Agro Tusculano*, esse ait. quid igitur mihi nunc Agrum Algidentem obtrudis? Rursum de Lacu a natura congregato loquitur Cluverius, & loqui debuit; congregatio autem aquarum apud locum *la Cava dell' Aglio*, ipso fatente Holstenio, arte facta est, ad molas frumentarias volvendas: merito igitur, & quod, extra Tusculanum, & quod, non a natura, sed ab arte, inter lacus computanda non fuit. Lacum vero, seu paludem ultra montem Algidum, Velitras inter & Coram, apud oppidulum *Giuliano*, sive, ut ait Holstenius *Sancti Juliani* quis prudens inter agri Tusculani, quos quærimus, lacus computaverit? Intervalla vides humane commoda. Potuit ergo Holstenius inani pepercisse in Cluverium accusationi. Quare is fuit Regillus Lacus (juvat de-nuo repetere) qui sub recenti oppido *la Colonna* jacet, ac vulgo *il Lago della Colonna* nominatur.

Aliis etiam aquis irriguum fuisse Agrum Tu-
scu-

tulanum, de Strabone docemur 8., agente, Tuscu- 8. Lib. 5.
 lum urbem habuisse vicinum collem aquarum co-
 pia irriguum. Fuerunt fortasse hæ aquæ, quibus
 præsentibus quoque villæ, Pamphilia, Ludovisia,
 Burghesia, Falconeria, ceteræque irrigantur co-
 piose; quæque lusibus variis, ac deliciis, inserviunt.
 Certe ad Pamphiliam illas deductas, legimus *ab*
Algido per Petrum Aldobrandinum Clementis
 Octavi Pontificis Maximi, fratris filium Cardina-
 lem; cum, Ferraria in potestatem Pontificiam re-
 cepta, eam villam magnificentissime extrueret.
 Quibus etiam aquis præfens urbs *Frascati* in omnem
 usum copiosissime abundat, publicis in medio foro
 constructis fontibus. Ager igitur Tusculanus, miti
 sub cæli plaga, aquis irriguus, frugibus in planicie
 omne genus, silvis in collibus, atque vitibus, &
 varii generis fructibus atque floribus abundavit.
 Ac de vitibus quidem, cum in præfens quoque il-
 larum summa in eo Agro sit copia; non est, cur te-
 stimoniis Veterum, ad id significandum, utamur.
 Vinum certe Tusculanum optimæ fuisse notæ,
 vulgatum illud *Bacchus amat colles*, satis superque
 testatur; cum circa vetus ac novum Tusculum ager
 magna ex parte in colles ac tumulos erigatur, ma-
 xime apricos atque amœnos. E fructibus autem,
 ficus præcipue Tusculani Agri commendantur Ma-
 crobio, ait enim ex Varrone 9., Tusculanum 9. Saturnal.
 Agrum præ reliquis optimas ficus aluisse, atque 1, 3. c. 16.
 educasse, Cerasis quoque foecundum fuisse; easque

primum omnium in Italia agrorum ex oppido Cerafunte, unde nomen, translatas accepisse, ac educasse, verisimile est. Cum enim has arbores, Plinii testimonio, primus L. Lucullus in Italiam adduxerit; quis illas in Tusculanis suis prædiis potissimum sevisse, sibi non persuaserit? Plinii verba 10.

10. Lib. 15. c. 25.

Cerasi ante victoriam Mithridaticam L. Luculli non fuisse in Italia. Ad Urbis annum DCLXXX. is primum ve-

11. L. 15. c. 24.

xit e Ponto. Auctor idem Tusculana mora 11. nominatim appellat, de illa agens arbore; veluti primum quemdam inter cetera, bonitatis haberent.

12. L. 19. c. 6.

Cæpas quoque ipse Plinius hujus Agri bis nominavit. etenim primo 12.; Ex cunctis (cæpis) Setania minima, excepta TUSCULANA, sed dulci. mox de earumdem saporibus: Genera ejus, austeritatis, ordine, Africana, Gallica, Tusculana, Amiternina. Idem vio-

13. L. 21. c. 6.

las sic laudat. Genera iis 13. TUSCULANA, & quæ marina appellatur, folio aliquanto latiore, sed minus odorato. Martialis vero rosam Tusculanam inter præcipuas, atque adeo ipsis Pæstanis celeberrimis tanquam parem, commendat; sic enim Sabino amico

14. Ep. 60. l. 9.

roseam corollam mittens, ipsamque allocutus: 14.

Seu tu Pæstans genita es, seu Tiburis arvis;

Seu rubuit TELLUS TUSCULA flore tuo;

Seu Prænestino te Villica legit in horto,

Seu modo Campani gloria ruris eras:

Pulchrior ut nostro videre corona Sabino,

De Nomentano te putet esse meo.

Ceterum in Tusculano genus argillæ tam tenacis fuit

fuit, ut in illam quæcumque alte infixisses, vi nulla jam ferme extrahi possent. Testis est Plinius, ubi de terrarum miraculis acervatim locutus ^{15.} : *Ad aras Mursias, inquit, in Vejente, & apud TUSCULANUM, & in silva Ciminia loca sunt, in quibus in terram depacta non extrahuntur.* Quanam vero potissimum Agri Tusculani parte tenax hæc argilla fuerit, incertum est. Tantum, viginti circiter abhinc annis, loco, qui dicitur *La Selva* prope Villam Burghe-
siam majorem, genus terræ albicantis ac tenacis detectum fuit, ex quo optima aliquandiu vasa testacea confecta sunt. Brevi tamen fodina sterilis effecta est. Antiquitus vero, quod terræ hujusmodi sive argillæ plurimum in Tusculano effodiebatur; hinc figlinæ quoque multæ ibidem; & mos prædia sæpiendi, non quidem rubis, aut alio fruticis arbuſtive genere, nec macerie quidem lapidea, tantum, ut ait Varro ^{16.}, sed & coctis laterculis; ^{16. R.R. l. 1. c. 14.} ex copia nimirum patriæ atque vernæ argillæ. Demum & filicis copia fuit in Agro Tusculano. de quo Plinius ^{17.} : *Idem (Varro) inquit, Lunensem filicem serra secari, at TUSCULANUM dissilire igni.* His ^{17. Lib. 36. c. 18.} filicibus viæ multæ stratæ sunt in agro Tusculano. quarum vestigia non uno loco adhuc videmus; ad jugum præcipue Tusculanum ascendentibus; ad Collem Corne, si is fuerit, ubi nunc *Cavalletta* villa; juxta fontem aquæ Tepulæ, prope Ciceronis Tusculanum; ad prædium Collegii Tusculani Soc. Jesu, Via præſenti Tusculana: atque omnium ma-

xime , qua ab Tusculo Tibur itur ; aliisque locis identidem . Circaque ipsum jugum Tusculani montis , fodinae adhuc superant lapidis Tiburtinum imitati , nisi eidem candore ac duritie concederet . quem *Piperitem* , aliqui , vulgo *Peperino* , aut etiam *Sperone* nominaverunt . Ex quo , inter cetera , Prospectus , sive Facies Principis Templi , Fontis & Portæ urbis , a Tusculanis eleganter ornata sunt . Plurimus quoque ejusdem lapidis in villis Tusculanis est usus . Antiquitus vero viæ per hunc agrum , tum filice , tum etiam alio hoc lapide , sterni , muniturque consuevere . Ex quibus certa quædam fuit , quæ *Via Tusculana* dicta est . Hanc quidam eandem omnino cum Latina fuisse existimant . Ex quibus , Cluverius id Veterum testimoniis , inde confirmat : quod , cum Dionysio , dicatur Marcius Coriolanus trigesimo paullo amplius stadio *apud Viam Tusculanam* posuisse castra ; idem Livio & Valerio Maximo castra posuisse *apud Viam Latinam* dicitur . Itaque Cluverio Via hæc Tusculana nulla alia fuit , quam Latina , a qua paullo infra Tusculanum Ciceronis , sinistrorsum deflectebant , qui ab urbe Roma Tusculum ascendebant . Quamvis autem alii aliter senserint de hac Via , quorum sententias in proximo de Algidenfibus Libro , ubi de Via Latina opportunior recurret sermo , diligentius examinabimus ; certum est tamen , VIAM TUSCULANAM ab urbe Roma Tusculum duxisse , tum ex Dionysii recitato jam testimonio ; tum ve-

ro Tibulli . Qui Messallam commendans, quod eam
viam restituisset , hæc memoravit 18. :

18. *Bl.* 7. 6. 1.
al. *cl.* 8.

*Nec taceant monumenta Viæ , quæ TUSCULA TELLUS,
Candidaque antiquo detinet Alba lare .*

*Namque opibus congesta tuis hic glarea dura
Sternitur . hic apta jungitur arte silex .*

*Te canit agricola e magna cum venerit Urbe
Serus ; inoffensum rettuleritque pedem .*

Quos postremos versus non animadverterunt,
puto , qui locutum hic Tibullum de Via aliqua Tu-
sculana , quæ Tusculo ad Albanum montem aut
alio , non vero Roma Tusculum duceret , existima-
runt . Satis enim diserte poeta significat , eam
Viam , quam restituerat Messalla , ab urbe Roma
coepisse . dum ait : *Te canit agricola e magna cum ve-
nerit Urbe serus ; inoffensum rettuleritque pedem .* Pro-
fecto iisdem ex versibus , Cluverii sententia robo-
ratur , quod eadem fuerit , maxima saltem ex par-
te , Via Tusculana , cum Via Latina . Hæc enim ,
Strabone teste , sub Tusculo , Tusculanum inter at-
que Albanum montem, ad Algidum olim tetendit .
Tusculana quoque Tibulli sternebatur inter monu-
menta . hinc in agro Tusculano, illinc in Albano po-
sita ; a quibus , utpote commodiore aditu, per viæ
a Messalla restitutionem ornatis , vult poeta , lau-
des ejusdem Restitutoris non taceri . *Nec taceant
monumenta Viæ , quæ Tuscula Tellus , candidaque anti-
quo detinet Alba lare .* Viam autem Latinam quam-
plurimis clarorum virorum monumentis hinc at-
que

19. Sat. 1. v.
ultimo.

que hinc ornatam, plurimis Veterum testimoniis novimus; ac præcipue Juvenalis 19.:

20. Sat. 5.

Quorum Flaminia tegitur cinis atque Latina,
atque 20. alibi:

Clivosa veheris dum per monumenta Latinæ.
Diximus autem sub libri hujus initium, Viæ Tusculanæ ad ipsum Tusculum in jugo situm ascendentis vestigia adhuc omnia non fuisse deleta; sed quasdam in eo ascensu apparere filicum instratorum particulas. Non negamus tamen, & alias in Agro Tusculano vias, quæ ab Tusculo Albam, Algidum, per divertigia, Labicos, Tibur, Prænestem, aliaque ad vicina loca perducerent, instratas filice fuisse; & *Tusculanas* communi vocabulo potuisse appellari. Viam tamen, quæ *Tusculana* per excellentiam diceretur; ab urbe Roma Tusculum deduxisse, eandemque potiori ex parte cum Latina fuisse, rursus asseveramus. Quam ab Asinaria Porta initium duxisse, eruditi perhibent: de quo, ut agebam, insequenti libro, ubi de Via Latina, differendum erit.

21. De verbor.
significatione.

Ceterum in Agro Tusculano pagus fuit, teste Festo 21., *Papiria* dictus, a quo Papiria Tribus & Gens Romæ nomen deduxerant. Huic conterminus pagus alius *Pupinia* nominatus; circa quem, ager pariter *Pupinia*, vel *Pupinius* appellatus est. Hujus meminit Cicero in Oratione pro Lege Agraria ad populum: *Agros vero Vaticanum & Pupinium cum suis optimis atque uberibus campis conferendos non*

pu-

putabunt. Et Livius ejus ab Urbe distantiam notavit, Hannibalis Romam infesto exercitu petentis iter describens. ait enim ^{22.} : *Hannibal, infestius perpopulato agro Fregellano, propter intercisos pontes, per Frusinatem, Ferentinatēque & Anagninum agrum, in Labicanum venit. inde Algidō Tusculum petiit. nec receptus mœnibus, infra Tusculum dextrorsum Gabios descendit. inde in Pupiniam exercitu demisso, octo milia passuum a Roma posuit castra. Hofce inter pagos Papiriam atque Pupiniam non leviter sæpe decertatum, prodit Festus, ob confinia; quod valde angustis uterque spatiis concluderetur; & ager Pupiniæ sterilissimus esset. in exemplum idcirco soli summe sterilis ab Varrone adductus, utpote in quo neque fœnum, nedum vites crescerent. Quod & Cicero in recitata comparatione agrorum suburbanorum cum Campanis innuit; & Valerius Maximus confirmavit. Attamen huic agro tam sterili gloria cultoris nobilissimi non defuit. Atilius enim Regulus, ille Romanæ dignitatis vel cum suo summo dolore, vitæque ipsius jactura, assertor acerrimus, hunc agrum coluisse fertur; tantaque cura atque industria, ut sterilissimum soli ingenium vinceret tamen agricolæ sui labor & diligentia. De illo Columella ^{23.} : *In universum tamen, quasi testificandum, atque sæpius prædicandum habeo; quod primo jam Punico bello dux inclytissimus M. Atilius Regulus dixisse memoratur; fundum, sicuti ne fœcundissimi quidem soli, cum sit insalubris, ita nec effæti, si vel saluber-**

ri-

22. Lib. 26.

23. Lib. 1. R.
R. c. 4.

24. Lib. 4. c. 6.

*rimus sit , parandum . Quod Atilius ætatis suæ agricolis ;
 majore cum auctoritate suadebat , peritus usu . Nam , Pu-
 pinia pestilentis simul & exilis agri cultorem eum fuisse ,
 loquuntur historia . Atilii autem continentiaæ atque
 abstinentiaæ singularis præclarum est illud exem-
 plum a Valerio Maximo memoratum ; hic , utpote
 ad Pupiniam præcipue spectans , non omitten-
 dum 24. . Ejusdem nominis , inquit Valerius , cum
 Atilio Calatino , & sanguinis ejusdem Atilius Regulus
 Primi Punici belli Gloria , cladesque maxima . Cum in
 Africa insolentissima Carthaginis opes , crebris victoriis
 contunderet ; ac prorogatum sibi , ob bene res gestas , in
 proximum annum imperium cognovisset ; Consulibus scri-
 psit , villicum in agello , quem septem jugerum in Pupi-
 nia habebat , mortuum esse : occasionemque nactum mer-
 cenarium , amoto inde rustico instrumento discessisse . ideo-
 que petere , ut sibi successor mitteretur : ne , deserto agro ,
 non esset unde uxor ac liberi sui alerentur . Quæ postquam
 Senatus a Consulibus accepit : & agrum alii villico colen-
 dum locari ; & alimenta conjugi ejus , ac liberis præberi ;
 resque quas amiserat , redimi publice jussit . Tanti Ærario
 nostro virtutis Atilianæ exemplum , quo omnis ætas Ro-
 mana gloriabitur , stetit . Hactenus Valerius ; qui ab
 aliis etiam ejus ætatis , qua Regulus floruit , aut
 circa illam , viris clarissimis , Pupiniam improbo la-
 bore cultam commemorat . Ait enim 25. : Illi etiam
 prædivites , qui ab aratro accersebantur , ut Consules fie-
 rent ; voluptatis causa sterile atque æstuosissimum Pupi-
 nia solum versabant : deliciarumque ignari , vastissimas
 gle-*

25. Lib. 4. c. 4.



glebas plurimo cum sudore dissipabant. Ex hoc autem Agro Tribum Pupiam conflatam aliqui tradidere, quem nonnulli prope Tibur fuisse scripserunt; idcirco, quod inter utramque urbem Tiburtinam ac Tusculanam, in Agro tamen hujus, in planicie sterneretur. Pupiniam fuisse, putavit Kircherius eo loco, ubi nunc Turris, medio itinere Romam inter & Porcium Montem, apparet extructa; vulgo *Torre Nova*. Fabrettus vero Pupiniam ait id spatium occupasse, quod inter Anienem fluvium, & Fossam; vulgo *Fosso dell'Acqua nera*. Ceterum, qui Tusculani Agri culturam, foecunditatem, ceteraque omnia, ac pene singula, cognoscere cupit, Catonis de Re Rustica Librum legat. in eo namque Cato Tusculanus, in patrio ac paterno vivens agello, juxta patriæ culturæ usum ac morem, præcepta rei rusticæ congeffit. Quemadmodum Virgilius, postea, Veneti soli mores in Georgicis suis expressit. quando tunc Mantuanus Virgilii ager inter Venetos computabatur, & censebatur. Sed jam Marci Porcii Catonis ipsius Tusculani villam, Porciæ quoque Gentis illustres aliquot Viros, unde maxima & perennis Antiquo Tusculo gloria, recensēbimus.

C A P U T VIII.

De Monte Porcio , & Porcia Gente in Tusculano .



Ocus est in Tusculano foecunditate atque amoenitate nulli secundus , duobus ferme milliariis a Novo Tusculo distans , orientem inter solem & septentriones, leniter in Collem adfurgens ; cui frequens ac satis cultus , duobus nondum ab hinc sæculis pagus infidet , in Burghesiorum Romanorum Regulorum ditissimorum ditione. *Montem Porcium* antiquo ac glorioso vocabulo appellant . Glorioso , inquam ; siquidem a Marco Porcio Catone Censorino , ejusque minoribus ex Porcia Gente nomen est derivatum . M. enim Porcius Cato , Tusculanus quod patria foret , villam in hac Tusculani Agri parte habuit cultissimam , ac maxime frugiferam . Nondum enim ea ætate , externi , ac præcipue mollium Asianorum corrupti mores , Romanam infecerant disciplinam . Quare Porcii villa in Tusculano continentior multo , quam ceteræ Romanorum subsecutis temporibus , fuit . In ea vixit agricolatio quam maximè ; deliciæ , insanorumque ædificiorum sumtus immodici , locum non habuere . Quod Tuscula Tellus Porcio Catoni patria fuerit , Cicero , Cornelius Nepos , Plutarchus , aliique diserte testificantur . Tullius enim , inquit 1. , *Sapienti illi Catoni fuit patria non Roma ,*
sed

1. Lib. 2. de
Legibus .

sed Tusculum . Ego , mehercule & illi , & omnibus municipibus duas esse censeo patrias ; unam naturæ , alteram Civitatis . ut ille Cato , cum esset Tusculi natus , in Populi R. civitatem susceptus est . itaque cum ortu Tusculanus esset , civitate Romanus , habuit alteram loci patriam , alteram juris . atque iterum 2. : Num aliquando vides , Tusculanum aliquem , de M. Catone illo in omni virtute principe ; num de T. Coruncanio munice suo ; num de tot Fabiis gloriari ? Cornelius Nepos Catonis vitam sic incepit : Cato ortus municipio Tusculo . Plutarchus vero : Memorant Historici , inquit , Marcum Porcium Catonem in Tusculano ortum esse . Quibus ex verbis non inanis est conjectura , Porcium non quidem in ipsa urbe Tusculi , verum in Tusculano Agro natum . atque adeo ea Tusculani Agri parte , cui æternum nascens nomen famamque dedisset . In Sabinis quidem illum educatum , iidem auctores referunt . unde etiam severiore illa disciplina Sabinorum imbutus est ; quæ Spartani plurimum habuit . Ceterum , in paternis quoque ac patriis prædiis in Tusculano versatum , quis dubitet ? Præcipue cum , illum rusticæ privatæque vitæ amantissimum extitisse noverimus . Itaque , Porcium in Porcio hoc Monte eam ferme vitæ rationem , quam in villa sua Sabina , tenuisse , merito existimamus . Cujus hic specimen aliquod , ex Plutarcho præcipue præbendum . Siquidem Porcius paterni soli ipse agricola , glebas vertere , farrire , rigare , omnique alia cultura foecundas reddere consuevit . Et quam-

2. Pro Plancio.

quam primo mane , ad Urbem , causas amicorum oratum , pergeret ; decis , tamen , urbanis negotiis , ad sua rura quantocius revertebatur . Per hyemem sagulo sine manicis , æstate vero seminudus rusticum semper aliquod opus urgebat . Mox cum servis cibum , illumque nonnisi operarum sumere . Interdum ad Marci seu Marcii Curii villam suæ proximam divertebat ; hominisque continentiam , abstinentiam , & parsimoniam imitandum sibi exemplum proponebat . Secumque animoolvebat attente perpendens , Curium illum ipsum esse , qui modicissimo tugurio vix tegebatur , & pauca ipse sibi ponebat oluscula , trium gloria triumphorum clarissimum ; ferocissimarum gentium debellatorem ; & Romanos inter , ducem celebratissimum ; attamen , tot tamque præclaras post gestas res , stivæ manum admove , & stimulo boves agitare . sedentemque ad focum , ut Porcius illum sæpe conveniebat , & rapa in coenam præparantem , invitum illud , Samnitibus aurum offerentibus , si patriam prodere , sumtis adversus eam armis voluisset , responsum tulisse : se , qui paucis illis olusculis opipara tamquam coena contentus esset , auro non indigere ; ac eos vincere malle , qui aurum haberent , quam aurum ipsum possidere . Quibus ex vicini sui Curii exemplis summos Porcius noster in virtute , continentia , præstantia , abstinentia , & frugalitate , progressus fecit . Neque tamen hic nos Catonis vitam minute describemus . cum abunde

id Plutarchus, Nepos, Cicero pluribus locis, ac præcipue Dialogo de Senectute, quem *Catonem Majorem* inscripsit, ex ejus persona locutus, præstiterint. Cursim tantum legentibus in memoriam revocabimus, Porcium, natum in Tusculano V. C. DXIX, prima stipendia decimosextimo ætatis anno fecisse, & in pugna ad Capuam contra Hannibalem adfuisse. Unde & ipso secundo Punico bello Silius juvenem hunc Catonem strenue in Mauri cujusdam terribilis occisione sese gerentem ita descripsit. 3.

3. Lib. 7. in
fin.

*Famque in palantes ac versos terga, feroces
Pugnabant Itali; subitus cum mole pavenda
Terrificus nigris prorumpit Maurus in armis:
Nigra viro membra, & fulvi juga celsa trahebant
Cornipedes; totusque novæ formidinis arte
Concolor æquabat liventia currus equorum
Terga; nec erectis similes imponere cristis
Cessarat pennas: aterque tegebat amictus.
Ceu quondam æternæ regnator noctis ad imos
Cum fugeret thalamos, Ætnea virgine rapta,
Egit nigrantem Stygia caligine currum.
At Cato tum prima sparsus lanugine malas,
QUOD PEPERERE DECUS CIRCEO TUSCULA DORSO
MOENIA LAERTÆ QUONDAM REGNATA NEPOTI,
Quamquam tardatos turbata fronte Latinos
Collegisse gradum videt, imperterritus ipse
Ferrato calce, atque effusa largus habena,
Cunctantem impellebat equum. negat obvius ire,
Et trepidat crassa sonipes exterritus umbra.*

Tum

*Tum celer in pugnam dorso delatus ab alto
 Alipedem planta currum premit, atque volanti
 Affilit a tergo. cecidere & lora repente,
 Et stimuli; ferrumque super cervice tremiscens
 Palluit infelix, subducto sanguine Maurus.
 Ora rapit gladio, præfixaque cuspide portat.*

In castris vero Catonem, militaris disciplinæ tenacissimum, dure vixisse, accepimus. postea de paternis agris, quo iterum sese abdiderat, ab L. Valerio Flacco vicino suo in Urbem, atque adeo ad Rempublicam tractandam vocatum, militarem. Tribunum egisse in Sicilia V. C. DXLIX. aut L. Sardiniam subjugasse, sexto post anno, ejusdemque Provinciæ summa moderatione Prætorem extitisse; Legem Oppiam ad luxum mulierum coercendum tulisse; seu latam jam, in usum pristinum revocasse; Consulem cum ipso Flacco fuisse; Hispanias domuisse; ex quibus triumphum quoque reportavit; deinde in Syriam Tribunum missum, multa præclare adversus Magnum Antiochum gessisse. Censorem mox factum, summa severitate corruptos Reipublicæ mores ad pristinam virtutis disciplinam traducere conatum. Nam & nobilissimum. quemque, si vitiosus foret, Senatu movere non dubitavit. Ex quo tanta in Porcium conflata est invidia pene omnium, (siquidem mali plurimi) ut Plinius quidem quadragies quater, Plutarchus quinquagies; alii quoque non minus quadringenties Porcium Catonem Censorem accusatum fuisse, scri-

scripserint. Ex quibus tamen accusationibus non modo incolumi semper & vita & fama prodierit; verum gloriosior quoque quam antea. quippe qui sententiis judicum etiam malevolorum ac inimicorum, semper absolutus; & nobilissimorum Reipublicæ Virorum ac Magistratuum suffragiis & calculis innocentissimus fuerit declaratus. Plurima ejus facta, dictaque præclarissima memorantur, quæ apud ejusdem vitæ auctores per se legere quisque poterit. Illud non omiserim, quod temporum calculi, qui *Catonianus* dictus est, hic fuit auctor: eundemque Catonem, dicere solitum fuisse, triumphum minus recte factorum, in vita poenituisse; quod diem vel unicam absque novæ alicujus disciplinæ cognitione vacuam perdidisset; hoc primum. quod uxorem de secreto semel participem fecisset; alterum. tertium vero, quod terrestri cum posset uti itinere, eodem maritimo usus fuisset. Græcas literas senex didicit. Plura scripsit, ac libros præcipue de Originibus. quodque ad rem nostram magis facit, Librum de Re Rustica ad Marcum filium. In quo ratio Tusculani soli, ac singillatim Montis Porcii, colendi, ab antiquis adhibita nobis innotescit. Ex Gellio quoque ipse Cato villarum suarum modum nobis ita significavit: *M. Cato Consularis* 4. & *Censorius*, publicis jam privatisque opulentus rebus, villas suas inexcultas, & rudes, ne tectorio quidem prælitas fuisse dicit, ad annum usque ætatis suæ LXX. atque ibi postea his verbis utitur: Neque mihi, inquit, ædificatio,

4. *Not. Attic.*
l. 13. c. 21.

tio , neque vasum , neque vestimentum ullum est in manu preciosum ; neque preciosus servus , neque ancilla . Si quid est , inquit , quo utar , utor . si non est , ego sum , cui per me uti atque frui licet . Tum deinde addit : vitio vertunt , quia multa egeo : at ego illis , quia nequeunt egere . Hæc mera veritas TUSCULANI HOMINIS, *egere se multis rebus , & nihil tamen cupere dicentis . cetera . Ad ultimam illum senectutem pervenisse memorant . alii enim , sextum & octogesimum , alii , etiam nonagesimum annum vidisse , tradunt . In exemplum viri sapientis , immo vero ipsius sapientiæ , ab antiquis pariter ac nostris hominibus adduci consuevit . Statuam huic ex Senatus Consulto in Curia positam olim tradunt ; in cuius basi hæc incisa notis decora publicis .*

MARCO CATONI CENSORI
QVOD MORIBVS OPTIMIS
LEGIBVS SANCTISSIMIS
PRAECEPTIS SAPIENTISSIMIS
DISCIPLINAM POPULI ROMANI
LABENTEM RESTITVIT .

Mattejus vero , qui hunc recensuit lapidem , & alium , sub Capitolio adhuc extantem , apposuit ; in quo sic legitur .

MARCVS PORCIVS CENSORINVS

Cumque antea vocaretur *Marcus Porcius Priscus* ; *Cato* deinde vocatus est ; quod *Catus* , hoc est *sciens* plurimarum rerum evasisset . *Marci* prænomen eo quod Martio mense natus esset , fortitum diceres , si Plinio , eam prænominis illius originem asserenti ,
fides ,

fides. *Porcius* vero *Porcia* gente, quod esset; quam a *Porcorum* præcipua cura sic nominatam, non dubitamus. Cum Latinorum talis mos esset, ut a rebus præcipue rusticis nomina sæpissime desumerent. Quod Varro significavit: *Nomina multa habemus*, inquit, *s. ab utroque pecore; a majore & minore.* A minore *Porcius*, *Ovinus*, *Caprilus*; sic a majore, *Equitius*, *Taurus*, cognomina significari, quod dicuntur. ut *Annii Capræ*, *Statilii Tauri*, *Pomponii Vituli*: sic a pecudibus alii multi. Ab aliis autem rusticis rebus, puta, fabis, lentibus, ciceribus, plantarum germinibus, ceterisque, celebres *Fabii*, *Lentuli*, *Cicerones*, *Stolones*, atque persimiles nominati sunt. Porro nomen, five adpositum cognomen alicujus, in familiæ deinde, atque etiam gentis, quæ plures familias continet, nomen atque vocabulum non raro transivit: ut in *Porcia* Gente, de qua nunc, factum discimus, Ex qua hujus vocis *Porcius* origine, nomen ipsum per literam *C.* *Porcius*, non vero per *T.* *Portius*, scribendum esse, manifestum fit. Hinc etiam *Monti Porcio*, siquidem de *Porcii* *Catonis* domini natali solo, ejusque nomine nomen est mutuatus, non quidem ipsi a *porcis* inditum nomen, quod eorum pastioni ager hic fuerit perquam aptus; sed a *Porcii* *Catonis* nomine, quod ex cura porcorum primam in *Porcia* Gente traxit originem, fuisse derivatum. Unde perperam barbari quidam homines eundem *Montem Porculum*, non vero *Porcium* appellaverunt. Ceterum prædiorum *Porciæ* Gentis

5. R. R. l. 2.
6. 1.

in Tusculano , præter adducta hæctenus , & illud non inane argumentum fuerit ; quod locus adhuc in Tusculano est, vulgo *Prata Porci* nominatus, quo *Prata Porcii Catonis* , sive tandem *Majoris* , sive *Uticensis* , sive alterius ex *Porcia Gente* , fuisse , credendum est . Porro *Gens Porcia* in ipso *Marco Porcio Catone Censore* , sive *Censorino* primam sui famam , ac notam veluti originem , habuit . Quamvis enim ipse *Cato* patrem suum, quin etiam proavum , militiæ rebus gestis claros fuisse , scripserit ; certum est , tamen , ipsum *Catonem*, hominem novum nullaque majorum fama clarum , primum suæ gentis ad *Rempublicam* accessisse . Ipsiusque vultus documenta satis perspicua dabat , rusticana illum progenie ortum . Siquidem flava , rufaque, & adusta fuit facie, rusticum spirante : quod illi quidam in altercatione, seu potius satyrico carmine, malevolus exprobrasse legitur , apud *Plutarchum* . qui vultum ejus ac dotes sic brevibus complexus est : *Facie fuit subrufus , & cæsius cum felle . Continuo patrocínio eorum , qui operam suam requirebant , in finitimis Tusculo vicis & oppidulis instruebat, & aptabat . ac primum habitus caussarum Actor . deinde Orator insignis, & Dux atque Imperator optimus .*

Ceterum , illustres viros ex *Porcia Gente* , *Catone Censore* progenitos recensere melius me posse desperans *Aulo Gellio Viro doctissimo* , totque sæculis ei familiæ, quam nos, propinquiore ; ejus verba excribam , quæ sub eo titulo : *De genere & nomi-*

mi-

minibus familiae Porciae, talia leguntur 6.: Cum in domus Tiberianae bibliotheca sederemus ego, & Apollinaris Sulpicius, & quidam alii, mihi aut illi familiares: prolatum forte liber est ita inscriptus, M. CATONIS NEPOTIS. Tum quæri cœptum est, quisnam is fuisset M. Cato Nepos. Atque ibi adolescens quispiam (quod ex ejus sermonibus conjectare potui) non abhorrens a literis, Hic, inquit, est M. Cato, non cognomento Nepos, sed M. Catonis Censorii ex filio nepos. qui pater fuit M. Catonis Prætorii viri, qui bello civili Uticæ necem sibi gladio manu sua conscivit: de cujus vita liber est M. Ciceronis. quem in eodem libro, idem Cicero pronepotem fuisse, dicit, M. Catonis Censorii. Ejus igitur, quem Cicero laudavit, pater hic fuit M. Cato; cujus Orationes feruntur inscriptæ M. CATONIS NEPOTIS. Tum Apollinaris (ut mos ejus in reprehendendo fuit) placide admodum leniterque: Laudo, inquit, te, mi fili, quod in tantula ætate, etiamsi hunc M. Catonem, de quo nunc quæritur, quis fuerit, ignoras, audaciuncula tamen quadam de Catonis familia aspersus es. Non unum autem, sed complures Marci illius Catonis Censorii nepotes fuerunt, geniti eodem patre. Duos enim M. ille Cato, qui & Orator & Censor fuit, filios habuit, & matribus diversos, & ætatibus longe dispares. Nam, jam adolescente altero, matre ejus amissa, ipse quoque jam multum senex, Salonii clientis sui filiam virginem duxit in matrimonium. Ex qua natus est M. Cato Salonianus: hoc enim illi cognomentum fuit a Salonio patre matris datum. Ex majore autem Catonis filio, qui Prætor designatus, patre vivo, mortuus est,

& egregios de *Juris* disciplina libros reliquit, nascitur
 hic, de quo quæritur, *M. Cato*, *M. filius*, *M. Nepos*. Is
 satis vehemens orator fuit, multasque orationes ad exem-
 plum avi sui scriptas reliquit; & Consul cum *Q. Marcio*
 rege fuit. inque eo Consulatu in *Africam* profectus, in ea
 Provincia mortem obiit. Sed is, non ita ut dixisti, *M. Ca-*
tonis Prætorii viri, qui se *Uticæ* occidit, & quem *Cicero*
 laudavit, pater fuit. nec quia hic nepos *Catonis Censorii*,
 ille autem pronepos fuit, propterea necessum est, patrem
 hunc ei fuisse. Hic enim nepos, cujus hæc modo prolata
 oratio est, filium quidem majorem *Catonem* habuit, sed
 non eum, qui *Uticæ* periit: sed qui cum *Ædilis Curulis*
 & *Prætor* fuisset, in *Galliam Narbonensem* profectus, ibi
 vita functus est. Ex altero autem viro *Censorii* filio, longe
 natu minore, quem *Salonianum* esse appellatum dixi, duo
 nati sunt *L. Cato* & *M. Cato*. Is *M. Cato* *Tribunus plebis*
 fuit, & *Præturam* petens, mortem obiit: ex eoque natus
 est *M. Cato Prætorius*, qui se bello civili *Uticæ* interemit:
 de cujus vita laudibusque cum *M. Tullius* scriberet; pro-
 nepotem eum *Catonis Censorii* dixit fuisse. Videtis igitur
 hanc partem familiæ, quæ ex minore *Catonis* filio proge-
 nita est, non solum generis ipsius tramitibus, sed tempo-
 rum quoque spatio differre. Nam quia ille *Salonianus* in
 extrema patris ætate, sicuti dixi, natus fuit: prognati
 quoque ab eo aliquanto posteriores fuerunt, quam qui a
 majore fratre ejus geniti erant. Hanc quoque temporum
 differentiam facile animadvertetis ex hac ipsa oratione,
 cum eam legeritis. Hæc *Sulpicius Apollinaris*, nobis au-
 dientibus dixit. Quæ postea ita esse uti dixerat, cognovi-
 mus:

mus : cum & laudationes funebres , & librum Commen-
tariorum de Familia Porcia legeremus . Haëtenus Au-
 lus Gellius . Quamquam autem tot fuerint Cato-
 nes ; duo tamen potissimum celebrati sunt ob sa-
 pientiam , & præclare dicta , & fortiter facta .
 M. Porcius Cato Major, sive Cenforius, aut Cenfo-
 rinus ; & M. Porcius Cato Junior , sive Uticensis .
 Hinc est illud apud Juvenalem 7. : *Tertius e cælo ce-* 7. *Satyr. 2.*
cidit Cato . Porro Uticensis Porcii Catonis hoc vitæ
 breviarium , ex Cicerone , Plutarcho , ceterisque
 Scriptoribus , qui bellum civile , Cæsarem inter
 atque Pompejum memorarunt, confectum . Nutri-
 tus fertur cum fratre Cepione ac Porcia sorore,
 apud Livium Drusum avunculum . Hic annum na-
 tus vix quartum decimum virile tamen in puerili
 corpore ingenium prodidit , ac patriæ amantissi-
 mum . Cum enim semel de Syllæ tyrannide in cives
 audisset ; gladium confidenter dari sibi postulavit ,
 quo tyrannum illum ipse sua manu conficeret . Stoi-
 corum sectam maxime secutus , eorum se præce-
 ptis affatim imbutum , tum tota vita , tum vero
 primum servili bello , adversus Spartacum , V.C.
 DCLXXXI. ante Christum natum LXXIII. præclara
 protulit documenta . Mox Tribunus Militum im-
 peravit in Macedonia ; hinc in Asiam , contemptu
 ab instituto minime deterritus , tetendit ; ubi ta-
 men a Pompejo Imperatore & Rege Deiotaro est
 honoratus . Quæsturam postea adeptus , illam ma-
 gna severitate & fidelitate administravit . Magi-
 stra-

stratum olim, ne malus civis & indignus illum obtineret, ob id tantum petivit. Ciceroni in detegenda ac profliganda Catilinæ conjuratione sese focium adjunxit; & pro conjuratis puniendis in Senatu, contra Cæsaris orationem, peroravit; utque capitali pœna plecterentur, obtinuit. Marciam conjugem Hortensio oratori, qui eam deperibat, concessit in uxorem. Quo mortuo, eandem rursus sibi conjungere matrimonio non recusavit. In Cyprum procuratam sibi ab æmulis, quo illum Senatu atque Urbe summovent, expeditionem sanctissime peregit; prædam omnem hostilem publico ærario reservans. Severior tamen etiam amicis aliquando visus est. Ceterum, civili, Cæsarem inter atque Pompejum, exorto bello, multum, ut illos componeret, multum ne quid Respublica perciperet detrimenti, incassum tamen, laboravit. Ad extremum, Pompejanas secutus partes, quod illæ magis e Republica viderentur; post Pharsalicam pugnam, & Pompeii mortem, V. C. DCCVI. ab Urbe in Africam se contulit; ibique cum Jubæ Regi & Scipioni Imperatori sese conjunxisset; post Lybiæ deserta loca, incredibilibus incommodis, cum reliquiis Pompejanarum copiarum peragrata; eum exercitum demum Scipioni concessit. Ipse Uticam se recepit; ubi se persequentem Cæsarem audiens; veritus ne in potestatem ejus veniret; aut moliri, vel certe pati, contra patriam aliquid cogeretur; spontaneam omnibus mortem prætulit.

Qua-

Quare Platonis Librum, Phædonem nomine, qui de animæ immortalitate est, sibi afferri jussu, bis totum remotis perlegit arbitris. Accito mox filio Catone, ut victoris Cæsaris ad clementiam se reciperet, hortatus est. Deinde omnibus dimissis, pugione sese transfixit. Cum tamen vulnus, haud ita lethale, necem differret; ejus ejulatu aliquo, vi doloris expresso, vel ab invito, moniti amici, luctantem cum morte deprehenderunt. hortatumque ut vellet vivere, curatoque vulnere, specie somnum captandi, solum iterum, ita orantem, dimiserunt. Itaque intempesta nocte, fasciis conscissis, digitos in vulnus, quandoque ferro omni fuerat privatus, violenter adeo coniecit, ut per dilatatum, viscera simul atque animam violentus effunderet. Perit V. C. DCCVIII. ætatis octavo & quadragesimo, Hæc in summa Uticensis Catonis gesta. Laudatus est hic summopere a Cicerone; cujus testimonio, eundem in Tusculano versari solitum fuisse, dignoscimus. Neque dubitamus quin in hac Porciæ suæ Gentis villa, nunc Monte Porcio.

De illo sic Tullius 8. : *In Tusculano cum essem, vellemque e Bibliotheca pueri Luculli quibusdam libris uti; veni in ejus villam, ut eos ipse, ut solebam, inde promerem. Quo cum venissem; M. Catonem, quem ibi esse nescieram, vidi in Bibliotheca sedentem, multis circumfusus Stoicorum libris: erat enim, ut scis, in eo inexhausta aviditas legendi; nec satiari poterat. quippe qui ne reprehensionem quidem vulgi inanem reformidans, in ipsa*

8. De finib.
lib. 3.

Cu-

Curia soleret legere sæpe, dum Senatus cogeretur, nihil operæ Reipublicæ detrahens. Quo magis tunc in summo ocio, maximaque copia, quasi belluo librorum, si hoc verbo in tam clara re utendum est, videbatur. cetera.

Eundem ab excellentia virtutis sic Tullius idem commendavit 9.: *Qui vero Prætorii? quorum princeps M. Cato, idemque omnium gentium virtute princeps.*

9. *Philipp.* 13.

10. *Pro Muren.*

Atque alibi 10.: Et primum M. Catoni vitam ad certam rationis normam dirigenti, & diligentissime perpendenti momenta officiorum omnium, de officio meo respondebo.

Quanti autem hunc Catonem Cicero faceret, præclarissimum illud est Tullii testimonium ad Atticum 11.:

11. *Lib. 2. n. mib. 16.*

12. *Ad Attic. l. 1. n. 53.*

Cato ille noster, qui mihi unus est pro centum millibus. Rursum 12.: Cato heros noster.

Librum denique, ut cetera omittam, de Catonis laudibus scripsisse idem est testificatus 13..

13. *Attic. l. 12. n. 52.*

Cujus laudationem, & Brutus ille Cæsaris interfector scripserat.

Cæsar tamen ipse Libros duos contra Catonem vulgavit, quos nominavit *AntiCatones*; quosque

Tullius multum irrisit. Lucanus vero, more poetarum nihil mediocriter vel commendantium vel

vituperantium, Catonem diis suis æquare non dubitavit, de civilium exitu bellorum, Cæsarem in-

14. *L. 1. sub init.*

ter atque Pompejum locutus 15..

quis justius induit arma,

Scire, nefas. magno se iudice quisque tuetur.

Victrix causa deis placuit. Sed victa Catoni.

Duodecim exhibet Joannes Vaillantius Porciæ

15. *Famil. antiqu. Rom. t. 2.*

Gentis nummos 15., fere omnes ad M. Porcium

Ca-

Catonem Uticensem spectantes, in quibus quod nihil peculiare pro Tusculanis sit monumentis, eorum explicationem omisimus. Statuam quoque haud ita multis ab hinc annis prope Ciceronis Tusculanum effossam, quamquam sine capite, has literas in basi habentem, *M. Porcius Cato*, ad hunc Uticensem spectare credimus. Sororem habuit idem Uticensis & filiam *Porcias* nominatas. Et soror quidem ante Domitio Ænobarbo nupsit, cujus laudes Cicero, Lollius, & Varro meminere. Hanc, ante necem Julii Cæsaris, obiisse, ferunt. Porcia vero Uticensis filia Bibulo primum, qui Julii Cæsaris in Consulatu Collega fuit, nupsit. mox Bruto Cæsaris interfectori. Virilis animi foemina Porcia hæc memoratur. humanioribus quoque literis exulta. Maritum Brutum conjurationem in Cæsarem machinantem a proposito deterrere, gravi sibi inflicto vulnere conata est. Mox, cum nihil profecisset; conjugemque prælio victum & extinctum audiens, accensis carbonibus devoratis, fortiter periit. De illa, præter ceteros, sic Martialis: 16.

16. L. I. ep. 43.

*Conjugis audisset fatum cum Porcia Bruti,
 Et subtracta sibi quæreret arma dolor:
 Nondum scitis, ait, mortem non posse negari?
 Credideram, satis hoc vos docuisse patrem.
 Dixit; & ardentes avido bibit ore favillas.
 I nunc & ferrum turba molesta nega.*

Num ex hac Porcia Gente fuerit Porcius Festus, qui Neronianis, atque etiam Claudianis, Ca-

D d

ja-

janis , ac Tiberianis , temporibus floruit , missusque in Judæam Provinciam Prætor , sive Pro-Consul , Felici successit , Divumque Paullum Doctorem Gentium ad ¹⁷. Neronem vinctum Romam ipse misit , incertum est . Illud quidem certum , Porciam Gentem Romæ sub Vespasiano adhuc floruisse. Pro-
dunt hoc inscripti veteres Lapides, a Ligorio recen-
siti . Primus ¹⁸.

¹⁷. Act. Apo-
stol. c. 25.

¹⁸. v. Porcia.

M. PORCIO M. F. ANIENS. APRO II. VIRO
PRAEF. FABR. TRIB. MIL. LEG. VI. FERRAT
PROC. AVG. AB ALIMENTIS . FLAMIN
P. H. C. P. H. C.

Alter vero .

IMPERATORI CAESARI
VESPASIANO . AVG. PONT. MAX
TRIBVN. POT
VIII IMP. XIX. COS. VIII. P. P
L. PORCIUS . SABELLVS . II. VIR
PECVNIA SVA D. D. D

Nam ex alia gente fuit Porcius Latro , Orator ce-
lebris Cordubensis , cujus in Catilinam oratio quæ-
dam circumfertur . Nisi tamen hunc quoque ex
Porcia Gente Tusculana dixerimus natum a poste-
ris M. Porcii Catonis Censoris , quos ille dum in
in Hispania versaretur , ibidem progenerasset . Por-
cius vero Licinius Poeta post secundum bellum Pu-
nicum ex Licinia potius , quam ex Porcia gente,
fuisse videtur . Ejus meminit ¹⁹. Gellius ; quatuor-
que ipsius versiculos , fere quot extant , apponit,
ex persona Antonii Juliani Rhetoris Hispani reci-
ta-

¹⁹. Noct. Attic.
l. 19. c. 10.

tatos . Gellii verba , *Tum resupinus , capite convolato , voce admodum quam suavi versus cecinit Valerii Æditui veteris Poetæ , item Porcii Licinii , quibus mundius , venustius , limatius , pressius , Græcum , Latinumve nihil quicquam reperiri puto .* Post versus vero Valerii Æditui recitados , subdit Gellius : *Item dixit versus Porcii Licinii , hosce :*

*Custodes ovium , teneræque propaginis agnûm ,
Quæritis ignem ? ite huc . quæritis ? ignis homo est .
Si digito attigero , incendam silvam simul omnem .
Omne pecus flamma est . omnia quæ video .*

Ex alia certe Gente fuisse accepimus Valerium Catonem , cujus meminit inter illustres Grammaticos Svetonius Tranquillus . Quoniam tamen & hic vilulam habuit in Tusculano , omittendus non fuit . De hoc itaque sic Tranquillus : *Valerius Cato , ut nonnulli tradiderunt , Bruseni cujusdam libertus ex Gallia ; ipse libello , cui est titulus INDIGNATIO , ingenuum senatum , ait , & pupillum relictum , eoque facilius licentia Syllani temporis exutum patrimonio . Docuit multos , & nobiles : visusque est peridoneus præceptor , maxime ad poeticam tendentibus . ut quidem apparere vel his versiculis potest .*

*Cato Grammaticus Latina Siren ,
Qui solus legit ac facit poetas .*

*Scripsit , præter Grammaticos libellos , etiam poemata .
Ex quibus præcipue probantur LYDIA & DIANA . Et
Lydiæ Ticide meminit .*

Lydia doctorum maxima cura , liber .

Dianæ Cinna :

Sæcula permanneas nostri Diana Catonis .

Vixit ad extremam senectam , sed in summa pauperie ac pene inopia , abditus modico gurgustio , postquam TUSCULANA VILLA creditoribus cesserat , ut auctor est Bibaculus .

*Si quis forte mei domum Catonis
Depictas minio assulas , & illos
Custodis videt hortulos Priapi ;
Miratur , quibus ille disciplinis
Tantam sit sapientiam asssecutus ;
Quem tres cauliculi , & selibra farris ,
Racemi duo , tegula sub una ,
Ad summam prope nutriant senectam .*

Et idem rursus ,

*Catonis modo , Galle , TUSCULANUM
Tota creditor Urbe venditabat .
Mirati sumus , unicum magistrum ,
Summum grammaticum , optimum poetam ,
Omnes solvere posse quæstiones ,
Unum difficile expedire nomen .
En cor Zenodoti ; en jecur Cratetis .*

Haftenus Svetonius . Porro huic Catoni sunt qui tribuant carmen illud , quod Virgilio plerique omnes adjudicaverunt , cui titulus *Diræ* . Certe sub Catonis Grammatici nomine , duobus curantibus Scaligeris , liber prodiit , cum Christophori Arnodii notis , Lugduni Batavorum , a V. Partu
CICIDCXXXII.

Ceterum villarum Porciæ Gentis rudera juxta Montem Porcium apparent; circa locum maxime, ubi Deiparæ sacrum sacellum vulgo *La Madonna del Tavolaccio*. Ipse autem Pagus, sive ipsum oppidulum Montis Porcii, amoenissimo loco situm, Gregorio Tertio-Decimo Pontifici Maximo sua debet incrementa, ac tantum vix non originem. Cum enim Pater hic non Patriæ tantum, sed Universi plane Terrarum Orbis, quem paterno beneficentissimo sinu complexus est; cum, inquam, in proximam Montis Draconis villam, per Autumnum, dies aliquot a gravissimis curis animo reficiendo, diverteret; quæ tunc Altæmfiorum villa erat, nondum ea, qua nunc visitur, magnificentia constructa; & ipse Mons Porcius a domibus fere destitutus, vineis tantum abundaret, & frugibus; dum interim dispersi circa agricolæ infalubribus locis habitarent; rerumque omnium ad animi culturam proficuarum ac necessariarum ob Ædis sacræ atque Sacerdotum inopiam, summopere egeni essent; misericordia amantissimus Pastor illarum, quoque Ovicularum suarum commotus; in unum veluti gregem, unamque salubrem caulam, illas congregaturus, in ipso Monte Porcio sacram Ædem Divo Gregorio Magno dedicatam construxit, Pontificio sumtu, instruxitque. Ibi Sacerdotes stabiliti, qui oppidanorum animis universa cultura prospicerent, incolas ad locum inhabitandum multos continuo attraxerunt. brevique vici plures, domibus

bus hinc atque hinc ædificatis, constituti; recti quique, & polita structura domorum ornati. Cumque vicina Mondragonia villa in eam, quæ nunc est, magnificentiam augeretur; fabri coementarii, murarii, lapidæ, ferrarii quoque ac lignarii, quorum ingens in ea mole exercebatur copia; primi fere omnium Monti Porcio oppido frequentiam incolarum induxerunt. Ibi enim semel vicinæ opportunitate cum substitissent; perpetuas deinde, aliis quoque sibi constructis ædibus, sedes fixerunt. Quas inter, non omittendæ illæ Anglorum in Urbe Collegii, quo per Autumnum quotannis, a literarum studiis Alumni divertunt, quæque prædiis eidem Collegio adtributis circumdantur. Nec Turris, extra quidem oppidum, sed juxta ipsum, in tumulo amœnissimo erecta, multaque cupressu circumfita, ad quam Goswinus Nikelius Germanus Societatis Jesu Generalis Præpositus Decimus, necessariæ a negociis universi Ordinis animi relaxationis causa, sese conferre consueverat, de cujus pariter nomine desumpto vocabulo, *Turris Nikeliana*, vulgo *Torre di Nickel* nunc quoque appellatur. Vinum horum collium Romæ quamplurimum, commendatur; & cum in planicie uberes admodum ac lætæ proveniant segetes; est hic quoque aliquod Bacchi Cererisque certamen.

Porro descendantibus ex Monte Porcio, via, quæ ad oppidum Columnæ ducit, villa est ab Cardinali Pallotta extructa, jamdiu tamen dilabens,
cu-

cujus in Porticu antiquus hic lapis legitur; quem nos ex Alexandri Leslei Soc. Jesu harum rerum diligentissimi scrutatoris recensione apponimus. Siquidem ille, aggesta humo amoveri jussa, diluique lapide, qui ara ingens est marmorea, notas ex illo ita descripsit.

C. IVLIO . P. F. HOR:::::
 CORNVTO . TERT :: VL:::::
 COS. PROCONSVLI . PROVINCI.....
 PROCONSVLI . PROVINCIAE . NARBO.....
 LEGATO . PROPRAETORE . DIVI . TRAIANI
 PROVINCIAE . PONTI. ET . BITH....
 EIVSDEM . LEGATO . PROPR.....
 PROVINCIAE AQVITANIAE . C..NSV:::
 ACCIPIENDORVM . CV..TO.....
 AEMILIAE . PRAEFECTO . AERARI . SA...R..
 LEGATO . PROPRAETORE . PROVINC.....
 CRETAE . ET . CYRENARVM...A....E
 INTER . PRAETORIOS . A . DIVIS. VES....
 ET . TITO . CENSORIBVS . AEDILI. CE...
 QVAESTORI . VRBANO
 EX . TESTAMENTO
 C. IVLIUS . PL. ANICIUS . VARVS . CORNVTVS:::

In ipso autem oppido Montis Porcii figilla figillarum ita Lesleus ipse descripsit.

STAT. MARCIUS
 DEMETRIVS . F

Ex laterculo, literis in longum extantibus, non autem ut solet, in latum, dispositis. Item aliud ibidem repertum, apud Lupium recensitum.

L. LICINI . F. SVCCESSIANI

Et

Et dedicationem Aræ ex Albano lapide .

L. CANINIVS C
AVIDIVS . F
LVBENS . DED
MERITO

PORCIÆ Gentis (num vero Tusculanæ nostræ , nihil pronuncio) Libertorum meminit Lapis in vinea Brunona ad Viam Appiam visus , & a Fabretto relatus his notis . 20.

20. Inscript.
pag. 391. n.
252.

PORCIA . M O. L CHRESTE
AMANTISSIMA . SVIS
MONVMENTVM . FECIT . SE
VIVA . SIBI . ET
M. PORCIO . ARTEMIDORO
PATRONO . SVO
AB AERARIO . ET
PORCIAI GLYCHERIAE
PATRONAE SVAE . ET
M. PORCIO . M. L. SODALI . VIRO
AB . AERARIO

Testaceum quoque Figulinæ sigillum circa Montem Porcium repertum recensuit Fabrettus ita signatum . 21.

21. Pag. 517.
n. 254.

L LVRIVS MARTIALIS FE

Ad locum pariter , qui *Prata Porcia* ex veteri nunc quoque dicitur , Rep. Sal. an. CIOIOCCXXXV. ænea lamina refoffa est cum literis . 22.

22. Dominic.
Georg. in Dis-
sert. de Vesta.
lib.

CALPVRNIAE
PRAETEXTATAE
VIRG. VESTALI MAXIMAE
IMMVNI

C A P U T IX.

*De reliquis Tusculanis Familiis ac Viris
Romæ olim illustribus.*



LURES, præter Porciam, Tusculanæ fuerunt Familiæ nobilissimæ, & rerum gestarum gloria Romæ celeberrimæ. Quarum omnium antiquissimam Mamiliam Gentem fuisse, nemo dubitat.

Ne autem quis in duplici hoc vocabulo *Familia* & *Gens* forte hæreat, quandoquidem nunc unum, modo alterum usurpamus; sciat is, *Gentem* illam fuisse apud Romanos, quæ uno eodemque vocabulo appellabatur, ut nomine. quales *Gens Porcia*, *Mamilia*, *Fabia*, *Coruncania*; ex quibus in ingentem hominum multitudinem auctis, plures prodibant distinctæ *Familie*, quæ tamen una atque eadem, erant *Gens*; & additis aliquibus cognominibus discriminabantur; ut *Gens Licinia* in *Lucullorum*, *Murænarum*, & *Stolonum* Familias discreta; aliæquæ. Cum autem propagarentur ipsæ *Familie*, novis iterum ad confusionem vitandam vocabulis, quasi *Gens* ex *Gente* in plures rursus Familias dividebantur. Hinc eadem hominum series, & *Gens*, minorum si Familiarum divisiones ex ea deductas aspexisses, merito appellata fuit: & *Familia* pariter, si ad majorum, ex quibus cum aliis pluribus seriebus, prodierat, originem, attendisses. Porro

Ee

Ma-

1. Vide Libri
huius Caput
Primum.

Mamiliorum Gens & Familia Tusculi ad ipsum Conditorem oppidi Ulysssem primordia sua referebat. Neque inane hoc poetarum fabulatoꝝve tantum commentum; verum gravissimorum quoque historicorum, Dionysii & Livii, testimoniis fulta narratio. Livius enim de primo, quem ipse nominaverit, Mamilio, cujus Tarquinius Superbus Romanorum rex ultimus cognationem ambivit, sic 1. *Octavio Mamilio Tusculano (is longe princeps Latini Nominis erat, si famæ credimus, ab Ulyssse, deaque Circe oriundus) ei Mamilio filiam nuptum dat. (Tarquinius). Dionysius vero pluribus, ut solet: Nobilissimum & potentissimum sibi junxit necessitudine, data ei in matrimonium filia. Is vocabatur Octavius Mamilius; genusque referebat ad Telegonum Ulyssis & Circes filium. habitabat autem Tusculi. Quam originem antiquissimam; ejusque famam, libentissime, ut fit, Mamilii ejus posterii amplexati, eadem quoque gloriati sunt. Hinc Cajus Mamilius Limetanus, agrorum dividundorum Triumvir, nummos percussit, in quorum anteriori parte Mercurius cum petaso & caduceo; in posteriori vero Ulysses insculptus cernitur cum baculo & pallio, pileoque & cane, cumque literis C. MAMILIUS LIMEAN. Quare Gens & Familia princeps hæc fuit Tusculi, ab ipso usque urbis ejus conditæ exordio. Eundemque Principatum in Latinos universos, ab Historicis modo laudatis, obtinuisse tradi videtur. Quem & diu eadem in familia conservatum cognoscimus.*

Si-

Siquidem non solum celeberrima illa pugna ad Regillum Lacum, quo ad restituendos in regnum Tarquinius, omne robur Latini Nominis convenerat, ipse idem Octavius Mamilius, regis Gener, Dux, & Princeps totius exercitus, atque Imperator, memoratur 2. Verum etiam V. C. ducentesimo nonagesimo secundo Lucius Mamilius Tusculanus Dictator strenue cum suorum manu Romanum Capitolium de fervorum manibus recuperavit. Ob hoc ipse primum, mox Tusculani universi, Civitate Romana donati sunt. Quemadmodum fuse, inter Tusculanorum res gestas narrandum, significavimus. Atque hæc quidem ex Livio. Ceterum Mamiliam Gentem antea inter Patricias allectam, & Mamilios quoque inter Patres a Tarquinio Prisco Romanorum Rege Quinto V. C. CLII. qui tradunt; unde hi hauserint 3., ipsi ostendant. Nobis cum certorum honorum in hac Familia tantum suppetat, incertos admodum curiose vestigare non libet. Parcimus itaque labori quærendi quam ratione Mamilia Gens in Octaviam transierit, ex qua Octavii, Augusti Cæsaris majores prodire. Cum enim nos abunde de Octavia Gente, inter Veliternorum 4. res narrandas, egerimus; supervacaneum, illa rursus huc inferere, merito ducimus. Id quidem contra Scriptorum illorum, qui hoc asserunt, sententiam, invicte pugnare videtur. quod in Mamilia Gente, *Octavii* vocabulum, non quidem Familiæ nomen, sed viri singularis præno-

2. *Vid. cap. 2.*3. *Ap. Mattei*
p. 116.4. *Vet. Lat.*
Libro sexto.

men fuit. Quemadmodum in Octavio Mamilio patet. Si enim vox *Octavius* nomen Gentis, sive Familiæ fuisset, Mamiliii omnes *Octavii* pariter appellati essent. cum tamen contrarium contigerit. Nam & Lucium Mamilium, & Cajum Mamilium, & Titum, inter illustres hujus Gentis viros, memoratos legimus. Non ignoramus quidem, prænomena quoque aliquando & cognomina in Nomen Familiæ ex una Gente derivatæ transisse; verum hoc de Mamilia Gente, ut asseramus, solida adhuc argumenta non invenimus. Quare Octaviam suam Gentem, ut antea Velitris adjudicavimus, ita nunc, in sententia, ut par est, permanentes, eandem eidem urbi cum suo Augusto Cæsare confirmamus. Igitur ex Tusculanis Octavii Mamiliii posteris Titus Mamilius perhibetur descendisse, qui Consul Romæ fuit, V. C. A. CCLXXXIII. Ex hoc autem Lucius Mamilius qui CCLXXXIII. Capitolium cum suis Tusculanis, de servis recepit. Post hunc L. Mamilius Sabinus Vitellius, qui Consulatum cum Q. Fabio Gurgite gessit V. C. CCCCLXXXIV. Deinde Quintus Mamilius Vitellius Lucii Posthumii Megilli in Consulatu Collega, quarto post anno. Cui successit Cajus Mamilius Turinus Consul cum Q. Valerio, Urbis Conditæ 10x. Secutus exinde C. Mamilius cognomento *Limetanus*, seu *Limitanus*, ita dictus, quod dividundis agrorum *limitibus* præfectus fuisset. Hic V. C. 10L. Proprætore in Hispaniis sub Q. Cassio fuit; Tribunus quoque Ple-

Plebis . atque idem creditur Tusculus appellatus , quod eam regionem cum urbe subegisset . De qua etiam minorem triumphum retulit , qui dicebatur *Ovatio* ab ovis mactatione in sacrificium , loco tauri , qui victima magni triumphi erat . In ovatione autem intrabat victor urbem pedes ; sequebaturque illum Senatus sine exercitu .

Quidam nominum vicinitate decepti , inter Mamilios , *Manilios* , *Manlios* , aut *Mamulejos* , aut *Mamulajos* inferuere ; quorum errores alii ante nos animadverterunt , & emendarunt . Illi quoque , qui Octavios a Mamiliis derivant ; ab Octaviis deinceps non solum Augustum Cæsarem , sed & generosissimam Comitum Tusculanorum Familiam , qui Christianis sæculis potentissimi Romæ fuerunt , iidem deducunt ; ajuntque Mamiliæ Familiæ monumenta adhuc extare in antiquissima excelsa Turri , quæ Romæ , regione Suburræ , adhuc visitur . cujus auctorem L. Mamilium Patricium fuisse , divinantur . Quod antiquissimæ suæ nobilitatis argumentum ne penitus periret ; restitutam , ajunt , eam turrim anno a Virginis Partu ducentesimo undecimo supra millesimum ab Petro ex Tusculanis Comitibus , qui fuit Thrasimundi Innocentii Tertii Pontificis Maximi fratris filius . Cui restitutioni ipse Pontifex Innocentius consensit , ut Romanorum nimiam in depressos Tusculanos , quorum urbem exciderant , insolentiam nonnihil reprimeret . Quare , turrim ipsam de Tusculanæ urbis dirutæ
fa-

saxis ædificari, præcepit. Quamvis hoc ipsum culpæ datum Innocentio, & vitio versum ab Supremo Deo Judice, memoretur. Eam turrin modo licet multum depressam, *Tor de' Conti* appellamus. Porro, quamquam Comitum Familiæ aliæ Tusculanorum, aliæ Signinorum, aliæ denique Anagninorum Comitum dicerentur; unam tamen eandemque Comitum Tusculanorum Gentem eas fuisse, affirmant, ab Octaviis & Mamiliis, Mamilio denique Octavio ab Ulyssæ oriundo propagatam. Mihi tamen tam lyncea oculorum acies non est, ut inter longinquissimarum ætatum, remotissimorumque sæculorum plusquam Cimmerias aut Ægyptias tenebras tantum dispiciam. Melius itaque minus antiqua minusque tenebris obvoluta Mamiliorum persequar monumenta; & nummos quinque Mamiliæ Gentis Romæ illustris aliquantulum explicabo; quos post Urfinum, exhibuit Joannes s. Vaillantius.

s. Famil. Rom.
p. 2.

In horum nummorum primo expressa est Justitia coronata cum literis s. c. *Senatus Consulto*. A tergo est Sella Curulis, supra quam aratrum, cum laureis ad latera, fascibusque. Impressus fuit nummus V. C. 10LXXXIV. dum Cajus Mamilius Turinus Q. Mamili Turini filius Prætor esset. ibique literæ C. *Mamilius Q. F. Turinus*. Nummi insignia Consulatus dignitatem in Mamilia Gente innuunt. aratrum vero annonæ copiam in Prætura Caii Mamili designat.

Num-

Nummus alter in Quæstura Provinciali Caii Mamili percuſſus V. C. 10CXIV. caput Mercurii exhibet petafatum alatum . a tergo Ulyſſem cum pileo , baculo , & adverſo cane . quod originem Mamiliæ Gentis oftendere , non uno loco jam diximus . Circa nummum notæ *Cajus Mamilius* LIMEA .

In tertio caput idem Mercurii ; & idem Ulyſſes in parte averſa . notæ C. MAMIL. LIMETAN. circa vero ambitum IMP. CAES. TRAIAN. AVG. GER. DAC. P. P. REST.

In quarto . Caput Dianæ , luna bicorni in fronte ornatum . arcus & pharetra ſub humero lævo . in area ſ. C. ex averſa parte C. MAMIL. LIMETA. Ulyſſes , ut ſupra .

In quinto . Caput Libertatis velatum . literæ . L CENSORIN. ex averſa parte C. LIMETAN. P. CREPVSII. Libertas in bigis cum pileo . Hic denarius ad Crepuſiam pariter gentem ſpectat . ideo a Triumviris monetalibus Lucio Cenſorino Cajo Mamilio Limeſtano , Publio Crepuſio , percuſſum credimus . ſignumque Libertatis ad Romanam Libertatem indicandam expreſſum , dicimus . Uberiorem horum nummorum interpretationem qui deſiderat , Vailantium adibit . Tantum innuimus , in duobus Mercurium idcirco exhibitum a Mamiliis , quod is deus inter materni generis progenitores primus ab Ulyſſe Mamiliæ Gentis auctore haberetur . Ulyſſes enim habuit Laertem patrem & Antycleam , Autolyſi filiam , matrem . Autolyſus autem Mercurio

rio natus; sicut Laertes Arcefio Jovis filio. quod
 6. *Metam.* 13. non tacuit Ovidius, ex ipsius Ulyssis persona. 6.

*Est quoque per matrem Cyllenius addita nobis
 Altera nobilitas. Deus est in utroque parente.*

Ad Mamiliam quoque Gentem vetusti non-
 nulli inscripti lapides pertinent, quos Janus Grute-
 7. *Reines.* Cl. 6. rus, aliique recensuerunt, in hæc verba. 7.
 n. 113.

I.

L. MAMILIVS

L. L. FAVSTVS . SEV. AVG

L. MAMILIO . L. F. ARN. MODESTO

SELECTO ET DECVRIONI

VIVOS SIBI . ET . LIBERTIS . SVIS . FECIT

L. MAMILIO . EPIMICIO . SEVIR. AVG

L. MAMILIO . ACTIO

CALLITYCHENI

L. MAMILIO FAVSTO

L. MAMILIO EVTYCHO

MAMILIAE PYRALLIDI

8. *Grut.* p. 694.
 n. 12.

II. 8.

D. M.

MAMILIAE

CN. FIL

LOCHIMAE

RVFVS PATER

FILIAE

DVLCISSIMAE

III. 9.

9. *Marm. Fel-*
sin. p. 22.

A. MAMILIA

CHARITONIS

CALPVRNIAE

IV. 10.

60. Gruter. p.
555. n. 40

V. II.

II. Gruter. p.
434. n. 5.

C. P. A.

Notæ illæ in hoc ultimo lapide : *Omni. Honorib. In R. P. S. Funct.* *Omni. honoribus in Republica sua Functo* innuere videntur Rempublicam Tusculanam, quæ sua erat , Titi Mamiliii Silonis Filii . Quæ interpretatio , si vera est , Tusculanorum aliquam

F f

fuif-

fuisse Rempublicam etiam sub Cæsaribus, significat. Siquidem hic Mamilius dicitur *Causatus* h. e. excusatus ab exercendo munere Decurialis a Divo Pio Antonino Cæfare. Et hæc quidem de Mamilia Gente Tusculana nobilissima.

Furiam Gentem Tusculanis adjudicasse visum est Furiorum sepulcretum in Tusculani montis clivo, apud Patres, quos vocant *Camaldulenses*, detectum anno a V. P. MDCLXV. Aprili mense. quod subterraneum erat. Et primo quidem quoddam quasi vestibulum lapidibus quadratis constructum apparuit. porta deinde ex lapide *piperite* & ingenti saxo obstructa, arcu superposito. Specus tandem, in qua arca prægrandis eodem ex lapide. Intra hanc vasa mortualia plura, singula Furiorum nominibus insignita. Via ad sepulcrum lapidibus strata. Hæc Furiorum antiquis literis nomina incisa vasis. 1. Q.FOURIO A.F. 2. P.FOURIO C.F. 3. C.FOUR. 4. C.FOUR.M.F. 5. M.F. 6. FOURIO M.F.C.N. fortasse. nam ultima litera dubiæ est lectionis. 7. CN.FOURIO. literarum forma & constans incisio nominis *Fourius* pro *Furius* antiquitatem primorum Romanæ Reipublicæ sæculorum redolere videtur, in quibus *Navebous* pro *navibus*, *Boubous* pro *bobus* scribebatur: cujusmodi multa in Columna Rostrata C. Duyl-
lii, adhuc extante ad Capitolium, leguntur. Et illud antiquitatis ejusdem argumentum, quod vascula plura samia, sive testacea, ibidem reperta sunt. quorum usus in antiquissimorum temporum
fa-

sacrificiis . Unde Juvenalis ^{12.}

12. Sat. 2.

Sympuvium videre Numæ , nigrumque catinum .
annuli quoque omnis generis , ossei , ænei , aurei ,
argentei ; quos amoris ergo , & fidelitatis , cognati
ac propinqui , amici quoque , liberti ac servi in de-
functorum sepulcra conjiciebant . Hujus sepulcri
imaginem damus ex fidelibus descriptam antiquio-
ribus . Ceterum , ideo Tusculanis Familiis Furiam
hoc sepulcrum adjudicasse visum ; quia Veteres in
villarum paternarum aditu , vel luco , etiam sepulcra
habuerunt in patriæ suburbiis . Locus autem hujus
sepulcri ex iis , quæ de Tusculi urbis situ fuse dis-
feruimus , in ejusdem suburbio antiquissime consti-
tutus videtur . Profecto Furia Gens in plures Fami-
lias distincta fuit . scilicet in Furios Philos , h. e.
Amicos , in Furios Camillos , in Furios Pacilios ,
Bibaculos , Medullinos , Crassipedes , Purpureo-
nes , Brocchos , aliosque : quorum seriem diligenter
Kircherius noster , de cujus penu hæc de Furiis de-
promsimus , texuit . Furiae Gentis Vaillantius num-
mos novem exhibuit , & explicavit . Profecto
quamplurimis hæc viris celeberrimis fortissimis-
que semper claruit : quorum res gestæ notissimæ
apud Historicos , hic supervacuum repeterentur .

Quintiam tamen Gentem Tusculanis adjudi-
care non possumus ; quod Mattejus fecit . Cum
eam fuisse Albanam Livius & Dionysius apertissi-
me declaraverint . Livius enim de Albanis Romam
translatis ab rege Tullo , Alba diruta , differens ^{13.}

13. Lib. 1.

Principes, inquit, Albanorum in Patres, ut ea quoque pars Reipublicæ cresceret, legit: Tullios, Servilios, QUINTIOS, Geganos, Curiatios, Cloelios. Similia Dionysius. Unde igitur Mattejus, Quintios Tusculanos fuisse; & existimavit, & scripsit? ex verbis, crediderim, quibusdam ipsius Livii, quibus dicitur T. Quintius in Tusculano agrum coluisse; atque exinde vi tractum e villa, ut seditiosorum quorundam contra ipsos Romanos cives & Magistratus, imperator pugnaret. Verba Livii 14.: Postero die, cum eadem deliberatio teneret; ex prædatoribus vagis quidam compertum attulerunt, T. Quintium in Tusculano agrum colere, urbis honorumque immemorem. Patriciæ hic vir gentis erat. cui cum militiæ magna cum gloria actæ finem pes alter ex vulnere claudus fecisset: ruri agere vitam procul ambitione ac foro constituit. Nominē audito; extemplo agnovere virum: & quod bene venteret, acciri jusserunt. Sed parum spei erat, voluntate quicquam facturum. vim adhiberi, ac metum placuit. Itaque silentio noctis, cum tectum villæ, qui ad id missi erant, intrassent: somno gravi Quintium oppressum, nihil medium, aut imperium atque honorem, aut, ubi resistaret, mortem, nisi sequeretur, denuntiantes, in castra pertraxerunt. cetera. Ex quibus nil aliud cognoscimus ad Tusculanos pertinens, quam, quod Quintius iste villam & prædium habuerit in Tusculano; quod nullum est, ad ejus patriam Tusculum fuisse, probandum, argumentum. Siquidem neque Tusculo hunc oriundum hic dicit Livius; neque illum

in-

inde ortum fuisse, locum ullum ad suspicandum relinquit; cum addit Patriciæ Gentis Quintiæ hunc virum fuisse; quam jam superioribus Libris Albanam, & ab Tullo rege Romam adductam, & inter Patricias allectam, prodiderat.

Mattejus idem Gentem *Valeriam* asserit Tusculanam; inducitque duorum lapidum, quos jam recitavimus, testimonium; L. Valerii & C. Ancarii, in quibus, repertis in Tusculano, Valeriorum mentio fit. Rursumque Aristidis Milesii hæc refert verba: *Valeria Tusculanaria ob iram Veneris Valerium patrem deperibat*. Et Hieronymi Columnæ alia. *Faunum editum ex nefario Valerii Tusculani cum filia incestu*. Quibus neque assentiar neque dissentiar; cum in neutram partem uberiora sint argumenta. Si tamen Tusculana origine fuit Gens Valeria, maximum certe decus huic urbi attulerit; cum Poplicolæ, Barbati, Asculi, Flacci, Levini, alique, gloriosissimas pro Romana Republica res gesserint. Et Poplicolarum quidem Valeriorum Familia, quæ etiam *Publicolarum*, & *Publicolarum* dicta est, perdurare adhuc Romæ perhibetur illustris; illa nempe, quæ Principum *Sanctæ Crucis* appellatur, juxta antiquissimam de suo pervetusto nomine sacran-
Ædem. *Sanctæ Mariæ in Publicolis* nuncupatam.

Ceterum firmissimum Tullii testimonium habemus pro *Juventia*, *Fabia*, & *Coruncania* Familiis Tusculo asserendis. Is enim in oratione pro Plancio, M. Laterensem adversarium suum allocutus:

Tu

Tu es, inquit, ex Municipio antiquissimo Tusculano, ex quo plurimæ Familiæ sunt Consulares, in quibus est etiam Juventia, quot e reliquis Municipiis omnibus non sunt.

15. Lib. 3. c. 5.

De *Fabia* quidem addubitari nonnihil potuisse videbatur, num *Albana* origine Gens esset. Siquidem *Plinius Fabienses Populos* in monte *Albano* 15. recenset, ab oppido ibidem extructo, quod *Fabium* antiquis Latinis est dictum. Et ex *Fabia Tribu Albanos* plures prodiisse, *Lapides vetusti*, a nobis *Albana* inter monumenta producti, id ipsum confirmare videbantur. *Ciceronis* tamen testimonium clarissimum & certissimum *Fabiam Gentem Tusculo*, ulla prorsus sine controversia adjudicavit. Pergit enim *Tullius in Planciana*: *Num aliquando vides Tusculanum aliquem de Marco Catone illo in omni virtute principe, num de T. Cornucanio munice suo, num de tot Fabiis gloriari?*

Porro infinitum pene decus *Tusculanæ urbi*, quod *Fabiorum* prima, ante *Romam*, fuerit Mater, accrevit. Quis enim hujus Gentis præclarissima belli domique facta non noverit? Hæc itaque nobilissima de *fabæ* satione primum nomen invenit. eo enim tempore, quo *Romani* pene omnes agriculturam exercebant, primus qui hoc nomine est appellatus, in *fabæ serenda* excelluit, ob id *Fabius* dictus. Quamquam aliorum fuerit opinio, a *Fovea*, primum *Fovios*, seu a *favia*, aut *favea*, quæ antiquitus eadem fuit ac *fovea*, *Fabios* fuisse denominatos.

quod

quod Hercules matrem ejus , unde genus hoc cœpit , in Fovea compressisset . Verum fabulosa omnino hæc origo ac nominis derivatio ; meritoque primæ *de Fabarum satione* posthabenda . cum a Fabis Fabios , quemadmodum a lentibus Lentulos , a ciceribus Cicerones , a pisis Pisones , hisque similia , permulta nomina sic derivata , & Varro , & Plinius , & ceteri antiqui Scriptores pene omnes fuerint testificati . Ceterum Fabiorum Romæ tanta potentia fuit , ut bellum adversus Veientes sola hæc Familia cum suis clientibus in sese receperit . Sed cum ex levibus aliquot præliis sæpius victoriam reportassent ; tandem , ad Cremeram fluvium , infidiis circumventi , ad unum omnes cæsi sunt . Quod Livius 16. pluribus . & Ovidius . 17.

Una dies Fabios ad bellum miserat omnes .

Ad bellum missos perdidit una dies .

Consulto nihilominus ex eadem Gente unus , quod impuberi adhuc ætate foret , domi relictus est ; a quo rursus copiosissime Gens est propagata . Hoc ipsum Ovidius , ad Fabium Maximum scribens , memoravit : 18.

Qui nasci ut posses ; quamvis cecidere trecenti ;

Non omnes Fabios abstulit una dies .

Ex his itaque celeberrimus Fabius Maximus secundo Punico bello Rem Romanam , ex Imperatorum vel audacia vel socordia , ad nihilum pene redactam sua prudentia & fortitudine restituit . Siquidem juvenem Annibalem victoriis exultantem , & in-

16. Liv. lib. 2.
cap. 28. Edit.

Patav.

17. Fastr.
lib. 2.

18. De Porto
lib. 1. El. 2.

19. Lib. 6.
Æneid.

induciarum impatientem , cunctando fregit . Unde *Cunctatoris* celebre fuit nomen adeptus . De quo Virgilius ex Ennio . 19.

*Quo fessum raptis Fabii ? tu Maximus ille es ,
Unus qui nobis cunctando restituis rem .*

Ex quo mutuatus , plura post sæcula Andreas Savinus Societatis Jesu nobilis Orator, cum diuturna, præter morem , ab excessu Innocentii X.P.M. fuissent Comititia ; & ab iisdem tandem Fabius Chisius Senensis , Alexandri Septimi nomine fuisset electus ; ingeniosum illud protulit , jam vulgatum .

Romanam Fabius cunctando restituit rem :

Romaque cunctando restituit Fabium .

Siquidem , Savinum horum carminum auctorem fuisse , a majoribus ejusdem pernecessariis accepi . Ceterum , ex antiquis Fabiis & alius fuit celeberrimus cognomento *Allobrox* ob regem Allobrogum ad flumen Isaram interemptum . pluresque nobilissimi viri , quorum rebus gestis Romana Historia referta est . *Fabia Tribus* num a Gente Fabia , num ab oppido Fabio in Monte Albano , unde Plinio *Fabienses* Populi , originem duxerit , incertum mihi est . Eam quidem ex Rusticis unam fuisse constat . De illa Horatius . 20.

20. Lib. 1.
ep. 6.

*Si fortunatum species & gratia præstat ,
Mercemur servum , qui dicet nomina ; lævum
Qui fodiat latus , & cogat trans pondera dextram
Porrigere . hic multum in Fabia valet ; ille Velina.*



21. C. 40.

Et Svetonius in Augusto 21. : Comitiorum quoque pri-

VERA DELINEATIO VETERIS SEPUL-
CRI FURIORUM in agro Tusculano detecti




2. palmos


2. palm. $\frac{1}{2}$ 1. palm. $\frac{1}{2}$ 

1. palm.


id est, Publ. Furius



id est, Q. TURPILIO LUCII FIL.



hoc est, Quinto Furio Auli filio.



id est, Publio Furio Cay filio.

Aliæ inscriptiones in fragmentis

1. C. FURIO.

Cajo Furio

2. C. FURIO M. F.

C. Furio Marci fil.

3. M. F.

M. Filius

4. FURIO M. F. C. F. Furio Marci fil. curare fecit.

5. CN. FURIO

Cneo Furio

CONDITORIA CINERARIA,
 una
 cum Inscriptionibus in Sepulchro FURIORVM Tusculano
 reperta.

stinum jus reduxit ; ac multiplici pœna coercito ambitu , Fabianis & Scaptiensibus tribulibus suis die Comitiorum , ne quid a quoquam Candidato desiderarent , singula milia nummum a se dividebat .

*Laterensem Familiam Tusculo asserit Marcus Laterensis ille , qui de ambitu Cneum Plancium Atinatem accusavit ; adversus quem Cicero Orationem habuit pro Plancio . Siquidem disertissime ibi Tullius Laterensem ex Municipio antiquissimo Tusculano fuisse dixit . Num autem eadem Laterensis Familia , atque Lateranensis & Laterana , decidere non ausim . Ligorius quidem Lateranensem Tusculanam facit . Aitque amplissimas ædes (de quibus Juvenalis 22. : *Lateranorum obsidet ædes tota Cohors*) in 22. Satyr. 10. Coelio Monte cum Balineis & Thermis a Lateranis ad Faustos hæredes transisse ; atque per Faustam Constantini Magni uxorem in hujus possessionem devenisse . a quo, Divo Silvestro Romano Pontifici, ut ibi stabilem ipse cum successoribus sedem haberet , juxta magnificentissimum templum Deo Optimo Maximo , & Jesu Christo ejus Filio Deo Homini ab se constructum & dedicatum , donatæ sunt . Verum de origine hujus Familiæ Tusculana, certiora desiderarem .*

Illud quidem certum habemus ex Cicerone 23. 23. Philippic. 3. Bambalionem quemdam stupidum hominem , cui ipsum id nomen ab stupore cordis & linguæ fuerat tributum , focerum fuisse M. Antonii Triumviri , qui Tusculanam proinde habuit uxorem . Quam-
G g
quam

quam autem plures Antonius uxores habuerit ; de Fulvia nihilominus locutum Ciceronem , quod Tusculana fuerit , existimo . Siquidem adversus hanc apertissimæ Ciceronis exarserunt inimiciæ . cujus demum odio periit lingua illa , qua Latinus Orbis loqui olim solebat ; & mortua quoque , aculeis criminalis acus transfixa fuisse ab Fulvia memoratur .

Num autem Tusculanas veteres inter Familias merito recenferi debeant nomina , quæ in sepulcralibus Agri Tusculani refossis lapidibus insculpta leguntur , stabilire non ausim . Quamquam , ne monumenta illa ad Tusculanos utcumque spectantia , in hoc de Tusculanis nostro novissimo Commentario desiderarentur , eadem huc attexere visum nobis sit opportunum . In Agro itaque Tusculano prope Marinum oppidum , Villa Bolia , recensuit Fabrettus hujusmodi inscriptum lapidem . 24.

24. Cap. 2. In-
script. pag. 81.
n. 104.

D M

M. ATTIVS ADIVTOR SIN
SE VIVO FECIT . SIBI . ET . LI
BERTIS LIBERTABVSQVE
POSTERISQVE EORVM OMNIVM
ITA . VT . NE . DE . NOM. EXEAT

25. Pag. 295.
n. 245.

Et alium prostantem ibidem his notis . 25.

DIS MANIBVS

ONESIMVS . M. VOLCEI . FIRMI
DISPENSATOR . ET . EPITEVXIS
FECERVNT . PAVLLINAE . FILIAE . SVAE
DVLCISSIM . ET . SIBI . ET . SVIS
POSTERISQ. EORVM

Tertium quoque villa Bevilaquea apud Marinum
in

in fronte farcophagi, in quo nymphæ Tritonibus infidentes. 26.

26. Pag. 383.
n. 211.

D . M

T. FLAVIVS . PROCLVS
ET FLAVIA CLEMENTILLA

ET FLAVIE^{fic} PROCLE N. P. T

Q. V. A. III. M. X

D XXV

F. C. R

Et quartum ibidem, in quo mulier jacens in scuplta catello blandiens. iuxta autem mensa tripes. 27.

27. Pag. 384.
n. 219.

M. ANTONIO ABASCA

NTO . ANTONIA . SPES

CONIVNX . ET . COLLI

BERTA . ET . T. CLAVDIVS

CRYSANTHVS . B. M

LIBERTIS . LIBERTAB

VSQ. POSTERISQVE . SV

IS . IN . FR. P. II. IN . AG P. II

Quintum pariter ibidem extantem. 28.

28. Pag. 476.
n. 240.

DIS MAN

T. FLAVIO . AVG. LIB

PHILOMVSO DEC

VNCTORVM . VIXIT . ANN

LXXI. HERMES . LIB. PATRONO

B. M.

Et sextum apud Vespignianum Tusculanæ villæ dominum, quæ olim fuisse creditur Serv. Sulpic. Galbæ Imperatoris, in fronte rotundi ossuarii vasis. 29.

29. Fabret. p.
637. n. 316.

FANNIA . P. L. SEMENTIVA

Q. PARICVS . Q. L. VRBANVS

SIBI . ET . CONIVGI . SVAE

G g 2

Se

30. Id. p. 701.
n. 231a

Septimum sub Marino vinea R.P.D. Thierry . 30.

L. PLVTIO L. L. EROTI

PLVTIA L. L. AVGE

FECIT . SIBI . ET

VETVRIAE C. C. L. ATTICAE

Utrum vero Gens aliqua five Familia JULIA Tusculana olim fuerit , dubium aliquod monumenta ejusdem in Agro Tusculano detecta nuperrime creare possint . Siquidem anno a Virginis Partu trigesimo supra millesimum septingentesimum Franciscus Blancus Tusculanus Civis primarius , idemque Tusculanæ militiæ Dux , five Centurio , in prædio suo prope Tusculanum olim Ciceronis , & proxime locum , qui vulgo dicitur *la Bagnara* , præter innumera elaboratorum marmorum fragmenta , refodit quamplurimas tegulas maximi moduli , quas Antiqui *Opus Doliare* nominabant , eo quod testaceæ essent , ejusdemque materiæ ac dolia , five amphoræ , in quibus vinum , non in cellis vinariis subterraneis , sed in altis horreis pice linitum , unde *picatum* , asservabatur . Sub hisce tegulis ossa mortuorum permulta . Exinde hypocausta , & scalas ex lapide Tusculano , vulgo *Peperino* ; e quibus in cubicula descendebatur , musivo ac tessellato opere instrata ; parietibus autem veterem picturam adhuc identidem ostendentibus , quadratisque e laterculis pulchre compactis . Intraque Blancus idem loci dominus ad duodecim marmoreas statuas invenit , quas Melchiori Polignaco Gallo Car-

di-

dinali dono dedit; qui in Gallias mox easdem transmisit. Inter hæc refossus lapis albus cum magnis literis: ASPER BIS CONSVL PRAEFECTVS URBIS; & mox basis statuæ apparuit cum inscriptione: IVLIAE IVLIANAE SORORI ASPRI. Quæ omnia in imo admodum ac depresso solo sita erant. siquidem subtus, atque infra ipsam agri, humilis ceteroquin, planiciem, viginti adhuc ipsos palmos, fossores descenderunt, inventione marmorei brachii sculpturæ perelegantis allecti, & reliquum statuæ se reperturos sperantes. Eoque magis, quod ibidem loci a Cardinali quondam Carolo Barberino egregii operis statua fuerat refossa. Ceterum Asper hic, de quo lapis erutus meminit, ille videtur esse, qui Consulatum priorem gessit, cum fratre simul cognomine, V. C. AN. CMLXV. a Christo nato, juxta æram vulgarem, CCXI., aut XII. prout aliter alii computarunt. Eo siquidem anno in Consularibus Fastis sic legitur: IVLIVS ASPER. IVLIVS ASPER. Filii hi fuerunt Julii, sive Juliani Aspri viri celeberrimi sub Severo Imperatore, ac potentissimi, qui dum Africæ Proconsul esset, contra Christianos, quamvis invitus fecisse dicatur, Imperatoris edicta acerrime est executus. Cujus a Dione Cassio sapientia & bellica virtus commendatur. Quem tamen Caracalla Severi patris successor, beneficiorum per illum acceptorum immemor, privatum in patriam remisit. Quis autem e duobus hujus Juliani filiis Consulibus, fuerit bis Consul & Præfectus Urbis, de

de quo meminit lapis noster , incertum est . Confu-
 latum gessisse simul perhibentur anno imperii Ca-
 racallæ primo . Quando autem secundum Consula-
 tum alter gesserit , plane non constat . Illud tantum
 suspicari quis posset , iniisse illum alterum Consula-
 tum anno Christi ducentesimo vigesimo quarto ,
 V. C. CMLXXIV. h. e. annos duodecim post Consula-
 tum primum. Susplicandi sic ea ratio, quod eo anno
 in Fastis Consularibus notetur CLAVDIVS IVLIA-
 NVS II. CLAVDIVS CRISPINVS . Forte enim Claudius
 hic Julianus secundum Consul , fuit alter ex fratri-
 bus Juliis Aspris Consulibus duodennio ante ; cum
 ii & *Julii* , & *Juliani* , quemadmodum & pater eo-
 rum , promiscue nominarentur ; sicuti & in no-
 stra inscriptione *Julia Juliana sororis Aspri* depren-
 ditur . Tantoque magis suspicio augeri potest ,
 quanto , iste *Claudius Julianus* , qui anno Christi
 CCXXIV. notatur in Fastis *secundum Consul*, in anterio-
 ri Consulium serie nusquam hoc nomine Consul no-
 tatus reperitur . Ita ut verisimillime Consulatus
 primus *Claudii Juliani* referri debeat ad alterum ex
 fratribus *Juliis Aspris Consulibus* , qui etiam *Juliani*
 dicti sunt ; quamvis communiter prænomena *Caii* ,
 & *Cnei* præferant . Facile autem fuerit *Cajum Ju-
 lium* , sive *Julianum Asprum* ab Exscriptoribus & Li-
 brariis fuisse commutatum in *Claudium Julianum* ,
 qui notatur in Fastis *Consul II*. De his Dio Cassius ,
 Historiarum libris septuagesimo octavo & nono ;
 & Cardinalis Norisius in epistola Consulari .

De-

Denique Anno Salutis MDCCXLI. in prædiis villæ olim Sacchettæ, nunc Rufinellæ Collegii Romani Societatis Jesu, optimo loco atque amœnissimo in Monte Tusculano constitutæ, quem vulgus & *Scola di Cicerone*, & *il Tuscoletto* vocitare consuevit, magna antiquæ villæ vestigia detecta sunt. nimirum atrium sive impluvium antiquarum ædium peristylis circumdatum, structuræ non inelegantis quidem, verum sanæ, sobriæ, ac modicæ potius, quam magnificæ; quæque vel Romanæ Reipublicæ tempora frugaliora, vel Municipii Tusculani mediocritatem auream referret. Columnæ itaque sive columellæ aliquot refossæ, & bases; pavimenta tessellata resecta, balnearum instrumentum, sive hypocausta. figularum quoque testacea figilla, inscripta nonnulla. truncus tandem statuæ marmoreæ minime rudis, mulierem repræsentantis: aliæque eruditæ Antiquitatis fragmenta permulta; quæ villam ibidem fuisse certo certius nos docuerunt. Cujusnam vero domini eadem fuerit, stabilire, hoc opus, hic labor. Num Ciceronis, ut vulgus alte persuasum habet? Num Tusculanæ alicujus antiquæ Familiæ, ut Municipalis structura suadere possit, & vicinæ urbi Tusculo propinquitas? ita ut suburbana, ac vix non summoeniana villa illi fuerit, incertum est. Si tamen Ciceronis villæ alicujus montanæ locus hic fuit; gratulandum loco quodammodo foret, in literarum cultorum possessionem eundem tot post sæcula rediisse. quemad-

mo-

* *Epp.* 49. &
30. *lib.* 11.

modum duobus elapsis sæculis villæ Mecœnatianæ Tiburtinæ contigisse scimus, ut inter sua vestigia, P.P. eosdem Soc. Jesu, Tiburtes ad docendum literas adeuntes, primo exceperit. Quemadmodum Mar-
tialis Silio Italico gratulatus est oratori * & poetæ, quod Virgilii & Ciceronis simul quondam prædia ipse meritissime possideret, utriusque imitator eximius. Ceterum Tusculanæ hujus antiquæ villæ monumenta nuperrime detecta, omnia diligenter recensuit P. Contuccius Contuccius Soc. Jesu vir eruditissimus, & in Romana Pontificia Capitolina Antiquitatum atque Historiæ Academia Collega meus carissimus, idemque Musei Kircheriani in Romano Collegio Soc. Jesu non Custos tantum ac Præses solertissimus, verum & Ampliator & Illustrator egregius. Quare de Tusculanis monumentis loquendi finem fecerimus.

FINIS LIBRI DECIMIQUARTI.



VETUS LATIUM PROFANUM

LIBER DECIMUSQUINTUS
DE ALGIDENSIBUS.

AUCTORE

JOSEPHO ROCCO VULPIO
SOC. JESU SACERDOTE.

CAPUT I.

*De Regione, Sede, & Nomine Algidi
Montis, & Oppidi.*



USCULANIS superiore Libro utcumque illustratis, ad confines Algidenfes vestigandos transimus. Fuit itaque ultra Tusculum, agrosque Tusculanos, in ipso Latinæ Viæ limite *Algidum* Oppidum, juxta Montem, eodem vocabulo, *Algidum* appellatum. Hunc locum, quamquam diu belli sedem Æqui sibi delegissent, *Latini* tamen *Nominis* H h fuif-

fuisse , constat . De illo quæcumque memoratu digna veteres apud Scriptores invenimus , huc , non sine dicendorum ordine , congeremus . Ac primo quidem , Algidi , apud Livium , primis Romanæ Reipublicæ sæculis frequentissima mentio est . Quod , ut aiebam , Æqui eam sedem diuturni adversus Romanos belli nacti fuissent . Itaque sub Libri Tertii initium in T. Quintii Capitolini Consulatu tertio , secundo autem Q. Fabii Vibulani , V. C. CCLXXXIX. *Exercitus* , inquit , (ab Æquis) *in Algidum adversus Romanos missus* . Et ad ejus historiæ finem : *Forte ab Algido Quintius Consul redierat Romam* . Et libro eodem , *Vibulano tertium & Maluginensi Consulibus V. C. CCXCV. Æqui , robore juventutis præmissi , arcem Tusculanam , improvise , nocte capiunt : relicto exercitu haud procul mœnibus Tusculi confidunt* . Exiguo post : *Fames , postremo , inde detraxit hostem . quo postquam ventum ad extremum est ; inermes undique omnes sub jugum ab Tusculanis missi* . Hos ignominiosa fuga domum se recipientes Romanus Consul in Algido consecutus , ad unum omnes occidit . Qua de re Dionysius 1. pariter (Græca consulto omittimus) *Fabius , inquit , reddito Tusculanis oppido , sub vesperam , quanta celeritate potuit , in hostem inde movit ; audito circa Algidum oppidum esse totum Volscorum , Æquanorumque , exercitum ; & continuato per totam noctem itinere , sub lucem se ostendit hostibus , in campo stativa habentibus sine fossa ac vallo : ut qui in suo solo nihil sibi ab hostibus metuerent* . Livius autem eodem tertio Libro : *Æqui , Graccho duce , in*
La-

*Lavicanum agrum , inde in Tusculanum hostili popu-
latione veniunt : plenique prædæ in Algido castra locant .
Mox : Senatus jussit , alterum Consulem contra Gracchum
in Algidum exercitum ducere . Paulo post : Horatius in
Algido pugnat . fugat hostem ex Algido . Mox : Trepidi
nuncii ab Tusculo veniunt , Æquos in agro Tusculano es-
se . Ambo Consules cum exercitu missi hostem in sua sede
in Algido inveniunt . Postea : Æqui castra in Algido lo-
cant . depopulatumque inde excursionibus Tusculanum
agrum , Legati ab Tusculo præsidium orantes nunciant .
Deinde : Fusi & ab Sabinis ad Eretum , & in Algido ab
Æquis exercitus erant . Majus flagitium in Algido : ma-
jor etiam clades accepta . castra quoque amissa erant .
exutusque omnibus utensilibus miles Tusculum se contule-
rat . Quod idem Dionysius sic : Æquani , facta in Tu-
sculanorum agros sibi finitimos incurfione , quum ma-
gnam illorum partem populati essent ; ad Algidum oppi-
dum castra locant . Livius iterum postea : Pater Vir-
ginis L. Virginius honestum ordinem in Algido ducebat .
Atque ita constanter Livius exinde , etiam nude ,
semper in Algidum , & in Algido frequentissime repe-
tit ; haud montem , oppidum , agrum , aliudve pe-
culiare significans . Quod & Plinius est imitatus de
rapis ^{2.} loquens : Palma in Nursino agro nascentibus . <sup>2. Lib. 12.
c. 13.</sup>
proxima in Algido natis . Et Diodorus de eodem Vir-
ginio locutus : Ipse , inquit , confestim sese ex Urbe pro-
ripiens ad exercitum in castris tunc in Algido versantem ,
se contulit . Et ipse etiam Dionysius non semel : ait
enim ^{3.} Qui vero in Æquanorum regione in Algido po- ^{3. Lib. 11.}*

*suerant castra, magna ex parte vulnerati, ferme omnes, amissis armis, Tusculum evaserunt, tentoria, iumenta, pecunias, famulitia, & reliquum belli adparatum hostis diripuit. Et aliquanto post, in Virginii historia: Quæ in Æquanorum agro in Algido posita, & quæ in Urbe erat, multitudo omnis. mox de eodem exercitu: circa luminum accensionem, in castra ad Algidum pervenit. Denique: quinque Legiones, quæ erant in Algido. Ex quibus habes, non oppidum tantum aut montem Algidum fuisse appellata; sed & certum agri modum ac spatium, montem pariter atque oppidum complexum, agros inter Albanum, Tusculanum, Veliternum, Prænestinum, Gabinum & Labicanum; medium scilicet inter loca, nunc Rocca di Papa, Monte Cavo, la Fajola, Palestrina, Zagarolo, la Colonna, Rocca Priora, il Tuscolo. Attamen posterioris ævi Scriptores Montem Algidum diserte nominaverunt. Divus Hieronymus 4: *Quum in Algido Monte Romani milites obsiderentur, a Dictatore Quintio Cincinnato liberati sunt. Auctor de Viris illustribus in L. Quintio Cincinnato: Q. Minucium Consulem in Algido Monte cum exercitu obsidebant. & in L. Virginio: Appius Claudius Virginiam Virginii Centurionis filiam in Algido Monte militantis adamavit. Eutropius libro primo: Sequenti anno, inquit, quum in Algido Monte, ab Urbe duodecimo ferme milliario, Romanus obsideretur exercitus, L. Quintius Cincinnatus Dictator est factus. & aliquanto post. Appius Claudius Virginii cujusdam, qui honestis jam stipendiis contra La-**

ti-

4. In Chronic.
Euseb.

zinos in Monte Algido militabat, filiam virginem corrumpere voluit. Quare apud Dionysium quoque libro decimo, num legi debeat *περὶ τὸ Ἀλγιδὸν ὄρος, circa Algidum Montem, & Libro undecimo ἐν Ἀλγιδῷ ὄρει in Algido Monte, dubium haud sane leve creari potest. Dubitandum pariter circa variationem illam Græcæ dictionis, eundem apud auctorem; περὶ Ἀλγιδόνα, & ἐν Ἀλγιδόνι. circum Algidona, sive Algidonem, & in Algidoni. nisi forte dixeris cum Cluverio, unde hæc de Algido testimonia hæctenus collecta depromsimus, Montem ipsum Algidum Græcis dictum fuisse τὸ Ἀλγιδὸν ὄρος. oppidum vero ad eum situm ὁ Ἀλγιδῶν πόλις. ut apud deterioris quoque sæculi scriptorem Procopium legimus, in hæc verba: s. Totila majorem exercitus partem ab Urbe haud longius stadia CXX. in Algidone, quod loco nomen, ad occidentem solem locavit. quietosque inibi manere jussit. ἐν χωρίῳ Ἀλγιδόνι in regiuncula Algidoni. Porro Procopii stadia centum viginti, posterioris ævi more, septem cum dimidio in singula milliaria computantis, mille passus sexdecim conficiunt ab Urbe Roma, Via Latina. Quod sane intervallum multo magis in Algidi Montis Oppidique veram distantiam congruit; quam Eutropii milliaria duodecim, quæ in Tusculanum montem inciderent, eadem Latina Via iter habentibus. Unde mendum in Eutropii codicem irrepsisse cum Cluverio, jure suspicamur. Ubi tamen, tantam post vestigationem, potissimum situm fuerit Algidum Oppidum jamdiu di-*

5. Rer. Gothi-
car. l. 3.

dirutum, quifve proprie Mons olim, five *Algidum*, five *Algidus* appellatus, non simplex est quæstio, aut una sententia. Pugnant enim de hoc inter sese viri, ceteroquin eruditissimi, & antiquitatis sagacissimi vestigatores: atque in primis Philippus Cluverius, Athanasius Kircherius, Lucas Holstenius, Raphael Fabrettus, communisque populorum ac vulgaris accolarum circa locum Algidi traditio & fama. Nos, quod verisimillimum videbitur, id amplectemur. Ac primo quidem male prorsus, quicumque tandem id opinati fuerint, aut memoraverint, quidam Algidum Oppidum ibi sedisse, olim putaverunt, ubi recens nunc oppidum *Rocca di Papa*: & Montem, nunc *Monte Cavo*, in cujus medio dorso, five ascensu, id oppidulum situm videmus, Algidum Montem nominaverunt. Meridiana enim luce clarius jam constat, eum montem, Albanum Montem esse, sedem olim urbis Albæ Longæ, ac in summo jugo, templi Jovis Latialis, ubi olim Latinæ Feriæ celeberrimæ fieri solebant. Oppidum vero *Rocca di Papa* in eo monte situm, excitatum, credimus, e ruinis oppidi veteris, quod *Forum*, vel *Fabium*, (unde *Forenses* & *Fabienſes* populi in Albano monte Plinio & Ovidio memorati) nominatum fuerit. Vel certe de ruinis veterum ædificiorum, templi puta, Jovis Latialis, aut Vestæ, ceterorumque, quæ diruta Alba, in eo monte superfuerant, extructum, ad colonorum, qui agros circa curarent, receptaculum. Algidum

ta-

tamen fuit nullo modo . cum disertissime ab Scriptoribus omnibus Mons Albanus , & Mons Algidus fuerint semper discriminati . Rursum id constat ex eo , quod Algidum Oppidum non quidem in monte , verum in planicie , humili loco , ipsoque Latinæ Viæ tramite situm , de Strabone cognovimus , ajente 6. . *Incipit Via Latina ab Appia ad sinistram ; ab hac prope Romam deflectens , ac super montem Tusculanum transiens , inter Tusculum oppidum , & montem Albanum ad Algidum descendit oppidulum , & Pictas tabernas .* en ut disertissime Strabo ultra montem Albanum constituit Algidum Oppidum , idemque non in monte , ut nunc oppidum *Rocca di Papa* , sed in depresso planicie , ita uti descensu Latinæ Viæ ad id contendenti opus foret , sedisse significavit . Sed neque alteri oppido , in sinistro viæ ipsius latere constituto , cui modo nomen *Rocca Priora* , veteris Algidi Oppidi sedem rectius aptaveris . Nam & hoc , in monte collocatum videmus , atque ab limite Latinæ procul separatum . Quamquam in regione id olim Algidenſi situm , conjici potest , ex eo , quod nivibus etiam per hæc tempora diutissime conservandis ad æstivas Urbis Dominæ delicias , aptissimum est . Alti enim circa locum putei quamplurimi defossi sunt , collectarum nivium , quarum ibidem numquam non uberrima copia , fidissimum , ac solis æstusque ab insidiis remotissimum , receptaculum . De Algidi autem regione perspicuum idem est , nivibus illam , glaciibus , ac frigoribus per-

6. Lib. 5.

perpetuo abundasse. unde & nomen desumserat. Algidum enim ab *Algore* dictum est, & *nivale*, *glaciale*, *gelidum*, *horrens* a Scriptoribus, eadem de causa cognominatum. Itaque verisimillimum puto, quod Cluverius, & post illum Holstenius atque Fabretus meminere, Algidum Oppidum in ipso Latinæ Viæ limite, ad sinistrum Roma venientibus latus eo loco situm fuisse, ubi nunc tantum publicum superest Diverforium, nomine ab antiquo parum inflexo *L'Osteria dell' Aglio*, seu *degli Algeri*, cui proximus cavus Algidi sinus inter montes, *La Cava dell' Aglio*, five *degli Algeri* appellatus. Hic enim locus est ad Romanum invadendum agrum opportunissimus; juxta quem veteris oppiduli, quod Algidum fuisse putamus, vestigia monstrantur. In cujus ruinis Castellum postea fuerat constructum, quod earumdem angustiarum claustra cohiberet. Sunt namque hic montium perangustæ fauces, quæ Prænestinum ab Albano & Tusculano agris dividunt. Quod tamen Castellum in ruinis veteris Algidi excitatum, cum latronibus & grassatoribus tutum nimium præberet asylum, a Xysto Quinto Pontifice vere Maximo dirutum fuisse, perhibetur. Ad hunc autem locum tale iter est antiqua Latina Via: Tusculo, scilicet, ad radices, proximum est diverforium vulgo *L'Osteria del Fico*. Inde quatuor sunt mille passus ad diverforium diruti oppidi *L'Osteria della Molara*. Ex hoc milliaria plusquam tria ad Algidi diverforium *L'Osteria dell' Aglio* aut *degli Al-*

Algeri. cui proxime deinde imminet arctus montium transitus, vulgo *la Cava dell' Aglio* ita dictus. Circa hunc Silva Algidenſis, nunc quoque *la Selva dell' Aglio*, aut *delli Algeri* nominatur, ita ut ab tanta vocabulorum recentium cum antiquo *Algido* proximitate, certum jam hanc Algidi ſedem fuiſſe, reddi poſſit. Porro Mons Algidus, quibuſdam ille eſt, ubi recens oppidum *Rocca Priora*, ubi Divo Silveſtro dicata *Ædes*, cui Carmelitarum ſub Divæ Teretiæ Virginis inſtituto viventium Collegium adjuñctum eſt, vulgo *S. Silveſtro ſopra Frascati*. Holſtenius autem in ſuis ad Cluverium notis Algidum Montem, ſeu potius Montes Algidenſes, nam plures ſunt 7., ſic deſcripſit: *Diſtincti ſunt omnino montes* *Tuſculanus*, *Albanus* & *Algidus*; ut *Locorum illorum peritus* quiſque facile ipſo ſenſu dijudicat. Nam ubi *Roma*, *Via Latina*, proficiſceris ad Algidum, Tuſculanos montes ad ſiniſtram habes, Albanum montem a dextris: inde obverſo tractu Algidus occurrit, quem vallis flumenque cum molendino a Tuſculanis collibus diſtinguit, ſub ipſo diverſorio Algidi. Ab Albano autem monte alia vallis, quæ ab eodem diverſorio Meridiem verſus protenditur. Inde frondosus ille Mons Algidus, ubi anguſtias ejus, quam Cavam vocant, transferis, ad dextrum Latine Viæ latus porrigitur, uſque ad vallem, quæ inter Algidum, & Montem Fortinum, Velitras uſque, & in Ap-piam, ſe aperit. Nec puto rectius, Plinii verba de Tuſculani collis ſilva ad Algidum trahi: cum etiam nunc opacæ & denſiſſimæ ſint ſilvæ in eo Tuſculani montis late-

7. In pag. 176.
lin. 9.

re, quod Septemtrionibus obversum, agrum Romanum, Gabinum, & Lavicanum respicit. Hæc igitur Algidi Regio; hæc Algidi Oppidi sedes, hic Algidus Mons. Oppidi, ac Regiunculæ incolæ *Algidenses* dicti atque *Algidini* fuerunt. & apud Manutium *Algidiensis* quoque in vetusto lapide inscriptum legitur. apud Stephanum etiam *Algidius*. ait enim: Ἀλγίδος πόλις Ἰταλίας. τὸ ἐθνικὸν Ἀλγίδιος *Algidus oppidum Italiae. Gentilitium: Algidius*. Denique etiam *Algidus* fuit Gentilitium, ut apud Ovidium 8.:

Viderat in Campis, Algida terra, tuis.

Putat Mattejus in Monumentis veteris Tusculi, Aquam, quæ *Julia* primum, mox (a vulgo nunc *Angelosa* dicitur) *Algidosam* fuisse appellatam. Hanc P. Victor *Argentianam* dixit. De qua mox plura, ubi de Agro Algidenfi, referemus.

C A P U T I I.

De Bellis & Præliis ad Algidum decertatis.



UAMQUAM Algidum nonnisi oppidulum fuerit, regioque circa ipsum arctis admodum finibus circumscripta; ob loci tamen opportunitatem, quo situm erat, annis centum & sexaginta Æquorum adversus Romanos belli sedes idem fuit. Siquidem ab Consulatu L. Æbutii & P. Servilii, qui V. C. CCLXXXIX. recensentur, ad P. Semprium Sophum, & P. Sulpicium Saverionem Con-
su-

fules anno CCCCXLIX. novis semper excursionibus, invasionibus, apparatibus, bellum Æqui ad Algidum contra Romanos instauraverunt. Unde factum, ut hi ad Algidum exercitum fere semper, sub pellibus, & in armis adversus perpetuos hostes haberent. Opportunitas vero belli, Castrorumque metandorum in Algido ea erat, quam loci natura ipsa effecerat, montium scilicet angustiarum ac fauces, quæ Latinorum regionis præcipuam partem ac potissimam ab Æquis, Volscis atque Hernicis determinabant. Rursum, juxta has fauces vastissima ac fertilissima Camporum planities, frugum, rerumque aliarum omnium, quibus eget humanum genus ad vitam sustentandam, parens & altrix uberima. Quare qui Algidi oppidi potirentur, ii & fortissimum omnis circa regionis propugnaculum habebant, quo nec magno militum numero, hostium quorumcumque transitus, nedum assultus, impedire & frangere omnino poterant. Æqui igitur, gens Latinis veteribus proxima, quos & *Æquanos*, & *Æquicolas* dixere, ab *æquitatis amore*, quam, antiquissimis ab usque Gentis exordiis, plurimum apud ipsos valuisse, narrant, Algidum oppidum, quamquam Priscorum Latinorum esset; & in ipso ferme Latii veteris meditullio collocatum, occupare tamen; centumque fere ac sexaginta annis ita tenuere, quasi Æquorum & ipsum oppidum, semper fuisset. Hinc veteres Scriptores nonnulli de Algido tamquam de Æquorum oppido locuti sunt.

1. Cap. 11. l. 1.

Quos inter Dionysius non semel Algidum *Æquorum solum* nominavit. Cum tamen id, nonnisi de occupatione oppidi ab *Æquis* facta, vere intelligendum sit. Ceterum in Algido tot tantaque prælia, sunt decertata, ut Romanæ Reipublicæ id oppidulum aliquando terrorem incuteret. Sic enim Florus eleganter 1. : *Haëtenus pro libertate : mox de finibus cum eisdem Latinis assidue & sine intermissione pugnatum est. Sora (quis credat ?) & ALGIDUM terrori fuerunt. Satricum atque Corniculum Provinciæ. De Veiiis, & Bovillis, pudet, sed triumphavimus. Tibur, nunc suburbanum, & æstivæ Præneste deliciæ, nuncupatis in Capitolio votis, petebantur. cetera. Ubi Florum, animadvertere licet, bella ad Algidum habita cum Latinis dicere, non cum Æquis; inde scilicet, quod hi vicini Latinis, aliquando iis juncti foedere, nonnumquam etiam iisdem, per mutua conjugia immixti, unus ferme atque idem populus censerentur. Neque tamen hic singula ad Algidum decertata prælia narrabimus, cum id Livius, & ex parte Dionysius quoque abunde præstiterint. Quædam tamen insigniora breviter, iisdem ex probatissimis auctoribus, ad Algidi celebritatem ostendendam, commemorabimus. Atque illud in primis sese offert, quod V. C. CCXCIV. Lucio Minucio 2., & Cajo, sive Lucio, Nautio Consulibus, gestum est. Quamquam enim superiore anno, Æquis petentibus pax fuisset ab Romanis data; foedifragi nihilominus illi; rupto foedere, quod priore anno*

ictum

2. Liv. l. 3.

ictum fuerat, imperium ad Gracchum Cluiliū deferunt, Gentis universæ longe principem. Hoc duce, in Lanuvium sive Lavicanum, inde in Tusculanum agros hostili populatione veniunt. mox præda pleni in Algido castra locant. Ibique tanta fiducia confidunt, ut non modo Romanos hostes non vererentur, verum etiam contemnerent. Cum enim ad ea castra in Algidum legati ab Roma venissent Q. Fabius, P. Volumnius & A. Posthumius, questum injurias, & ex eo foedere res repetitum: eos Æquorum Imperator Gracchus, quæ mandata ab Senatu ad eum deferebant, insolentia quadam, & prosperarum rerum fortuna elatus, ac veluti ebrius, ad quercum jubet edicere, vel ad fagum, prout alii aliter meminere. Fregit tamen L. Quintii Cincinnati Dictatoris ab aratro virtus breviter hostilem audaciam. Cum enim Minucius Consul improvide in hostium insidias incidisset, & Algidi faucibus & Algido oppido ab Æquis occupato hinc, inde vero hostili exercitu clauderetur; Quintii demum auxilio & copiis liberatus est; victus hostilis exercitus, dux Gracchus Romanis traditus; ceteri sub jugum missi. Quæ cursim ita commemoramus, quod eadem nuper in Tusculanis fusius narraverimus. Ad Tusculanos namque hoc bellum, & ad Algidenses pertinet. Siquidem Tusculanorum causa & auxilio id maxime gestum est. in Algido autem, & ad Algidum idem fuit decertatum. Ceterum de illo sic eleganter & presse Florus 3. : *Pervi-*

3. Lib. I. c. 113.

ca-

cacissimi tamen Latinorum Æqui & Volsci fuere, & quotidiani, ut sic dixerim, hostes. Sed hos præcipue L. Quintius domuit, ille Dictator ab aratro. qui obsessa ac pene jam capta L. Minucii Consulis castra, egregia virtute servavit. Medium erat forte tempus sementis, quum patricium virum innixum aratro suo Licor in ipso opereprehendit. Inde in aciem profectus, ne quid ab rustici operis imitatione cessaret, victos more pecudum sub jugum misit. Sic expeditione finita, rediit ad boves rursus triumphalis agricola. Fides numinum! qua velocitate! Intra sextum decimum diem ceptum peractumque prorsus est bellum; ut festinasse Dictator ad relictum opus videretur. Neque tamen eo prælio Algidum oppidum ab Romanis captum fuit, neque exercitus Æquorum in Algidi regione sedens a Quintio Dictatore deletus. Siquidem Minucio Consuli, qui Magistratu sese abdicaverat, extremo anno Fabius successor datus in Algidum missus est; & Minucius ipse Legati munere ad ipsum Romanum exercitum in Algido contra Æquos perseverantem permanere iussus.

4. Liv. lib. 3.

Anno autem insequenti 4., Consulibus Q. Minucio, & M. Horatio Pulvillo, Æqui ex Algido in proximum oppidum Corbionem nocturno impetu facto, Romanorum cecidere præsidium, oppidique potiti sunt. quod ubi Romam ad Senatum perlatum esset; jubentur Consules subitarium scribere exercitum, & confestim in Algidum ducere. Minucio, itaque, in Sabinos, qui & ipsi defecerant, abeunte; Horatius adversus Æquos in Algidum.

ve-

venit. cumque jam Æqui, Corbionis interfecto præsidio, Hortanam etiam cepissent; in Algido pugnat. multos mortales, ait Livius, occidit; fugat hostem non ex Algido modo. sed a Corbione Hortanaque. Corbionem etiam diruit, propter proditum præsidium. Neque sic tamen fracti Æqui, vertente anno, T. Romulio & C. Veturio Consulibus, socios Populi Romani populationibus invadere. Contra illos ambo Consules cum exercitu missi hostem in sua fede in Algido inveniunt. Ibi pugnatum. supra septem millia hostium cæsa: alii fugati: præda parta ingens. Præter annua vero bella, & frequentissima prælia in Algido, & ad Algidum decertata; insignis etiam seditio Romani exercitus, ibidem fere in stativis manentis, fuit; Decemviris Rempublicam violenter nimis administrantibus. Cum enim de horum numero M. Cornelius cum L. Minucio & T. Antonio, & Cæfone Duellio & M. Sergio, in Algidum venissent; ingenti clade ibidem ab Æquis fusi, cæsi que, partim, & reliqui fugati sunt. Dumque, instaurato exercitu, Romanus in Algido federet, Æquorum motus observaturus; accidit Romæ, ut Appius Decemvirorum præcipuus Virginiae puellæ, Virginii ordinum in Algido ductoris filiae, amore exardesceret. cui quo impune faceret fatis, lenonem, qui servam illam suam, & ex serva natam esse domi suæ, calumniaretur, subornavit. cumque ille ad Appium virginem tanquam suum mancipium dono duceret; ab

con-

confanguineis Virginius in Algido residens certior factus de imminente filiæ amittendi simul pudoris & libertatis periculo ; statim , vix missione petita , Romam advolavit ; cumque evadendi aditus ceteros puellæ præclusos cerneret ; in partem , per simulationem , abductam , lanii gladio , infelix pater ipse confodit : pudicam mallens & liberam ad inferos mittere , quam violatam ac mancipatam videre superstitem . Quo , nescias an fortiter magis , an crudeliter , facto , stillante adhuc gladio , quacumque incederet , submota turba , ad portam perrexit : mox in Algidum continuo ad suos in castra. Hæc tunc in Monte Vecilio prope Algidum metata fuisse, Livius memoravit. Unde, nomen id unius ex propinquis Algido montibus fuisse, cognoscimus 5. . *Hic Virginius majorem , quam in Urbe reliquerat , motum excivit . Nam præterquamquod , agmine prope quadringentorum hominum veniens , qui ab Urbe , indignitate rei accensi , comites ei se dederant , conspectus est : strictum etiam telum , respersusque ipse cruore , tota in se castra convertit . Et togæ multifariam in castris visæ (Livii verba) majoris aliquanto quam erat , speciem Urbane multitudinis fecerant . Quærentibus quid rei esset , flens diu vocem non misit . tandem ut jam ex trepidatione concurrentium turba constitit , ac silentium fuit : ordine cuncta , ut gesta erant , exposuit . Supinas deinde tendens manus , commilitones appellans orabat , ne , quod scelus Appii Claudii esset , sibi attribuerent : neu se , ut parricidam liberum , averfarentur . Sibi vitam filiæ suæ*
cha-

5. Liv. l. 3.

chariorem fuisse , si libere ac pudice vivere licitum fuisset. Cum velut servam ad stuprum rapi videret ; morte amitti melius ratum , quam contumelia liberos , misericordia se in speciem crudelitatis lapsam . Nec se superstitem filiae futurum fuisse , nisi spem ulciscendæ mortis ejus in auxilio commilitonum habuisset . illis quoque enim filias , sorores , conjugesque esse . nec cum filia sua libidinem Appii Claudii extinctam esse : sed quo impunitior sit , eo effrœnatiorem fore . aliena calamitate documentum datum illis cavendæ similis injuriæ . quod ad se attineat , uxorem sibi fato ereptam ; filiam , quia non ultra pudica victura fuerit , miseram , sed honestam mortem occubuisse . non esse jam Appii libidini locum in domo sua . ab alia violentia ejus eodem se animo suum corpus vindicaturum , quo vindicaverit filiae . Ceteri sibi ac liberis suis consulerent . Hæc Virginio vociferanti succlamabat multitudo ; nec illius dolori , nec suæ libertati se defuturos . Et immisti turbæ militum togati cum eadem illa querendo , docendoque , quanto visa quam audita indigniora potuerint videri : simul profligatam jam rem nuntiando Romæ esse , insecutosque , qui Appium prope interemptum in exilium abiisse dicerent : perpulerunt , ut ad arma conclamaretur : vellentque signa , & Romam proficiscerentur . **Hactenus Livius.** Exitus autem seditionis hujus in Algidio factæ abolitio Decemvirorum Magistratus fuit . Ceterum Dionysius , in Romano exercitu ad Algidum tunc sedente , quinque Legiones numeratas fuisse , memoriæ prodit . Unde regionis Algidenfis ad exercituum sedem opportunitas magis elucet ,

in qua non solum Æqui cum exercitu, verum etiam contra illos Romani cum tantis copiis, stabiliter veluti, manerent.

Quamquam autem cum Æquis potissimum in Algido fuerit decertatum; non semel nihilominus etiam cum Volscis, cum Hernicis, ipsisque Latinis a Romanis præliatum ibidem est. cum maxime hi populi sæpe conjunctis viribus ad Romanos invadendos ferrentur. De Volscis atque Æquis in Algido victis fugatisque, alios præter, Posthumus Tubertus potissimum triumphasse Ovidio sic memoratur. 6.

6. Fast. l. 6.

*At pater Heliadum radios ubi tinxerit undis,
Et cinget geminos stella serena polos;
Tollet humo validos proles Hyriea lacertos;
Continua Delphin nocte videndus erit.
Scilicet hic olim Volscos Æquosque fugatos
Viderat in Campis, ALGIDA TERRA, tuis.
Unde suburbano clarus, Tuberte, triumpho
Vectus es in niveis, Posthume, victor equis.*

Quod Urbis Conditæ trecentesimo vigesimo tertio factum, ex Livio docemur.

C A P U T III.

De Agro Algidenſi, & Via Latina in eo.



DE Veteris Algidi, Regionis ſcilicet, Montis, atque Oppidi, utcumque veſtigata, & ſtabilita; ad ejus nunc Agrum luſtrandum pergimus.

Ac primum omnium nobis ſeſe offert

Aqua *Algidenſis*, ſive *Algidoſa*, aut *Argentiana*, prout alii eam aliter nominavere. Hæc ad radices Algidi Montis ſcatet, atque artiſcioſa collectione lacum ſeu potius ſtagnum efficit, juxta Viam Latinam, ſiniſtro latere, ad fauces, ſive clauſtra Montis Algidi, loco, ubi olim Algidum oppidum, nunc *la Cava dell' Aglio* &c. diciturque Holſtenio *il lago della Cava*. quamquam palus potius, aut lacuna in molarum uſum, melius ſit appellanda. Hanc non ignoraffe Priſci Romani dignoſcuntur. Siquidem Publius Victor, inter aquas in Urbem perductas, tertiodecimo loco & *Argentianam* enumeravit. Quam procul dubio Algidenſem, ab Algidi nempe regione derivatam fuiſſe exiſtimamus. Hanc ipſam Fabrettus, quamquam diſperſam, apparere tamen dixit, Tuſculanis ſub montibus, rectiſſimo ab Algido perductam tramite; & poſt ſubterraneum rivum rurfus emergere, nono ab Urbe milliario; & denuo per aliam vallem, ſub Turri, cui nomen *di Mezza Via di Fraſcati*, plures arcus transmittere,

Romamque indubie petere ; licet intra Urbem ,
 nullum ejus extet vestigium . Prius tamen ad Tu-
 sculanas villas fuit derivata . & ad Pamphiliam ma-
 xime Petrus Aldobrandinus Cardinalis , Clemen-
 tis Octavi Pontificis Maximi fratris filius perducere
 hanc aquam magnis sumptibus curavit . quod &
 grandioribus literis testatum posteris voluit , in fa-
 scia ejusdem villæ nobilissimorum fontium insertis .
 in quibus , inter cetera , Aqua *ab Algido deducta* ,
 perforato Tusculano Monte , memoratur . Eadem
 cum aliis Tusculanæ Novæ urbi inservit ; & alia-
 rum Tusculanarum villarum lusibus ac deliciis .
 Præter aquarum copiam e fontibus scatentium ,
 abundavit quoque Algidensis Ager nivibus ; qui-
 bus etiam nunc illum diximus abundare . Præterea
 silvis , in quibus annosæ quercus , & ilices , quæ
 multa glande pecus , dominos autem umbra juva-
 bant . De illis non semel Horatius elegantissime .

1. Od. 21. l. 1. Nam & carmine ad Apollinem & Dianam : 1.

*Vos lætam fluviis & nemorum coma ,
 Quæcumque aut gelido prominet Algido ,
 Nigris aut Erymanthi
 Silvis , aut viridis Cragi*

2. Od. 23. l. 3. Et ad Phidilem rusticam 2.

*Nam quæ nivali pascitur Algido ,
 Devota , quercus inter & ilices ,
 Aut crescit Albanis in herbis ,
 Victima , Pontificum secures
 Cervice tinget .*

Et

Et in Neronum laudibus : 3.

3. Od. 4. l. 4.

*Duris ut ilex tonsa bipennibus
Nigræ feraci frondis in Algido
Per damna, per cædes, ab ipso
Ducit opes animumque ferro.*

Ex quibus Algidentium silvarum densitatem, vetustatem, magnitudinem, & celebritatem satis colligimus. Densitatem vero maxime innuere visus est etiam Statius, dum *horrentem* Algidentem regionem appellavit; aptissimamque, ad Romanos, in ea rusticantes, ab æstivi solis ardentibus radiis protegendos. enumerans namque suburbana loca, ad quæ Romani tunc temporis per æstatem divertebant, ait ad Marcellum : 4.

4. Silv. l. 4.
carm. 4.

*Jam terras, volucremque polum fuga veris aquosi
Laxat, & Icariis cælum latratibus urit.
Ardua jam densæ rarescunt mœnia Romæ.
Hos Præneste sacrum, Nemus hos glaciale Dianæ,
Algidus aut horrens, aut Tuscula protegit umbra;
Tiburis hi lucos Anienaque frigora captant.*

Quamvis autem Statio Algidentis Ager dicatur *horrens*, scilicet præ umbrarum e silvis densitate, præque frigore; Silio tamen Italico regio eadem amœna dicitur; quæque bis Annibalem ad stativa aliquantisper ibi figenda potuerit allicere. Nam de illo sic cecinit. 5.

5. Lib. 22.

*Jamque adeo est campos ingressus, & arva Labici,
Linquens Telegoni pulsatos ariete muros,
Haud dignam inier tanta moram: nec AMÆNA retentant
AL-*

ALGIDA ; *nec juxta Junonis tecta Gabinæ.*

Quamquam enim his versibus Silius contrarium potius videatur innuere, scilicet Annibalem iter per Algidum rursum facere refugisse ; non hæc tamen est poetæ sententia . verum ista , Annibalem nempe præcipiti cursu Romam properantem , neque in expugnanda Tusculana urbe , quæ illi portas clauferat , neque in curandis militum corporibus in amœno agro Algidenſi morari voluisse ; quemadmodum amœnitate regionis allectus alio itinere præstiterat . Id enim sibi volunt ea verba , *nec amœna retentant Algida ;* scilicet *non iterum tentant , alliciunt , ad subsistendum ibi , ut prius fecerat .* Quæ sententia , subsecutis Silii versibus multo magis etiam liquet . Siquidem pergit Poeta :

*Præceps ad ripas immani turbine fertur ,
Sulfureis gelidus qua serpit leniter undis*

Ad genitorem Anio labens sine murmure Tibrim .

6. lib. 26.

Ceterum Livius manifeste , Annibalem in Algidum cum exercitu venisse , dixit 6. : *Annibal , infestius perpopulato agro Fregellano , propter intercisos pontes , per Frusinatem , Ferentinatēque , & Anagninum agrum , in Labicanum venit . Inde ALGIDO Tusculum petiit . nec receptus mœnibus , infra Tusculum , dextrorsum , Gabios descendit . inde in Pupiniam exercitu demisso , octo millia passuum a Roma posuit castra . In Algidō itaque fuit cum exercitu Annibal , & ex Silii verbis illum bis in ea regione fuisse videtur erui ; semelque loci amœnitate ductum , aliquandiu substiti-*

tisse . scilicet , (inquit , pervetusta Tusculanorum Albanorumque , qui circa Algidum incolunt fama) , scilicet , ut ex edito loco militibus Romam ostenderet , eosque tantæ Urbis aspectu , ad alacrius eam invadendam , atque expugnandam inflammaret . Huic utique famæ pervulgatæ ac pervetustæ non obstrepuerim . verum Kircherio eamdem ulterius famam secuto subscribere nullatenus possum , ut locus stativorum Annibalis in Monte Albano fuisse , ubi nunc vulgo *I Campi d' Annibale* , cum ipso pronunciem . Jam enim satis superque Albanum Montem alium omnino ac diversum ab Algido monte fuisse , significavimus . Rursum autem eum locum Albani Montis non fuisse Annibalis stativa sic urgentius suadetur . deviaffet enim Annibal non modico diverticulo , si ad Anienis in Tiberim confluentes castra positurus adproperans , ex Algidenfi , ac Tusculano agro in Albanum usque montem adscendisset . Ad quid enim ? At , inquiunt , operæ pretium , ut nempe exercitui Romam ostenderet , quo ex ejus aspectu militarem in eis virtutem acrius accenderet . Atqui , hoc idem , absque diverticulo , in summo Algidi montis jugo præstare potuit ; ex quo non minus , atque ex Albani montis illa planicie , perspicua est Roma . Quod etiam præstitisse , ajo non levitèr , ex eo loco , ubi nunc Sancti Silvestri sacra Ædes vulgo *S. Silvestro sopra Frascati* , in qua Algidenfis agri , quamvis in summo jugo , planicie , constituendos Annibalis

Cam-

Campos , dijudico ; non autem in Monte Albano , in quo Latinas Ferias eo loco , qui *Annibalis Campus* dicitur , celebratas , non multum abnuerim . cum & ille amœnissimus , & spatiosissimus locus sit tria circiter milliaria gyro complexus ; cavamque , quamdam vallem in ipso monte exhibens , unde recens Albani Montis nomen , ajunt , deductum *Monte Cavo* . Cumque veritati omnia consentire necesse sit ; ex Algidenſi , non vero ex Albano monte descensus in agros Labicanos est , adeoque fuit . quem ab Annibale captum , ex Livio discimus . Interroganti autem , in quo potissimum Algidenſis agri amœnitas steterit , quæ Annibalem ad subsistendum potuerit allicere , facile reponemus , in pascuorum potissimum copia pro equitatu , eam fuisse sitam ; in planicie vastitate , edito loco , utpote in jugo Algidi montis constituta , unde liberrimus & pulcherrimus Urbis , regionisque omnis circa prospectus . Nam , quod pascua fuerint in Algido , nuper ex Horatio monebamur iis versibus .

Nam quæ nivali pascitur Algido

7. Od. 23. l. 5.

7. *Devota , quercus inter & ilices ,*

Aut crescit Albanis in herbis ,

Victima Pontificum secures

Cervice tinget .

In quibus Poeta dilucide distinxit Algidi pascua inter Algidenſes silvas , & pascua Albanarum herbarum . Erant enim hæc vicina quidem , verum ab Via Latina intermedia , atque interfecante , distincta ,

eta, & determinata. Ceterum nunc quoque lætissima utrobique pascua gregibus suis pastores inveniunt. atque hæc loca ipse, repetita perlustrans, pluribus semper balantum gregibus, equarum quoque armentis pascentibus, hinc atque hinc, ad utrumque Latinæ Viæ latus, referta jucunde conspexi. In hisce pratis rapa, & raphanos saporis optimi succrevisse, Plinius meminit. Siquidem de rapis locutus 8. *Palma*, inquit, *in Nursino nascentibus*. *Taxatio in libras sestertii singuli, & in penuria bini*. *Proxima in Algido natis*. Raphanorum vero in hortensibus, naturam scrutatus 9.: *Genera*, inquit, *raphani Græci fecere tria, foliorum differentia, crispique lævis, & tertium silvestre. Atque huic lævia quidem, sed breviora, ac rotunda. Cetera. paullo post. Nostri alia fecere genera, Algidenſe a loco, longum atque translucentum. Alterum rapi figura. cum reliquis, quæ ibidem edisserit.*

8. L. 18. c. 14.

9. Lib. 12. c. 5.

Villis denique Romanorum amœnissimis, quibus, æstivo præcipue tempore, utebantur, Ager Algidenſis celebris fuit. Quarum meminere Statius atque Martialis. Statius quidem recitatis jam versibus.

*Hos Præneste sacrum, Nemus hos glaciale Dianæ,
Algidus aut horrens, aut Tuscula protegit umbra.*
Martialis vero ad Apollinarem Formiani ejus Littoralis delicias describens, sic 10. :

10. Ep. 30.
l. 10.

O temperatæ dulce Formiæ littus!

Vos, cum severi fugit oppidum Martis,

L l

Et

*Et inquietas fessus exiit curas,
 Apollinaris, omnibus locis præfert.
 Non ille sanctæ dulce Tibur uxoris,
 Nec Tusculanos, Algidosve secessus,
 Præneste nec sic, Antiumve miratur.*

Cetera. Algidensium tamen villarum vix aliqua ad nos monumenta pervenere. Ex his unum ad Divi Silvestri in Monte Algido, ubi Lucretiæ Gentis villam Ligorius constituit, quod in urnulam ad Sacerdotum abluendas manus concessit, Græca figura, literis, dictione tamen Latina, sic prostat: 11.

11. Ex Recens.
 son. Lupii.

Δ. Μ.
 Σ Π Ι Ρ Ι Τ Β
 Φ Λ Α Β Ι Α Ι . Λ Α Β Ι Ν Α Ι
 Α . Π . Φ Ι Λ Ι Α Ι Κ Ο Μ Μ Ε -
 Ν Δ Α Τ Ο
 Κ Ι Ν Ε Ρ Ε Σ
 Α Ρ Κ Α Κ Ο Ν Δ Ο
 Α . Β . Κ . Φ . Δ .

12. v. Algidia-
 no Memmiano.

Alterum autem ex Ligorio producimus, ajente 12.: Prope Algidum, in monte, qui oppositus est Tusculano, supra Latinam Viam, villam fuisse Familiæ Memmiæ, quæ *Algidianum Memmianum* dicebatur. quod ex veterum lapidum fragmentis patuit. E quibus pariter, ibidem Vivarium silvestrium ferarum fuisse eruebatur. forte prope locum *Roboraria* dictum. In hujus villæ ruderibus marmorea mensa pulcherrima fuit reperta, in qua profanorum numina quatuordecim eleganter insculpta erant, Jupiter, Juno, Luna, Lucina, Bacchus, Tel-

Tellus , Ceres, Minerva, Venus, Lympha, Bonus-Eventus , Robigo, Sol , & Flora . sic Ligorius . Lucina tamen & Juno in hoc numero deorum , qui *Consentes* dicti sunt , redundare videntur . Sic autem hæc numina repræsentabantur . Juppiter cum fulmine in brachio dextro , innixus hastæ, cum modio supra caput, & pro pedibus aquila. Bacchus incumbens terminali lapidi , supra quem Sileni caput . ipse hedera uvisque coronatus ; botros manu gestans dextera ; sinistra vero cantharum ; cum lynce pro pedibus . Bonus-Eventus , robusti juvenis specie repræsentabatur ; manumque altera spicas & cereale papaver , altera calicem ; in capite canistrum frugum gestabat . Flora floreis fertis coronata , cujus gremium vario herbarum ac florum genere sparsum , ramis etiam florentibus arborum , & frugum spicis : pro pedibus pariter florum canistrum stabat . ipsa induta erat stola , & succinta palla . Lympha subtilibus vix tecta velis aquas fundebat ex urna ; caput ipsa quoque frondibus ac floribus redimita , anseresque ad pedes extabant . Sol radiantibus comis cinctus , hastam dextera , lyram sinistra gerebat . pro pedibus ejus gryphus . Tellus florigero late explicato pallio ornata , interiori vero succincta tunica , hinc aratrum, hinc spicas tenens , turrito capite . ad latus spicarum manipulus . Robigo , sive Robigus , specie juvenis elatum fructuum herbarumque canistrum capite gestans , præ manibus falcem atque ligonem , caprina indutus

pelle ex humero in pectus defluente. Luna spicarum corona circumdata, inter Lunaris signi cornua, manu offam, sive placentam, aut subcinericium panem ex adore gerens. Juno cum cratere atque hasta cingulum manu tenens, seu maritalem zonam, pro pedibus autem pavonem. Cereris ad latus erat porcus; alteraque manu faces lucentes & spicas, altera stivam tenebat. Venus denique ceston incincta variis distinctum floribus, quos cœlestia insculpta signa interfecabant; pro pedibus autem animal lorum nomine servans; columellæ innixa, utraque manu marinam concham præseferens, subtilissimis velis deorsum tantum intecta. De Lucinæ autem habitu, ac Minervæ figura nihil meminit Pyrrhus. Hæc rotundæ marmoreæ mensæ in Algidiano Memmiano repertæ species, eleganti admodum coelatura. Hanc, aut hujus quammaxime similem, asservari, in villa nunc quoque ad Gandulphi Castrum sub Albano monte, accepimus. Consentiuntque Scriptores omnes, deos hosce illos esse, quos *Consentes* Latini veteres appellabant; ex eo, quod omnes *consentire* debuissent ad perfectam frugum fertilitatem. Quæ, si aliquis ex illis in id suam operam non collocasset, nunquam plena & agricolarum votis respondens obveniret. De diis Consentibus ita Varro 13. : *Quoniam, ut ajunt, dei facientes adjuvant; prius invocabo eos, nec ut Homerus & Ennius, Musas, sed duodecim Deos Consentes. neque tamen eos Urbanos, quorum imagines ad forum*

13. R.R. l. 1.
6. 1.

au

auratæ stant, sex mares, & fœminæ totidem; sed illos duodecim deos, qui maxime agricolarum duces sunt. Primum, qui omnes fructus agriculturæ cælo & terra continent, Jovem & Tellurem. Itaque quod ii parentes magni dicuntur. Juppiter pater appellatur. Tellus terra mater. Secundo Solem & Lunam, quorum tempora observantur, cum quædam seruntur & conduntur. Tertio Cererem & Liberum, quod horum fructus maxime necessarii ad vitum. Ab his enim cibus & potus venit e fundo. Quarto Robigum & Floram, quibus propitiis, neque rubigo frumenta atque arbores corrumpit; neque non tempestive florent. Itaque publicæ Robigo feriæ Robigalia, Floræ ludi Floralia instituti. Item adveneror Minervam & Venerem, quarum unius procuratio oliveti, alterius hortorum, quo nomine rustica Vinalia instituta. Nec non etiam precor Lympham & Bonum-Eventum, quoniam sine aqua omnis arida ac misera agricultura; sine successu, ac bono eventu frustratio est, non cultura. Hactenus de rusticis diis Consentibus Varro; quæ, ad Algidensem nostram Mensam, eisdem repræsentantem, illustrandam, satis superque fuerint.

Ceterum in Algidenfi Agro fuit Via Latina, quæ recta ab Urbe ad Algidum Oppidum tendebat, Strabone teste; cujus verba toties jam recitavimus. Hanc ab Latina Porta initium duxisse nonnulli putant, quæ hodieque Romæ vetustissimum nomen servat. Plures tamen Latinam Portam, quæ nunc est, ante Aureliani ampliatis muros apertam minime fuisse, existimant, Viamque Latinam Veterem

rem a Capena Porta, simul cum Appia Via initium sumfisse, de Strabone erui asserunt, ac Festo. quod idem nos quoque horum initio Librorum de Tusculanis & Algidentibus monuimus, in serie Antiquorum Nominum cum recentibus collatorum. Cur autem Latina dicta fuerit tum Via tum Porta, non simplex opinio auctorum est. Alii enim sic dictam existimarunt, quod in Latinorum oppida, & Latii, ita dixerim, meditullium emitteret: verum ab aliis hæc opinio improbatur, idcirco, quod & Nævia, & Capena & Cœlimontana, & Interaggeres, & Exquilina & Tiburtina Portæ in Latium emittebant, atque ex illis incoeptæ Viæ in Latinorum oppida viatores ducebant. Quare hi melius, Latinas Portam & Viam appellatas putant exinde, quod in Albanum Montem ad Templum Latialis Jovis ad Latinas Ferias celebrandas recta tendebant. Cum hæc Feriæ, propter antiquitatem, celebritatem, & religionem populorum, a quibus & institutæ, & frequentatæ erant, *Latinae* sæpius absque addito, per excellentiam nominarentur. Quam vocabuli originem id quoque confirmat, quod Alexander Donatus noster in egregio veteris ac recentis Romæ Commentario memoravit, 14. scilicet, Portam Latinam eandem & *Ferentinam* fuisse appellatam, quod Ferentinum duceret Latina Via. Scimus autem Ferentinum oppidum, præter id quod adhuc extat prope Anagniam in Hernicis, fuisse aliud ad radices Albani Montis, quod & *Fe-*

ren-

rentinum, & *Ferentina*, & *Caput Aquæ Ferentinæ* dicebatur; ibique Latinorum Priscorum Concilia coacta, Latinarum Feriarum coetibus prælusura. Fuere Via Latina (ut ejus monumenta cursim hic attingamus) Fortunæ Muliebris templum, a Romanis tunc ædificatum, quando Veturiæ matris, ac Volumniæ uxoris, precibus Marcius Coriolanus placatus, infestum Volscorum exercitum, quem adversus patriam Romam eo usque adduxerat, in suos, pacifice domum reduxit; cum tamen nullis neque amicorum, neque Senatus ipsius, qui obviam armato processerat, ut eum deliniret, suasionibus, aut obsecrationibus, a proposito invadendæ Urbis vel minimum dimoveri se, passus fuisset. Tum Phyllidis Domitiani Cæsaris nutricis Villa, ad quam hæc alumni cineres tumulasse fertur, ajente Svetonio 15. : *Cadaver ejus populari sandapila per Vespillones exportatum Phyllix nutrix in suburbano suo, Latina Via, funeravit: sed reliquias templo Flaviæ Gentis clam intulit, cineribusque Juliæ filiæ Titi, quam & ipsa educaverat, commiscuit. Multorum præterea nobilissimorum sepulcra, de quibus Juvenalis. 16.*

15. In Domitian.

16. Sat. 1. v. ult.

Quorum Flaminia tegitur cinis atque Latina
Atque alibi Parasitos carpens. 17.

17. Sat. 5.

Clivosæ veheris dum per monumenta Latinæ.
Quo ex versu Latinam Viam antiquitus per clivos ductam, scilicet tumulos aut colliculos, colligimus. Quibus totus ferme Romanus Ager quaqua-
versum abundat. Hæc Monumenta Latinæ Viæ
Pru-

Prudentius etiam Christianus poeta , adversus Symmachum nominavit .

*Ipsa Patrum monumenta probant . Dis Manibus, illic
Marmora secta lego , quæcumque Latina vetustas
Custodit cineres .*

Ex his frugi admodum sepulcrale carmen , quod Via Latina lapidi inscriptum , & monumento olim appositum Aufonius recensuit : 18.

18. Ep. 33. in
epitaph.

*Non nomen , non quo genitus , non unde , quid egi ,
Mutus in æternum sum cinis , ossa , nihil .*

*Non sum , nec fueram ; genitus tamen e nihilo sum .
Mitte , nec exprobres singula . talis eris .*

Tum hi quoque inscripti lapides sepulcrorum Via Latina extantium meminere . 19.

19. Ap. Paul.
Arringh. Tom.
1. Rome Sub-
terran. pag. 1.
2. 9 3.

I.

SEMPRONIVS . TVCIDANVS

TESTAMENT

IVRE . MV. QVOD . IPSE . FACIO . L. L

ABSENS . OB . POENVM . ITALIA

PVLSVM . FVNDI . BALEARES

SENATVI . P. Q. R

D. D. AVRELIVS

TVCIDANVS

TACITAM . PECVNIAM . SI . VIA . LATINA

OSSIBVS . MEIS . RE . MONVMENTVM

SVO . SVMPTV . AEDIFICARIT

HABETO .

II.

EGO . GALLVS . FAVONIVS . IOCVNDVS

PVBLII . FAVONII . FILIVS

QVI . BELLO . CONTRA . VIRIATHVM
 OCCVBVI . IOCVDNDVM . ET . PRVDENTEM
 FILIOS . E . ME . ET . QVINTA . FABIA
 CONIVGE . MEA . ORTOS . HAEREDES
 RELINQVO . ET . BONORVM
 IOCVDNI . PATRIS . MEI . ET . EORVM
 QVAE IPSE . MIHI . ACQVISIVI
 HAC . TAMEN . CONDITIONE . VT
 AB . VRBE . ROMA . HVC . VENIANT
 ET . OSSA . HINC . MEA . INTER
 QVINQVENNIVM . EXPORTENT
 ET . VIA . LATINA . CONDANT
 IN . SEPVLCHRO . MARMOREO . IVSSV
 MEO . CONDITO

At, quem recitabimus, lapis, Curatorem Latinæ
 Viæ nominat, in hæc verba,

L. ANNIO . FABIANO . III
 VIRO . CAPITALI . TRIB. LEG. II
 AVG. QVAEST. VRBAN. TR. PLEBIS
 PRAËTORI . CVRATORI
 VIAE . LATINAE . LEG. LEG. X.
 FRETENSIS . LEG. AVG. PROPR.
 PROVINC. DAC. COL. VLP.
 TRAIANA . ZARMAT

Notantur præterea Via Latina in antiquis Antoni-
 ni Tabulis Itinerariis hæc Loca, ad quæ divertere
 viatores, ac equos mutare solebant. *Latina ab Urbe :*
Ad Decimum x. Roboraria III. Ad Pictas xvii. ———
Compitum xv. Intrat in Lavicanam . In aliis autem
vetustis Tabulis hæc tantum, deletis reliquis : Ro-
ma, Via Latina x. ——— Ad
Birium v. Compito Anagnino x. Ex quibus omnibus
 M m hanc

hanc in Latina Via Locorum feriem extitisse colligimus : nempe *Templum cum simulacro Fortunæ muliebris*, quod Romanis matronis locutum, jactabant, quarto ab urbe lapide Via Latina fuit . Quartum vero inter & quintum . Fossæ *Cloeliæ* seu *Cluiliæ*, seu *Cliviæ*, ad quas & Metius Suffetius, & ante illum Cluilius Albanorum olim Dictatores castra metati fuerant ; mox Coriolanus, cum infesto agmine patriam peteret . Exinde *Templum Herculis* a Domitiano constructum, juxta quod ipsum tumultatum crediderim, milliario octavo . Postea Decimi lapidis locus, dictus *Ad Decimum*, quem alii, ubi nunc dirutum oppidum *il Borghetto*, alii vero, ubi Cinciorum prædia, vulgo *Morena*, aut *Casale de' Cenci* collocaverunt. Mox *Tusculani Collis* ascensus ac spatium milliario duodecimo cum dimidio inter Tusculum urbem, ad quam sinistro latere, divertigio ascendebatur, & Albanum montem, latere dextro . Tusculum autem duodecimo plus minus ab Urbe milliario distasse; alias diximus . Quingentos vero passus ultra divertigium Tusculi, Via Latina, fuit locus *Roboraria* nomine, quod Septum erat ex robore, sive quercu, aliisque arboribus, ad feras claudendas . Hunc locum, juxta dirutum oppidum, e ruinis olim Veteris Tusculi excitatum, quod nomen adhuc retinet, *La Molara* in Viæ Latinæ latere dextro fuisse, plures existimarunt . Duobus denique ultra Roborariam mille passibus, *Algidum* Oppidum fuit . quod distasse milliaria ab Urbe circiter quin-

quindecim, inde colligitur. Porro ultra Algidum Strabo, Via Latina Urbes etiam *Ferentinum & Frusimonem* in Novo Latio constituit. quæ præscriptos nobis ultra Veteris Latii terminos quod sint, ab sui nos consideratione absolvunt. Inscriptos quidem lapides nonnullos Via Latina olim prostantes, ex Raphaelis Fabretti collectione productos hic attememus, plurimorum deperditorum, quondam in hac Via Monumentorum extantium, testes.

Itaque Raphael Fabrettus Gasparis F. Urbinas Inscriptionum capite primo, pagina tertia numero tertiodecimo Romanæ editionis ex officina Dominici Antonii Herculis, Via Latina, vinea Ciorria Lapidem repertum attulit sic inscriptum.

I.

D. M

CLAVDIAE

THALLVSAE AVG

LIB. ET. THALLIAE

F. EIVS. HYACIN

sic

THVS VILICVS MA

PHITHEATRI. CON

IVGI SVAE. ET. FILIAE

EIVS. ET. SIBI. ET SV

IS

Idem ibidem pag. 17. num. 74. vinea Ciampina, Via Latina ad XI. lapid.

II.

OSSA FAB

SVB FVND

TRIBVNALIS

TERRATECTA

Item ibid. pag. 46. num. 259. vinea Scafetta, Via Latina in lapide Tiburtino.

III.

C. VELIVS A. F. SCAPTIA

SIBI ET CONCVBINAESVAE

ET VELIAE SP. F. TERTIAE

FILIAE. MEAE. ET

C. VELIO. C. L. PHILOMVSO

ET C. VELIO C. L. CHILONI

C. C. L. ANTIOCHO

C. C. L. FELICI. C. C. L. EROS

HOC MONVMENTVM

HEREDE. N. SEQVITVR

IN. FR. P. X. I. A. P. XII

Et pag. 82. cap. 2. num. 131. vinea Copetta ad Viam Latinam.

IV.

D. M

ARRIA. GERMANA

FECIT. SIBI ET. SVIS

LIBERTIS LIBERTAB
VS . POSTERISQVE
EORVM
Q. FABIVS EVTYCHES FECIT
SIBI. ET. SVIS LIBERTIS LIBER
TABVSQVE POSTERISQVE
EORVM

Item cap. 3. pag. 177. n. 362. vinea Nobb. de Puteo ad Portam Latinam.

V.

.....
II. L. ARG
LAT. P. XX.
LON. P. XX.

Et pag. eadem num. 361. ibid. repert.

VI.

AOTACILI
|| LARC
LAT PED
XX. LVN
PED. XX

Pag. 159. num. 276. vinea Nobb. de Eustachiis.

VII.

Q. COSSVTIVS . Q. L
SPERATVS . LICTOR
EX . III. DECVRIS . QVI
MAGISTRATIBVS. APPARENT
ET . COSSVTIAE. PRIMAE LI-
BERTAE

Q. COSSVTIVS . Q. D. L
CORINTHVS . ET . LICINIAE
CINNAMINI. EX . PAR F. CO-
RINTH

COSSVTIORVM DVORVM. POSTER-
IS . EORVM. LIB. LIBERTABVS
M. DECIVS . SALIANDER . SIBI . ET
SVIS . LIBER. LIBERTAB

Pag. 185. num. 411. vinea de Candidis ad Portam Latinam.

VIII.

D M

M. VIBIVS . TROPHI
VIRIAE NICH. F. C
QVAE MORTVA . AN
M. II. D. VIII. HOR. VI

Pag. 196. n. 464. vinea Ottina ad Portam Latinam.

IX.

D

FLAVIAE CHLOE | LAETI AVG
T. FLAVIVS. EVHODVS | FLAVIA CHRISIS
ET FLAVIA PRIM
FILIAE KARISSIM | FILIO . KARISSI-
V. A. X. HI | V. A. VII

Pag. 213. num. 540. ibid. repert.

X.

DIONYSIAE
TI. CAESARIS . AVG
ORNATRICI . MTERN
POSVIT
TERTIVS . LIBRARIVS
ET ANIA
CONSERVI

Item pag. 241. n. 646. ex lapide Albano Via Latina ad tertium.

XI.

L. AEMILI. L. F
IN FRON. PED
XII. IN AGR
PED. XX

Pag. 38. vinea Nobb. De Sancta Crucis, Via Latina cap. 40.

XII.

D M

SYNTROPHO
ATTIANI . SER
ACVARIO VETTIA
..... RESTITVTA
CONIVGI . B. M. FECIT

*Pag. 313. num. 372. Via Latina
ad primum lapidem.*

XIII.
D M
AFRODISIA
EPAFRODITO
COIVCI B. M

*Cap. 50. pag. 374. num. 170. Via
Latina ad secundum lapidem.*

XIV.
D. M
D. AREL. LI. O
COMMO. DO
MARI. TO . OP. TI. MO
LI. CI. NI. A
TRY. PHAE. NA

*Item pag. 374. num. 71. Via Lati-
na, ibidem.*

XV.
D. M
L. SEP. TI. MI. O
THE. O. DO. RO
A. V. G. G. LI. B
L. FRE. NIVS
THEODORVS
PATER . FILIO . SVO
DVLCISSIMO
FECIT

Pag. 412. num. 354. Via Latina.

XVI.
D. N. IMP
MARCO . AVRE
LIO . VALERIO
MAXENTIO
AVG
MILIARIVS

*Fragmentum repertum prope Tu-
sculanum Ciceronis nunc vulgo Grot-
ta Ferrata prope sacellum Divi Au-
dreæ . designatque Lapidem Millia-
rium Viæ Latinæ duodecimum .*

Pag. 414. num. 367. Via Latina

XVI.
D N
IMP. CAES
CLAVDIVS
P.....

.....
..XXIII.

*Lapis milliarius Claudii Gothici in
Via Latina supplendus per primum x.
ut sit trigesimusquartus .*

*Cap. 70. pag. 501. num. 64. sigil-
lum testaceum Via Latina ad tertium
lapidem .*

XVII.
Q. BASILI. MINNAE

*Ibid. num. 65. Via Latina ad ter-
tium lapidem sigillum testaceum .*

XVIII.
C. BEBI PRIMI

*Pag. 513. num. 181. sigillum testa-
ceum ad Bivium Latinæ & Asinariæ.*

XIX.
OPDOCLQQUETC MART
EX PR DOM LVC
in medio nux pinea .

*Pag. 516. num. 227. ad Bivium La-
tinæ & Asinariæ .*

XX.
T FLAVI
EVCHRI

*Pag. 520. num. 331. vinea P.P.
Convent. Via Latina .*

XXI.
SVLPICIA
AVLI SILVA
forte AVLI FILIA

Cap.8. pag. 561. num. 80. *Via Latina intra Urbem.*

XXII.

D M

T. FLAVIO XISTO

V. A. XXCV

FLAVIA

ARTEMISIA

PATRONO . SVO

B. M. F. ET

SIBI. LIB

LIBERTABVS

QVE . POSTERIS

QVE . EORVM

Pag. 617. num. 142. *Infundo Stagnis Via Latina.*

XXIII.

D . M

P. COMICIO

PHYLOPHYRSO

COMICIA. ATHENAIS

CONIVGI. ET

P. COMICIVS

PATRI. B. M. F

Pag. 717. num. 389. cap. 10. *vineam Ciampina circa decimum lapidem, Via Latina.*

XXIV.

CL IRENICO

FILIO DVLCIS

SIMO CL EVTY

^{fic}

CHES AVS ETCLPO

THVMENVS PA

TER ET DECIARV
FINA MATER
FECERVNT

Quamquam autem, quem mox subdemus, lapis extra Viæ Latinæ limitem prostantem recensuerit Fabrettus, utpote sub Monte Fortino; non multum tamen alienum ab hac Viâ, & ab Algidensium finibus, quos illustramus, eundem quod putaverimus, huc adduximus.

Fabrett. pag. 257. num. 80.

D M

T. CRYSTIDIVS

PRISCVS COIV

GI. SVAE. QVINT

INIAE . CALLIS

TENI . BENEME

RENTI . FECIT . Q

^{fic}

VE . CONVIXIT . M

ECV. ANNIS. P. M

XX. SINE VILLA . Q

VERELLA

Et alium in Via Tusculana non longe a Latina repertum bis notis.

Idem pag. 346. c. 5. num. 3.

D . M

CATILIAE. T. F. PIAE

CONIVGI CARISSIM

T. FLAVIVS . AVG. LIB

VESTALIS

ADIVTOR AB ACTIS

CAPUT IV.

De Dianæ Algidinæ Templo.

A præter, quæ in Agro Algidenſi ex-
titiffe olim, hætenus commemoravi-
mus, Templum fuit celebre Dianæ
dedicatum cum Luco eidem numini
ſacro. Porro id in ſummo Algidi mon-
tis jugo ædificatum, innuere videtur Horatius his
verſibus : 1.

I. Od. 21. 6. 1.

*Dianam, teneræ dicite virgines,
Intonſum, pueri, dicite Cynthium,
Latonamque ſupremo
Dilectam penitus Jovi.*

*Vos lætam fluviiſ & nemorum coma,
Quæcumque aut GELIDO PROMINET ALGIDO,
Nigris aut Erymanthi
Silvis, aut viridis Cragi;
Vos Tempe totidem tollite laudibus,
Natalemque mares Delon Apolliniſ,
Inſignemque pharetra,
Fraternaſque humerum lyra.*

Cum enim *prominuiſſe gelido Algido* Dianæ Tem-
plum dixit poeta, illud in ſummo jugo montis Al-
gidi nivibus magnam anni partem cooperto, ſatis
ſignificavit. Rurſum autem Sæculari Carmine idem
Algidenſe Dianæ Templum per Quindecim Viros
ſacris faciundis deſtinatos curatum dixit, his ver-
bis

bis ad Apollinem & Dianam .

Quæque Aventinum tenet ALGIDUMQUE

Quindecim Diana preces Virorum

Curet , & votis puerorum amicas

Applicet aures .

Ad quos versus ita vetus Interpres adnotavit . ad primos quidem , gelidum Algidum sic exposuit : *in monte Algido* : ad alios vero sic : *Algidus mons ab assiduo frigore appellatus non longe ab Urbe Roma ; in quo monte Romani etiam Dianæ sacra celebrabant* . Cluverius autem , & Statium Algidenſe Dianæ Templum , & Nemus sive Lucum nominasse , existimavit , iis versibus : 2.

2. Silv. l. 4.
carm. 4.

*Hos Præneste sacrum , Nemus hos glaciale Dianæ ,
Algidus aut horrens , aut Tuscula protegit umbra ,
Tiburis hi lucos , Anienaque frigora captant .*

Quibus tamen Aricinum potius Dianæ Nemus a poeta designatum , quivis merito dixerit ; cum satis idem discriminaverit horrentem Algidum ab Dianæ glaciali nemore ; quod & Nemus absque abdito , propter loci celebritatem & excellentiam dicebatur . Illud quidem non abnuerim , ab Horatio de Dianæ Algidenſi Luco eo carmine mentionem factam : 3.

3. Lib. 4. Od. 4.

*Duris ut ilex tonsa bipennibus
Nigræ feraci frondis in Algido ,
Per damna , per cædes , ab ipso
Ducit opes animumque ferro .*

Quibus tamen incertissimum est , num Horatius ad
ili-

ilicem respexerit magnitudinis singularis, de qua Plinius, in Dianæ Luco, in monte, qui Corne appellatur, eximiæ magnitudinis hæc memoriæ prodidit. *Est in suburbano Tusculani agri colle, qui Corne appellatur, Lucus antiqua religione Dianæ sacratus a Latio, velut arte tonsili coma, fagei nemoris. in hoc arborem eximiam ætate nostra adamavit Passienus Priscus, bis Consul, Orator; Agrippinæ matrimonio & Nerone privigno clarior postea; osculari, complectique eam solitus; non modo cubare sub ea; vinumque illi affundere. Vicina Luco est ilex, & ipsa nobilis xxxv. pedum ambitu caudicis; x. arbores mittens, singulas magnitudinis visendæ. silvamque sola facit.* Porro hoc Plinii testimonium nos in Tusculanis monumentis attulimus; cum diserte scripserit auctor: *est in suburbano Tusculani agri colle.* Cluverius tamen, ob loci vicinitatem, idem Templum Dianæ Algidentis, ac Dianæ in Colle Corne suburbano Tusculani agri, cui Lucus proximus a Latio sacratus, existimavit. Quam sententiam ex Livii quoque testimonio, ubi in Tusculani agri vicinia locum *ad Columnen* nominavit 4., 4. Lib. 3. confirmare conatus est. quasi *ad Cornen* ibi legendum sit: Nos eum Livii locum nominis similitudinem sectantes non immerito; juxta Veteres Lavicos, ubi nunc oppidum *La Colonna*, fuisse, suspicati sumus; Collemque Corne in agro Tusculano, eo ferme situ, ubi nunc *Villa Cavalletta*, ad sinistrum Latinæ Viæ Roma venientibus latus, non inani plurimum ante nos conjectura, constituimus. Quare

nunc quoque in sententia , ut par est , manentes idem existimamus . Neque ad titubandum move-
mur , quod duo tam vicina Dianæ celebria templa,
duosque lucos eidem sacros extitisse , minime pro-
bari posse videatur . Quis enim Priscorum Latino-
rum effusam superstitionem ignoret ? Cum maxime
& illud certum sit , Algidentem Dianam, aliam ab
Nemorensi fuisse . De qua tamen tot tantaque nos
de Aricinis loquentes commemoravimus . Cluve-
rius itaque circa oppidum , modo *Rocca Priora* ,
olim Montem Algidum , & Dianæ Templum con-
stituit , eumque Livio *Column* appellatum , & Pli-
nio Collem *Corne* in suburbano Tusculani agri , ubi
Lucus a Latio Dianæ sacratus fuerit , existimavit .
Verum Holstenius in suis ad Cluverium notis nihil
in Livii lectione mutandum censuit ; legendumque
constanter *Ad Column* . quem proinde diversum ab
Algido locum putavit . multoque magis discrimen
inter Dianæ Algidentis Templum, & Lucum eidem
in colle *Corne* a toto Latio sacratum agnovit . Qua-
re Templum Dianæ in Algido collocavit in summo
ejus montis jugo , qui accolis *La Montagna dell' Ari-
ano* appellatur , in dextero Latinæ Viæ latere, quod
Velitras in meridiem respicit , situsque illis idem
est ad Septemtriones ; & eum namque Montem in
regione Algidi , ait Holstenius, antiquitus constitu-
tum ; & nomen *Ariano* , ex *Ara Dianæ* deductum ,
auguratur . ubi etiam vetusti templi rudera extare,
credidit , silvarumque propagines , quæ olim Lu-
cum

cum Algidenſem Dianæ ſacrum confecerint. Verum & hæc Holſtenii ſententia multis patet obicibus. Siquidem Ariani illum montem diverſum multum ab Algido ea loca præſentes recenſendo, plures ſe dignoviſſe teſtificantur; & nomen *non ab Diana*, ſed *ab Jano*, cujus Ara in eo jugo fuerit, ſimplicius proximiusque deducunt. præcipue cum Velitris, ad quam urbem Ariani mons pertinet, cultum Jani olim frequentiffimum fuiſſe, legamus. Denique ea rudera, quæ Algidenſis Dianæ Templi Holſtenius in monte Ariano fuiſſe exiſtimavit, veſtigia Caſtri, non illius quidem antiquiſſimi, quod *Arianum* dictum eſt, vere eſſe, quovis poſito pignore plures contendunt. Proinde, quonam potiſſimum loco Dianæ Algidenſis Templum & Nemus fuerit conſtitutum, incertum adhuc remanet. Illud quidem non omiſerim, ſilvam illam, quæ in horum locorum vicinia, vulgo dicitur *La Fajola*, latrociniiſ olim famoſam, eam fuiſſe, putari poſſe non leviter, quam *Lucum* Plinius nominavit, *antiqua religione Dianæ ſacratum a Latio*, *velut arte conſili coma fagei nemoris*. Quis enim abnuat ex multa fago conſitam ſilvam, *Fagiolam* aptiſſime denominatam; quemadmodum ex quercu conſita nemora in Gargano Monte *Querceta Gargani* appellavit Horatius; & ex ilice lucos conſitos, *Iliceta* Martialis. Ceterum neque locus ſilvæ Fagiolæ fatiſ convenit ColliCorne in ſuburbano Tuſculano agro, ubi coma illa fagei nemoriſ lucus fuiſſe a Plinio Dianæ ſacer dicitur; ne-

que perrarum ex fago confitum nemus ita fuerit ,
 ut plura ex eadem arbore , in tanta per hanc regio-
 nem silvarum frequentia , nemora confita esse non
 potuerint . Quid igitur , inquiet aliquis , & quor-
 sum tot ambagibus in horum locorum aptandis no-
 minibus volveris , si tandem nusquam certum pe-
 dem figere , nedum stabilire te posse , ipse denique
 confiteris ? Bona tamen , bona , inquam , verba , so-
 des s. . *Est enim quadam prodire tenus , si non datur*
ultra .

5. Horat. ep. I.
 l. I.

*Non possis oculo quantum contendere lynceus ,
 Non tamen idcirco contemnas lippus inungi .
 Nec quia desperes invicti membra Glyconis ,
 Nodosa nolis corpus prohibere chiragra .*

Sic est utique . dum certa non suppetunt in hisce
 antiquissimis , & semisepultis monumentis , aliquid
 minus inverisimile proferre , quamquam & illud
 incertum , & dubium , & subobscurum , laude sua
 fraudandum , si quid judico , mecumque viri eru-
 ditissimi sapiunt , apud æquos rerum æstimatores
 minime est . Forte enim vel tenuissimo ipso lumine,
 quod posteris , vel præsentibus etiam , nostra hæc
 Commentaria lecturis , proscrinimus , ipsi sagacio-
 res , novisque detectis monumentis admoto , ad
 veritatem demum ipsam deprehendendam perve-
 nient . Cujus nos detectæ , si non auctores , saltem
 adjutores facula aliqua prælata futuri sumus . Ce-
 terum Algidenſe Dianæ Templum celebre admo-
 dum fuisse , vel inde constare potest ; quod Horatius
 in .

inter præcipua, in quibus id numen colebatur, idem nominaverit, Aventinoque Dianæ templo Romæ celeberrimo conjunxerit. 6.

6. In Carmin.
secular.

*Quæque Aventinum tenet Algidumque
Quindecim Diana preces virorum
Curet,*

Quindecim quoque virorum Collegium ad Algidsia sacra institutum eandem celebritatem designat. Etenim nonnisi celebribus locis hæc decernebantur sacerdotum sive sacrorum præsidum Collegia. Nonnulli tamen existimant, hoc loco apud Horatium de quindecim viris, qui Sibyllinis Libris præerant, & ex eorum inspectione prodigia avveruncare sacrificiis, & indictis expiatoriis aliis operibus publice, debebant, sermonem esse. Porro in Algido etiam *Fortunæ Ædem*, atque illam quidem multa religione cultam extitisse docemur ex Livio, agente inter primos Belli Punici Secundi motus, cum ceteris Urbanis & suburbanis diis, etiam Algidsensem Fortunam supplicationibus ab Romanis fuisse placatam 7. Jam primum om-

7. Lib. 1.
Dec. 3.

nium Vrbs lustrata est: hostiæque maiores, quibus editum est, diis cæsæ: & donum ex auri pondo quadraginta Lanuvium Junoni portatum est: & signum æneum matronæ Junoni in Aventino edificaverunt: & Læstifer-nium Cære, ubi sortes extenuatæ erant, imperatum: & supplicatio Fortunæ in Algido. Has autem supplicationes etiam pompas Latini vocabant. In quibus longo ordine incedebant bini, vel terni, vel majori etiam nu-

numero, victimasque præibant, ac prosequerentur, quas in templo, ad quod supplicaturi pergebant, immolarent. Velati autem Sacerdotes, velatæ virgines, Magistratus quoque propria singuli cujusque ordinis insignia, vestesque ornatissimas gerentes, supplicationem componebant. In qua & instrumenta musica pulsabantur, & carmina diis sacra decantabantur; quemadmodum ex Livio, Horatio, Plinio, aliisque Latinis Scriptoribus constat.

C A P U T V.

De Labicis, & Via Labicana, in finibus Algidenſium.



UTRA Algidum, Agrumque Algidenſem, Oppidum fuit Latinorum *Labici* & *Labicum* ſive *Lavicum* nomine, edito loco, ad Viæ Latinæ ſiniſtrum, Labicanæ vero ſuæ dextrum latus, antiquiſſimis temporibus ſitum. De quo multiplex, veteres apud Auctores, eſt mentio. In primis enim Virgilius hoc Oppidum ex vetuſtiſſimis fere Priſcorum Latinorum fuiſſe ſignificavit; ait enim in bello Latinorum adverſus Æneam, reliquos inter Priſci Latii populos & Labicanos conveniſſe. 1.

1. Lib. 7.

*Auruncaque manus, Rutuli, Vetereſque Sicani;
Et Sacranæ acies, & picti ſcuta Labici.*

Et Silius inter vetuſta ipſe quoque Latii oppida Labicos nominavit. 2.

2. Lib. 8.

Antemnaque priſco

Cru.

Crustumio prior, atque habiles ad aratra Labici.
 Situm utcumque oppidi Strabo innuit, Viam Latinam describens. ait enim 3.: *Incipit Via Latina ab Appia, ad sinistram, ab hac, prope Romam, deflectens. ac super montem Tusculanum transiens inter Tusculum oppidum, & montem Albanum, ad Algidum descendit oppidulum, & Pictas tabernas. Incidit hinc Lavicana, incipiens a Porta Esquilina; unde & Prænestina: relinquens autem ad sinistram hanc simul Viam, & Campum Exquilinum, procedit ad CXX. stadia, & adpropinquans Veteri Lavico (quod oppidum loco sublimi situm, nunc dirutum est) hoc, & Tusculum ad dexteram relinquit; & ad Pictas in Latinam desinit. Is locus Roma abest stadia CCX. Ex hinc in Latina Via sunt urbes Ferentinum & Frusino. De quibus Strabonis verbis eruimus, Labicum Vetus Latinorum Oppidum, centum circiter, & viginti stadia, ab Urbe distasse, milliaria scilicet quindecim; euntibus Via, quæ Lavicana ab ipso dicta est; post Tusculum, dextro Viæ suæ late-te, occurrisse; demum edito idem loco quondam constructum, Strabonis ætate, in ruinis jacuisse. Vicinos Labicos Algidenfibus, Tusculanis, Gabinis & Prænestinis, testimonia multa significant. Illud in primis Ciceronis pro Plancio, ubi Marcum Laterensem Tusculanum alloquens Tullius, *Nisi forte, inquit, te Labicana, aut Bovillana, aut Gabina vicinitas adjuvabat.* Dein Livius sæpe, bella comme morans Priscorum Latinorum, atque adeo ipsorum Lavicanorum, adversus Romanos, eandem*

vi-

3. Lib. 5.

viciniam Labici cum Algidenfibus, Gabinis & Tusculanis, ac Prænestinis agris, significavit. Nam libro tertio de Æquorum expeditione locutus, *Per Labicanos, inquit, agros, in Tusculanos colles transferunt.* Et libro quarto: *Bellum inde ab Æquis reparari cœptum. & novos hostes Lavicanos & consilia cum veteribus jungere, haud incertis auctoribus, Romam est allatum. Tusculanis est negotium datum; adverterent animos, ne quid novi tumultus a Lavicis oriretur. Mox: Nuntiabant Legati, Lavicanos arma cepisse; & cum Æquorum exercitu depopulatos agrum Tusculanum, castra in Algido posuisse.* Aliquanto post: *Captis direptisque castris, quum prædam Dictator militi concessisset; secutique fugientem ex castris hostem equites renuntiassent, omnes Lavicanos victos, magnam partem Æquorum Lavicos confugisse; postero die ad Lavicos ductus exercitus; Oppidumque corona circumdatum, scalis captum, atque direptum est. Mox: Senatus censuit, Coloniam Lavicos deducendam. Coloni ab urbe CIOIO. missi bina jugera acceperunt.* Factum hoc trecentesimo trigesimo septimo ab Urbe Condita. De quo & Diodorus Siculus inquit 4. : *κατὰ δὲ τῷ Ἰταλίαν ῥωμαῖοι πρὸς Αἰκας Πόλεμον ἔχοντες Λαβίικας ἐξεπολιόρκησαν.* scilicet: *In Italia autem Romani cum Aëquis bellum gerentes, Lavicos expugnarunt.* Ubi notandum, male ab aliquibus interpretibus, *Lavinium* pro *Lavicos* hic lectum; deceptis nempe ab Græcorum vulgatorum codicum vitio, in voce *Λαβίικας*, ubi pro *κ* irrepsit *ν* *Λαβίνικας*. Ceterum evidentissimum est, hic de *Lavicis*, non autem de *Lavinio*

nio Diodorum locutum. Siquidem & ceteri Auctores consonant, & Æquorum nomen idem extra omnem dubii aleam satis superque constituit. Porro Livius iterum libro quinto, *Bello*, inquit, *Æquorum ad Lavicos*, qui Romanam ibi Coloniam oppugnabant. Et libro sexto: *De Prænestinorum quoque defectione fama exorta: arguentibus eos Tusculanis, Gabinis, & Lavicanis*. Sic igitur ubique Lavicani Algidensibus, Tusculanis simul, atque Gabinis conjunguntur. Prænestini quoque quinque tantum millia passuum, aut octo, ex Holstenio, ultra Lavicos, siti erant. Itaque ex his omnibus aptissime statuumdum, *Labicos Lavicos*, sive *Labicum*, aut *Lavicum* Oppidum, minime fuisse eo loco, ubi nunc recens oppidum *Valmontone*. cum hoc triginta ferme mille passus Roma distet; Labici vero distarent quindecim. hoc Viæ Latinæ dextero latere situm sit; Labici sinistro fuerint. vicinia denique Labicorum hætenus exposita longe alia fuisse, ab vicinia recentis oppidi *Valmontone*, apertissime deprehendatur. Cluverius, Labicos eo fuisse loco, existimavit, quo nunc aliud excultum oppidum, *Zagarolo* nomine, apparet. Verum id negat Holstenius, animadvertens, hoc recens oppidum in sinistro Antiquæ Lavicanæ Viæ latere situm esse; cum Labicos in dextera Viæ ipsius parte constitutos, Strabo discrete commemoraverit. Viam enim, quam Cluverius *Lavicanam* putavit, juxta oppidum *Zagarolo*, jam non Lavicanam, sed Prænestinam, in quam hæc

modo intrat, deprehensam esse. Quare melius, nos quoque, cum ipso Holstenio, Veterum Labicorum situm, non longe ab oppidulo nunc *la Colonna*, fuisse, existimabimus. Ceterum Lavici, ab antiquissimis usque temporibus Aboriginum Latium incolentium, nobile fuisse Oppidum, vel ex eo dignoscuntur, quod picta in prælium scuta deferre consuevisse ejus cives ab Virgilio memorantur. Indicat enim id, & divitem fuisse populum, & rerum gestarum jam tum fama celebrem. Siquidem & pretiosa ornataque picturis scuta, & in ipsa pictura præclara sua facta expressa in bellum ferebat. Cum e contrario scutum nullo distinctum, rerum gestarum monumento, inglorii militis argumentum, idem Virgilius fuisse, meminerit; dum ait de Helenore Mæonii regis furtivo ex serva filio: 5.

5. Lib. 9.
v. 548.

parmaque inglorius alba

6. Lib. 7.

Colonia mox Albanorum fuere Labici. de qua Dionysius, de Marcio Coriolano locutus, inquit: 6. *Hinc adversum Lavicanos exercitum duxit. quæ urbs & ipsa Latini tunc erat Nominis, Albanorum Colonia* Ἀλβανῶν ὀπoικος. Hanc captam ab Coriolano cum vicinis omnibus oppidis meminit etiam Plutarchus 7.: *Ita ipsa tandem Latinorum oppida Marcius adortus est: cepitque per vim Tolerinos, Lavicanos, Pedanos, & Bo- lanos, qui se ei opposuerant. Anno autem V. C. trecentesimo trigesimo septimo, aut sexto, juxta alios, Romanorum Coloniam, Lavicos deductam, ex Livii Diodorique recitatis jam testimoniis, liquet.*

7. In Coriola-
no.

Et

Et ex iis fuit , quas *Priscas* , ad recentiorum , post Urbem a Gallis captam deductarum , discrimen , vocaverunt . Porro Ciceronis ætate Labici adhuc supererant quidem ; verum jam desertissimi ; cum vix essent in oppido incolæ , qui veteri instituto Latinorum populorum , in Montem Albanum ad Latinas Ferias mitterentur , ut inde communi de sacrificio viscerationem , seu carnem acciperent ; quod vetustissimum Latini Nominis argumentum erat . Nam sic in Planciana Laterensem Tusculanum alloquitur Tullius . *Ergo ut alia in te erant illustriora , Laterensis , quæ tibi Majores tui reliquerant ; sic te Plancius hoc non solum municipii , verum etiam vicinitatis genere vincebat . nisi forte te Lavicana , aut Bovillana , aut Gabina vicinitas adjuvabat ; quibus e municipiis vix jam qui carnem Latinis petant , inveniuntur . Ubi Lavicos , non jam Coloniam , sed Municipium a Cicerone appellatos audis . Ceterum fertilis Lavicanus Ager Silio memoratur eo versu . 8. Antemnaque Prisco*

8. Lib. 8.

Crustumio prior : atque habiles ad aratra Labici . Et ante illum Ciceroni , in prima de Lege Agraria ad populum , contra Rullum , oratione . Agros vero Vaticanum & Pupinium cum suis opimis atque uberibus campis conferendos non putabunt . Oppidorum autem finitimorum illam copiam cum hac per risum , ac per jocum contemnent . Labicos , Fidenas , Collatiam ; ipsum hercule Lanuvium , Ariciam , Tusculum , cum Calibus , Teano , Neapoli , Puteolis , Cumis , Pompeiis , Nuceria comparabunt . Labicani Agri felicitate usus est ali-

9. Lib. 26.

quando etiam Annibal. cujus ad urbem iter a Livio sic describitur 9. : *Annibal, infestius perpopulato agro Fregellano, propter intercisos pontes, per Frusinatem, Ferentinatēque, & Anagninum agrum, in Labicanum venit. inde Algido Tusculum petiit. cetera.* Unde Silius iterum de ejusdem Annibalis itinere. 10.

10. Lib. 12.

Janque adeo est campos ingressus, & Arva Labici, Linquens Telegoni pulsatos ariete muros, Haud dignam inter tanta moram; nec amœna retentant Algida. nec juxta Junonis tecta Gabinæ.

Ad quæ Silii carmina illud notandum est, quod Labicanos Agros, Campos dixerit atque Arva, quæ proprie loca sunt ad frugum sationem excipiendam. Unde novum quoque pondus adjici potest sententiæ agenti, Labicos juxta locum oppidi recentis *La Colonna* sitos fuisse. Siquidem circa hoc oppidum planicies camporum sese extendit fertilissima nunc quoque, & frugibus multiplicandis aptissima. Julium Cæsarem Dictatorem Perpetuum villam habuisse in Lavicano, in eaque diversari solitum, ac ibidem testamentum condidisse memoriæ prodidit in ejus vita Tranquillus. *Postulante ergo L. Pisone socero, testamentum ejus aperitur: recitaturque in Antonii domo, quod Idibus Septembribus proximis in Lavicano suo fecerat, demandaveratque Virgini Vestali Maximæ.*

Ceterum Silius idem *Labicum* memorat virum forti limum, qui cum in Sicilia singulari certamine cum Amilcare Poenorum duce clarissimo decertasset;

set; eumque vicisset; tandem jam senior celeberrima apud Thrasymenum pugna ab Annibale confectus est. De illo Silius. 11.

11. Lib. 5.

*Hinc Fadum petit, & veterem bellare LABICUM,
Cui Siculis quondam terris congressus Amilcar
Clarum spectato dederat certamine nomen.*

*Immemor annorum, seniumque oblitus, in arma
Ille quidem cruda mente, & viridissimus iræ
Ibat: sed vani frigentem in marte senectam
Prodebant ictus; stipula crepitabat inani
Ignis iners, cassamque dabat sine robore flammam.
Quem postquam accepit patrio monstrante superbus
Armigero Pœnū dūctor; certamina primæ
Hic lue, nunc, inquit, pugnae; te notus Amilcar
Hac trahit ad manes dextra: tum librat ab aure
Intorquens jaculum, & versantem in vulnere sese
Transfigit. extracta fœdavit cuspide sanguis
Caniciem, & longos finivit morte labores.*

Labicum hunc ex Labico Oppido, prudenti sane conjectura putavit egressum Marfus Silii interpret. Talis enim hujus poetæ mos fuit, ut, vetera Italiæ oppida illustraturus, virum aliquem illis ortum, vel cognominem, fortiter pugnans induxerit. quemadmodum in Veliterno, Milone Lanuvino, Pediano Patavino, Catone Tusculano, aliisque pluribus constat. Porro nomen *Labici* quidam a montibus, in quibus oppidum fuerat conditum, qui *Labici Montes* vocarentur, deductum existimaverunt. quidam 12. vero a *Labico* Glauci filio, Minois

12. Ligor. v.
Labico.

Cre-

Cretenfium regis nepote Labicum conditum, ab eodem vocabulum quoque mutuatum, fcripferunt. Incerta utriufque originis ac derivati nominis fama eft. Hoc quidem certum, propter literæ *B* & *V* tum apud Græcos, tum apud Latinos affinitatem, Oppidum nunc *Labicum*, nunc *Lavicum* nominatum. Multitudinis quoque numero *Labici*, aut *Lavici*; ut *habiles ad aratra Labici*: & fingulari pariter *Labicum* neutro genere, ut ex recitatis hætenus tot Veterum testimoniis patet, appellatum eft.

Non ultima vero hujus Oppidi laus fuerit, quod Viæ Confulari nomen dederit, quæ *Lavicana* dicta eft. Hanc a Porta Exquilina cœpiffe, nuper de Strabone protulimus; quæ Plinio ^{13.} *Labicana* *Porta* etiam fuit. Habuit hæc finiftram Viam Præneftinam & Exquilinum Campum; dexteram Latinam Viam. Ejus loca, five ftationes vocare maueris, in vetuftis Itinerariis Tabulis ita fignantur. *Roma, Via Lavicana: Ad Quintanas XV. Ad Statuas III. Ad Pictas VII. Ad Birium V. Compito Anagnino X. Ferentinum VIII.* In Antonini autem Itinerario fic: *Lavicana, ab Urbe. Ad Quintanas XV. — Ad Pictas X — Compitum XV. Ferentino VIII.* In primis itaque extra Portam Exquilinam, quæ & Præneftina & Labicana dicta eft, ad Viæ Lavicanæ finiftrum latus, Campus fuit Exquilius, in quo rei olim confici confueverant. Nam Tacitus ^{14.} *in P. Marcium*, inquit, *Consules extra Portam Exquilinam, cum clafficum canere juffiffent, animadvertere.*
Idem

Idem Svetonius in Claudio his verbis confirmavit :
*Civitatem Romanam usurpantes in Campo Exquilino
 securi percussit . Eodem postea , etiam non reorum ,
 vilium tamen Mancipiorum cadavera projici con-
 suevere .* Horatius : 15.

35. Sat. 8. l. 1.

*Huc prius angustis ejecta cadavera cellis
 Conservus vili portanda locabat in arca .
 Hoc miseræ plebi stabat commune sepulcrum ,
 Pantolabo scurræ , Nomentanoque nepoti .
 Mille pedes in fronte , trecentos cippus in agrum
 Hic dabat : hæredes monumentum ne sequeretur .
 Nunc licet Exquiliis habitare salubribus , atque
 Aggere in aprico spatium , quo modo tristes
 Albis informem spectabant ossibus agrum .*

Atque alibi Vates idem Canidiam & Saganam &
 Vejam , veneficas infectatus , ex pueri nobilis ab iis
 jam jam morituri persona

Post insepulta membra different lupi . 16.

16. 5. Epod.

Et Exquilinæ alites .

Eundem locum & Puticulos & Puticulas veteres La-
 tini nominaverunt . Cujus vocabuli originem Var-
 ro sic 17. explicavit . *Puticulæ , quod putrescant cada-
 vera ibi projecta ; qui locus publicus , ultra Exquilias .*
 Alii , a putore ipsorum cadaverum , vel a puteis ,
 quod in fossas , puteorum instar , projicerentur ,
 nomen derivatum loco , scripserunt . Quæ ferme in
 idem conveniunt . Circa Lavicanam Viam & Cam-
 pum Exquilinum , occisum fuisse Asinium , tradi-
 dit Tullius 18. : *Asinius autem brevi illo tempore , quasi*

17. Lib. I. L. L.

18. Pro Cluent.

in

in hortulos iret , in arenarias quasdam extra Portam Exquilinam perductus occiditur . Has puto arenarias fuisse , quibus postea Christiani Via Lavicana , tertium inter & quartum ab Urbe lapidem , in suorum sepulturam usi sunt . Loco nunc vulgare nomen *Torre Pignattara* . Ibi vetustissima Sanctis Marcellino & Petro gloriosissimis Christi Athletis sacra Ædes est dedicata . Intra quam ipsorum Corpora olim condita . Sancti etiam Tiburtii ibidem reliquæ . Et Divæ Helenæ Augustæ Magni Constantini Imperatoris matris sanctissimæ feminæ Corpus olim collocatum , purpuream intra pretiosam arcam , e marmore , quod Græci *porphyreticon* appellant . Quamvis Byzantium inde , subsecutis sæculis , translatum fuerit , aliæque alio Sanctorum reliquæ . Loco nomen in Fastis Sacris , *Ad duas , sive inter duas Lauros , Via Lavicana* . Eadem Via , haud ita procul ab Urbe *Fanum Quietis* deæ fuit . Livius libro quarto : *cum hæc agerentur , inquit , jam Consul Via Labicana ad Fanum Quietis erat* . Dedicatum id fuerat , primo cum Latinis percusso foedere . Sepulcrum quoque Alcimi pueri , seu servi Martialis Poetæ , ut videtur , fuit Via Lavicana , neque ita procul ab Urbe ; circa quod buxus & vites . Martialis enim :

*Alcime , quem raptum domino crescentibus annis
Labicana levi cespite velat humus ;
Accipe non Phario nutantia pondera saxo ,
Quæ cineri vanus dat ruitura labor .*

Sed

*Sed fragiles buxos, & opacas palmitis umbras,
Quæque virent lacrymis humida prata meis.*

Accipe, chare puer, nostri monumenta doloris;

Hic tibi perpetuo tempore vivet honor.

Cum mihi supremos Lachesis perneverit annos:

Non aliter cineres mando jacere meos. 19.

19. L. I. ep. 39.

Quod carmen, inscriptum lapidi, & sepulcro ipsi appositum, non leviter credimus. Siquidem quamplurima hujusmodi carmina, & elegantissima quandoque, marmoribus sepulcralibus insculpta, reperta sunt. Quæ passim Gruterus, aliique produxere. Arringhius etiam Via Lavicana constituit sepulcrum 20. Alexandri Imperatoris & Mammeæ ejus matris detectum in Fabricii Lazzari vinea apud Novam Viam Tusculanam, sinistro latere, loco qui nunc dicitur *Monte del Grano*: ubi adhuc tumulus seu colliculus apparet cupressibus cinctus. ibi enim urna sepulcralis marmorea detecta fuit, in qua celebris raptarum Sabinarum insculpta exhibetur historia; in operculo autem eorumdem Alexandri & Mammeæ imagines affabre elaboratæ conspiciuntur. Quod monumentum, Romano Capitolio dignissimum, illuc merito translatum est. Ceterum Via Labicana, milliario quinto Salvii Juliani inter Jure-Consultos notissimi, Consulis, & Urbis Præfecti sepulcrum extitit. Intra quod Didii quoque Juliani Imperatoris, Salvii ipsius pronepotis, corpus illatum est. Quod his verbis memoriae Spartianus 21. prodidit. *Corpus ejus* (Didii

20. Rom. subterr. t. I. l. 4. c. 8.

21. In vita.

Juliani) a Severo uxori Manliæ Scantillæ, ac filiæ ad sepulturam est redditum; & in proavi monumentum translatum, milliario quinto, Via Labicana. Juxta, quam, Romano more, plura fuerunt aliorum celebrium virorum monumenta ad exitus villarum: quorum vestigia nonnulla ab Pyrrho Ligorio detecta & recensita fuerunt. scilicet monumentum Q. Eradii Callisti Liberti; circa quod Cereris statua, cum hac inscripta basi, reperta fuit.

CERERI . DEAE . CONSERVATR
HORREORVM . RVRI . ERADIAN

Q. ERADIVS Q. L. CALLISTVS
AGRIMENSOR. AEDIFICIOR. PVBL
SVA . PECVNIA . DELVBR. FECIT

D. D. NON. APRIL. M. AVRELIO ANTON
COMMODO . AVG. VI. ET L. PETRONIO SEPTIMI
ANO . FELICE . COSS

22. M.S.A.L. In alio quoque Lapide ibidem eruto notæ: 22.

CERERI . FRVGIFERAE . ET . PROSERPINAÆ SACR
ERADIA . Q. F. STHENELEA . LIB
ARA NDA . CVRAVIT

Eandem juxta Viam, Apiania villa fuit, cum Conditoriis Sexti Apianii Liberti, quem Apollophanem cognominabant 23. . Et Rus Dalmætianum Marci Dalmæti Equitis Romani e Tribu Anienfi. ubi ara fuit, atque ædicula Genio Loci conservatori dedicata, penultimo Augusti Cæsaris anno. quod ex ibidem reperto Lapide sic inciso constitit.

GENIO . CONSERVATORI . FVNDI . DALMAETIANI
M. DALMAETVS . P. F. ANIEN
PRISCVS . EQ. ROM. SACRVM

NON.

23. Ligor. v.
Apiania.

NON. MAII . M. IVNIO . MENTIO . SVLLANO . ET
L. NORBANO . BALBO . COSS

Vbi pariter totius Dalmætiae Familiae atque adeo
Gentis sepulcra fuisse videbantur . Siquidem frag-
menta lapidum ibi eruta , conditum ibidem sepul-
crum Dalmætiis ab P.Dalmætio Oufentinæ Tribus,
& a 24. Cajo Dalmætio Aniensis , testificabantur .
Sed & Rus *Licimnianum* , & *Licimniana Sepulcra* ,
juxta Viam Lavicanam fuere . Basis statuæ ibidem
Dianæ dedicatæ sic memorabat : 25.

24. *Igor. v.*
Dalmaetiano .

25. *Id. v. Li-*
cimniano .

DIANAE . LICIMNIANAE . SERVATRICI
SACRVM

L. AICTIVS . L. L. LICIMNIVS
LICIMNIANVS . TABVLARIVS . POMPT
D. D. N. N. GRATIANI . AVG
ET FL. - - - - -

Pontiana quoque prædia & *Quartiana* 26. M. Pon-
tii Lemitani & Sexti Quartii Pæti Equitum Roma-
norum , juxta Viam Lavicanam fuisse , sepulcralia
eorumdem monumenta significabant . Ceterum ad
decimum quintum lapidem hac Via , locus in anti-
quis itinerariis Tabulis notatur *Ad Quintanas* . qui
juxta Labicum ipsum fuisse colligitur . Ibi pagus
fuit , ex quo pagani *Labicani Quintanenses* nomina-
bantur . Testis est Lapis antiquus prope oppidum
la Colonna , veteris Labici sedem , erutus in vinea
Lazzarina , qui adhuc parieti apothecæ insertus
visitur , legiturque in hæc verba : 27.

26. *Id. v. Pon-*
tiano, & Quar-
tiano .

D. M.
PARTHENIO ARCARIO
REI . PVBLICAE

27. *Fabret. c. 7.*
p. 540. & 559.
& alii. Inscripti-
onum. 367. Dis-
sert. 3. de A-
queduct.

LAVICANORVM
QVINTANENSIVM

Et sigillum testaceum in villa Corfina ad Portam Aureliam literis duarum unciarum.

EX PREDIS QVINTANESIB
AGATHIRSVS AVG LIB

F

23. Cluv. Ital.
antiq. l. 3. p.
949.

Porro *Quintanam* aliqui Castrorum sive militum partem quamdam, puta *Quintam* alicuius numeri, fuisse dicunt; atque hunc locum *Ad Quintanas* vel ipsum Labicum, vel certe juxta ipsum, versus Septentriones fuisse, de numero milliariorum Viæ Lavicanæ, merito 28. crediderunt. Sequitur in eiusdem Viæ Itinerariis Locus *Ad Statuas* dictus & a Quintanis tertio milliari distans; quem ab insignibus aliquibus statuis ibi collocatis sic nominatum, jure conjicimus. Post hunc diverforium erat *Ad Pictas*. scilicet ædes, vel domos; ultra adhuc septimum lapidem. Hic substitisse L. Syllam cum exercitu, meminit ex Plutarcho Cluverius; quod Senatus Legati hoc loco ei Romam infestis signis adproperanti occurrerant, pollicentes Senatum Syllæ satisfacturum. Verum, Legatis vix digressis, confestim L. Pafillum & C. Mummius præmisit ad Portam, murumque apud Exquilinum collem occupanda. moxque ipse citato sequutus est cursu. Ultra *Pictas*, *Bivium* fuit Via Lavicana, milliario quinto. quod male in antiquis Tabulis *Ad Birium* dicitur. Hic Latinam ac Lavicanam junctas, me-

mo-

morant. Ob hoc Romam venientibus Bivium occurrens loco nomen fecit. Quamquam Strabo, duas hasce Vias ad diversorium *Pictas* simul incidisse, prodiderit. quod, eas iterum ad locum Bivii idem, post diversum rursus iter præbitum, præstitisse, minime prohibet. Cum viarum meatus, circuitus, anfractusque hujusmodi fuerint plurimi; nempe ob montium ac lacunarum in illis sternendis obices devitandos, ita dispositi. Ultra Bivium paullo, juxta Viam Lavicanam fuit *Villa Magna*, cujus maxima superant etiamnum vestigia, quæ priscum nomen hodieque servant. Hanc Pompeii Magni fuisse, existimant, de cujus nomine *Magna* sit appellata. Anagninæ vero in sacra Æde principe duæ extant marmoreæ Tabulæ L. Septimii Severi & M. Aurelii Antonini Imperatorum, quæ ipsos viam quæ ducit in Villam Magnam filice, pecunia sua stravisse memorant. quas & Manutius 29. recensuit. Profecto *Bivium* creditur Cluverio fuisse ad oppidum modo *Valmontone*. Ultra quod, milliario decimo, *Compitum* fuit Anagninum, sub ipsa urbe Anagnia, quadagesimo ab urbe Roma lapide, ubi Anagninorum emporium, & Viæ Lavicanæ ad ipsam Anagniam diverticulum. At Holstenius antiqua hæc Lavicanæ Viæ Loca cum recentibus ita contulit; ut Locus *ad Quintanas* dictus is fuerit, ubi nunc *L'Osteria della Colonna*: *Ad Statuas*, *San Cesale*: *Ad Pictas*, *Li Quadri*: *Ad Bivium*, *Sant' Ilario*. *Compitum Anagninum*, *L'Osteria di Anagni*. Ultra quod deni-

29. Orthographie
pag. 370.

30. Ep. 17. l. 1.
ad Scævam.

Si lædit caupona: Ferentinum ire jubebo.

C. AVRVNCEIVS:::::::::::::

COLONIS . INCOLIS . HOSPIT ::::

ADVENTORIBVS . SERVISO....

LAVATIONEM . EX . SVA . PECVNIA

GRATVITAM . IN , PERPETVOM. DEDIT

LATONAE

C. ABELLIVS . C. F. OVFEN

STRATVS

V. S. L. M.

Ceterum Labicana Via , quæ a Labicana Porta in Colle Exquilino Labicos usque ducebat , a Censoribus primum Tusculano filice instrata fuerat; deinde a Vespasiano Cæsare ; demum ab Trajano resti-

tu-

tuta, Ligorio teste. Hac eadem Via milliario lapide ab Urbe circiter sexto, contra prædium & villam Burghefiæ Gentis cognomento *Torre Nova*, anno post Christum natum MDCCXXXVIII. ineunte, ingens detectum fuit a fossoribus Mausolæum pluribus distinctum sepulcralibus cubiculis, in quorum uno sarcophagus marmoreus perelegans palmos decem & semis longus repertus est. intus quem magna erant hominis ossa. Romam vero translatum vidi Actæonis fabula insculptum scite. siquidem in anteriori fronte Diana est in antro nemoroso ad rivum seu fontem lavans; Actæon vero desuper ex abdito curiose inspectans. Mox idem Actæon, cervinis cornibus adnatis, a canibus appetitus, venatore collega ipsoque Actæone, baculo & faxis frustra illos propulsare conantibus. Latera sarcophagi alterum quidem venatores cum canibus colludentes, ipsosque pascentes, alterum vero Actæonis dilacerati sepulturam exhibent. Operculi fascia nymphis marinis, marinis pariter monstris invectis cælatur; cornua ejusdem operculi duplici larva affabre admodum insculpta exornantur. Ex Plinio autem erui posse videtur, Labicos ea ætate jam diu excisos jacuisse in ruinis. Siquidem eorum hunc apud auctorem nulla mentio; sed tantum populorum, qui Labicanum agrum incolebant. Ait enim in recensione Latinorum, vicinorumque illis populorum ^{31.} : *Et qui ex agro Latino, item Hernico, item Labicano cognominati.* Attamen etiam Christia-

nis

nis sæculis id oppidum restitutum est, floruitque aliquando. siquidem inter Conciliorum sacrorum Patres etiam *Lavicanus Antistes* legitur apud Arrin-ghium.

Ceterum fuere Via Lavicana, præter hæte- nus allata sepulcralia Veterum monimenta, alia, quamplurima; ac præsertim militiæ equestris, cir- ca quartum ejusdem Viæ lapidem, juxta locum, ubi Mausoleum Divæ Helenæ, de quo diximus, vulgo *Torre Pignattara*, desumto vocabulo ex co- lumbariis ollarum cinerariarum refertissimis ibi- dem extantibus olim cum titulo. Inscriptiones a Fa- bretto descriptas atque collectas in medium huc af- feremus.

Itaque Fabrettus inscript. cap. 2. pag. 104. num. 244. Via Lavicana, ad Mausoleum D. Hele- næ titulum extantem sic retulit.

I.

Item cap. 3. pag. 195. num. 460.
ad Mausol. D. Helenæ Via Lavic.

III.

D. M
T. AVRELIVS . SVMMVS. EQ
SING. AVG. CLAVDIO
VIRVNO . NAT. NORIC
VIX. ANN. XXVII. MIL
ANN. VIII. P. AELIVS
SEVERVS . HERES
AMIC. OPTIM. F. C

DIS MANIB

SACR

IVNIA . PANNYCYS

MODESTO

NEPOTI SVO

Et pag. 108. num. 261. vinea P.P.
Tertii Ordinis Via Lavicana.

II.

DIS . MAN
N. IVNIO
EPIGONO

Et pag. 211. num. 532. vinea del
Pane, Via Lavic.

IV.

D . M
CLAVDIAE . CAPRIOLAE
BENE.MERITAE.TI. CLAVDIVS
DE-

DEMETRIVS. PATRONVS. LIB
OPTIMAE. FECIT. ET. SIBI. ET
POSTERISQVE . F SVIS

*Pag. 216. num. 560. prope Mausol.
D. Helen. in muro columbarii, Via
Lavic.*

V.

L. ATILIVS EROS
MECIAE. FELICLE A
A. FVFICIVS. FEROX
L. CANINIVS. RHESVS
VIBIA PROBITAS
POSTERISQV SVIS

*Et cap. 4. pag. 249. num. 22. su-
per Cameterio B. Castali, Via La-
vican.*

VI.

DIS. MAN
ATHICTI. AVG. L
A LIBELLIS
FISCI. FRVM
FLAVIA . EVTYCHA
CONIVGI
B. M

*Pag. 249. num. 25. ad Mausol.
D. Helen. Via Lavic.*

VII.

D . M
LOLLIAE HAELENES
VIX. ANN. LXXV
MENS. VIII. DIES X
EPAPHRODITVS
AVG. LIB. CONIVGI
BENEMERENTI. FECIT

*Pag. 254. num. 60. ad Mausol.
D. Helen. Via Lavic.*

VIII.

L. LICINIVS. L. L
AMPHIO . PIVS
BONIS . PROBATVS
. . CINIA L. L

Pag. 285. num. 196. ibidem.

IX.

D. M. S
CALLYROE
V. AN. VII.

H. S. E. S. T. T. L

Hic . sita . est . sit . tibi . terra . levit.

Pag. 286. num. 199. ibid.

X.

C . M
FIRMILLO . QVI
VIX. ANN. XX
VENNVLAVS
FRATRI. B. M
FECIT

H. S. E. S. T. T. L

Hic . situs . est . sit . tibi . terra . levit

Pag. 286. num. 206. ibid.

XI.

D . M
DORIPHORO. QVI. VIXIT. ANz
NIS
XXIII. PIO. IN. SVIS. ANICETVS
FRATRI . KARISSIMO . B. M
H. S. E. S. T. T. L

It. pag. 286. num. 207.

XII.

D. M. S
| OPERA . A
| NORV. XXI
| SOR. BENM
| FEC. HSEST
| TL

*Pag. 298. num. 266. ad Mausol.
D. Helen. Via Lavic.*

XIII.

T. FLAVIO
AVG. V. STI. L
FELICI . VERNAE
ADIVTORI .

Qd

ARA

ARATIONIBVS
DILIGENS FRATER

*Pag. 312. num. 357. Via Lavicana
in muro vineæ.*

XIV.
D . M
ZOSIMO CAESARS
MINISTRATORI
HYGIA CONIVGI
SVO . B. M
V. A. XXXV

*Cap. 5. pag. 348. num. 16. ad Mausol.
D. Helen. Via Lavic.*

XV.
P. ANTONIO. M. L. PHILEMO
ET LIBERTIS ET LIBERTABVS
EIVS . IN FRONTE . P. XII
IN AGRO P. XII

Pag. 349. num. 22. ibid.

XVI.
ZMARAGDO
IVLIA C. F
TREBONIA
ALVMNO
PIENTISSIMORVM
PIISSIMO
ET DVLCISSIMO

Pag. 357. num. 71. ad Mausol. D. Helen. Via Lavic.

XVII.
D . M
AVREL. VICTORI. EQ
SING. TVRM. CONSTAN
TINI. NAT. DACVS
ALLECT. EX ALA . I. ILLY
RICOR. VIXIT ANNIS. XXXIII
MIL. AN. XIII. VLPVS
MACEDO . ET . VLP. MA
TERNVS. DVPL. HERED. B. M F

Pag. 357. num. 72. ibid.

XVIII.
D . M
IVSTVS IUVENIS
ARMORV. CVSTOS
EQ. S. IMP. N. TVR
N. AMMINI . VIXIT
ANN. XXXV. STP. XII
CVRANTE AVFI
DIO . VICTORINO
AMICO . IPSIVS

*Pag. 358. num. 75. ibid. vinea P.P.
Tertii Ordinis .*

XIX.
D . M
AVREL. FIRMANVS. EQ. SING. D. N
TVRLVCIANI ORIVND. EX PROVIN
PANNIME VIX ANN. XXXV. MIL. AN. XV
AEL. MAXIMIANVS DEC. ET AVREL
CANDIDVS

*Pag. 358. num. 76. ad Mausol.
D. Helen. Via Lavicana .*

XX.
D . M
M. AVREL. BITHO . EQ. SING. D. N
EX . TVRMA . LONGINI C. N. NAT
THRAX . VIX. ANN. XXXIII. MENS
III. MIL. ANN. XV. M. AVR. SYRVS
FRATER . ET . P
VN

Pag. 359. num. 90. ibid.

XXI.
M
.... MANSVETO
.... NG. A. TVR

Pag. 359. num. 86. ibid.

XXII.
D . M
C. IVL. VICTOR . EQ
SING. AVG. TVR. CL. SPE
CTATI NAT. PANN. CL
SAVARIA. VIX. ANN. XLV
MIL. ANN. XXV. AVR. CELER
DEC.

DEC. NVMERI EIVSDEM

H. A. O. F. C

*Heres. Amico . Optimo . Faciundum
Curavit .**Pag. 359. num. 89. ibid.*

XXIII.

D

AVFIDIVS

EQ. SING. IMP. N. ||

T. APOLLINAR ||

N. XXVIII. STIP ||

RANTE AVRE ||

ISIDORO ||

Pag. 359. num. 91. ibid.

XXIV.

D . M

RESPECTIVS . RESPECTI

ANVS . N. NORICVS . T. DI

OSCORI . Q. V. AN. XXX

STIP. XII. CVRANTAE ^{fic}

FRONTINIO FRONTO

NE . ERES IPSIVS ^{fic}*Pag. 359. num. 92.*

XXV.

D  M

Q. PVTENTINO EQ SING N

TVR.ROMANI.NA.RET.VIXAN

XXXX MIL AN XVII TVRNIVS

^{heres}

PEREGRINVS ORRES ET IVLI

A CASIA CVIVX CVNERE ^{coheres}

B. M FCERVN

*Via Lavicana ad Mausol. D. He-
len. ibi sepulchretum equitum singu-
larium CL. centum quinquaginta. ibi-
dem Equus insculptus , & puer cum
virga sub equite in feretro .**Pag. 388. num. 246. ibid. vinea
P.P.Tertii Ordinis .*

XXVI.

D M

^{fic}

AVREL. INCENVS . EQVIS

SING. AVGG. CASTRIS. NOVIS

T. FLAVINI . STIPENDIOR

Pag. 394. num. 273. ibid.

XXVII.

D . M

FLAVIO . CVPITO

VETERANO. CÖH

AVVNCVLO

AVRELI. APRILI

SESQ

*Sesquiplici , seu sesquiplario . ad
discrimen Duplarii , seu Duplicarii ,
& Equitis singularis .**Pag. 473. cap. 6. num. 23. a tertio
lapide Viæ Labicanæ . Spon. in Mi-
scell. pag. 85.*

XXVIII.

SILVANO FLAVIORVM

CASSIANVS.T.FLAVI. AVG. LIB

CELADI. LIBERTVS. FECIT. VNA

CVM. FLAVIS. CASSIANO. ET

AMANDO. FILIS. INCHOATA

ANTONINO . AVG. PIO . P. P

DEDICATA XV KAL APRIL

SCIPIONE ORPHITO . ET

SOSIO . PRISCO . COS

*Cap. 7. pag. 513. ad Maus. D. He-
len. Via Lavicana sigill. testac.*

XXIX.

EX. PR. DOMITIAE . LVCILLAE EX FIG
MINORIB. OP. DOL. AELI. ALE DOMIT
XANDRI*Pag. 516. num. 245. sigill. Via La-
vicana Prænestina ad Aquam Trans-
versam .*

XXX.

EX P. IVLIAE ALB. OP. HERMIAE

APR. ET PAET COS

Qp 2

Pag.

Pag. 601. num. 20. cap. 9. Via Lavicana contra Maus. D. Helen. in lapid. Tiburtino.

XXXI.

CN. OCTAVIVS L. AFRICIVS
..... THO PHILARGYRVS
NICESIA SIBI ET SVIS

Pag. 626. n. 226. ad Maus. D. Helen. Via Lavic.

XXXII.

IGNATIVS . SEM
NVS

XV KAL FEB
HANNIBALLIANO
ET ASCLEPIODO
TO COSS

Pag. 630. num. 256. in fronte sarcophagi ad murum vineæ Via Lavic.

XXXIII.

MAEBIAE . ROMA
NAE . FILIAE . PIIS
SIMAE . CEIONI
A. LOLLIANA . MA
TER INFELICISSI
MA . POS. . . .

Pag. 638. num. 324. Via Lavicana ad tertium lapidem.

XXXIV.

PETREIA
M. L. PROTA
SIBI ET
SVIS
INFR . P. XII
INAG. P. XX

Pag. 639. num. 328. ad Mausol. D. Helen. Via Lavic.

XXXV.

D . M
Q. POTINO
HERMAE

AMETHYSTVS . L
PATRON. BENEME
PICARIAE SECVNDÆ

Pag. 639. num. 334. ibid.

XXXVI.

Q. FVLVIVS
AMARANTHV
PITERNIAE
PRIMIGENIAE
CONIVG. SVAE.
CARISSIMAE
CVM . QVA
VIXIT . ANN. XXXX
INFR. P. XVI
IN AGR. P. XII

Pag. 655. num. 474. ibid.

XXXVII.

M. TERENTIVS
M. L. EVANTHV
VENVLATIA
L. L. NOBILIS

Pag. 710. num. 312. cap. 10

XXXVIII.

DIS MANIB
PETRONIAE
TELESINAE
T. PETRONIVS
EPAPHRODITVS
CONIVGI
B. M. FECIT

Cavernula subdita cum ostii vestigio ad claudendos cineres, in vinea Saccoccia ad Viam Lavicanam.

Pag. 712. num. 335. ibid.

XXXIX.

GR. ANIA QVARTA
BIMA

Item pag. 712. num. 336. ibid.

XL.

PAPINIA. Q. L
MOSCHIS

P. AR-

P. ARRIO C. L. SVRO
INFRO. P. XII
INAGRO. P. XV

LICE SOROR
B. M. F. C

Pag. 715. num. 366. ad Mausol.

Pag. 720. num. 417. Via Lavica-
cana.

D. Helen. Via Lavicana.

XLI.

M. LAEVIVS. C. L. DIONYSIVS. HOC
MONVM. FECIT. M. LAEVIO
M. F. PAL. NIGRO. F. S. ET SIBI ET SVEIS

Pag. 719. num. 411. ibid.

XLII.

D. M
MELRE. Q
VIX. AN. IX

XLIII.

DIS MANIBVS
TI. CLAVDIO. NERONIS
AVG. L. HICELO
CVBICVLARIO
VIX. ANN. XXXX

Potentissimi simulque rapacissimi
Galbae Liberti Hiceli meminit Tac-
tus hist. lib. 1. cap. 13. & 37. & Sve-
tonius in Galba.

CAPUT VI.

De Corbione, Bola, Hortana, Ecetra, & Vitellia
quondam circa Algidum Oppidis.



ROTINUS ultra Algidum intra Veteris
Latii fines Corbio Oppidum fuit, cu-
jus sæpe Dionysius ac Livius, aliique
Scriptores meminere. Breviator Ste-
phani de illo sic. Κορβίων πόλις Αἰκανῶν ἐν

Ἰταλία. Διονύσιος Ρωμαϊκῆς ἀρχαιολογίας ἰ. τὸ ἐθνικὸν Κορβίωνιος ὡς
Ἀντρώνιος scilicet: Corvion oppidum in Italia. Dionysius
Romanæ Antiquitatis decimo. Gentilitium Corvionios,
ut Antronios. Livius libro tertio, ab Quintio Cin-
cinnato Dictatore Æquos qui id oppidum occupa-
verant ex eo decedere iussos, tradidit: Ab Consule
ad Dictatorem ire iussis, ignominiam infensus addidit.
Gracchum Cluiliū ducem, principesque alios vinctos ad
se

1 Lib. 10.

se adduci jubet, oppido Corbione decedi. 1 Quod idem Dionysius inquit, edictum referens Æquis ab Dictatore inter cetera, *uti, cum Tusculanos Populi Romani socios nulla laceffiti injuria, capto & direpto oppido, in servitutem abegissent; vicissim sibi e suis oppidis Corbionem traderent eodem tractandum modo.* Quod dedi ideo postulavit Dictator, ut præsidium ibi Romanum imponeretur, nec tam facile inde in Algidum, atque hinc in Tusculanum, ceterumque Latinorum agrum excurrere possent. Brevi tamen Corbio ab Æquis rursus captum est & direptum, addente Dionysio; Æquanos, quamquam nuper devictos, arma resumisse; & omisso per noctem juventutis robore, Corbionis, quod oppidum superiore anno Romanis dediderant, præsidium sopitum adgressos interfecisse. Ceteros magno numero egressos, *Virtonem* Latinæ Gentis Oppidum primo impetu cepisse. Virtonem tamen Dionysii, *Hortanam* vicinum his locis oppidum legendum, suspicamur. Livius vero de eadem Æquorum invasione, Q. Minucio, M. Horatio Pulvillo Coss. in Corbionem oppidum facta, dum Tribunitiæ feditiones Romæ ferverent, *Uterius 2.*, inquit, *ventum foret, ni, velut dedita opera, nocturno impetu, Æquorum Corbione amissum præsidium, nunciatum esset. Senatum Consules vocant. jubentur subitarium scribere exercitum, & in Algidum ducere.* Paulloque post: *Horatius, quum jam Æqui, Corbione interfecto præsidio, Hortanam etiam cepissent, in Algido pugnat: multos mor-*
ta-

2. Vid. lib. 14.
de Tusculan.
cap. 2.

tales occidit : fugat hostem non ex Algido modo , sed a Corbione Hortanaque . Corbionem etiam diruit , propter proditum præsidium . Cui Dionysius consonans , Horatius , inquit , hoste profligato , magnaue agri parte pervastata , demum Corbionis tum mœnia , tum privata ædificia funditus evertit : atque ita reduxit exercitum .

Anno hæc V. C. ducentesimo nonagesimo septimo , ante Christum natum quadrigentesimo quinquagesimo sexto contingere . Atque hæc Corbionis oppidi postrema apud eos Historicos mentio . Quamquam autem ab Æquis Corbionem possessum , ex hætenus recitatis testimoniis audieris ; id tamen nonnisi per vim occupatione atque invasione facta, fuisse , certum est . Cum , ceteroquin Corbio Latinorum antea fuisset , & ab ipsis Romanis præsidio munitum oppidum . Dionysius enim libro quinto , in Consulatu Auli Posthumii Augurini , & Titi Virginii Tricosti , qui V. C. ducentesimo quinquagesimo octavo recensetur , hæc memoraverat : *Speculatores nunciant , Latinos iter ingressos esse cum toto exercitu . & mox alii , repentino eos adventu occupasse Castellum Corbionem , in quo præsidium quoddam erat Romanorum custodiens modicum , quos illi ad unum occiderunt ; eumque locum fecerunt belli receptaculum .* Mox : *His cognitis , Posthumius , celeriter occurrit hostibus ; properatoque per noctem itinere , cum suis copiis venit prope castra Latinorum , ad Lacum Regillum .* Ex quibus , Corbionem in Latinorum regione situm , & Romanorum prius ditionis, ab ipsis

La-

Latinis , mox Æquis occupatum , & diuturni belli una cum Algido , cui propinquum erat , sedem factum , plane perspicimus. Quamquam autem situm ipsum Oppidi , ubi olim fuerit , ex productis testimoniis designare adhuc nequeamus ; illud tamen protinus ultra Algidum , circa Lavicanam Viam , prope Regillum Lacum , & Prænestinos ac Pedanos Campos extitisse , merito conjectamur. Quod etiam alio Dionysii testimonio confirmari posse putamus , de Marci Coriolani rebus agentis 3. : *Marcus hinc exercitum adversus Lavicanos duxit . quorum oppido capto , captivos sub hasta vendidit . Inde copias ad Pedanorum oppidum traduxit . quod & ipsum primo impetu cepit . Postridie , prima luce , ad Corbionem duxit exercitum . In monte situm Corbionem fuisse crediderim , cum ab Dionysio Castellum appelletur ; quo vocabulo munita in montibus loca a natura præcipue , nominabant ; quæ posteris deinde temporibus Rocche dicta sunt. Holstenius Corbionem oppidum loco , ubi nunc recens Castellum Rocca Priora , aut certe haud multum distanti , sedisse , existimavit . Quam sententiam neque laudantes , neque vituperantes nos hic memorasse , fatis fuerit .*

In finibus pariter Algidenſium aliud fuiſſe olim Latinæ Regionis Oppidum ab Æquis sæpe occupatum videtur , *Bola , Vola , & Bolæ , aut Volæ , nomine . Livio id , Dionysio , Virgilio , & Stephani Breviatori memoratur . Quorum poſtremus hic* *Βῶλα , inquit , ὡς Νῶλα , πόλις Ἰταλίας . τὸ ἐθνικὸν , Βωλανοὶ , ὡς*

Νωλανοί . quod est : *Bola* , ut *Nola* , oppidum Italiae .
 Gentilitium : *Bolani* , ut *Nolani* . Virgilius Bolam
 ab Albanis vel conditam , vel certe suorum Co-
 loniam deductam celeberrimis versibus significa-
 vit . 4.

4. Lib. 6.

*At , qui umbrata gerunt civili tempora quercu ,
 Hi tibi Nomentum , & Gabios , urbemque Fidenam ,
 Hi Collatinas imponent montibus arces ,
 Pometios , Castrumque Inui , BOLAMQUE , Coramque .*

Hæc tum nomina erunt . nunc sunt sine nomine terræ .

Quod autem Bolæ Algidenſi regioni fuerint finiti-
 mæ , ex Dionyſio , multoque magis ex Livio erui-
 mus . Dionyſius ſ. namque inter Coriolani iter in- 5. Lib. 8.
 feſtum ad Urbem , ejuſque oppidorum per Latium
 direptionem Imperator , inquit , copias hinc duxit ad
 Bolanorum oppidum . atque aliquanto poſt : expugna-
 to eo quoque oppido , exercitum adverſus Labicanos du-
 xit . Livius autem diſertius libro quarto , Æquos ,
 inquit , triennio ante accepta clades prohibuit Volanis ,
 ſuæ Gentis populo , præſidium ferre . Excursiones inde in
 confinem Lavicanum agrum factæ erant ; novisque colo-
 nis bellum illatum . Mox : tentatum ab L. Sextio Tribu-
 no plebis , ut rogationem ferret , qua Volas quoque , ſicut
 Lavicos , coloni mitterentur , per interceſſionem Collega-
 rum , qui , nullum plebiſcitum , niſi ex auctoritate Sena-
 tus , paſſuros ſe perferri , oſtenderunt , diſcuſſum eſt . Vo-
 lis inſequenti anno , receptis , Æqui , Colonia eo deducta ,
 novis viribus oppidum firmarunt . Tribunis militum Con-
 ſulari poteſtate Cn. Cornelio Coſſo , L. Valerio Potito ,

R r

Q. Fa-

Q. Fabio Vibulano iterum , M. Posthumio Regillensi : huic bellum adversus Æquos permissum est , pravæ mentis homini , quam tum victoria magis , quam bellum ostendit . nam exercitu impigre scripto , ductoque ad Volas , quum levibus præliis Æquorum animos fregisset ; postremo in oppidum irrupit . Et libro sexto : victor Camillus ex Volscis in Æquos transiit , & ipsos bellum molientes . exercitum eorum , & Bolas oppressit . nec castra modo , sed urbem etiam adgressus , impetu primo cepit .

6. Lib. 14. in
pne .

Diodorus denique 6. : Dictator , Bolas ab Æquis , qui nunc Æquiculi vocantur , oppugnari audiens ; ductis eo copiis , maximam obsidentium partem trucidavit . Porro Bola , aut Vola , quasi medium alicujus planicie , dictum , a manus planicie similitudine , quæ proprie Vola Latinis dicta est . Ut etiam Volaterræ vetustissimum Etruriæ oppidum , quasi terræ medium . Bolas Cluverius fuisse putavit haud ita procul recenti oppido , nomine Zagarolo . Bolanam Familiam , ex hoc oppido Romam venisse crediderim , ex qua Bolanus ille , cujus Horatius meminit .

7. Sat. 9. l. 1.

7. ——— o te Bolane cerebri

Felicem , ajebam tacitus .

Ceterum de Bola oppido , quod ultra Algidum fuit in montibus circa Præneste , cum de Prænестinis agemus , opportunior sermo recurret . 8.

8. Vet. Lat lib.
16. cap. 12.

Hortana quoque oppidum ultra Algidum montem fuit , in confinio Latinorum Æquorum & Hernicorum . Aliis tamen Hortona pro Hortana memoratur . De illo Livius atque Dionysius non semel .

mel. Unum alterumve ex illis testimonium huc adduxisse satis esto. Livius 9. *Senatum Consules vocant : 9. Liv. l. 3. jubentur subitarium scribere exercitum, & in Algidum ducere. Et paullo post : Horatius, cum jam Æqui, Corbione, interfecto præsidio, Hortanam etiam cepissent, in Algido pugnat. multos mortales occidit : fugat hostem non ex Algido modo, sed a Corbione Hortanaque. Dionysius vero 10. : Æqui etiam, nuper devicti, arma re- 10. Lib. x. sumserunt. & misso per noctem juventutis robore, Corbionis præsidium sopitum adgressi interfecerunt. ceteri magno numero egressi Virtonem Latinæ Gentis oppidum primo impetu ceperunt. Hic enim cum Cluverio putamus de Hortona seu Hortana sermonem esse ; quod oppidum Virtonem a Græcis vel auctoribus, vel certe Dionysii librariis, ita corrupte fuerit nominatum. Quod idem dicendum de Livii Artona, merito existimamus, ubi vulgata exemplaria ha- 11. Lib. 2. bent 11. : Cæso Fabius & Sp. Furius Consules fiunt. Artonam Latinam Urbem Æqui oppugnabant. Cujus oppugnationis in descriptione, Dionysii exemplaria, corruptius adhuc habent Horos 12. pro Hortona. 12. Lib. 8. in fine. Eodem igitur tractu, ultra Algidum, circa Præneste ac Lavicos, fuit Hortona veterum Latinorum Oppidum.*

Neque Ecetra, sive Ecbetra, ut Græci maluerunt, multum exinde distasse videtur, Oppidum quondam celebre ; Volscorum quidem, verum in Latinorum vicinia & confinio quammaxime, situm ultra Algidum in montibus. Populi Ecetrani, sive

13. *Lib. 4.* *Echetrani appellati. Dionysius 13.: Volscorum duo tantum Populi adfenserunt. Echetrani atque Antiates.*
14. *Lib. 2.* *Et Livius 14.: Decedentem Romam Ecetranorum Volscorum Legati rebus suis timentes, post Pometiam captam, adeunt. his ex Senatus Consulto data pax; ager ademptus. Quod ipsum Dionysius confirmat 15.. De foedere Ecetranorum cum ceteris Volscis, ac præcipue Antiatibus, idem Livius libro tertio, & Dionysius octavo. Dionysii verba: Convenerunt undique honoratiores pariter, & magna reliquæ turbæ multitudo Echetræ. hæc quippe urbs ad ceterarum comitia aptissimo loco sita esse videbatur. Dionysius iterum libro decimo: Fabius, reddito civibus Tusculo sub vespere, quanta celeritate potuit, in hostem inde movit; audito, ad Algidum esse totum Volscorum exercitum, & continuato per totam noctem itinere, sub lucem se ostendit hostibus in campo stativa habentibus. Captis nullo negotio castris, Echetræ exercitum duxit: quæ tunc clarissima erat Volscorum, & optimo loco sita urbs. Ex quibus merito Cluverius colligit, Ecetram ultra & Tusculum, & Algidum fuisse; Coram inter Volscorum, atque Hernicorum Anagniam; qua Volscis Æqui simul & Hernicis fuere contermini. Quod ex aliis quoque Livii congestis testimoniis confirmat. Quod autem in montibus fuerit Ecetra, Livius idem sic disertissime 16. Q. Servilius & L. Geganius læva ad montes Ecetram pergunt. Denique Livius eodem libro situm oppidi hujus designavit his verbis: Cum Volscis inter Ferentinum atque Ecetram signis collatis*
15. *Lib. 6.*
16. *Lib. 4.*

tis dimicatum . Romanis secunda fortuna pugnae fuit .

Eodem denique tractu , Regione Algidina , ultra Corbionem , *Vitellia* fuit Oppidum atque Colonia. Æquorum quidem , verum Latinis finitima.

Livius de Coriolano 17. locutus : *tunc deinceps Corbionem , Vitelliam , Trebiam , Labicos , Pedum cepit .* 17. Lib. 2.

Et libro quinto : *Vitelliam Coloniam Romanam in suo agro Æqui expugnant . colonorum pars maxima incolumis (quia nocte prodicione oppidum captum liberam per averſa jugam dederat) Romanam perſugere .* Svetonius quoque in Vitellio 18. : *Indicia ſtirpis diu manſiſſe*

Viam Vitelliam ab Janiculo ad mare uſque . item Coloniam ejusdem nominis , quam Gentili copia adverſus Æquiculus tutandam olim depopoliſſent . Bitillia idem oppidum Græcis aliquando dictum . Aliis *Vicellia* . 18. Cap. 1.

Apud Plinium 19. in Veteri Latio populi leguntur *Vicellenses* ſive *Vicellienses* , quos ex *Vitellia* denominatos , corrupte , merito cum Cluverio putamus .

Iidem eidem *Vitellienses* , & *Vitellini* nominati ; inter Antiquos Latinos exciſos ſine veſtigiis . Ex quibus omnibus prudenter colligimus , Oppida , Corbionem , Hortanam , Bolam , Ecetram , atque Vitelliam circa & ultra Algidum fuiſſe , Latinis in confiniis : & vero Algidenſi Regioni contermina , inter loca , nunc , *Montefortino* , *Valmontone* , *Oſtaria di mezza Selva* , *Ferentino* , &c. At horum Populi vel anti-

quiſſimis temporibus Volſcorum proprie , Æquorum , atque Hernicorum Pars fuerunt . Urbium autem ipſarum ſitus (ſiquidem eæ ſub prima Roma-

norum sæcula excisæ videntur) subsecutis ætatibus in Novo Latio a Scriptoribus fuit comprehensus . Ne igitur ultra propositos nobis Veteris Latii terminos longius nimis evagemur , ulteriori eorundem Oppidorum vestigationi , ac descriptioni parcemus .

FINIS LIBRI DECIMIQUINTI.



INDEX RERUM

MEMORABILIMUM

Quæ in his libris continentur.

A

A Ctaonis fabula sarcophago in-
sculpta, *Via Lavicana*. pag. 303
Ad Columnen locus forte ubi nunc op-
pidulum La Colonna in Agro Tu-
sculano. 55
Ad duas Lauros locus celebris *Via*
Lavicana. 296
Ædes Castoris & Pollucis Tusculi.
173
Ædificia & oppida in Tusculano de
cæmentis veteris Tusculi excitata
permulta. 28
Æqui ab Tusculanis sub jugum missi.
54
Æqui Æquani Æquicolæ unde dicti.
251.
Æqui sedem belli adversus Romanos
in Algido diutissime tenuerunt. 242
& *seqq.*
Æqui Tusculanum Agrum depopulan-
tur. 59
Ager Tusculanus ab Æquis Volscis
& Hernicis sæpe devastatus. 47 &
seqq.
Agri Tusculani felicitas. 178
Agri Tusculani felicitas plurimarum
in eo villarum causa. 84
Agri Tusculani præcipui fructus anti-
quitus commendati. 185. & *seqq.*
Albanorum Colonia Tusculum dedu-
cta. 76
Albanus (Annibal Cardinalis) lauda-
tus. 81
Albinianum Rus Tusculanum & Al-
banum. 141
Alcimachi Militis sepulcrum in Tu-
sculano. 156
Alcimi pueri sepulcrum Via Lavica-
na. 296

Aldobrandina (Olympia) Tusculanæ
Sanctissimi Nominis Jesu Ædis
Fund. 13
Argentiana Aqua quæ. 259
Algidenfes rusticationes. 261
Algidenfes silvæ. 261
Algidentia pascua. 260
Algidentis Regionis natura. 247
Algidentium variæ appellationes. 250
Algidianum Memmianum. 266
Algidi oppidi jamdiu diruti vestigia
ubinam. 248
Algidi regionis situs. 242
Algidi varia vocabula. 245
Algidum olim Romanis terrori fuit.
252.
Algidum quid fuerit. 241
Algidus Mons ab Albano Monte di-
versus. 246
Alphius sænerator num rus habuerit
in Tusculano. 141
Amadeorum vinea Tusculana. 155
Amblasinus Fundus Tusculanus. 142
Ancariorum inscriptus lapis in Tuscu-
lano. 76
Anglorum Collegii in Urbe villa &
prædia in Monte Porcio. 214
Annæorum lapis in Tusculano. 144
Annibal in Algido. 262
Annibalis Campi in Algido ubinam
fuerint. 263
Annibal Labicanorum agrorum ferti-
litate usus. 292
Anthusæ sepulcrum in Tusc. 154
Antiquæ urbis Tusculi situs loco, qui
nunc vulgo dicitur il Tuscolo in om-
nibus optime congruit. 27. & *seqq.*
Apicii guloſorum principis Rus Tu-
sculanum. 142
Appius Herdonius Sabinus Capito-
lium Romæ vi occupat. 49
Apſa-

Apfianiana prædia in Tusculano . 138
 Aquæ Agrum Tusculanum irrigantes . 185
 Aquæ pro Tepula habitæ Monumenta . 89
 Aqua Crabra etiam Damnata, & Julia dicta . 90
 Aqua Crabra in Agro Tusculano . 88
 Alinius extra Portam Exquilinam occisus . 296
 Ara Solis in Tusculano . 133
 Arcanum Ciceronis prædium prope Arpinum . 94
 Archiæ versus de Græcorum Ludis . 148
 Arx antiqui Tusculi ab Æquis occupata, Romanorum auxilio recipitur . 53
 Aureliæ Gentis prædia Tusculana, 141
 Aureliæ Statiliæ lapis in Tusculano . 145

B

B Aldinus (P. Jo. Franciscus Congreg. Somaſch.) laudatus . 177
 Bambalio Tusculanus . 233
 Bella in Algido decertata. 250 & seq.
 Benedictus (Petrus) Maronita Soc. Jefu laudatus . 81
 Beſtiarium L. Luculli in Tusculano . 119
 Bibliothecæ locupletiffimæ L. Luculli in Tusculano . 127
 Bivium ſeu Birium quid . 300
 Blancus (Franciſcus Tuſculanus) quæ detexerit nuper in Tuſculano Veterum monumenta . 236
 Bolam Colonia deducta . 313
 Bolana Familia . 314
 Bola oppidum unde dictum . 314
 Borgia (S. Franciſcus) aquarum venas ſalubres Tuſculi reperit . 13

C

C Acoethes de omnibus dubitandi, & omnia in dubium revocandi damnatum . 2

C. Arunceii lapis apud oppidum la Colonna . 302
 C. Afinii Pollionis Rus Tuſculanum . 164
 C. Cælii lapis . 159
 C. Cilnii Mecænatis Tuſculana Rura . 165
 C. Coponii Creſcentis Tuſculanenſium Decuriæ Quæſtoris lapis . 78
 C. Julii Cornuti Monumentum prope Montem Porcium . 215
 C. Julii Phronimi lapis . 173
 C. Plinius Cæcilius prædia habuit Tuſculana . 166
 Calpurniæ Prætextatæ Virginis Veſtalis Maximæ lapis . 216
 Capitolium Romæ ab Sabinis occupatum, Tuſculanorum auxilio magna ex parte Romani receperunt . 49
 Caſſiæ Magnæ lapis in Tuſculano . 151
 Caſtores apud Lacum Regillum pro Romanis pugnaſſe crediti . 179. & ſeqq.
 Cato Grammaticus villam habuit in Tuſculano . 212
 Centronia Villa in Tuſculano . 85
 Centroniorum nomen & locus in Tuſculano quid fuerit . 157
 Chalciopea fons in Tuſculano . 136
 Chriſtianorum antiqui Tuſculi monumenta detecta . 11
 Ciceronis de Municipio Tuſculano teſtimonium honorificentiffimum . 75
 Ciceronis Tuſculanæ villæ præcipua ejusdem opera debemus . 99
 Ciceronis Tuſculanarum Quæſtionum argumenta . 100
 Ciceronis Tuſculani mentio frequens in ejus ad Atticum epistoſis . 94 & ſeqq.
 Ciceronis Tuſculani præcipuæ partes . 95
 Ciceronis Tuſculanum domini ſui delicia, ac tranquilluſ reſceſſus . 99
 Ciceronis Villa Aſturæ . 102
 Ciceronis Villa Lanuvina . 102
 Cicero Tuſculanum ſuum a P. Clodio incenſum recuperat, & publica pecunia reſtituit . 101 & 102
 Cin-

Cincia vinea Tusculana . 153
 Circe Telegoni Conditoris Tusculi ma-
 ter forte culta a Tusculanis . 175
 Cl. Irenici lapis in Tusc. 151
 Claves Urbis Tusculanae excisae diu
 Romae de Gallieni Fornice suspensae .
 80
 Clemens XI. P. M. laudatus . 81
 Clivus mollissimus Tusculanus ubi
 olim fuerit . 25
 Cloelius Gracchus Aequorum Dux
 contra Tusculanos . 56
 Ejus superbia punita . 58
 Cluverii (Philippi) de situ antiquae
 urbis Tusculi vera sententia quae .
 17
 Coccejanum Rus in Tusculano . 86
 Coccejanum villa Coccejorum in Tu-
 sculano . 161
 Coenare in Apolline quid sit . 116
 Coenarum L. Luculli in Tusculano lu-
 xuries . 115
 Collegii Tusculani Soc. Jesu vinea ad
 Viam Tusculanam . 154
 Collis Corne in Tusculano ubi fuerit .
 170
 Consules Tusculanorum Magistratus .
 42
 Contuccius (P. Contuccius S. J.) lauda-
 tus . Veterum monumenta nuper
 detecta prope Rufinellam Collegii
 Romani S. J. villam in Monte Tu-
 sculano diligenter recensuit . 240
 Corbionis oppidi vicinia . 312
 Corbio , sive Corvion Latinorum op-
 pidum directum . 310
 Corneliorum lapis in Tusculano . 153
 Cornuficiorum villa in Tusculano . 86
 Corradinus (Petrus Marcellinus)
 Cardinalis Veteris Latii Historiae
 Mecenas optimus commendatus .
 122
 Coruncania Gens Tusculana . 229
 Craffi Villa in Tusculano . 108
 Crypta Ferrata unde dicta . 105
 Cusinatorum monumenta in Tuscula-
 no . 159

D

D Almatiorum Monumenta Via
 Lavicana . 298
 Deliciae L. Luculli contra Puteolos ,
 ad Lacum Circejensem , & in Tu-
 sculano . 112
 Dianae sacrum Nemus & Templum
 in Colle Corne in Agro Tusculano .
 170
 Dianae Templum in Algido . 279
 Dictator Magistratus olim supremus
 Tusculanorum . 66
 Dictator Tusculanus suos Romae apud
 Senatum crimine defectionis pur-
 gat . 64 & 65
 Dii Consentes qui . 267
 Doctorum virorum de Antiqui Tu-
 sculi situ Disquisitio & Pervestigatio
 diligentissima . 25. & seqq.
 Doctorum virorum de situ veteris ur-
 bis Tusculi concors & vera senten-
 tia . 30
 Dolichenus sive Dulychius Juppiter
 quare cultus a Tusculanis . 34
 Drusus Tiberii Caesaris pater rus ha-
 buit Tusculanum . 142

E

E Cetrani , sive Echetrani populi .
 316
 Ecetra sive Ecetrae oppidum Latino-
 rum . 315
 Equitis Romani villa ornatissima in
 Tusculano . 129
 Eradianum Rus Via Lavicana . 298
 Exquillina Porta . 294
 Exquilius Campus . 294

F

F Abia Tribus . 232
 Fabiae Anthusae ara sepulcralis
 in Tusculano . 158
 Fabii unde dicti . 230
 Fabiorum celebritas . 231
 Fabiorum Gens Tusculana . 230
 Fabium oppidum olim in Monte Alba-
 no . 246
 Fabretti (Raphaelis) de antiqui Tu-
 sculi

- sculi situ sententia.* 18
Falconeria villa Tusculana elegantis-
sima. 145
Familia & Gens quid sint, & in quo
differant. 217
Fanniae Sementivae lapis. 235
Figularum sigilla in Tusculano re-
perta. 155
Flaviae Albinae lapis. 266
Flaviae Daphne lapis in Tusculano.
 144
Fotina lapidis Tusculani. 188
Forum, oppidum olim in Monte Al-
bano. 246
Furia Gens Tusculana. 226
Furiorum inscriptiones. 226
Furiorum sepulcrum in Tusculano.
 226.

G

- G** *Alli Favonii lapis Via Latina.*
 272
Gamaliolorum Monumenta in Tuscu-
lano. 139
Gaviae Helpidis sepulcrum in Tuscu-
lano. 163
Geminus Metius Tusculanus a T.
Manlio Consul filio singulari cer-
tamine victus. 70. & 71
Gregorius XIII. P. M. Pagum Mon-
tis Porcii beneficentissime adauget.
 213

H

- H** *Erbasiorum lapis in Tusculano.*
 91
Hercules cultus a Tusculanis. 173
Herculis fortasse templum in Tuscula-
no. 174
Hermathena quid. 91
Hermeracidae quid. 97
Holltenii (Lucae) de Algido Monte
sententia. 249
Holltenii (Lucae) de situ antiquae ur-
bis Tusculi sententia pluribus con-
futata. 16 & seqq.
Hortana oppidum Latinorum. 314
Hortanenſes Populi. 315

I

- I** *Lex stupendae magnitudinis in*
Agro Tu'culano. 170
Imp. Didii Juliani sepulcrum Via
Lavicana. 297
Imp. Severi Alexandri & Mammeae
ejus matris sepulcrum olim Via La-
vicana. 297
Jovi & Dianae facta dedicatio. 170
Juliae Julianae lapis. 237
Julii Aspri bis Consul lapis erutus
nuper in Tusculano. 237
Julii Caesaris Lavicanum. 292
Juliorum Monumenta in Tusculano.
 144
Juliorum monumentum in Tuscula-
no. 162
Junonis Dedicatio Tusculana. 172
Juventia Gens Tusculana. 229

K

- K** *Ircherii (Athanasii) diligentis-*
sima de veteris urbis Tusculi si-
tu & ruderibus perveſtigatio. 10

L

- L** *Abeonianum Rus Tusculanum.*
 141
Labicana Arva fertilia. 291
Labicanum Municipium desertum.
 291
Labici excisi Plinii aetate. 303
Labici Montes. 293
Labici oppidi situs ubinam. 289
Labici Romanorum Colonia ex iis, quae
Priscae dictae sunt. 291
Labici scuta picta quid significave-
rint. 290
Labicum oppidum unde dictum. 293
Labicus senex Bellator. 293
Laterensis Familia Tusculana. 233
Latinae Viae Monumenta. 271
Latini Arcis Tusculanae obsessores, &
intra urbem Tusculum a Romanis
obsessi caesque. 67 & seqq.
Latona Dedicatio ap. oppidum Zaga-
rolo. 302
Lavicanae Viae Stationes. 294
 La-

Lavicanæ *Via stationes ex Holstenio.*
301
Lavicani *prædas in Agro Tusculano*
agitant. 61
Lavicanis *Agrum Tusculanum depo-*
pulatis Romani bellum indicunt. 61
Lavicanus *sacer Antistes.* 304
Lavicum *ab Romanis captum.* 62
Leslæi (*P. Alexandri Soc. Jesu*) *laus,*
& Tusculanorum aliquot lapidum
recensio. 146 & seqq.
Lesleus (*P. Alexander Soc. Jesu*)
laudatus. 215
Libertini *hominis villa ornatissima in*
Tusculano. 129
Liciniana *sepulcra Via Lavicana.*
299
Liciniæ *Gentis libertorum lapides.*
161
Lieberinum *Prædium in Tusculano.*
139
L. Annii *Fabiani lapis Via Latina.*
273
L. Annii *lapis in Tusculano.* 134
L. Cæsonii *Reipublicæ Tusculanorum*
Curatoris lapis. 77
L. Caninii *lapis prope Montem Por-*
cium. 216
L. Jaboleni *lapis in Tusc.* 151
L. Licinii *Amassynthii villa ornatissi-*
ma tropheis L. Luculli patroni sui
in Tusculano. 131
L. Ligarii *Tusculanum.* 142
L. Luceii *Historiarum scriptoris villa*
in Tusculano. 107
L. Luculli *forte sepulcrum in Tuscula-*
no, ubinam. 130
L. Luculli *in cibus intemperantia nota-*
ta. 130
L. Luculli *luxus a Cicerone notatus.*
128
L. Lucullus *junior patre Lucullo lu-*
xuriosior in cœnis. 129
L. Quintius *Cincinnatus Dictator ab*
aratro Æquos devicit 57 & seqq.
L. Sylla *Dictator Perpetuus Tuscula-*
ni, quod postea fuit Ciceronis, olim
dominus. 98
Lucullanarum *villarum amplitudo in*

Agro Tusculano. 109 & seqq.
Lupii (*P. Antonii Soc. Jesu*) *laus,*
& multorum in Tusculano veterum
monumentorum accurata recensio.
142 & seqq.

M

M Amiliæ *Gentis illustres viri.*
220
Mamiliorum *antiqui numi explicati.*
223
Mamiliorum *Gens & Familia Tuscu-*
lana nobilissima. 218
Mamiliorum *inscripti lapides.* 124
Manlianum *Rus Q. Ciceronis in Ar-*
cano. 94
Manfueti *Stertini lapis in Tusculano.*
152
M. Antonii *Abascanti lapis.* 235
M. Attii *lapis in Tusculano.* 234
M. Aurelii *Antonini Imp. Dedicatio*
in Tusculano. 143
M. Bebi *Brix. Dictatoris lapis.* 159
M. Bruti *Oratoris villa in Tusculano.*
107
M. Cincii *Stephani lapis in Tusculano.*
153
M. Durmii *lapis.* 159
M. Furius *Camillus in Tusculanos mo-*
vet. 63
Marciorum *villa in Tusculano.* 86
M. Petronii *lapis in Tusculano.* 149
M. Porcii *Catonis Censoris lapides in-*
scripti in Tusculano. 200
M. Porcii *Catonis educatio severa in*
Tusculano. 196
M. Porcii *Catonis in sua Tusculana,*
villa frugalitas. 199
M. Porcii *Catonis Junioris sive Uti-*
censis vitæ breviarium. 205 & seqq.
M. Porcii *Catonis res bello gestæ.* 197
M. Porcius *Cato Tusculanus.* 195
M. Scauri *villæ Tusculanæ ornatissi-*
mæ. 164
M. Terentii *Phoroxini monumenta in*
Tusculano. 140
M. Tullii *Ciceronis inscripti lapides*
in Tusculano. 91 & 92
M. Tul-

- M. Tulli *Ciceronis Tusculanum forte duplex* . 88
M. Unionis *monumentum in Tusculano* . 150
Mariorum *villa in Tusculano* . 86
Matteii (*Barnabæ*) *de Tusculi veteris situ sententia rejecta* . 3 & seqq.
Meduliana *villa Tusculana* . 137
Mensa *duodecim Consentibus diis insculpta in Algido* . 266 & seqq.
Metellianum *in Tusculano* . 137
Meviorum *Monumenta in Tusculano* . 137
Minervæ *Dedicatio in Tusculano* . 173
Mondraconia *villa Gentis Burgbesiæ in Tusculano magnificentissima* . 143
Montis *Porcii prima quasi origo, & incrementa* . 213
Monumenta *Tusculanæ urbis excisæ in Capitolium inuenta* . 80
Municipii *Concordiæ Juliæ Nertobrigens. in Hispania monumentum in Tusculano repertum* . 160
Municipii *Tusculani leges peculiares quædam* . 75
Municipium *Tusculanum Ciceronis ætate a populo infrequens* . 76
Murenarum *villa in Tusculano* . 86

N

- Naturæ *portenta in Tusculano* . 187
Nikeliana *Turris prope Montem Porcium* . 214

O

- Octavius *Mamilius Tusculanorum Imperator bello adversus Romanos* . 43
Onelini *Dispensatoris lapis in Tusculano* . 234
Oppidulum *Rocca Priora, sive Spergiura, unde dictum* . 82
Oppidum *La Molara a quibus conditum, & unde dictum* . 82
Ornamentorum *Tusculani Ciceronis Monumentum* . 92
Ornithones *L. Luculli in Tusc.* 118
Olla *Fab. in Tusculano* . 152

P

- P Allotta *villa prope Montem Porcium* . 214
Pancratiaestes, & *Pancratium quid fuerit* . 148
Papiria *Pagus in Agro Tusculano* . 190
Pascua *Algidensia felicissima* . 265
P. P. Lucenhum *Matris Dei villa in Tusculano cujus olim* . 132
Periodonica *quis dictus* . 148
Petroniorum *Prædia Tusculana* . 142
Phæbi *sepulchralis Inscriptio Tusculana* . 163
Pinacothecæ *L. Luculli quid* . 125
Piscinæ *mirabiles L. Luculli* . 123
Plancia *villa in Tusculano quæ* . 85
Plautianum *in Tusculano* . 140
Plutarchi *testimonium de Villis Tusculanis L. Luculli* . 114
Plutiorum *lapis in Tusculano* . 236
Publicolarum *Sanctæ Crucis [Familia Romæ illustris]* . 229
Pollianum *in Tusculano* . 140
Pollia *Romana Tribus Tusculanis infensa* . 72
Popiliorum *lapides in Tusc.* 158
Porciæ *Gentis illustres viri ex Gellio* . 203
Porciæ *Gentis inscripti lapides* . 210
Porciæ *Gentis nomen unde derivatum* . 201
Porciæ *uxoris Bruti virtus* . 209
Porciorum *inscriptus lapis* . 216
Porciorum *villæ Tusculanæ vestigia, ubi* . 213
Porcius *Latro orator* . 210
Porcius *Ejusdem versus* . 211
Porcius *Mons patria M. Porcii Catonis* . 195 & seqq.
Posthumianus *Fundus in Tusculano* . 140
Posthumius *Tubertus de Algidensibus triumphat* . 258
Prænestini *Tusculanos Agros depopulantur* . 62
Prata *Porcia in Tusculano* . 86
Prata *Porcia quid* . 216
P. Clodius *Tusculanum Ciceronis incen-*

ceendit. 101
P. Marcius capite plexus Via Lavicana. 294
Pupiniæ Agri in Tusculano cultores qui. 192
Pupinia Pagus in Agro Tusculano. 190
Puticuli, vel Puticulæ quid. 295
Pyrtianum in Tusculano. 140

Q

Quietis Fanum Via Lavicana. 296
Quindecim Viri sacris Dianæ faciundis in Algido. 285
Quinquerio quid. 148
Quintanenses Labicani. 300
Quintia Gens num fuerit Tusculana. 227
Q. Ciceronis Tullii fratris villa in Tusculano. 106
Q. Horatii Flacci Poetæ villa candens Tusculi superni. 165
Q. Hortensii Bestiarium in Laurentino. 120
Q. Hortensii Oratoris villa in Tusculano. 107
Quo anno Vetus Tusculum fuerit excisum. 81

R

R. Amiorum monumenta in Tusculano. 169
Rapa Algidentia celebra. 265
Raphanus Algidentis. 365
Regillus Lacus celeberrimus in Tusculano quis fuerit, & quomodo nunc appelletur. 179 & seqq.
Regillus Lacus in Agro Tusculano quis. 44
Rhanidis Sulpiciæ L. Monumentum in Tusculano. 159
Roborea (Lucretia) B. Magdalena Sacelli Tusculani Auct. 13
Roccia Villa Tusculana culta. 146
Romani cum Tiburtinis crudeliter in Tusculanos inveci. 79
Rufinella, olim Sacchetta, Villa Col-

legii Romani S. J. optimo loco in Monte Tusculano. 239

S

S Acrorum Tusculanorum Monumenta. 176
Sanctæ Mariæ in Vivario sacra Ædes Tusculi cur sic vocata. 12
S. Bartholomæus B. Nili Junioris sciculus in Tusculano. 104
Sanctus Nilus Junior in Tusculano. 104
Savinus (P. Andreas S. J.) laudatus. 232
Sempronii Tucidani lapis Via Latina. 272
Senatus Tusculanus Romam pergit ad purgandas furum accusationes. 64
Ser. Septimii Galbæ Imperatoris villa in Tusculano. 132
Servorum commune sepulcrum in Campo Exquilino. 295
Sex. Cocceii lapis. 159
Silani fragmentum in Tusc. 148
Simonidis carmina de Græcorum certaminibus. 154
Sodalitium sacrorum Tusculanorum. 175
Sorani Ducis Primogenitus Dux Arcis appellatus. 94
Sosimi Structoris Monumentum in Tusculano. 145
Spolia de Tusculanis a Tiburtibus asportata. 80 & 81
Stationes Viæ Latinæ. 273
Sratuarum copia in villis L. Luculli. 124
Strabonis de situ veteris Tusculi apertissimum testimonium. 3
Strabonis testimonii de Tusculi situ genuina explicatio. 5

T

T Elegoni Conditoris Tusculi Fabula. 33
Telegonus Ulyssis & Circes filius veteris urbis Tusculi Conditor communiter habitus. 30 & deinceps.
Temenos quid fuerit. 149
 Thæ-

- Thamianum in Tusculano. 136
 Thalliana prædia & monumenta in Tusculano. 137
 Thermarum Lucullanarum vestigia in Tusculano. 121
 Ti. Claudii Chlorei Militis sepulcrum in Tusculano. 156
 Tiro M. Tullii Ciceronis Libertus a manu villam forte habuit in Tusculano. 207
 Tiro M. Tul. Cic. Libertus in Tusculano. 86
 T. Anirii Villa in Tusculano. 108
 T. Flavii Philomusi lapis. 235
 T. Flavii Procli lapis in Tusculano. 235
 T. Pomponii Attici villa in Tusculano. 107
 T. Manlius T. Consulis F. ob violatam militarem disciplinam, licet victor, a patre capitis plectitur. 71
 Trapezophoron quid. 91
 Trivinii lapis in Tusculano. 176
 Tryphosæ lapis Tusculanus. 162
 Tulliola Ciceronis filia in Tusculano mortua. 100
 Tusculana antiquæ urbis situs. 1 & seqq.
 Tusculana recentes villæ e rudibus antiqui Tusculi passim constructæ. 28
 Tusculana Veterum villæ intra antiqui Tusculi mœnia non fuerunt. 14
 Tusculana Rusticatio frequentata ab Romanis in summis æstivis caloribus. 167
 Tusculanensium Decuria. 78
 Tusculani apud Romanos defectionis accusantur. 63
 Tusculani cum Latinis reliquis sæderati contra Romanos. 43
 Tusculani in Tribu Papiria inclusi. 73
 Tusculani Jovem Majum coluerunt. 168
 Tusculani Romanas Tribus ambiunt supplicia deprecaturi. 72
 Tusculani Romanos e prælio, re male gesta, revertentes comiter & amice suscipiunt. 59
 Tusculani Senatus in Romana Curia oratio. 65.
 Tusculani socii Romanorum appellati. 41
 Tusculanis pleno jure Romana Civitas data. 74
 Tusculanorum artes cum Romanis. 64. & seqq.
 Tusculanorum contra Romanos pugna apud Regillum Lacum. 44 & seqq.
 Tusculanum Ciceronis, nunc Collegium Asseclarum Sancti Basilii Magni, vulgo La Badia di Grotta Ferrata. 104
 Tusculi antiquam urbem haud ita magnam fuisse, Veterum de testimoniis eruitur. 15
 Tusculi veteris Conditor quis. 30 & deinceps.
 Tusculi urbis Condita tempus quod. 35
 Tusculi urbis nomina varia apud Græcos, & eorum origines. 36 & seqq.
 Tusculum Albanorum Colonia. 40
 Tusculum etiam Δυσκολον dictum, & unde. 6
 Tusculum Latini Nominis Urbs. 40
 Tusculum Municipium honestissimum. 73
 Tusculum Municipium, idemque honestissimum & antiquissimum. 75
 Tusculum novum Frascati, non vero Frascati nominatur. 12
 Tusculum novum cur Frascati appellatum. 12
 Tusculum quare Ἀρετῆριον appellatum. 6
 Tusculum urbs olim populosa, & commercii ac literis frequens. 64
 Tusculus Collis, non Tusculum urbs, Straboni dictus irriguus. 23

V

- V Aleria Gens num fuerit Tusculana. 229
 Vecilius Mons prope Algidum. 256
 Vergiliorum Monumenta in Tusculano. 153
 Verriorum Marmor Tusculanum. 162
 Veteris Tusculi excidium. 79
 Ve-

Veterum Villæ in Tusculano enumerata .	85	ni Soc. Jesu prope Vetus Tusculum.	87
Via Latinæ lapides inscripti ex Fabretto .	275. 76. 77. 78	Vilifari monumentum in Tusculano .	133
Via Tusculanæ antiquæ adhuc apparentia vestigia ubi .	20	Virginii Virginie patris funesta apud Algidum concio .	256
Via Lavicanæ inscripti lapides ex Fabretto .	304. & seqq.	Vitellia oppidum .	317
Via Tusculana quænam potissimum dicta .	189	Vitellienfes seu Vitellini Populi .	317
Villa Ciampina Tusculana .	151	Volscorum reliquiæ ab Tusculanis cæsa .	60
Villæ olim in Algidio .	261	Ulpii Firmi Domestici Græcum Monumentum in Tusculano interpretatum .	147
Villæ Veterum permultæ in Tusculano .	135 & seqq.	Ulysses Telegoni Conditoris Tusculi pater fortasse pro Deo habitus a Tusculanis .	175
Villa Magna Via Lavicana, unde sic dicta .	301		
Villa Sacchetta, nunc Collegii Romani			

TABULÆ MONUMENTORUM

A C R U D E R U M

In quibus Veteris Tusculi Agrique Tusculani Ædificiorum aliqua adhuc apparent vestigia, in his libris expressæ.

LIBRO DE TUSCULANIS.

TAB. I.	T usculi veteris Situs & Constitutio.
TAB. II.	Nonnulla Tusculanorum veterum Monumenta . scilic. I. C. Mamiliæ ex Gente Tusculana Numus, in quo Ulysses & Mercurius Telegoni Conditoris Tusculi Majores repræsentantur . II. Numulus Sodalitii Veterum Tusculanorum . III. Sulpiciæ Gentis origine Tusculanæ Numus apud Uscinum, in quo urbs Tusculum, & Castores, qui ad Regillum in Tusculano crediti sunt pugnasse, exhibentur . IV. Antiquæ Urbis Tusculi figura eodem ex numo . V. L. Luculli sepulchri vestigium, prope Portam Tusculanam, nunc di S. Pietro di Frascati, privata domus intra fines inclusum . VI. Vetus sanum ne an sepulcrum? in Agro Tusculano, olim Rocciorum . VII. Antiqui ædificii cum gradibus, forte ad spectacula, in Tusculano monte vestigium.
TAB. III.	Lucullanum in Agro Tusculano, vulgo le Grotte di Lucullo, o il Centreone .
TAB. IV.	Lucullanarum Villarum in Tusculano subterranea Ædificia, quæ

qua sub Villa Roccia descendantibus atque rimantibus deprehenduntur, ad locum vulgo LI CENTRONI, aut LE GROTTES DI LUCULLO.

TAB. V. *Sub Villa Varesiana Piscina olim Lucullani.*

TAB. VI. *Ruinæ villarum Lucullanarum passim inter Marinum & Tusculum in Campis obviæ.*

TAB. VII. *Tusculanæ veteris Regionis & Conterminarum Exacta Descriptio.*

TAB. VIII. *Vera Delineatio Veteris Sepulchri Furiorum in Agro Tusculano detecti.*

TAB. IX. *Conditoria Cineraria una cum inscriptionibus in Sepulcro Furiorum Tusculano reperta.*

Ordo collocandarum Tabularum.

TABULA I. pagina 40.
 TABULA II. pag. 80.
 TABULA III. pag. 128.
 TABULA IV. pag. 128.
 TABULA V. pag. 128.

TABULA VI. pag. 128.
 TABULA VII. pag. 192.
 TABULA VIII. pag. 232.
 TABULA IX. pag. 232.





1940
1941
1942

